

გიორგი აღნიაშვილი
ქაბთგასაყარი



გიორგი აღნიაშვილი

ქამთბასაყარი

გამომცემლობა „იბერი“
2018

გიორგი აღნიაშვილი
ჟამთგასაყარი

რედაქტორი
დალი ყარაულაშვილი

მხატვარი
თეონა ყარაულაშვილი

ტიპოგრაფიკა
პაატა მამფორია

ISBN 978-9941-27-822-8

გულდასმით ნავიკითხე გიორგი აღნიაშვილის წიგნი „ჟამთგასაყარი“, რომლის რედაქტორობა და გამოცემა მე მხვდა წილად და ვფიქრობ, რა შემთხვევაში ვთქვა ამ გოლიათივით კაცზე, რომელსაც საგულეში წრფელი, მამულის სიყვარულით გაჯერებული სათუთი გული უძგერს. ამ ადამიანის სულის ძახილი ჰგავს აკვანს, სადაც პატრიოტული გრძნობით, ადათ-წესების პატივისცემით, ჩვენი მიწა-წყლის სიყვარულით, ჩვენი მუხის ფესვების სიძლიერით, ჩვენი ვაზის ნაჟურით გაჟღენთილი გრძნობა ირწევა, რომელიც მზის სინათლეს უერთდება და მკითხველის გულს და გონებას ათბობს და ანათებს.

წარმატება მინდა ვუსურვო გიორგის იმ რთულ აღმართზე, რომელსაც ის შეუდგა და მიჰყვება... და რომელსაც მწერლობა ჰქვია! მჯერა, რომ მისი გულწრფელი ფრაზები, რომელიც ქართველი კაცის, ჩვენი მიწა-წყლის, ჩვენი ერის დღევანდელ პრობლემებს დასტრიალებს თავს, ბევრს დაანახვებს სწორი ბილიკს და სწორ გზას წინ მომავლისაკენ!

გიორგი აღნიაშვილის სიტყვა კიდევ ერთი პატარა საძირკველია ეროვნულობისა და ქართველობისა, რომელზეც მომავლის მყარი კედლები აშენდება სამშობლოს სიყვარული რომ ჰქვია სახელად.

„ენა, მამული, სარწმუნოება“ ეს არის გიორგი აღნიაშვილის კრებულის მთავარი თემა, ტკივილი და სიყვარული!

**დალი ყარაულაშვილი
მწერალთა კავშირის გამგეობის წევრი,
ჟურნალისტი, პუბლიცისტი, დრამატურგი მწერალი,
ილია ჭავჭავაძის პრემიის ლაურიატი**

როდესაც ბატონ გიორგი აღნიაშვილის შემოქმედებას ეცნობი, არ შეიძლება შეუმჩნეველი დაგრჩეს მკითხველისთვის ადვილად აღსაქმელი და დასამახსოვრებელი ფერებით შემოთავაზებული ეპიზოდური თუ ძირითადი დეტალების სისადავე. ავტორი ადამიანის ინტიმური თუ ფსიქოლოგიური კონტაქტებით მკითხველში ცნობისმოყვარეობას ერთიორად აღვიძებს. ყოველ ეპოქას თავისი ლიტერატურული ხელნერა აქვს და არც ჩვენი დროის, 21 საუკუნის ქართველი მწერლები და პოეტები არიან გამონაკლისები. ხელოვნება უკვდავებაა და ამავდროულად ცხოვრებისეული გამოცდილებაც და მასთან წაგებული ომი არ არსებობს, რამეთუ მწერლის შემოქმედება ერთიანი მთლიანი ფენომენია. იგი შემოქმედის სიცოცხლე გახლავთ.

მწერალი სრულყოფილი მხოლოდ ხალხის სიყვარულით და აღიარებით ხდება, ვფიქრობ, რომ მწერალი მაშინაა „გამარჯვებული“ როცა მისი ნაწარმოები მკითხველის ყურადღებას იმსახურებს. დიას, სწორედ ეს არის მწერლის, როგორც შემოქმედის უდიდესი გამარჯვება. ბატონი გიორგი თავის ნაწარმოებებში თანამედროვეობის ურთულესი საკითხებით დატვირთულ, თემატურად უაღრესად მამტაბურ საკითხებს გადმოგვცემს მხატვრული ხერხებით და ღრმა ფსიქოლოგიური დეტალებით ახერხებს სიუჟეტის სრულყოფას, რასაც მისი ფანტაზიით შექმნილი პესონაჟები განასახიერებენ, რამეთუ ადამიანი ბუნების ყველაზე ლამაზი ქმნილება და სიცოცხლის გვირგვინია. ავტორს სწორედ ადამიანის სულიერ ფასეულებებზე აქვს ყურადღება გამახვილებული. ბატონი გიორგის შემოქმედება ნამდვილად დაიმკვიდრებს ადგილს ქართულ ლიტერატურაში.

ეს წიგნი არც პირველია და არც უკანასკნელი არ არის მის ლიტერატურულ ისტორიაში და ვფიქრობ, ავტორმა მოახერხა თავისი სიტყვა დაემკვიდრებინა.

წარმატებები ბატონო გიორგი.

ნანა ბერაია

ბატონ გიორგი აღნიაშვილის შემოქმედებაზე თაობები უნდა იზრდებოდნენ. ქართული ზვრებივით გაშლილი და მადლიანია მისი გულიდან ამოსული ყოველი ფრაზა! ალაღად, სადაღ, დამაჯერებლად მიაქვს მკითხველამდე სათქმელ-სანუხარი. სწორედ ამიტომ ასე ადვილად აღწევს მკითხველის გულამდე, რათა აგაფორიქოს, დაგაფიქროს და შეგახსენოს „ვისი გორისა“ ხარ! წარმატებები ბატონ გიორგის! ქართველ მკითხველს კი ვულოცავ ამ შესანიშნავი კრებულის დაბადებას!

პატივისცემით ხათუნა შავგულიძე

პატივცემულო მკითხველო!

სასიხარულოა, რომ დღის სინათლე იხილა შესანიშნავი პროზა-იკოსის, ბატონი გიორგი აღნიაშვილის ამ ნათელმა და ქართული სულიერებით აღსავსე წიგნმა. ჩემის აზრით, კრებულში შესული ნაწარმოებები ახალგაზრდობის ზნეობრივ აღზრდას მოემსახურება, რადგან ისინი გაჯერებულია ქრისტესმიერი სიყვარულის, სამშობლოსადმი თავდადების, ადამიანური კეთილშობილების, სიკეთის, უანგარო მეგობრობისა და შრომისმოყვარეობის მაგალითებით.

თავისი შემოქმედებით ბატონი გიორგი ეხმაურება მამულისათვის საჭირობოროტო საკითხებს და მკითხველს პრობლემების საკუთარ ხედვას სთავაზობს. აღსანიშნავია წიგნში ასახული ისტორიული წიალსვლები და წარსულში მომხდარი მოვლენების ავტორისეული გააზრება. კრებულში შესული ნაწარმოებები განკუთვნილია ყველა ასაკის მკითხველისთვის, ავტორის თხრობის სტილი და ენა თანამედროვე და ყველასათვის გასაგებია, ნაწარმოებების პერსონაჟები კი კოლორიტული და დასამახსოვრებელია.

ვულოცავ ბატონ გიორგისა და მისი შემოქმედების თაყვანისმცემლებს ახალი, მეტად საინტერესო წიგნის დაბადებას და ვფიქრობ, რომ იგი მკითხველის ერთ-ერთი საყვარელი წიგნი გახდება.

მაია მახარაშვილი
მწერალთა კავშირის წევრი,
მარიკა ბარათაშვილის სახელობის პრემიისა და
პროზა-პოეზიის პრემია „ივერიის“ ლაურიატი,
პოლიციის პოლკოვნიკი.
17. 10.2017.
„საზოგადოების ერთგული მსახური“

გიორგი აღნიაშვილი ინდივიდუალური ხელწერის მქონე, ამოუწურავი შესაძლებლობების მწერალია, რომელიც „საზოგადოების ერთგული მსახურის ფიცს“ არასდროს ღალატობს. მისი შემოქმედება ისეთივე მრავალფეროვანია, როგორც თავად სამყარო, არაერთგვაროვნად დინამიური და შთამბეჭდავი. უკვდავი კლასიკური ლიტერატურისა, თუ მდიდარი ზეპირსიტყვიერების ნიმუშებით ნასაზრდოები, გარემოპირობებთან ჭიდილში, სამყაროს შეცნობადობის პროცესში გამონრთობილი მწერლის ხედვა ყველაფერს სწვდება, რაც მის გარშემოა. იგი ყველა მოვლენას თავისებურად აღიქვამს, განიცდის და გონების ფილტრში ატარებს. ცოდნასა და ინტელექტთან ერთად, მსუბუქი იუმორით გაჯერებული მისი აზროვნება, პოეტურად ხატოვანი და სიღრმისეულია, ენა — მსუბუქი, თხრობა — დამაჯერებელი, მაშინაც კი, როცა წარმოსახვით, ილუზორულ სამყაროს ქმნის და არცთუ იშვიათად, უსულო საგნებსაც ასულიერებს...

მწერალი კარგად იცნობს ცხოვრების ცალკეულ გამოვლინებას. მან იცის სიყვარულის, მეგობრობის, ერთგულების, ოჯახის ფასი. მას კარგად აქვს გათავისებული სხვადასვა პროფესიის ადამიანების საქმიანობის ნიუანსები და მათი ყოველდღიური რუტინა, რომელთა აღწერისას, იგი დიდი პასუხისმგებლობით, სიმართლის გრძნობით, მიზანმიმართულად ინარჩუნების აზრის მხატვრული ხერხებით გადმოცემის ტრადიციულ ფორმას და მყარად დგას ეროვნულ ნიადაგზე, სამწერლო კულტურის იმ ლონიერ ფესვზე, ქართული სიტყვის მადლს რომ გაგრძნობინებს და სამშობლოს კიდევ უფრო მეტად შეგაყვარებს, თუმცა ასევე ოსტატურად ახერხებს იგი ადამიანის ფილოსოფიურ — ფსიქოლოგიური პორტრეტის დახატვას და შინაგანი „მეს“ გახსნას, როგორც პროტოტიპის შექმნის, ისე მისგან დამოუკიდებლად არსებული პერსონაჟის საკუთარ თავში ჩაღრმავებისა და შინაგანი სამყაროს „გამიშვლების“ თვალსაზრისით, რაც ავტორის შემოქმედებით მრავალფეროვნებას განსაზღვრავს...და მაინც მწერლისთვის მთავარია — „ადამიანში ეძებოს ადამიანი“.

ბადრი სულაძე
პოეტი. საქართველოს მწერალთა კავშირის წევრი

... უკვე მეოთხე წელია, რაც ბატონ გიორგისთან ვმეგობრობ, მის შემოქმედებას ვიცნობ და სულ ვფიქრობ — რა საოცარია ბუნება, არა?

გიორგის პროფესია — ჰიდრო-ინჟინერი...

თითქოს არაფერი აქვს საერთო ლიტერატურასთან...

... და მაინც ძალიან დიდი სალიტერატურო გზა... ნაწარმოები, აღსავსე ადამიანური სიყვარულით, გმირები საოცარი ადამიანები, რომლებსაც სწამთ სიკეთის, ახლოს არიან ღმერთთან. სწორედ ამ ადამიანური ურთიერთობების შესახებ მწერალს თავისი შეხედულებები აქვს. უყვარს მშრომელი ადამიანი, პატივს სცემს მას. მისი რესპოდენტები გონიერი, მოაზროვნე ადამიანები არიან. საოცრად სათუთი დამოკიდებულება აქვს ბავშვების მიმართ. მოსწონს პატარების გულწრფელობა, პატივს სცემს მათ აზრს, წრფელ დამოკიდებულებას ერთმანეთის მიმართ. თითქოს სხვა სამყაროა, ნათელი და წრფელი, მეგობრობა მყარი, უშურველი, ისეთი, როგორიც თავად იცის!

ბატონი გიორგი გასაოცარი დაჟინებით დაეძებს სიკეთეს ადამიანებში და როცა აღმოაჩენს ბედნიერია. ამის ნათელი მაგალითია მისი, ინტერვიუ გლეხთან, სადაც საუბარია იმაზე თუ როგორ უნდა მოიპოვო სიყვარული, ბედნიერება, რომელსაც მერე მთელი ცხოვრება უზიარებ სხვას და რაც უფრო მეტს გასცემ, მით უფრო მდიდარი ხარ. რა უნდა იყოს ამაზე უკეთესი მონაპოვარი. მწერალი ყველა მტკივნეულ, მაგრამ ჩვენთვის სასიცოცხლო საკითხებს ეხება. „ინტერვიუ პოლიტიკოსთან“ — აქ მწერალი გვიზიარებს საინტერესო მოსაზრებებს, მისი აზრით „არ შეიძლება იმის ქადაგება, რასაც თავად უარყოფ...“ მაგრამ ჩვენს სინამდვილეში, სწორედ ასე ხდება.

მწერალს ანუხებს, რომ თანამედროვე საზოგადოების დიდი ნაწილი მოტივირებულია საშოვარზე. ადამიანები, რომლებიც საზოგადოებას მოუწოდებენ ქადაგებით, ვერაფერს აძლევენ ხელჩასაჭიდას და გონივრულს ამ უკანაკნელთ. მათი ქადაგება არ შეიცავს არაფერს ისეთს, რაც ადამიანის სულის გამოჯანსაღებას ემსახურება, რაც ერის გამთლიანებისაკენ წაგვიყვანს. ვინ უნდა იზრუნოს ადამიანებზე, საით მივყავართ სისტემას, რომელიც ამ უკანასკნელთა კეთილდღეობაზე ფიქრით უნდა იყვეს დაკავებული.

... აი, ეს სანუხარი ჩანს მწერლის შემოქმედებაში, სანუხარი, რომელიც მხოლოდ შეჭვივრებულს სტკივა და საშველს ვერ ხედავს, იმიტომ, რომ მისთვის არავის სცალია.

... ერს გულშემატკივარი სჭირდება, იგი კი არსად ჩანს.

გიორგი აღნიაშვილის გმირები თავს დაცულად ვერ გრძნობენ, მათ თავისი სიმართლე აქვთ, ისინი ცდილობენ ადამიანების ცნობიერებაში შეაღწიონ და თავისი სათქმელი თქვან. ადამიანები გრძნობენ, რომ რალაც ისე არ არის, როგორც უნდა იყოს. თითქოს გზას ავცდით და წინამძღოლიც არსად ჩანს. ამიტომაც ასაუბრებს გლეხს და პოლიტიკოსს. გიორგი აღნიაშვილის გლეხი, ქართული თავაზიანობით ქადაგებს სიბრძნეს. მისი საუბარი მარტივია და გულთან ახლოს მიდის.

...საით მივდივართ, საით მივექანებით? ფიქრობს მწერალი და ჯანსაღი აზრის ძიებაში სასაუბროდ ინვევს ადამიანებს: მშრომელ გლეხს თავისი მიუკიბავ-მოუკიბავი პასუხებით, პოლიტიკოსს, რომელიც თავად სიმართლის ძიების პროცესშია, მანდილოსანს, რომელიც ლამაზი, ბავშვური სიყვარულისა და ერთგულების ამბავს ჰყვება ზღაპრული დასარულით...

მწერალმა ამ წიგნით თავისი სათქმელი თქვა და „ჩვენი დროც ამოიწურა...“

აქ ყველაფერი შენზეა მკითხველო...

წაიკითხე, ბოლო სიტყვა ყოველთვის შენ გეკუთვნის!!!

ინგა გოგიბერიძე
2017 წელი. 21 ნოემბერი

ისეთი მწერალს, როგორცაა გიორგი აღნიაშვილი, ვფიქრობ, თავის ნოველებში ტექნიკა დაფუძნებული აქვს ზეპირი თხრობის ტრადიციაზე. მომხიბლავად მოთხრობილი ამბები ღრმა შთაბეჭდილებას ახდენს მკითხველზე, ის აკმაყოფილებს დღევანდელ მოთხოვნებს, საიმედო კავშირს ამყარებს ცხოვრებისეულ საფუძველებთან, აბსტრაქციებში გაბედულად ეფლობა, არ ავინწყდება სიუჟეტი და არასოდესწყვეტს კავშირს მასთან.

მწერალი იზიდავს მკითხველს განყენებულ ფიქრებსა და მრავალრიცხოვან ასოციაციურ კავშირებში უდიდესი შინაგანი ძალით. მწერლისეული შეხედულება ხშირად ტრაგიკომიკურ შემთხვევაზე იქმნება, მაგრამ განსაკუთრებით მუხტავს მას სულიერი მდგომარეობა ადამიანისა და ჩვენს წარმოსახვას მიაქანებს მაღლა. ის რაციონალურად აგებს სინთეზური თხრობის სახეს. მწერალი იყოლიებს მკითხველს და არამც და არამც არ ეყრდნობა მკითხველის მოწყალე დამოკიდებულებას, არამედ მოქმედებს გრძნობებზე. მისი ნოველები გარკვეულად პრეტენზიულნი არიან და ახდენენ ზემოქმედებას სულიერ სამყაროზე. ნოველები მაღალმხატვრულია, ზოგიერთი ნოველა ელეგანტურიც კი არის, ნოველის ჟანრში მწერალი თითქოს რაღაც დიდი ტვირთისაგან თავისუფლდება, რადგან ზოგი მათგანი ვულკანის ამოფრქვევას ედრება, სადაც მკაფიოდ ჩანს მწერლის ინდივიდუალობა.

დავით არახამია

ბატონი გიორგის მოთხრობები გამოირჩევა საოცარი დინამიკით, სინაზით, სისადავით, აქტუალობით, სადაც მთავარ პრიორიტეტებს ავტორი ანიჭებს ადამიანურ გრძნობებს, ურთიერთობებს, სამშობლოს სიყვარულს. სულის შემძვრელია თითოეული მისი მოთხრობა სადაც ავტორი გვერდიდან გვანახავს ცხოვრებას, მთელი თავისი სინამდვილით და სიმუხთლით.

ბატონი გიორგი, დიდაქტიკოსი მწერალია.

ავტორი თავის მოთხრობაში „ბედნიერების ლომბარდი“, მთელი სიზუსტით, გადაუჭარბებლად მოგვითხრობს და გვიხსნის ბედნიერების არსს, თუ რა არის ადამიანისთვის მთავარი, ფული თუ ბედნიერება. მისი დიალოგი ლიუციფერთან, ბედნიერების ფენომენის განსაზღვრაა, მთელი სინამდვილით და სისასტიკით გადმოცემული.

მეტად გულისამაჩუყებელია მოთხრობები: „წერილი დედას“, სადაც ავტორი ნათლად ასახავს, ემიგრანტი შვილის გაუცხოებას სამშობლოსთან და მშობლებთან. აგრეთვე, „პირველი გადასწერეთ სამხრეთს“, საოცარია, რომლის წაკითხვაც ცრემლის გარეშე შეუძლებელია.

„სულიერი ასული“ , ეს მოთხრობა ჰუმანიზმის, მამაშვილური, ნათელ-მირონული გრძნობების და მოვალეობის ნათელი დასტურია.

რომელი ერთი მოთხრობა დავასახელო ისეთი, სადაც ვერ იგრძნობთ ავტორისეულ სინაზეს, სიფაქიზეს, ვაჟკაცურ შემართებას, ცხოვრებასთან მებრძოლი ადამიანის რეალურ ისტორიებს, რომელიც სამაგალითო და ყურადსაღებია.

ალბათ არ არსებობს მკითხველი ბატონი გიორგის ეს მოთხრობები რომ არ მოეწონოს. მისი დახვეწილი ქართული თხრობით და ოდნავ ქალაქური სლენგით.

დიდებულია, დიდებული! წარმატებებს ვუსურვებ ავტორს. მრავლად შეექმნას ასეთი ლამაზი ისტორიები და გაეხარებინოს ქართველი მკითხველი.

მანანა ტონია

ქვეყნის თვალსაზრისით

ლიტერატურის გაცნობილი

გაცნობილი 1

— ბავშვებო დასხედით და გთხოვთ ნუ იხმაურებთ — მოგვმართა დამრიგებელმა გაიცანით, ჩვენი კლასის დამრიგებელი, საშუალო სიმაღლის, ოდნავ სრული, მრგვალსახიანი, თბილი, ბრძღვილა თვალებით. ტკბილმოუბარ და სათნო ადამიანს ჩააბარეს ჩვენი აღზრდა, ხო, აღზრდა, თორემ ჩვენისთანა კლასს სახრით და კომბლით თუ მოარჯულებ.

— გიორგი!

მომმართა დამრიგებელმა.

— შენი აზრით ვინ არის პოეტი?

— ლექსებს ვინც წერს მასწ.

სხაპასხუპით მიუგე მე.

— ხო, გიორგი, პოეტი ლექსებით წერს მარადისობის, სულისა და ადამიანთა ვნების ქარტეხილის მუდმივ ეპოპეას, მე მინდა თქვენი, თითქმის თანატოლი პოეტის ლექსი შემოგთავაზოთ.

მასწავლებელი ფეხზე წამოდგა და კლასი გაისუსა.

„მინდა მგრძნობდე როგორც სინათლეს,
დაუშრეტელს და დაუსაბამოს...
მინდა მგრძნობდე როგორც სინაზეს,
ვარლთა სუნთქვას და სევდას უცნაურს,
მე მინდა მგრძნობდე როგორც გაყინულ
მიწის საბაზზე დარჩენილ ყვავილს.
მე მინდა მგრძნობდე როგორც ბავშვის გულს,
უბოროტოს და ტირილით დაღლილს.
მე მინდა მგრძნობდე თეთრი ხელებით...
თოვლის ზეწარზე დაფარნილ ფიფქად...
თვალს მაყოლებდე როგორც ანგელოზს,
ნაცნობ ზღაპარში ბავშურად მცინარს.
მე მინდა მგრძნობდე როგორც სიყვარულს,
ლაქვარდის ზღვაში აფარდნილს ტალღად...“

**და ხარბად მხვრეპდე თეთრი მკლავებით,
და ჩემი ლელვა დაგდეველეს მარად...“**

მასწავლებელმა ლექსი დაასრულა და გადმოგვხედა, ალბათ ჩვენ თვალებს აკვირდებოდა...

— პოეტი სივრცეა, ცისარტყეელაა, წვიმის წვეთებში მზის სხივების ნაირფერად აკიაფება. პოეტი ამბობს: — „მე მინდა მგრძნობდე როგორც სინათლეს, დაუშრეტელს და დაუსაბამოს“. შემოქმედება, ეს ის ფენომენია, რომლის ასაკი, ეპოქალური მაჯისცემით განისაზღვრება და არა მისი „დღევანდელი“ აღქმით. როგორ გგონიათ, ლექსი გართმულ სიტყვათა ერთობლიობაა? სცდებით, პოეტი ამბობს: — „სულის სიმძიმე სხეულით დამაქვს, დარდმაც იპოვა თავშესაფარი“. სულის სიმძიმე, სულიერი, მორალური და საზოგადოებრივი ზნეკეთილობის გაუფასურებით გამოწვეული სიმძიმეა, ისიც ამ საზოგადოების წევრია და იქნებ საზოგადოების ლიბერალურმა დამოკიდებულებამ მანკიერების მიმართ, ათქმევინა პოეტს: — „დარდმა იპოვა თავშესაფარი“.

რას ეძებს პოეტი? სიტყვაკაზმული სიტყვებით გაჯერებულ თავმომწონე სტრიქონებს? ის ამბობს: — „ღვიძლი სისხლს სულის ტკივილით წამლავს, შხამმაც იპოვა თავშესაფარი...“. „ღვიძლი სისხლი“ — ეს პოეტის მრწამსია, კრედოა, ეს შინაგანი „მე“-ა, რომელიც უგნური დროებით გამოწვეულ სასონარკვეთას და სულიერ ტკივილს დაუპყრია, დიახ, მთლიანად აუფსია პოეტის „არსი“.

იმედგაცრუება, გაუცხოება, მარადიულ ფასეულობათა უარყოფა, აი ეს არის „შხამი“, რომელიც წამლავს ადამიანს...

— მასწ, ეს გოგო ისეთ ლექსებს წერს, რომ გეგონება ერთი ცხოვრება უკვე გაუვლია და...

— შემოქმედი ადამიანი, ეს იქნება პოეტი, პროზაიკოსი, მხატვარი თუ სხვა დარგში მოღვაწე ხელოვანი, ცდილობს შექმნას ფასეულობა, რომელიც დროის კანონებს არ ემორჩილება, პოეტი საკუთარ გულში აგებს ტაძარს, სიმართლის და ზნემალალი იდიალებით გაჯერებულ ხატებას, რომლსაც კურთხევას საზოგადოება აძლევს და სიმართლით ემსახურება მარადიულ ჭეშმარიტებას.

მასწავლებელი გაჩუმდა, კლასს გადახედა. მეტყველი, თბილი თვალებით გვიმზერდა დამრიგებელი...

— ბავშვებო! ხვალისთვის მოამზადებთ თავისუფალ თემას, ახალ-გაზრდა პოეტის შემოქმედების თქვენეულ ხედვას გაგვიზიარებთ. მე მინდა მისი ერთი ლექსი წაგიკითხოთ, რომელიც ძალიან მომეწონა.

„უკვე გაუშლიათ თმები, სველი შემოდგომის ქარებს...
ძაძებს იხურავენ მთები, ხენი მიაგვანან გვაძებს...
ჩემი მოკისკისე ქუჩა, უკვე ავსებულა კვამლით...
კვდება სიცივისგან მუზა, მაინც ფენშიშველი დადის...
მუზა — გოგონაა ცილა, მძიმე — უსაშველო ღარდით...
ხშირად ენარცხება მიწას, ხშირად — მწვერვალზეც დადის...
სული არ ატკინოთ ოღონდ, მას არ ეშინია ყინვის...
მხოლოდ სიყვარულით ცოცხლობს, შორის ზეცისა და მიწის...
მუდამ ილამა ზებს ფიქრებს, უფრო უმიწოა მგონი..
უფრო უსხეულო ვიდრე — თითზე ჩამომდნარი თოვლი..
მუდამ უძილოა მუზა, მუდამ თვალებს იფშენეტს ღიღროს..
მხოლოდ მოფერება უნდა, მხოლოდ მოფერებას ითხოვს...“

— მოგეწონათ ბავშვებო? ახლა კი საშინაო დავალებაზე გადავი-
დეთ...

— ოოოო, რა უდროოდ ჩამოჰკრა უბედურების ზარმა.

აღმომხდა მე.

— ხო ძვირფასო, დაფასთან გამოდი გიორგი.

შეუვალი იყო პედაგოგი ვითარცა ბირთვისის ურღვევი ბჭენი.

*ქვეყნის შესანიშნავ ქართველ პოეტს
ხათუნა შავგულიძეს*

ლიტერატურის ბაკვეთილი 2

თავისუფალი თემა.

— გიორგი, შენი თემა წაგიკითხე.

მომმართა მასწავლებელმა. რვეული დინჯად გადავშალე და და-
ვინყე კითხვა.

— ...თემზის ნაპირებს მიუყვება ფიქრადქცეული... იქნება, იქაც ეფერება მთანმინდის ღამე... ლექსი აღმოხდა... თქვენ ეს მხოლოდ ლექსი გგონიათ?...ლექსი არ არის, გულის სიმებით ქნარი გამართა და მას აკვნესებს, ყური მიუგდე:

„სამშობლოვ ჩემო, ჩემი გული ხარ,
ჩემი სისხლი და ჩემი ფესვები.
სადაც არ უნდა ვიყო, მოგძებნი,
მოვალ და ისევ მოგეფერები!
სამშობლოვ ჩემო, ფიქრის ტეფრი ხარ,
ჩემი ღარდი და ჩემი ტკივილი,
სადაც არ უნდა ვიყო, ჩაძესმის,
მაგ მაღლიანი მიწის ყივილი.“

იქ, ალბიონის ცივი ნისლეები, გულს უგრეილებენ ნატვრით დაღარულს... ქალის სისუსტე ვინ მოიგონა?! განა, ვინ არის ასე ჯაბანი?! ნლები-ქორები, თავს ესხმის დედას სამი ვაჟისას და ახსენებენ... და გაჰკვივიან იმ დროს გარდასულს, მომავალს, ხვალეს, რომ წარსულად გარდაიქცევა და ჩაიცილება სადღაც სივრცეში:

„არ არის შორი მარტი, აპრილი,
ხელად გაიფრენს ცივი ზამთარი,
მარგამ საქმეა სწორედ ამაში,
აღარაფერი შორი არ არის...
შორია, მხოლოდ ის, რაც წავიდა,
თვალდახელშეუა გამქრალი წლები,
ქვიშის საათში ჩაცლილი ქვიშა
ვით, თითებშეუა ჩაღვრილი წყლები...“

რას ნატვრობ, ნეტავ?... თუ ფიქრობ მასზე — სოხუმის თავზე მების გავარდნას?... იქნებ... ბედიის ზარების გრიალს? თუ ქვად ქცეული აკლდამის ჩრდილი გათბობს ვით დილის პირველი სხივი?... ყური მიუგდე:

„მინდა, ღვთისმშობლის ხელთ ნაქარგი
თეთრი მანდილი, წმინდა ზე-წმინდა,
გეფარებოდეს კილით-კიდემდე,
განრიდებოდეს განსაცდელს მინდა.“

მინდა შენს ზეცას ფარად ეფაროს
წმინდა გიორგის ფარი ჯვრიანი,
რომ დასეტყვილი შენი ქედები
ალარ მებნლოს მკერდსისხლიანი!“

თემზის ნაპირებს მიჰყვება ქალი, გულთან ახლოს ზარს გამოს-
ცემს ქნარი... აბა, ნახე, როგორ მღერის:

ნაადრევად ჩამოთოვა თითქოს...
თავს მანსენებს იღუშალი სევდა.
ეჰ, რამდენი და ზამთრება იყო,
ეჰ, რამდენი გაზაფხულის ელვა.
სულოს ათასი მოგონებით ვითობ...
გარეთ კიდევ უსასრულოდ ბარდნის...
ეჰ, როგორი სიყვარული იყო,
ეჰ, როგორი განშორების ღარდი...“

იქ კი.. ალბიონს, თემზის ნაპირს, შექსპირის სონეტს მღერის მდი-
ნარე... ქალი გასცქერის აღმოსავლეთით, თბილისს მშობლიურს, შო-
რიდან ეტრფის...

„ეჰეი, თბილისო! ისევ თენდება,
ისევ გშვენდება დილა მტრედისფრად.
ეს მერამდენედ, ღამე ვთენდება,
ხან შენს მონად და ხან შენს ვეზირად.
სანამ ეს გული წამებს მიითვლის,
სანამ ეს ხარბი თვალეები შეგსვამს,
სანამ მწირი ვარ ყველა ბილიკის,
რომელსაც შენი ზღაპარი შემრთავს...“

ლონდონის ცა კი, მოქუფრულია... ნვიმა ჯიუტად მონოტონური...
ქალმა მომწყდარი ცრემლი დალია, კვნესა აღმოხდა ემიგრანტული:

„ოდესმე, ჟამი წამართმევს ფიქრებს,
შენს გრძნეულ ფურცლებს ვერ გაფიცებს,
შეფუერთდება ჩემს ამქრებს-ფიქრებს
და იქიდანაც შენთვის ვილოცებს!“

თემზის ნაპირს მიუყვება ქალი, ფიქრს არ იმჩნევს, ღიმილს უძღვნის შვილებს, აგერ იქით მიაბიჯებს ბიჭი, ტანაყრილი ქართულ ღიმილს აფრქვევს...

— „დეე აქ რა გინდა ასეთ წვიმაში? თბილისზე ფიქრობ? ხო შენ იქა ხარ... ცრემლს ვერ გიმაღავს წვიმა სახეზე“... და მზრუნველი მკლავი დედას მოხვია.

— „ახლა თბილისში თენდება შვილო, ალიონია ედემის დარი, სიონის ზარი გუგუნით ბორგავს, სამება ლოცავს მხარეს დალცვილს“... იქ კიდევ ორნი მოიჩქარიან.

— „დედა, რა მოხდა ? ასეთ ამინდში რა გასეირნებს თემზის ნაპირას? გადარეული დაგეძებთ ყველგან... კიდევ რალაც გვაქვს შენთვის სათქმელი... სად არ გეძებეთ, გვაფეთიანებ, ფიქრით იქ იყავ?... ხვა-ლე მივფრინავთ... აი ბილეთი... მივფრინავთ მზიურ საქართველოში!..

კურთხეული ხარ ქალიც და დედაც, ოთხი რაინდის ზრუნვის საგანი, თბილისი... თბილისი გულს გადაგიშლის ლონდონს შეხიზნულო დაო.

ლექსად დაიღვრები, ლოცვად აღინთები და არ დამთავრდები...

„იდექ ციხედ და იდექ ბერმუხად!
და თუ დაგქროლებს სასტიკი ქარი,
თუ დაიწვევი ტანწვრილ ლერწმებად
წამოიძარათე, ვით ამორძალი!
ვილოცებ, ვიტყვი: -იდექი ტაძრად,
რომ შენს კედლებში სანთლად ავინთო,
იდექ, სიკეთის ხუთჯვრიან ფარად,
ბერმუხად იდექ, ჩემო თბილისო!“

— როგორია მას? ხომ კარგია ?

თავმომწონედ შევხედე მასწავლებელს

— ორიანს გინერ გიორგი, აქ შენი არაფერია.

— მასწ, ლექსის რითმები, სიცოცხლის რიტმები, სულის სიმფონია ნოტებს რომ ხლართავს, ნატვრის აკორდები, განცდის პრელუდია, უსმინეთ მუსიკას გამებად ახლავს. მისი პოეზია ძალიან დიდია, ოკეანეს ჰგავს ფაფარაშლილს, ფიქრის ზვირთებით და იდუმალი სიღრმე იმედის, ინახავს სიყვარულს, გრძნობებს გრგვინვით კლდეს მიანარ-

ცხებს... თქვენ რას მთხოვთ? მე ნაფოტს, ტალღის გაპობას მისი მუ-
ზების ოკეანეში? უსამართლობაა, უსამართლობა მასწ...

*ედვინება საქართველოს ერთ-ერთ დიდებულ ადამიანს,
ქალბატონ ინგა გოგიბერიძეს*

ლიტერატურის ბაკვეთილი 3

თავისუფალი თემა ოჯახი

- მამიკოოო, მომიყევი რა ზღაპარიიი...
- კარგი, იმ პირობით თუ მერე დაიძინებ.
- ხოოოო მაააა...

— იყო და არა იყო რა, იყო ერთი დიდი ბუხარი, მონყენოდა ბუ-
ხარს, გარეთ ზაფხული იდგა, ცხელოდა და ცეცხლს ვინ დანთებდა ?
სციოდა ბუხარს, მისი კედლები ჭვარტლით იყო გაშვეებული, არავინ
ყურადღებას არ აქცევდა. ნატრობდა ზამთარს, იმ დროს, როცა და-
ლოცვილი ცეცხლი გუზგუზებდა მასში, ხო-ხო-ხო-ხო, მთელ სითბოს
სახლში აფრქვევდა, სახლის კედლებიდან სიცივეს სდევნიდა, რომ პა-
ტარებს არ შესცივნიდათ, ხანდახან მწვადებსაც უწვავდა თავის პა-
ტარა მეგობრებს, იხსენებდა და იხსენებდა ზამთარს, ზღაპრები და
ყურმოკრული ამბები ხომ იცოდა და იცოდა...

დადგა ზამთარი, გარეთ ისე ბარდნიდა რომ ზეცა ხელის გუ-
ლის ოდენა ფანტელებს აბნევდა დედამინაზე, ბუხარიც თავმომწონედ
გიზგიზებდა. ერთ საღამოს ბებიამ ბავშვები ბუხრის პირას დასხა და
ზღაპრის მოყოლა დაიწყო.

თურმე ერთ ადგილას დიდი ტყე ყოფილა, ცუდმა ძიებმა ხე-
ბი გაჩეხეს. ჩიტუნებს ბუდეები დაუნგრიეს, დათუნიებს, ირმებს და
სხვა ცხოველებს ბუნაგები, სოროებიც კი გააჩანაგეს ხის მჭრელებმა.
დაღონდნენ ტყის მცხოვრებნი, რა უნდა ექნათ? როგორ გამოეზამ-
თრათ? შვილები როგორ გამოეკვებათ?

- უჩინარი ტყისკენ წავიდეთ, იქნება მივაგნოთ...
- ჩაიდუღუნა დათუნიამ.

— მე ვიცი გზა.

აჭიკჭიკდა შაშვი.

— მომყევით და მე მიგიყვანთ მაგ ტყესთან.

ყველანი შაშვს გაჰყენენ. შაშვმა შორიახლოს ქალასთან შეაჩერა ტყის მეგობრები და უთხრა:

— უჩინარი ტყე იქ არის, იმ ორ მუხის შორისაა კარები, იქ მხოლოდ ისინი შევლენ ვისაც გული სუფთა აქვს და მეგობრობის ფასი იცის, ახლა კი ნავიდეთ მუხებთან...

ორი მუხის შორის მიდიოდნენ ტყის მეგობრები, ჩიტუნები და ცხოველები, მხოლოდ მგლები ვერ შევიდნენ შიგნით, საშინელი ყმულით დაძრწოდნენ მუხების გარშემო. უზარმაზარ ტყეში შევიდნენ ტყის მეგობრები, თვალებს არ უჯერებდნენ, აგერ მუხები, იქით ნაბლი და ნიფელი, ვაშლის ხეები, მინდორი ათასფერი ყვავილებით იყო აჭრელებული, მარწყვებით იყო გადაპენტილი მდელო. დათუნებმა რკოს და ნაბლის მოგროვება დაიწყეს, ჩიტუნებმა ბუდეები აიშენეს და შიგ ბარტყები ჩასვეს, ზღარბებმა თავიანთი პანანინა ეკლებით ვშლების მოგროვება დაიწყეს, ტყე ახმაურდა, ნაკადულები ლალი რაკრაკითა და ჩუხჩუხით ესალმებოდნენ და ემასლაათებოდნენ ახალ მეგობრებს. ყველა ერთმანეთს უღიმოდა, ერთმანეთს ბუნაგის გაკეთებაში ეხმარებოდნენ... ერთხელ კარის მცველმა დათუნამ მეგობრებს გასძახა:

— მოდით, მოდით, კარებთან ვილაც ბავშვები დგანან, ისინი ჩვენ ვერა გვხედავენ, მაგრამ ეტყობათ რომ სცივათ, მშვივრები არიან და ალბათ სახლკარიც არა აქვთო.

მოგროვდნენ ტყის მეგობრები და მეზობლები. რა ექნათ? შემოეშვათ ადამიანები უჩინარ ტყეში თუ მიეტოვებინათ?

— თავის გზაზე ნავიდნენ, მათმა მამებმა ბუდეები დაგვინგრიეს... ახმიანდნენ ფრინველები.

— მათმა მამებმა ჩვენი ტყე გაანადგურეს...

აღრიალდნენ ცხოველები

— მოიცათ!

დაიღრიალა ლომმა.

— ეს ბავშვები მიუსაფარნი არიან, უსახლკარონი და მშვივრები, ისინიც ადამიანებმა განდევნეს, მართალია ადამიანებმა გაგვიჩანაგეს ტყე, მაგრამ თუ ჩვენ ამ ბავშვებს სიკეთეს გაუწყულებთ, დავაპურებთ

და გავათბობთ, იქნებ მოუყვნიენ თავის თანამოძმეებს ჩვენი სიკეთის ამბავი და იქნებ აღარ გააჩანაგონ ასე უმონყალოდ ტყეები, შეიძლება ბავშვები აღარც კი წავიდნენ აქედან... ვინ იცის... ადგილი კი ყველას გვეყოფა.

— მართალია ლომი.

თქვა ირემმა.

— შემოუშვით ბავშვები უჩინარ ტყეში, დათუნია, გაულე კარები.

დათუნამ კარები გააღო, კარებში ორი გოგონა და ორი ბიჭი შემოვიდა, შიშით უმზერდნენ ტყის მეგობრებს.

— ბავშვებო!

მიმართა დათვმა.

— მიგიღებთ როგორც ჩვენს შვილებს, მოგივლით და საქმელ-სასმელს არ მოგაკლებთ. აქ, ჯადოსნურ ტყეში ჩვენ ერთმანეთის სიხარულით და მეგობრობით ვცხოვრობთ, ერთმანეთის თანადგომა გვაძლიერებს, ესაა ჩვენი წესი და თუ თქვენც ამ კანონით იცხოვრებთ ბედნიერება არ მიგატოვებთ, თუ ბოროტებას გაივლებთ გულში აქედან გაქრებით და უკან დასაბრუნებელ გზას ვერასოდეს ველარ იპოვით, გაიგეთ ბავშვებო?

— დიახ.

უპასუხეს პატარებმა.

ცხვრებმა და ძროხებმა ცხელი რძე, ყველი და მანონი მოურბენინეს, ფუტკრებმა ზუზუნით თაფლით სავსე ქილა მიართვეს, ჩიტუნებმა კი მხიარული სიმღერა წამოიწყეს. ასე დარჩნენ პატარები უჩინარ ტყეში. როცა გაიზარდნენ და დიდ ქალაქში წავიდნენ საცხოვრებლად, იქ უყვებოდნენ სხვებს უჩინარი ტყის საოცარ ამბებს, მაგრამ არავის სჯეროდა, ამბობდნენ ზღაპარიაო.

— მოგეწონა ჩემი ზღაპარი შვილო?

— მათ... ეგ როგორი ზღაპარია? არც ჯადოქრები, არც ფერიები, არც დევები და არც გულადი რაინდები...

— ყველაზე დიდი ზღაპარი სიკეთე, ერთგულება და სიყვარულია შვილო.

დედიკო, იქვე ბავშვის სანოლთან ატუზულიყო და მდუმარედ უგებდა მამა-შვილის საუბარს ყურს.

— ჩემი მეოცნებე შვილოკო და მამიკო.

ლიმილით წარმოთქვა დედამ. მერე ბავშვს მიუახლოვდა საბანი გაუსწორა და აკოცა.

— ძლინებისა ჩემო სიხარულო.

ქმარს შეხედა, ხელები მოხვია და ლოყაზე ნაზად ეამბორა.

— დედიკო, შენ მამიკო გიყვარს? — მიმართა პატარამ.

— ხო შეილო.

უპასუხა დედამ.

— მამიკო შენც გიყვარს დედიკო?

ისევ იკითხა ბავშვმა.

— ხო მამიკო, მეც მიყვარს ჩვენი დედიკო.

— ესეიგი ზღაპარში ვცხვრობთ? რა კარგია...

— ახლა გადაბრუნდი და დაიძინე, მე და მამიკომაც უნდა დავიძინოთ.

პირზე ლიმილი დასთამაშებდა ბაღლს, ალბათ უჩინარი ტყე ესიზმრებოდა პატარას.

ბუხარმა ბევრი შეშა ჩაიყარა მუცელში, ნელ-ნელა წვავდა შეშას, რომ დილამდე სითბო არ მოკლებოდა ოჯახს.

ეძღვნება ქალბატონ მაყვალა დავლაძეს

ლიტერატურის გაკვეთილი 4

თავისუფალი თემა.

ერთი ქალი.

რას ნიშნავს „ერთი ქალი“? ჩემს კლასელ გოგონებს ვაკვირდებოდი, იქნებ არიადნას ძაფის სათავე ვიპყრო-თქო ხელთ, მაგრამ უშედეგოდ. „ქალებად არ იბადებიან, ქალებად ყალიბდებიან, უცილო ქვშმარიტებაა და მათი სამყაროს უსასრულო ლაბირინთის მცველს, „ქალის არსს“ უნდა შეერკინო, რომ ქაოსში აღქმული მშვენიერების დიდებულება და მისი ფასი გაიგო. ამბობენ, კაცის რაინდად კურთხევა მხოლოდ ქალის გულში ხდებაო და არა სამეფო პალატებში. არ ვიცი, იქნებ ასეცაა, ალბათ საკუთარი თავის „სიყვარულით მიძღვნას“ ჰქვია

მამაკაცის ქალის გულში რაინდად კურთხევა? არ ვიცი, ჯერ მხოლოდ ეკლები მსერავენ ვარდის სურნელს მონყურებულ კაცს.

რადგან გზები არ ერთდებიან,
 რამდენი ფიქრი და კარგულია,
 მინდვრად ყვაფილი რომ ამოსულა,
 ჩემი ოცნების ნამსხვრევებია,
 ამ ქვეყნად მოსულს ზოგს საქმე რჩება,
 ზოგს კი ცოდვები ჩაურეცხავი,
 მინდა ღიმილი დავტოვო ქვეყნად,
 სუფთა, ნათელი, მიმტევებელი,
 ცხოვრება სიცილ-ტირილად მიჰქრის,
 ყრუოლვა ავიტანს, გული ფრთხილად,
 სარკის ანარეკლს შეგვტყუერი რილით,
 წავიდა ის ღრო, თამამი, ანცი,
 ლამაზი წლები, სილალის ხიბლი,
 გაქრა წუთებად, წამებად, გუნდად
 და დარჩა სევდა, წარსულის ვნებად.
 თავისუფალი მე ჩემს ფიქრებში,
 სითბოს მოგტაცებ შემოდგომის მზეს
 და დაურიგებ გაყინულ გულებს,
 სევდის მეგობრად მე არ მიგულოთ,
 უბრალოდ ვერცხლის წლებმა იმატეს,
 რასაც ვფიქრობ და რისთვისაც მოგელ,
 მეშინია რომ ვერ მოვასწრებ,
 ვფიქრობ, ვერ ვასწრებ, ვერ დავეწევი,
 გული არ იშლის იმედს და ნატვრას,
 ფიქრი ჩამოშლის წარსულის ამბავს,
 და გაფინსენებ სიზმრებად ნანახს
 ცხოვრების რითში, აღმართ-დაღმართი,
 მომავლის რწმენით, ახლის ძიება,
 აჰა გამქრალა ის ნორჩი წლები,
 ვერც კი მოასწრო თვალმა გართობა...
 შეჩერდი ღროო! წამების ხვედრით,
 ნუ შემისუდრე სიცოცხლის ეშხი,

მზეო! გამათბე, გამათბე გესმის?!
მე დაფილალე, სევდა თავს მესხმის!
შველას კი ჩემნო, თქვენგან მოველი.
ძალა არ შემწეეს გზა გაფაგრძელი
დღეს ამ განწყობით, ნულარ დამძრახავთ,
ხვალ უკეთესი დღით გაფინაროთ,
ქარი და თოვლი, ფნება და განცდა,
ღრუბელთა კალთით ფარფატი ნისლის,
ფაქიზი გრძნობით სავსე ფიალას,
უკანასკნელად მე თქვენთვის დავცლი.
სევდის მეგობრად მე არ მიგულოთ,
უბრალოდ ვერცხლის წლებმა იმატეს,
რასაც ვფიქრობ და რისთვისაც მოველ,
უფლის წყალობით მაინც მოვასწრებ.

თემის კითხვა დავასრულე და მასწავლებელს შევხედე, თავდახრილი იდგა ჩვენი პედაგოგი, შემდეგ შემომხდა, გამიღიმა და მითხრა:

— გიორგი, იცოდე ცხოვრებაში მამაკაცის აბჯარი, ქალის ერთგულება, ფარი, ქალის სიყვარული, ხმაღს კი, შენი მამაკაცური ღირსება და სიმართლე მოგაქნევენებს.

მდუმარედ დავჯექი.

— ძმურად, შეყვარებული ხომ არ ხარ?

მკითხა გოცნებულმა ძმაკაცმა.

ედენება შორენა გაბელაშვილს

ლიტერატურის ბაკვეთილი 5

თავისუფალი თემა

პედაგოგის გვერდი

პოეტი არისო, მითხრეს მავანზე, „ლექსები ნაიკითხეო, გულს აგიჩქროლებსო და სისხლს აგიდულებსო, გონებას ნაგართმევს და

სულსაც აგირევსო“, კითხვად ვიქეცი, საოცარია როცა შემოქმედს ასე აქებენ ჩვენს დროში, თუმცა კითხვას, „ვინ არის პოეტი?“ პასუხი მოვუძებნე საკუთარ თავში. მე კი გეტყვი, პოეტი თუ ლექსს გონებით და გულით ჰქმნის, მხოლოდ ხატოვნად მესიტყვება. ლექსი თუ პოეტის არსში არ დაიბადა, პოეტის სიმართლე თუ არ გაიზიარა, პოეტის იდეალებს თუ არ წაეპოტინა და პოეტის მრწამსი თუ არ გაითავისა, ლექსი პოეზიის კუთვნილებად არ ჩაითვლება. შენს ნაშრომში იცი რა მომეწონა გიორგი? ის, რომ რალაცის დანახვა გსურს, იმ უცნობის, შენთვის ჯერ არ განცდილი სულიერი სიტბოს გათავისება მოგინდომებია და „შაქარასავით“ შეჰყურებ ხეზე ლოყანითელა ვაშლს. ალბათ ნიავს თუ ელოდები, რომ იგემო სანატრელი. მომეწონა შენი ნაშრომი, მაღალი ნიშანიც დაგიწერე, არა იმიტომ, რომ თემა კარგად გქონდა გამართული, არამედ იმიტომ, რომ შენი სიტყვების სიმართლე ვირწმუნე. ზურიკელა ვაშალომიძის ურითმო ლექსი უფრო დიდი პოეზიაა, ვიდრე ზოგიერთი „მესიტყვის“ შემოქმედება, რადგან ის პიროვნული სიმართლის ანარეკლია და არა გართიმულ სიტყვათა კრებული.

მიხარია ჩემო კარგო, რომ თავისუფალი თემის დანერას ახერხებ, ხო ახერხებ, რადგან ჯერ ცოდნა უნდა მიიღო, რწმენის სიმტკიცე დრომ უნდა გამოსცადოს და შენი პიროვნული კრედო და ღირსება შენს რეალურ არსს უნდა გამოხატავდნენ, რადგან მხოლოდ პიროვნულად თავისუფალ ადამიანს შეუძლია დანეროს „თავისუფალი თემა“.

იმ პოეტის ლექსები მომეწონა გიორგი, მხოლოდ ერთს შევახსენებ ჩემს თავს:

„ბავშვივით კითხვებს ისევე ვძერწავ თავად არსება, ნაძერწი თიხით...“

თუ რატომ გაჩნდა სიცოცხლე, ან რად დამძიმდა სულები მინით...

რატომ მოგვეცა უნარი გრძნობის, თუ ერთმანეთში სიცივეს ვთესავთ, რატომ ვუღიმით ერთმანეთს ნდობით, მერე თუ მაინც გულგრლად ვგესლავთ. ის რაც არ მოგვწონს ვიცით და მაინც ვერ აუქციეთ გზები მცდარები, საერთმანეთოდ დაჭედო ცხენებს, ლამის უკუღმა ვაგეთ ნალები...

და ეს რკალები შემოსალტულან, ჩარჩოდ ქცეულნი, ჰორიზონტს შიგნით, რომ გააცოცხლა ახლა ალუდა იტყვის: — არ მინდა, გამიშვით იქით...

აბა მე რა ვთქვა, რაც თქვენც არ იცით, თუ ამოვიღეთ თვალ-თაგან დირე, თუ... „თავი თვისი“ შევიცანთ ყველამ, აღარ ვიქნებით „დიდნი“ და „მცირე“...

მსხმოიარეა ვაშლის ხე დღესაც, თავად მივირთმევთ, რად გვინდა გველი და სინანულსაც ვერ ვასწრებთ, როცა ისევ ვაშლისკენ გვიცდება ხელი...

ისევ მანუხებს იმედიც, შიშიც, უსიყვარულოდ რომ დაჰქრის ქარი, სული ღელავს და აღარ მგონია თუ მაქვს სხეული და მქვია ქალი”...

შენი მასწავლებელი

ლიტერატურის ბაკვეთილი 6

— თქვენს ნაშრომებში ბევრი საინტერესო მოსაზრება ამოვიკითხე, მაგრამ მე ჩემი ხედვა მსურს გაგიზიაროთ. ხელოვანის სიდიადე, ეს მხოლოდ ეპოქის კუთვნილება არ გახლავთ, ის ქვაზე ამოტვიფრული უზადო ჩუქურთმაა, უკვდავებას რომ შთაბერავს ქმნილებას მრავალნეული მშვენიერებით.

ხელოვნება აბსტრაქტული აზროვნების შედეგიაო ამბობთ, დაინწყეთ „ძერწვა“ თქვენი შთაგონების და წაშალეთ რეალობის კვალი, რადგან თუ თქვენ გზას ეძებთ ხელოვნებისკენ, დაიკარგებით, აღმოაჩინეთ თქვენი სამყარო და ნუ ეძებთ მინიშნებებს ყველგან და ყველგან იქვე რადგან ის მხოლოდ ილუზიაა. დაინწყეთ იდეით, თქვენი რწმენით და იცოდეთ, ნუ გადაუხდით ხარკს „გემოვნებას“, რადგან ის, შემოქმედების მტერია. ხელოვანს ერთი მეგობარი ჰყავს — დამფასებელი და ერთი მტერი — თვით აღიარება. ერის, ქვეყნის, საზოგადოების გაკეთილშობილება, ზნეობის ამაღლება — აი ეს არის ხელოვანის ამქვეყნიური მისია და ნუ გააკრიტიკებთ „კარგს“, „შესანიშნავის“ გამო, რადგან ტაძარი საძირკვლის გარეშე ჯერ არავის აუშენებია. “ გიყვარდეთ ადამიანები“, ეს ხელოვნების უცვლელი კრედოა, ადამიანების სიყვარულის გარეშე თუ ცხოვრობთ, მაშინ ვის ემსახურება შენი შემოქმედება?

სტანისლავსკიმ ბრძანა: — „გიყვარეთ ხელოვნება თქვენში და არა თქვენი თავი ხელოვნებაში“

ხელოვანის ფანტაზია ეს ის ფენომენია, რომელიც გვიოცებს აღ-
მოვარდნით სიმართლე.

მე არ ვიცი მეტანხმებით თუ არა, მაგრამ... მაგრამ მე თქვენ, ყვე-
ლას, მაღალი ნიშნები დაგინერეთ...

— მასწ... ესე რატომ გიყვართ ხელოვნება?

— იმიტომ რომ მე თქვენ მიყვარხართ...

ადვოკატის ჩანაწერები

დღიური

— მაშინ ოცდაორი წლის ახალგაზრდა ადვოკატი ვიყავი როცა ეს
საქმე ჩვენმა ბიურომ წარმოებაში აიღო. მიხაროდა, რომ ჩემმა უფ-
როსმა კოლეგებმა საქმის წარმოება მე მომანდეს და დახმარებასაც
დამპირდნენ. საქმის მასალები მხოლოდ ერთ ტომს მოიცავდა. ყველა-
ფერი შესანიშნავად მახსოვს, ყველა დეტალიც კი, რომელიც ამ საქმეს
ეხებოდა. მხოლოდ ეპიზოდებს მოგიყვებით, მე მოგიყვებით დიდ-
ბული ადამიანების ცხოვრებასთან შეურიგებელი ბრძოლის ისტორი-
ას. საქმე ორ ახალგაზრდა მოზარდს ეხებოდა. მშობლები ავტოკატას-
ტროფაში დაიღუპნენ და ბავშვებზე მეურვეობას მათი ბიძა, ბატონი
კონსტანტინე იღებდა თავის თავზე. თითქოს განსაკუთრებული არა-
ფერი იყო გარდა იმისა, რომ მეურვე, ბავშვების სამემკვიდრეო ნიღზე
მესაკუთრის უფლებას ითხოვდა. საქმეში მოზარდების ნათესავები ჩა-
ერივნენ და ბატონ კონსტანტინეს განზრახვაზე ხელი ააღებინეს. სა-
სამართლომ მშობლების ქონების მეპატრონეებად, სამართალმემკვიდ-
რეებად თანაბარი უფლებებით მოზარდები სცნეს.

მოზარდებიდან, განსაკუთრებით უფროს ვაჟთან, ლადოსთან
მქონდა ურთიერთობა. მაშინ ის მხოლოდ მერვე კლასელი იყო და მისი
უმცროსი ძმა ტარიელი კი მხოლოდ მეოთხე კლასში დადიოდა. იური-
დიულ ბატალიებს ნაკლებად შეევეხები, რადგან მიმაჩნია რომ ამ ორი
ახალგაზრდის ცხოვრება ბევრად უფრო საინტერესოა.

ლადოს მეზობლად ერთი ავტომანქანების ცნობილი ხელოსანი
ცხოვრობდა. „პროფილაქტიკაში“, მის „ბოქსთან“, მუდმივად იყო მან-
ქანების რიგი. ბატონი ოთარი, ძრავების და სავალი ნაწილების უებრო

ხელოსანი იყო. ბავშვებს ნათესავები ეხმარებოდნენ, მაგრამ ლადოს თვითდაუკმაყოფილების განცდა ეუფლებოდა. ოჯახის უფროსობას ჩემულობდა მერვე კლასელი „კაცი“. პიროვნულმა სიამაყემ ლადო ბატონ ოთარის კარზე მიიყვანა და სამსახური სთხოვა.

სკოლას რომ მორჩებოდა, ლადო ავტოგასამართ სადგურში მიიჩქაროდა, ოთარი ძიას ეხმარებოდა და გულმოდგინედ ენაფებოდა ხელობას. ფული გაუჩნდა ლადოს. მეზობლები თვალნათლივ ხედავდნენ როგორ პატრონობდა თავის უმცროს ძმას.

გვიან ღამით, ოთახებში, ბიჭები შუქს აქრობდნენ და სიბნელებაში ფენდნენ სარეცხს. ალბათ მეზობლების სცხვენოდათ. მეზობლების გადმოცემით, პატარა ტარიელი ყოველთვის მონესრიგებული მიდიოდა სკოლაში. ბავშვების აკადემიური მოსწრებით დავინტერესდი და გავოცდი, ძმები ფრიადოსნები იყვნენ. არა, არ იფიქროთ რომ მათ პედაგოგები ანებივრებდნენ. ბავშვები თადაუზოგავად სწავლობდნენ და მუშაობდნენ...

ხანდახან მამიდა აკითხავდა ძმიშვილებს, ალბათ ურეცხავდა, ულაგებდა, საჭმელს უმზადებდა...

ლადოს დღიურიდან

— დღეს ტარიელის შარვალს ვაუთოვებდი, ძნელი ყოფილა... ნაკეცები აცაბაცა გამირბის. მერე ჩემი უნდა დავაუთოვო და შემდეგ პერანგების ჯერიც მოვა...

— დღეს სახლში რომ დავბრუნდი ტარიელი სამზარეულოში იჯდა და დედისეულ სქელტანიან წიგნს, „საოჯახო სამზარეულოს“ კითხულობდა. ვკითხე: — „რას აკეთებ-მეთქი?“ იცით რა მიპასუხა? „ერთი თავი კერძი რამდენიმე დღე გვეყოფა და უფრო იაფი დავგიჯდება ჭამა. შენ სწავლობ და მუშაობ, მე კი გაკვეთილებს რომ მოვრჩები უსაქმოდ ვზივარ, ხოდა მე გავაკეთებ საჭმელს-ო.“

— სიმართლე ვთქვით გემრიელი სადილი გამოუვიდა ტარიელს.

— დღეს კარბურატორს ვარემონტებდი, ერთმა მძლოლმა ჰკითხა ოთარი ბიძიას — „ეს ბავშვი შენი ნათესავია-ო?“, ოთარი ბიძიამ კი უპასუხა. — „არა, ჩემი მეზობელია, მშობლები ავტო-ავარიის და-ელუპა. ის არის დღეს ოჯახის უფროსი, შენ უნდა ნახო პატარა ძმას

როგორ უვლის“. უცნობმა შემომხედა, თავზე ხელი გადამისვა და ფული მაჩუქა — „კარგი ბიჭი ხარო“, მითხრა და წავიდა.

— იმ საღამოს ძია ოთართან მივედი, ჯიბიდან დღიური ნამუშევარი ფული ამოვიღე და მაგიდაზე დავდე. ოთარი ბიძიას გაეცინა, მთელი ფული ჯიბეში ჩამიღო და კიდევ ასი მანეთი მაჩუქა, მითხრა: — „უკვე კაცდები, აიღე ეს ფული, შენ ფული ვერ გაგაფუჭებს-ო“, დღეს განსაკუთრებულად ვიგრძენი ვალდებულება მშობლების ხსოვნის მიმართ.

სარკეში ჩავიხედე და გამიკვირდა, რამდენიმე ჭალარა შემერეოდა თმაში, შუბლზეც გამჩენია ნაოჭები. მე მეგონა რომ მხოლოდ უფროსებს ჰქონდათ ჭალარა თმა... ნაოჭები... სასაცილოა.

* * *

ლადომ სკოლის დამთავრების შემდეგ, უნივერსიტეტში, ავტოსაინჟინრო ფაკულტეტზე, დაუსწრებელზე ჩააბარა. ტარიელზე კი ყველა ამბობდა „შესანიშნავი მოსწავლეაო, დადინჯდა და ოდნავ გაასწროო ბავშვობას“. ძმები ერთად ერეოდნენ ყოველგვარ სიძნელეს. ლადო ისევ ძია ოთარის შეგირდად რჩებოდა და „პროფილაქტიკაში“ უკვე ავტორიტეტული ხელოსანის სახელი ჰქონდა ყმანვილკაცს. სიყვარულიც ეწვია ლადოს...

ლადოს დღიურიდან

— პირველად ვიყიდე ყვავილები. მითხრეს „ყვითელი ვარდები სიყვარულის სიმბოლოაო“. ნატომ კეკლუცი მაღლობა გადამიხადა. სულ სხვა სურნელი ასდის ვარდებს ნატოს ხელში. ხელებს ვმაღავ. „ტაოტი“ და ძრავის ზეთებით ნაპოხი ჩემი ხელები, ალაგ-ალაგ ჩაშავებულია და კანიც დამსკდარი მაქვს. „შკურკასავითა“ ჩემს ხელებზე კანი. მეგობრები მეუბნებიან იუმორის გრძნობა გაკლიაო, ალბათ ასეა, მაგრამ მთავარი ნატოა... წვეულებაზე ვერ ვიციკვე, ცეკვა არ ვიცი...

* * *

პირველი სიყვარული ლადოს ცხოვრებაში გარდამტეხი აღმოჩნდა. უნივერსიტეტი, სახელოსნო, ოჯახი და სიახლე, კვირაში ერთხელ ძმას-

თან ერთად ევროპულ ცეკვებზე დაიწყო სიარული. ძვირი სიამოვნება გამოდგა ეს სიახლე, მაგრამ იბრძოდნენ ძმები... მათთვის მთავარი თემა იყო „საზოგადოებისთვის მისაღები პიროვნება“ გამხდარიყვნენ.

ლადოს დღიურიდან

ტარიელმა სახელოსნოში სამუშაოს შოვნა მთხოვა. რა სიგიჟეა. მე არ მეყოფა ნვალემა? გუშინ გავიგე, ჩვენს კორპუსთან ახლოს „ავტოსამრეცხაოში“ მისულა ტარიელი და სამსახური უთხოვია. დღეში ოცი მანეთი დაუნიშნეს „ჯამაგირი“. უბნის ინსპექტორი დასდგომია თავზე და ყოვედღიური „მუშაობის ნებართვაში“ ხუთი მანეთი მოუთხოვია... დრო მიდის ინსპექტორო, ვინ იცის წინ რა გველის. ტარიელის ნაოფლარ ფულს არ შეგარჩენ... დღეს მშობელთა კრებაზე ვიყავი. პედაგოგებმა ტარიელი ისე შეაქეს, რომ ბედნიერების ფრთები შემესხა. წელს ტარიელი სკოლას ამთავრებს. რეპეტიტორების და ინსტიტუტში მოსაწყობი ფული არა მაქვს. რა ვქნა?

* * *

ნატოს მოსწონდა ლადო, თავდაჯერებული და მომხიბვლელი ქაბუკი, თუმცა ნატოს მშობლები სხვა აზრისანი იყვნენ... ფინანსურად უზრუნველყოფილნი, და იმ დროის შესაბამისად მაღალ საზოგადოებას ეკუთვნოდნენ. მამა რაიკომში მაღალი თანამდებობის პირი იყო, დედა კი სკოლაში პედაგოგად მუშაობდა. „მოტორისტი“ და „ხადავიკი“ სიძე, თავისი პირმშვენიერი ასულისთვის შეუფერებლად მიაჩნდათ.

ლადოს დღიურიდან

დღეს ნატოს მამას შევხვდი. ვილაც ჯმუხი კაცი ახლდა თან. „ვითარებაში გამარკვიეს“, თურმე კარგი ბიჭი ვყოფილვარ, მაგრამ თუ ნატოს კიდევ ერთხელ გავეკარებოდი, ჩემს „მომავალს“ ციხეში დავასრულებდი და იცით რატომ? ის ჯმუხი კაცი, მილიციის თანამშრომელი და თან ნატოს დეიდის ქმარი ყოფილა... არავის აღარ ახსოვს მამაჩემი, აღარც მის ძმაკაცებს ახსოვთ მამაჩემის ოჯახი. ალბათ ასეა ეს ცხოვრება მონყობილი...

* * *

დაშორდა ყმანვილ-კაცი ნატოს. საქმე იმაში მდგომარეობდა, რომ გოგონა სასწრაფოდ გაათხოვეს. ასული რძლად გავლენიან ოჯახში შევიდა. ეს „მწარე აბი“ ღირსეულად გადაყლაპა ლადომ. მისი საზრუნავი ეხლა ტარიელი იყო. მაგრამ ტარიელი მისაღებ გამოცდებზე ჩაიჭრა და ჯარში გაიწვიეს...

ლადოს დღიურიდან

მარტო დავრჩი. ჩემი ძმა ჯარშია... ცეკვაზე დავდივარ, ნიგნებ-საც ვკითხულობ, ვმეცადინეობ, ვპრომობ და ფულსაც ვშოულობ, მაგრამ სულიერად ცარიელი ვარ. ჩემი ნათესავები მეკონტაქტებიან, ხანდახან მომიკითხავენ ხოლმე... ერთი ნატვრა ამეკვიატა, ნეტავ დედაჩემის და მამაჩემის სიმღერა მქონდეს კასეტაზე ჩანერილი, ან იმ სალამოების ჩანანერი, უშუქობაში ერთმანეთს ლექსებს რომ უკითხავდნენ... დედაჩემის და მამაჩემის ხმა მაგინყდება... დედის ხელები მენატრება, მისი შემწვარი ერბო-კვერცხის გემო დღესაც მახსოვს, მენატრება... მამის მოფერება მენატრება...

სახლში წმინდა კუთხე გავაკეთე, ეკლესიაში მითხრეს: — „მადლი დაისადგურებსო ოჯახში“. ხატებს შორის დედაჩემის და მამაჩემის ფოტოები დავკიდე... გუშინ ვლოცულობდი. ჩემი ძმა შევავედრე უფალს და კიდევ ვთხოვე, ძალიან ვთხოვე სიზმარში დედა და მამა მოევლინა ჩემთვის... ყოველი დილა მარტოობით იწყება და მარტოობით მთავრდება. ბიჭებმა მითხრეს: — „ჭალარა გიხდებაო“, მე ხომ ჯერ ოცდახუთისაც არა ვარ და თმა თეთრად მაქვს გადაპენტილი. მე უფლება არა მქავს თავი შევიცოდო, ან ვის უნდა შევაცოდო ნეტავი?

* * *

ლადო თავდაუზოგავად შრომობდა. ნელშიც გაიმართა კაცი. ნათესავების-თვისაც სასურველი შეიქმნა, რადგან „ჯიბეში ხელის ჩაყოფა“ არ ეშინოდა კაცს. დრო კი გადიოდა... სახლში რემონტი გააკეთა, ავეჯიც შეცვალა... ლამლამობით ტარიელს წვდებოდა ძმის ფიქრები. ენატრებოდა ლადოს ძმა... ძალიან ენატრებოდა...

ლადოს დღიურიდან

ტარიელმა მომწერა, ორ კვირაში ჩამოვალო... თბილისში ვიქნები... ერთად ვიქნებითო... ღვინო საკმარისი მაქვს და პურ-მარილითაც არ შევირცხვენ თავს. ტარიელი ჯარიდან დაბრუნდა. დაკუნთულა და დაკაცებულა... ნუხელი გამეღვიძა... წმინდა კუთხესთან დაჩოქილი ლოცულობდა ტარიელი, რალაცას ბუტბუტებდა, მე მხოლოდ რამდენიმე ფრაზა გავარჩიე, „ლადო დამილოცე უფალო, მამა არ შეგარცხვენ“, „...დედა მომენატრე...“

* * *

გასაოცარი ის იყო, რომ ამ ძმებმა სასწაული სიმტკიცე გამოიჩინეს, არ დანებდნენ უღმობელ ცხოვრებას. ტარიელმა ჯარიდან „ლიმიტი“ ჩამოიტანა და იმ ზაფხულს სამედიცინო ინსტიტუტში სტომატოლოგიურ ფაკულტეტზე ჩაირიცხა. ლადომ უნივერსიტეტი დაამთავრა და „მშობლიურ“ პროფილაქტიკაში ინჟინრის თანამდებობაზე დაანიშნურეს, თუმცა საკუთარ საქმეს არ ლალატობდა და არემონტებდა და არემონტებდა მანქანებს. მიუხედავად ამდენი ცხოვრებისეული გამოწვევებისა, ძმებს ისევ უმზადებდა განგება განსაცდელს.

ლადოს დღიური

ტარიელი უკვე კაცია, საკუთარი „ბუდე“ სჭირდება...

ბებიამ რომ ბინა გვიანდერძა, ტარიელი იქ გადავა საცხოვრებლად, მაგრამ ჯერ მუშაობა დაიწყოს. ის გოგო ინტელიგენტთა ოჯახშია აღზრდილი. ეტყობა ჩამოყალიბებული პიროვნებაა. ვიცი ტარიელსაც უყვარს ნინო და არც ნინოა გულგრილი ტარიელის მიმართ. ერთი წელი მაინც მოითმინონ, ვიდრე ტარიელი ორდინატურას გაივლიდეს და მერე დაქორწინდნენ, თუმცა რატომაც არა...

გაიპარნენ... ნეტავ ვის გაეპარნენ? ტელეფონზე დამირეკა ტარიელმა, „მე და ნინო ვიპარებითო“... გადამრევენ ესენი...

რამდენიმე დღეში ჩემი ძმის ქორწილია. გუშინ ვესტუმრე ბებიასეულ სახლში და გული გამითბა. ოჯახში ნინო დიასახლისობდა. ქალის ხელი ეტყობოდა ყველაფერს. ტარიელს დავაკვირდი, უბედნიერესი იყო ჩემი ძმა. გულში პირჯვარი გადავწერე ჩემს ტარიელს და ნინოს... მეც უნდა მივხედო ჩემს თავს, თანაც დროზე.

* * *

ლადოს ნათესავებმა ერთი მომხიბვლელი გოგო გააცნეს. ნორმა-
 ლური, წესიერი მშობლების აღზრდილმა ახალგაზრდა ქალბატონმა
 ვაჟის გული მოინადირა. მას „ლალი“ ერქვა. სწორედ აქედან დაიწყო
 ლადოს „ჟანგიანი ოქროს ხანა“.

ლადო და ლალი შეუღლდნენ. ერთხელ ქუჩაში შევხვდი ლადოს,
 ბედნიერი იყო კაცი, გალაღებული, თვალები უბრწყინავდა... გულ-
 თბილად მომიკითხა, ცოტა ხანს ვისაუბრეთ შემდეგ „კიდევ შევხვდე-
 ბით“-ო მითხრა და ასე დამემშვიდობა. ქვეყანაში მძიმე პერიოდები
 გადავლილი იყო. ომები და კონფლიქტები ჩამქრალი ვულკანის თავზე
 ცაში ამავალი ბოლივით გვახსენებდა თავს. ლადომ საკუთარი ავტო-
 სატრანსპორტო კომპანია ჩამოაყალიბა, შემდეგ მსხვილ გაერთიანე-
 ბად აქცია საკუთარი ბიზნესი. ტარიელი კი საკუთარი სტომატოლო-
 გიური კლინიკის მფლობელი გახდა. ჩემი და ლადოს გზები ჩვენი
 ბოლო შეხვედრიდან ჩვიდმეტი წლის შემდეგ გადაიკვეთა...

ლადოს დღიური

ვერ ავავსე ჩემი ცოლის და სიდედრის „მუცელი“. მხოლოდ საყ-
 ვედურები, თვეობით გაბუტვები და სანათესაოში დედა-შვილი ჩემზე
 ჭორაობით არიან დაკავებულინი.

ჩემი ცოლის ძმა უკვე მერამდენედ ვიხსენი ციხიდან. არც კაზი-
 ნოში თამაშს ანაებებს თავს...

ჩემს სიდედრს რომ ჰკითხო, „ბიჭი ცდილობს ოჯახში რაღაც შე-
 მოიტანოს და შენი ხელში შემყურე არ უნდა რომ იყოს“, მე ამ სიტ-
 ყვებს არ ვიმსახურებ.

ვამჩნევ ლალი ჩუმჩუმად ფულს მპარავს...

ჩემს ცოლის ძმას სადაც კი დავანყებინე მუშაობა ყველგან ვალე-
 ბი დაედო და მერე ჩემი გადასახდელი გახდა. ჩემთანაც მუშაობდა და
 ჩემი ფირმის მონილეობა მოინდომა ამ სალახანამ...

ჩემი უჯრიდან, ჩემთვის უძვირფასესი რელიქვიები გაქრა. მამაჩე-
 მის ოქროს საათი, დედაჩემის ყელსაბამი და ჯვრისნერის ბეჭდები...

კონფლიქტი გარდაუვალია...

* * *

ჩემს კაბინეტში ვიჯექი. საქმე არ მქონდა. კომპიუტერი ჩავრთე. ჯერ ფოსტას გადავხედე, მნიშვნელოვანი წერილები ვერ აღმოვაჩინე და თამაშებში გადავედი. უკვე სალამოხანი ახლოვდებოდა, ის იყო სახლში წასასვლელად მოვემზადე, რომ მდივანმა დამირეკა.

— ბატონო გიორგი, თქვენთან კლიენტია მოსული, შეძლებთ მი-
ლებას?

სიმართლე გითხრათ დიდი სურვილი ნამდვილად არ მქონდა ვინ-
მეს მიღებისა, მაგრამ საქმე თავისას მოითხოვდა

— მოზრდნდეს.

ვუპასუხე მდივანს.

კაბინეტში ლადო შემოვიდა. ადამიანის ფერი არ ედო. ჩემს წინ,
განადგურებული, სულიერად დაცემული ადამიანი იდგა.

— გამარჯობათ ლადო, გამიხარდა თქვენი ნახვა...

— გამარჯობათ ბატონო გიორგი...

— ეტყობა რაღაც სერიოზული მიზეზი გაქვთ ჩემთან რომ მოზ-
რდნდით... რა მოხდა?

— დიახ, უკვე მოხდა... ჩემი ცოლი ვცემე...

— ოხოხოო... დაბრძანდით და მომიყვით რა მოხდა, ვითარება-
ში გამარკვიეთ...

— ჩვენი კომფლიქტი ხუთი წლის წინ დაიწყო, ჩემი ცოლის ძმა
ჩემთან მივიღე სამსახურში. მას დიდი ამბიციები ჰქონდა. სამსახურში
თანამშრომელი არ დარჩა კომფლიქტი რომ არ მოსვლოდა. ერთხელ
სოლიდური თანხა გავატანე ბანკში შესატანად, რომ დაბრუნდა მით-
ხრა: — „შევიტანე“-ო, თანხა კი, როგორც შემდეგ შევიტყვე რამდენი-
მე საათში კაზინოში წაუგია...

— ეს ფული კომპანიას ეკუთვნოდა თუ თქვენ?

— ჩემი საკუთარი ფული იყო, ბავშვების სწავლის ქირა, ფასიან
სკოლაში დადიან ირაკლი და ვახტანგი...

— შემდეგ.

— ვეჩხუბე დავითს, სახლში რომ დავბრუნდი ჩემს ცოლს ავუხსე-
ნი სიტუაცია და იცით რა მითხრა? „ფული ხომ გაქვს? ხოდა შენ თვი-
თონ გადაიხადე, ბიჭს ამის გამო ეჩხუბე? სასაცილო კაცი ხარო“, მე-
რე სიღედრმაც ამოიღო ხმა... ამ კომფლიქტს ბავშვები შეესწრნენ...

გაოგნებულები შეჰყურებდნენ დედას და ბებიას... იმ დღეს პირველად გაიგეს ჩემმა შვილებმა ჩემი გინება ოჯახში...

— განაგრძეთ, გისმენთ...

— თუკი ვინმეს იცნობდნენ, ჩემი ცოლი და სიდედრი ყველასთან მლანძღავდნენ და მჭორავდნენ... მოკლედ დათო სამსახურიდან დავითხოვე, ამ ფაქტმა ოჯახში სკანდალი გამოიწვია... რამდენიმე დღით სახლიდან წავედი და ჩემს ძმასთან, ტარიელთან გადავედი საცხოვრებლად. ტარიელი გულფიცხი კაცია და პირდაპირ მითხრა, „გაშორდი, თავს რისთვის იტანჯავ? დათოს კი მივხედავ-ო“, მეოთხე თუ მეხუთე დღეს შვილებმა დამირეკეს, — „მამა სახლში დაბრუნდი, გეხვეწებით“...

— და თქვენც დაბრუნდით?!...

— კი, დავბრუნდი, მუმიასავით იჯდა ჩემი სიდედრი, დათოც იქ იყო, ამომხედა, ჩაეცინა და გესლიანად მითხრა: — „მეც გნახე რა კაციო“. საცემრად გავინიე, მაგრამ გაიქცა. ჩემმა ცოლმა ერთი წივილკივილი ატეხა, — „ცემა ჩემს ძმას როგორ გაუბედე, შენ რა კაცი ხარო“. ჩემს კაბინეტში შევედი, ჩემი სამუშაო მაგიდის უჯრა გამოვადე... დედაჩემის და მამაჩემის ნივთები ადგილზე აღარ დამხვდა, ნივთები მოვიკითხე, — „სად წაიღეთ ჩემი მშობლების ნივთები-მეთქი?“ იუარა, — „მე რა ვიცი-ო?“, ლალის კითხვა გავუმეორე, „...ეს ნივთები ჩემთვის წმინდათა-წმინდა იყო, ეს ნივთები ჩემი რელიქვიაა, მითხარით სად წაიღეთ ჩემი მშობლების ნივთები-მეთქი?“ ისეთი რამ მიპასუხა...

— რა გიპასუხათ ლადო?

— „თუ რელიქვიები გაინტერესებს მუხადგვერდის სასაფლაოზე ადი იქ მოინახულეო“...

დავაკვირდი, მრისხანებით როგორ აევსო თვალები ლადოს, წონასწორობას კარგავდა...

— დამშვიდდით ლადო, ყოველი დეტალი მნიშვნელოვანია...

— ჩემს ცოლს დავარტყი... ერთხელ... მეორედ... მესამედ... ჩემი სიდედრიც წამოენთო და იმასაც დავარტყი მუშტი... წონასწორობა დაკარგული მქონდა. სეიფიდან პისტოლეტი ამოვიღე ადგილზე მინდოდა დამეცხრილა დედა-შვილი, მაგრამ ბავშვები გადაეფარნენ... შიშით კანკალებდნენ ბიჭები... სადამდე მიმიყვანეს... პისტოლეტი ისევ სეიფში დავაბრუნე...

ლადო გაჩუმდა. სკამიდან ავდექი, მაცივრიდან წყლის დოქი გამოვიღე, წყალი ჭიქაში ჩავასხი და ლადოს მივანოდე... სულმოუთქმელად დაცალა...

— შემდეგ რა მოხდა ლადო?

— ჩემმა ცოლმა პროკურატურაში აღძრა საქმე, „ოჯახური ძალადობის“ მოტივით, თანაც ცილისწამებაც უხვად ჩააქსოვეს დედამვიღმა...

ლადოს ხმა ჩაუწყდა... ვაცადე ცოტა დამშვიდებულიყო.

— ბატონო გიორგი, ის დამპალი ქალი კომპენსაციის სახით ჩემი კომპანიის წილს ითხოვს, 50%-ს.

ბევრი ვისაუბრეთ როგორც კლინტმა და ვეჭიღმა. საქმე საკმოდ გართულებულიყო.

დაკითხვის ოქმიდან

(ნაწყვეტი)

გამომძიებელი — ქალბატონო ლალი თქვენ უარყოფთ თქვენი ქმრის ბრალდებას მასზედ, რომ თქვენ სახლიდან არ გაგიტანიათ თქვენი მეუღლის ე.წ. „რელიქვიები“, თქვენი მეუღლის ან გარდაცვლილი მშობლების ნივთები?

ლალი — ვადასტურებ. მე ჩემი მეუღლის მშობლების ნივთების, ე.წ. რელიქვიების შესახებ არაფერი ვიცი, შესაბამისად ამ ნივთების ადგილსამყოფელი ჩემთვის უცნობია.

გამომძიებელი — შესაძლებელია თუ არა კიდეც ვინმეს სცოდნოდა ამ ნივთების ადგილმდებარეობა?

ლალი — შესაძლებელია, თუკი ლადო ეტყოდა ვინმეს.

გამომძიებელი — რამდენად დასაშვებად მიგაჩნიათ რომ ნივთები თქვენი და თქვენი მეუღლის ნებართვის გარეშე აეღო ვინმეს...

ლალი — გამორიცხულია. ვიზე გაქვთ ეჭვი ?

გამომძიებელი — ჩვენთვის ცნობილია, რომ თქვენი ძმა კაზინოს ხშირი სტუმარია და არა ერთხელ აქვს წაგებული სოლიდური თანხა, რომელიც შემდგომ თქვენმა მეუღლემ დაფარა...

ლალი — თქვენ უშვებთ იმ ფაქტს, რომ ჩემს ძმას შეეძლო მიეთვისებინა ეს ნივთები?

გამომძიებელი — ბატონი ლადო ამტკიცებს, რომ თქვენ იღებდით ფულს მისი საფულედან მისი ნებართვის გარეშე. რამდენად შეესაბამება მისი განცხადება სიმართლეს?

ლალი — კი, რამდენჯერმე ავიღე ოჯახის საჭიროებიდან გამომდინარე, მე მგონი ეს დანაშაული არ არის...

დაპითხვის ოქმი

(ნაწყვეტი)

გამომძიებელი — ქალბატონო ნუნუ თქვენ ბრძანდებით ძალადობის მსხვერპლი და თავი დაზარალებულად მიგაჩნიათ...

ნუნუ — დაზარალებული კი არა ნაცემი ვარ შვილო. იმ პირუტყვმა გვცემა შვილო მე და ჩემი გოგო... როგორც ჩემს შვილს ისე ვეპყრობოდი ლადოს და სამაგიერო ასე გადამიხდა...

გამომძიებელი — ქალბატონო ნუნუ როგორ დაახასიათებდით თქვენს სიძეს?

ნუნუ — ცუდი სიმთვრალე ჰქონდა, ჩემს შვილს ამწარებდა, მე ოთახიდან გამოსვლის უფლებას არ მაძლევდა, გვაგინებდა...

გამომძიებელი — დაკარგულ ნივთებთან დაკავშირებით რას გვეტყვით?

ნუნუ — მე რა ვიცი შვილო, ჯანდაბაშიც წასულა ლადო თავის ნივთებიანად, ეს ველური...

გამომძიებელი — თქვენი კუთვნილი ბინა თქვენი ვაჟის ვალების გამო გაყიდეთ?...

ნუნუ — ხოო შვილო, კაზინოში თუ ტოტალიზატორში წააგო და გავყიდეთ, ლადოს ბრალია ყველაფერი...

გამომძიებელი — რას გულისხმობთ?

ნუნუ — იმას, რომ ლადოს რომ დროზე გაემართა ხელი, ეს არ მოხდებოდა.

დაკითხვის ოქმი (ნაწყვეტი)

გამომძიებელი — ბატონო დავით ჩვენთვის ცნობილია, რომ თქვენ კაზინოს ხშირი სტუმარი ბრძანდებით და მნიშვნელოვანი თანხებიც გაქვთ წაგებული, რომელიც შემდგომ თქვენმა სიძემ დაფარა. ადასტურებთ ამ ფაქტს?

დავითი — დიახ ორჯერ თუ სამჯერ იყო ასეთი შემთხვევა.

გამომძიებელი — თქვენთვის არის ცნობილი თქვენი სიძის „რელიქვიების“ დაკარგვის შესახებ?

დავითი — დიახ.

გამომძიებელი — შეგიძლიათ რაიმე გვითხრათ ამ ფაქტთან დაკავშირებით?

დავითი — მხოლოდ ის, რომ გაურკვეველ მდგომარეობაში დაიკარგა.

* * *

არანაირი მტკიცებულება ნივთების დაკარგვის შესახებ არ გამაჩნდა. ქალბატონები ლალი, ნუნუ და ბატონი დავითი, ერთხმად ამტკიცებდნენ, რომ ნივთები ლადომ გაიტანა სახლიდან, რათა ბრალი წაეყენებინა მათთვის და ეს გარემოება ოჯახის დანგრევის საბაბად გამოეყენებინა. კიდევ მრავალი „ბრალდება“ წაუყენეს ოჯახის წევრებმა ლადოს. ფიზიკური ძალადობის ფაქტს ლადო ადასტურებდა და ექსპერტის დასკვნაც წინ მედო. მთავარი კიდევ ის იყო, რომ ბავშვების დაკითხვის უფლებას არ გვაძლევდა დედა და ბებია. ეჭვიანობა, ცილისწამება, ოჯახური ძალადობა, შვილების მიმართ არაადამიანური მოპყრობა... ეს იყო ოჯახის წევრთა ბრალდებების არასრული ნუსხა ლადოს წინაღმდეგ. ლადოს დასაცავად ხელმოსაჭიდი მტკიცებულება არ გამაჩნდა. „წყალს მივყავდი“. პირველად გადაავინერე პირფარა კაბინეტში...

მხოლოდ მეზობლებისა და ლადოს კომპანიის თანამშრომლების ჩვენებები მქონდა ხელთ და ისიც ლალის დაცვის მხარეს შეეძლო გაექარწყლებინა, რადგან მეზობლები ოჯახში მიმდინარე პროცესების რეალურ სურათს ვერ დაინახავდნენ, მეზობლები ვერ იტყოდნენ

რა ხდებოდა ოჯახში, ხოლო თანამშრომლების ჩვენებები, სადაც ლადოს შესანიშნავ და დადებით პიროვნებად ახასიათებდნენ, დიახ, სამნუხაროდ ეს ჩვენებები, სასამართლოს, თანამშრომლების სამსახურის შენარჩუნების მოტივად შეეძლო მიეჩნია. აუცილებლად უნდა მეპოვა „რელიქვიები“. პროკურატურის ბიჭები თავაუღებლივ მუშაობდნენ, თუმცა ხელმოსაჭიდი ჯერ არაფერი გვქონდა.

დილით სასახურში მივედი. ათასი ფიქრი მიფორიაქებდა გონებას. კაბინეტში ისე შევედი ჩემს მდივანს არც კი მივსალმებოვარ. ტელეფონმა დარეკა, ყურმილი ავიღე.

— გისმენთ.

— ბატონო გიორგი თქვენთან სტუმარია, ამბობს აუცილებლად უნდა შევხვდეთ...

— შემოვიდეს.

კაბინეტში პირხმელი, საშუალო სიმაღლის, შუახნის მამაკაცი შემოვიდა. სტუმარი კარის ზღურბლთან მორიდებულად შეჩერდა.

— გამარჯობათ, ბატონო გიორგი.

— გამარჯობათ რით შემიძლია გემსახუროთ?

— აი, აქ, ქვითრები და ხელშეკრულებაა ლომბარდთან. ჩემს მეზობლად, ჩვენს უბანში ჩააბარეს ოქროს საათი და ქალის ყელსაბამი... აქ ფოტოებიცაა, შიდა კამერის მიერაა გადაღებული...

ბრძანა მოსულმა და თხელი საქალაღდე გამომიწოდა.

გახარებულმა საქალაღდე გამოვართვი და სტუმარს სკამი შევთავაზე.

ფოტოებზე, ლომბარდის ოფისში მიბრძანებული ქალბატონი ლალი იყო გამოსახული. აქვე რამდენიმე სურათი გარეკამერასაც ჰქონდა დაფიქსირებული, ქალბატონი ლალი ბატონ დავითთან ერთად. ხელშეკრულება გულდასმით გადავიკითხე. ქვითრებს გადავხედე და წელში გავიმართე.

— ჩემო ბატონო, ლომბარდში ჩვენს ხალხს გავგზავნით, რომ ნივთები არ გაყიდონ...

— ნუ ნერვიულობთ ბატონო გიორგი, ნივთები სეიფში ინახება და თქვენი ნებართვის გარეშე ხელს ვერავინ დაადებს... ჩვენები არიან... ბატონო გიორგი, ჩვენი ტაქსოპარკის ბიჭები და „რეისავიკები“ ლადოს გულისთვის ცეცხლში გაივლიან. ლადომ შეგვინარ-

ჩუნა სამსახურები... აი აქ ვიდეო კასეტებიცაა და „დისკი“, აი, თავად ნახეთ...

სტუმარს ვიდეო კასეტა და კომპაქტდისკი გამოვართვი. ვიდეო კასეტა მაგნიტოფონში ჩავდე, მაგნიტოფონი ჩავრთე და ტელევიზორის ეკრანს ინტერესით მივაცქერდი, რომ მოვყვე იქ რა კადრებსაც ვუცქერდი საჭირო არ არის. მხოლოდ იმას დავძენ, რომ კადრებში ქალბატონი ლალის უკიდურესად მდაბალი საქციელი დასტურდებოდა, ქმარს უკიდურესად დამამცირებლად მოიხსენიებდა, ზოგიერთ კადრში დავითი და ქალბატონი ნუნუს საყურადღებო საუბრებიც იყო ნაჩვენები. არ მიკოტხავს სტუმრისთვის საიდან მოიპოვა ეს „ფაქტები“, მაგრამ ეს მასალა „ქვას გახეთქავდა“.

— ჩემო ბატონო ეს კადრები თქვენ ნანახი გაქვთ? ვკითხე მოსულს.

— დიახ. ამ კადრების შესახებ იცის მხოლოდ მან ვინც გადაიღო და მე, ეხლა უკვე თქვენც.

— ულრმესი მადლობა დახმარებისთვის მეგობარო...

— არაფერს, მე წავედი ბატონო, მე ტაქსის „შოფერი“ ვარ... გეგმა მაქვს და... სამუშაო მელოდება, ნახვამდის

სტუმარი წავიდა. გადავრჩით, საქმეს აუცილებლად მოვიგებ, მაგრამ ამ კადრებს სასამართლოზე ვერ ვაჩვენებ, სასამართლოს ლაღოს შვილები რომ დაესწრონ? ამ შემთხვევაში ვიდეოს ჩვენება გამორიცხულია... ყოველ შემთხვევაში უკიდურეს მომენტამდე შევინახავ.

ქალბატონი ლალის ადვოკატს დავურეკე და მასთან და მისი დაცვის ქვეშ მყოფ მომჩივანთან შეხვედრა მოვითხოვე, საგამოძიებო მასალების გაცნობის მიზნით. შეხვედრა ჩემს კაბინეტში შედგა. ჩვენი შეხვედრა უფრო დიდ მიზანს ემსახურებოდა, მინდოდა ლალის მხარე „ნელში გამეტება“, რათა ჩვენი შეთავაზებები უყოყმანოთ მიეღოთ...

კაბინეტში ქალბატონი ლალი და მისი ადვოკატი, ქალბატონი ცილა შემობრძნადნენ. საშინლად ამაზრზენი მეჩვენა ლალი. საუბარი მე წამოვიწყე:

— ქალბატონო ლალი, თქვენი ჩვენების მიხედვით თუ ვიმსჯელებთ, თქვენ განაცხადეთ, რომ არაფერი იცოდით „რელიქვიების“ შესახებ, ადასტურებთ ჩემს სიტყვებს?

— დიახ.

უტიფრად მომხალა ლალიმ. მე სრული სიმშვიდე შევინარჩუნე.

— ნება მიბოძეთ რამდენიმე დოკუმენტი გაგაცნოთ, ეს დოკუმენტების ქსეროკოპიაა. აქ თქვენი ძმის მიერ ლომბადში დაგირავებული ნივთების ნუსხაა და ნივთების ფოტოები, ასევე გადახდის ქვითრები და ხელშეკრულება, რომელზეც თქვენ ძმა ანერს ხელს... ეს ნივთები თქვენი მეუღლის „რელიქვიებს“ წარმოადგენს. თქვენი ძმა ქურდია, მან ეს ნივთები თქვენი ოჯახიდან მოიპარა, რა შეგიძლიათ მითხრათ ამ ფაქტთან დაკავშირებით?

ლალი შეცბა, მოიღუშა. მე განგებ „დავმალე“ ფოტოები სადაც ლალი ძმასთან ერთად იყო გადაღებული ლომბარდში. ლალი ამოიგმინა.

— სალახანა ბრძანდებით ბატონო ადვოკატო...

— უკაცრავად...

ვუპასუხე გაკვირვებულმა, ამ ქალის ქცევამ გამაოგნა.

— ეს ნივთები მხოლოდ მოგონებებია და მეტი არაფერი...

— ქალბატონო ლალი, მასალები პროკურატურას უკვე გადავეცი და მერწმუნეთ ამ მასალებს უყურადღებოთ არ დატოვებენ...

ლალიმ ამოიგმინა, თვალი თვალში გაუყარე, მრისხანებას ასხივებდა მისი სახე, არანაირი სინდისის ქეჯნა, გამიკვირდა, ძალიან გამიკვირდა... ჩემს წინაშე ზნედაცემული ქალი იჯდა. გაცუბულმა, ახლა ქალბატონ ციალას მივმართე.

— ქალბატონო ციალა, მინდა გადახედოთ რამდენიმე მტკიცებულებას, რომელიც ადასტურებს თქვენი დაცვის ქვეშ მყოფი ქალბატონის დანაშაულებრივ ქმედებას და აქვეა მისი პირადი ცხოვრების ამსახველი ვიდეო კადრები. გთხოვთ მათ წარმოშობაზე და კანონიერებაზე ნუ ვისაუბრებთ... როცა ამ კადრებს იხილავთ, თავად გადანყვიტეთ როგორ მოიქცეთ. თანახმა ბრძანდებით?

— დიახ, რასაკვირველია...

დისკი კომპიუტერში შევუშვი და ეკრანი ადვოკატისკენ შევატრი-ალე...

ქალბატონები თითქმის ერთი საათის განმავლობაში უყურებდნენ ამ გულისამრევ კადრებს. ისმენდნენ საუბრებს და დიალოგებს, რომლებიც ცილისწამების და სიცრუის ნიმუში იყო. როდესაც ფილმი დასრულდა ქალბატონ ლალის ყურადღებით დავაკვირდი, მისი რექცია მაინტერესებდა, იგი მოტყდა? არა, არამც და არამც, „ნახტომისთვის“

ემზადებოდა ქალი. ქალბატონ ციალას თვალბეჭეში კი განცვიფრება და უკიდურესი ზიზღი დავინახე თავისი დაცვის ქვეშ მყოფის მიმართ. დუმილი ქალბატონმა ციალამ დაარღვია:

— ბატონო გიორგი, თუ თქვენ ამ კადრებს სასამართლოზე მტკიცებულებად გამოიყენებთ, ჩვენ უფლებას ვიტოვებთ მოვითხოვოთ ამ კადრების მოპოვების კანონიერება...

— მოითხოვეთ ვინ გიშლით...

ჩვენი შემდგომი საუბარი მხოლოდ სიტყვათა პაექრობა იყო და სხვა არაფერი. ლალი კი დუმდა, გამოსავალს ეძებდა ეს აფთარი და მოულოდნელად მკითხა:

— ჩემს ძმას რა ბედი ეწევა?

— ამ შეკითხვით პროკურატურას უნდა მიმართოთ, ისინი უფრო კვალიფიცირებულ პასუხს გაგცემენ ქალბატონო ლალი...

— ჩემგან რას ითხოვთ?

— პროკურატურიდან თქვენი განცხადების გამოტანას, თქვენი მოთხოვნების ანულირებას, საქმის შეწყვეტას თქვენივე მოთხოვნით და თქვენი მეუღლის მიერ შემოთავაზებული პირობების უპირობო მიღებას...

— მას ჩემთვის არაფერი შემოუთავაზებია.

— ნუ ნერვიულობთ, შემოგთავაზებთ.

ქალი ფერდაკარგული იჯდა, ამით დამთავრდა ჩვენი შეხვედრა. ლადოს დავურეკე და დავამშვიდე, თუმცა კადრების შესახებ არაფერი მითქვამს, ჩემი კლიენტის თავმოყვარეობას გაუფრთხილდი. ლადო მიხვდა, რომ სიტუაციას მე ვაკონტროლებდი. რამდენიმე დღეში „რელიქვიები“ მაგიდაზე მენყო.

ლადო ჩემს კაბინეტში შემოვიდა, ნივთებს შეხედა, კანკალებდა კაცი. კაბინეტიდან გამოვედი და დერეფანში სიგარეტს მოვუკიდე. ლადო თავის მოგონებებთან მარტო დავტოვე.

ერთი კვირის შემდეგ სასამართლო პროცესი დაიწყო. ყველა აუცილებელი მტკიცებულებები ხელთ მქონდა. საქმის წარმატებით დაგვირგვინების ასპროცენტიანი შანსი სიმშვიდეს მანიჭებდა.

სასამართლო დაიწყო. მოწმეთა ჩვენებებმა და ჩემს მიერ წარმოდგენილმა მასალებმა ჩემი დაცვის ქვეშ მყოფის გამამართლებელი განაჩენის გამოტანის ყველა წინაპირობა შექმნა. სასამართლო ბატა-

ლიების მოყოლით თავს აღარ შეგანყენთ, მხოლოდ იმას დავამატებ რომ ოპონენტი მხარის მიერ წარმოდგენილი მტკიცებულებები სასამართლომ არადაამაკმაყოფილებლად სცნო. სასამართლომ ქალბატონ ლალისა და ბატონი ლადოს ქორწინება ბათილად სცნო. პირველი რუბიკონი გადალახული იყო. ბავშვების მეურვეობაზე ორივე მშობელს თანაბარი უფლება მიენიჭათ. დაიწყო მხარეებს შორის ქონებრივი საკითხის განხილვა. მაგიდაზე ჩემი განუყრელი „ლეპტოპი“ დავდე, ლეპტოპის ეკრანი გაავშალე და „დისკი“ ლეპტოპში დემონსტრაციულად შევაცურე. საჭირო ფაილიც მოვნახე და მასალა გასასაჯაროებლად მოვამზადე, რა თქმა უნდა იმ შემთხვევაში თუ ამის საჭიროება დადგებოდა... ლადო გაკვირვებული აკვირდებოდა ჩემს მოძრაობას... არც ქალბატონ ციხლას და ქალბატონ ლალის გამოპარვით ჩემი მოქმედება. ლადო მიხვდა რომ „რალაცას“ ვაპირებდი, მაგრამ სასურველი იყო, ჩემი ჩანაფიქრი, ჩემი კლიენტისთვის უცნობი დარჩენილიყო...

ჩვენი ოპონენტი მხარე დაეთანხმა ყველა ჩვენს შეთავაზებას და ქონებრივი საკითხი ჩემი დაცვის ქვეშ მყოფის სასარგებლოდ გადაწყდა. სასამართლო განჩენის გამოტანის თარიღიც დასახელდა.

შვებით ამოვისუნთქე. ლადოც დამშვიდდა. გარემოებები სიმშვიდის საბაბს ნამდვილად გვაძლევდა... მაგრამ...

მოსამართლე სასამართლო განაჩენს კითხულობდა, შეუვალი იყო მსაჯული, ყველაფერი ლოგიკურ დასასრულისკენ მიდიოდა... ლალის დავაკვირდი, ხელჩანთა მაგიდაზე დადო, გახსნა, ცხვირცახოცი ამოიღო და ალბათ ოფლიანი ხელისგულების წმენდა დაიწყო... შემდეგ ისევ შეაცურა ხელი ხელჩანთაში, მოსამართლე განაჩენის კითხვას ასრულებდა...

— ვერ ეღირსები ნაძირალა!

ცხოველური ხმით იკვილა ლალიმ. ქალს ხელში პისტოლეტი ეჭირა. გადატენა და ჩვენი მისამართით დაიწყო ინტენსიური სროლა. ინსტიქტურად სკამიდან წამოვადი, დავინახე პოლიციამ როგორ განაიარაღა ქალი, უნებურად ლადოსკენ გავიხედე, გულალმა ეგდო სისხლში მოსვრილი ლადო... მე გონება დავკარგე... პისტოლეტი ლადოს ეკუთვნოდა...

გონს საავადმყოფოში მოვედი. ჩემთვის ოპერაცია უკვე გაეკეთებინათ, ფეხში ვყოფილვარ დაჭრილი. ინტენსიური თერაპიის პალატა-

ში გადამიყვანეს. ლადო გადარჩა. ერთი ტყვია მხარში ჰქონდა მოხვედრილი მეორე კი მკერდში, მარჯვენა მხარეს. საბედნიეროდ არც ერთი სასიცოცხლო ორგანო არ დაზიანებულა.

ლალის ცხრა წლით პატიმრობა მიესაჯა, დავითი ხუთი წლით „მიავლინეს“ საპატიმროში, ხოლო სიდედრი, სოფელს დაუბრუნდა. ლადოს ვაჟები ტარიელმა შეიფარა და ის უვლიდა. ლადოს კომპანია როგორც არასდროს ისე გამართულად მუშაობდა. რალა ბევრი გავაგრძელო, სამ თვეში სამსახურს დავეუბრუნდი. საავადმყოფოდან განწერის შემდეგ ლადოც ტარიელს შეეხიზნა. რძალი ღვთისნიერი ქალი აღმოჩნდა, როგორც საკუთარ ძმას ისე უვლიდა მაზლს. მალე გამოჯანმთელებული კაცი სამსახურში გავიდა. მთელი კომპანია ფეხზე დადგა...

ლადოს დღიური

აღარ მინდა წარსულის გახსენება, თუმცა ჭრილობა მახსენებს წარსულს, ჩემი შვილები დედას არ ახსენებენ. გული მეტკინა... მიუხედავად ყველაფრისა დედა არ უნდა დაივიწყონ, თუმცა ამისი სრული უფლება აქვთ. თურმე სადილის ფულს რომ ვაძლევ ბიჭებს, ინახავდნენ და ნაგროვები ფულით ციხეში დედას „პერედაჩებს“ უგზავნიან. ხმა არ ამომიღია, იყოს მათი საიდუმლო, მე მგონი ასე აჯობებს...

ბედნიერებას ვეძებდი, ალბათ ბედნიერებას დამსახურება სჭირდება.

სარკეში ვაკვირდები საკუთარ სახეს, თავზე ერთი შავი თმა აღარ შემრჩენია. გამეცინა, „თოვლის პაპა!“ დავცინე ჩემს ანარეკლს.

* * *

ერთხელ სახლში ვილაც გვესტუმრა, ჩემმა მეუღლემ გაულო კარები. სტუმრები მისაღებ ოთახში შეიყვანა და საოცრება მოხდა... ათ წუთში ვიზიტორები ჩემმა მეუღლემ სახლიდან გაყარა, სრული ამ სიტყვის მნიშვნელობით. გაგეცინებათ, თურმე ვილაც კაცი მეუღლესთან წარმოქმნილი კომფლიქტისა და გამორებასთან დაკავშირებით დახმარების სათხოვნელად იყო მოსული (ეს მერე გავიგე)... ჩე-

მი მეუღლის „ცაცხანი“ მესმოდა, „თუ უნდა გამოვრდე რაღას მოგყავთ ცოლები, მომიკლავენ ეს ვიგინდარები ქმარს...“ ხარხარი ამივარდა, მართლაც გულიანად ვიცინოდი.

ლადოს ღლიური

სახლში დაღლილი დავბრუნდი, ამ თათბირებმა ლამის არის სული ამომხადოს, ათას დეგენერატს უნდა უსმინო „ყურადღებით“ და ამ „აბსურდის თეატრში“ წამყვანი მსახიობის როლი მოვივრგო. სახლში მარტო ვარ. ცოლს გავშორდი... ეხლა თავიდან უნდა დავიწყო ყველაფერი... ოჯახს ვაშენებდი და ჯოჯოხეთი შეეკმენი. ლალის „ფენომენი“ თავს არ მანებებს...

ნანას მგონი მოვწონვარ, კარგი ქალია... იცით რა მომწონს მასში? არ დამიჯერებთ... ოცდათი წლის გათხოვდა, ერთ წელიწადში მეუღლე გარდაეცვალა, საკუთარ მშობლებს და დედამთილ-მამამთილს აგერ უკვე მეოთხე წელია უვლის, ბედნიერება ჯერ არ მინახავს ნანას სახეზე. საქმეში კი ნამდვილი პროფესიონალია... ვაგრძნობინე... ვუთხარი რომ ცოლად მინდა მისი მოყვანა, შემინდა, ჩვენი ურთიერთობა დაიძაბა. საქორწინო ბეჭედი დავუდე მაგიდაზე და ვუთხარი, რომ ერთ კვირაში ეთქვა პასუხი. ეგრევე „არა“ მომახალა. შემდეგ ისევ ვთხოვე და დავპირდი, რომ მის დედ-მამას და დედამთილ-მამამთილს, როგორც საკუთარ ნათესავებს ისე მივხედავდი. უნდობლად გამიღიმა და წყნარად მიპასუხა: — „მე ჩემი მეყოფა...“. ვთხოვე, „ერთ კვირაში მითხარი პასუხი და თუ ისევ „არა“-ს მეტყვი, გთხოვ ეს ბეჭედი ჩემს თვალწინ ნაგვის ურნაში ჩააგდე-მეთქი“. შევბრუნდი, თანამშრომლები გაფაციცებულელები შემოგვცქეროდნენ. მე, კომპანიის მფლობელს, ვერაფერს მიბედავენ თორემ ვგრძნობ ჭორების ქარბორბალა როგორ დაჰქრის ოთახიდან ოთახში, კაბინეტიდან კაბინეტში.

დღეს მეშვიდე დღეა, ასე ჯერ არ მშინებია გათენების. თქვენ ალბათ მეტყვიით, „რად გინდა პრობლემური ქალი, განა ქალები დაილია ქვეყანაზე? მე კი გიპასუხებთ: — „სადმე გსმენიათ ნანას ისტორიის მქონე ადამიანის შესახებ? ან მსგავსი კეთილშობილების ანალოგს გაიხსენებთ ვინმე?“

სამსახურში მივედი. მანქანა ავტოსადგომზე გავაჩერე. უნებურად შენობის ფანჯრებისკენ გავიხედე და... და თანამშრომლთა ურიცხვი თვალი მიმზერდა. ისინი მიყურებდნენ... შემდეგ როგორც ერთი, ისე მოშორდნენ ფანჯრებს, ალბათ საქმეს შეუდგნენ, სასაცილოა არა? ჯანდაბას მათი ცნობისმოყვარეობა. მე მინდა ვიყო ბედნიერი. მეშინოდა... ჩემი სიყვარულის განაჩენის მეშინოდა...

ლადოს დღიური

რა არის ბედნიერება? ის თვითოეულ ადამიანში ჩამარხული „განძია“, რომელიც დროთა განმავლობაში ივსება ჩვენგან დამოუკიდებლად, ის, თვალნათლივ არსად ჩანს და ჩვენით სულდგმულობს. ის არც სკივრშია, რომ ამოიღო და ხელით შეეხო. თუ ადამიანს საკუთარი ბედნიერების დანახვა არ შეუძლია, ის, ვერც ტაძარში ილოცვებს გულმხურვალედ, მხოლოდ ჩამქრალი კელაპტრით ხელში დაყუდებულ თვალმოსეირეს დაემსგავსება, სხვის ლოცვა-ვედრებას რომ თვალთა ალიქვამს და საკუთარის წარმოთქმა კი სიმძიმეს ჰგვრის. ბედნიერება ადამიანის არსის განძია, თუ მისი პოვნა ვერ შესძელი, მხოლოდ სხვისი ბედნიერების შემყურეს, საკუთარი ყოფიერების ეთერში გაითქვიფება და დრო დაფერფლავს.

მე ვიპოვე ჩემი ბედნიერება, ნუხელი ნანა ჩემი შვილების პერანგებს აუთოებდა და რაღაც სიმღერას ლილინებდა. შემდეგ ტანსაცმელი გამიმზადა სახვალაოდ.

სუნამოს საყიდლად ჩავედით პარფიუმერიის მაღაზიაში, თავისთვის საუკეთესო ავარჩევინე. „შენ რომელ ოდიკოლონს ხმარობ?“ მკითხა ნანამ, „რომლის სურნელიც შენთვისაა მისაღები“, ღმილით ვუპასუხე მეუღლეს.

* * *

ეს ბოლო ჩანანერია ლადოს დღიურში. მე არ ვიცი კიდევ წერს თუ არა ჩემი კლინტი დღიურებს, მაგრამ ეს რვეულები მან საკუთარი ნებით დამიტოვა, ალბათ იმიტომ, რომ უკეთ გამეცნო და მისდამი ნდობა გამჩენოდა.

მწერალი რომ ვიყო კარგ რომანსაც „გამოვაცხოვდი“, მაგრამ ვნახოთ... ვნახოთ... ვნახოთ...

ადვოკატის ჩანაწერი

ექიმის საქმე

საქმის მასალები პროკურატურაში გადმომცეს. პატიმრობიდან ახლად განთავისუფლებულმა პირმა საკუთარი მეუღლე განსაკუთრებული სისასტიკით გამოასალმა სიცოცხლეს. მე შესმის მსჯავრდებულების, ციხიდან გამოსვლის შემდეგ რჩება სტრესი, შერყეული ფსიქიკა, ოჯახთან გაუცხოვება, ეჭვიანობა და ასე შემდეგ... პრობლემები, მაგრამ არა როგორც ადვოკატი, არამედ როგორც კაცი, სრულიად ვიზიარებდი ჩემი დაცვის ქვეშ მყოფის არგუმენტებს და მოტივებს ჩადენილი დანაშაულის ლოგიკურობასთან დაკავშირებით.

დაპითხვის ოქმი

(ამონარიდი)

გამომძიებელი — ესე იგი თქვენ ამტკიცებთ, რომ ნარკორეალიზატორი თქვენი სიმამრი იყო?

ბრალდებული — დიას...

გამომძიებელი — მაშინ ამისხენით როგორ მოხვდა ნარკოტიკები და ფსიქოტროპული პრეპარატები თქვენს ბინაში?

ბრალდებული — მე ექიმი ვარ, უფრო სწორედ ვიყავი... ჩემს სახლში საკმაოდ დიდი საოჯახო აფიაქი მქონდა, ბევრ ნამალს ვინახავდი იქ... ჩემი მეუღლე ნარკოტიკებს იქ ინახავდა...

გამომძიებელი — მომისმინეთ, როდესაც საგამომძიებო ჯგუფმა ნარკოტიკები აღმოაჩინა, თქვენ დანაშაული აღიარეთ, ასე არ არის?

ბრალდებული — დიას, ასეა... მაგრამ, სიმართლე სხვა არის...

გამომძიებელი — განაგრძეთ.

ბრალდებული — ჩემი სიმამრი წლების მანძილზე ციხის უფროსად მუშაობდა, დიდი ფულის პატრონიც გახლდათ. ციხეში მან ერთი ნარკო-ბარონი, ვინმე „თავთავა“ გაიცნო...

გამომძიებელი — თქვენ იცნობთ „თავთავა“-ს ?

ბრალდებული — კი, მქონდა პატივი, მე „თავთავა“ გამაცნეს როგორც ბიზნესმენი.

გამომძიებელი — განაგრძეთ...

ბრალდებული — „თავთავა“ საკმაოდ ნიჭიერი და განათლებული კაცი გახლავთ და ჩემს უნიგნურ სიმამრზე გარკვეული გავლენის მოპოვება შესძლო. ციხეში ნარკოტიკების შეტანის იდეაც „თავთავა“-ს ეკუთვნოდა.

გამომძიებელი — თქვენ ამტკიცებთ, რომ თქვენი სიმამრი ნარკოტიკების გავრცელებას უწყობდა ხელს?

ბრალდებული — დიახ ასეა. ამ გზით მან ძალიან დიდი ფული იშოვნა. „თავთავა“ ქიმიკოსი გახლდათ, ადრე სკოლაშიც მუშაობდა პედაგოგად, ერთი პერიოდი სამეცნიერო-კვლევით ინსტიტუტშიც მუშაობდა ბიო-ქიმიკოსის თანამდებობაზე...

გამომძიებელი — საინტერესოა... განაგრძეთ...

ბრალდებული — ჩემი სიმამრის საქმიანობის შესახებ შინაგან საქმეთა სამინისტრომ მოკვლევა დაიწყო. ეტყობა ეჭვი გაჩნდა. თუმცა არა საკმარისი მტკიცებულებების გამო ვერ დააპატიმრეს, ჩინი მოუმატეს და პენსიაზე გაუშვეს... „თავთავა“-ც გამოვიდა ციხიდან და ძველი პარტნიორები ერთმანეთს ჩემს აგარაკზე შეხვდნენ. ჩემმა სიმამრმა ის ბიზნესმენად გამაცნო.

„თავთავას“ შესახებ კერძო გამოძიება დავიწყე. მაინტერესებდა ვინ იყო ეს პიროვნება და უკიდურესად საინტერესო მასალებს წავაწყდი. „თავთავა“, ანუ ირაკლი გ... ერთობ ნიჭიერი ადამიანი ყოფილა. სკოლა ოქროს მედალზე დაუმთავრებია და უნივერსიტეტში ბიო-ქიმიის ფაკულტეტზე განაგრძო სწავლა, მის დახასიათებებში ვერ ნახავთ ვერც ერთ „შავ“ ნერტილს. სამეცნიერო კომფერენციები, სამეცნიერო სტატიები, ჟილდოები, სიგელები... და შემდეგ წითელი დიპლომი... წარმატებული კაცი გახლდათ ბატონი ირაკლი. „თავთავა“-მ ასპირანტურაში განაგრძო სწავლა და პირველმა ფიასკომაც არ დააყოვნა... მზა დისერტაცია დაიკარგა. როგორც შემდეგ გამოირკვა ირაკლი გ-ს... დისერტაცია, დისერტაციის ხელმძღვანელის, პროფესორის ასულმა წარადგინა და წარმატებითაც დაიცვა. ირაკლი გაოგნებული იყო. ბევრი იბრძოლა, მაგრამ პროფესორის ავტორიტეტმა თავისი ქნა.

დაკითხვის ოქმი

(ამონარიდი)

ბრალდებული — არასოდეს შემპარვია ეჭვი ჩემი სიმამრის პატიოსნებაში. ხო, ისიც არის, რომ „სკამს თუ აფუჭებ“, თანამდებობას დაგატოვებინებდნენ და „უფრო“ საპასუხისმგებლო თანამდებობაზე გადაგიყვანდნენ, ასე იყო მაშინ...

გამომძიებელი — მატერიალურად გეხმარებოდათ თქვენი სიმამრი?

ბრალდებული — დიახ. მაშინ მე ახალბედა ექიმი ვიყავი. ჩემი მშობლები მეხმარებოდნენ, მაგრამ საერთო შემოსავლით ოჯახის რჩენა მაინც მიჭირდა...

გამომძიებელი — თქვენი მეუღლე?

ბრალდებული — სასწრაფო დახმარების ბრიგადაში ექთნის თანამდებობა ეკავა.

მეორედ ჩააბარა ასპირანტურაში ირაკლიმ. საკმაოდ სერიოზულ პრობლემას შეეჭიდა ახალგაზრდა კაცი და... აქაც მარცხი. თემის ხელმძღვანელი ამ შემთხვევაშიც არაკაცი გამოდგა და საბოლოო ჯამში „თავთავა“-ს საქმე „ჩაუნყეს“... მას სკოლის მასწავლებლის თანამდებობა „გაუჩაღიჩეს“. გაბოროტდა კაცი. როგორც ირკვევა სკოლაში საკმაოდ კარგი პედაგოგი ყოფილა და გარკვეული პერიოდის შემდეგ „რეპეტიტორობას“ მიჰყო ხელი. აქაც არ გაუმართლა. კოლეგებმა უჩივლეს და თავზე ფინანსური ინსპექცია დააყენეს. ღიმილს მოგგვრის ეს ყველაფერი. კაცს საკუთარი ნიჭის ღირსეულად გამოყენების საშუალება არ მისცეს მათ, ვისაც უშუალოდ ეხებოდა ახალგაზრდების ხელშეწყობა. ირაკლი და მისი მეუღლე, ორი მცირეწლოვანი შვილით, ისევ სკოლის პედაგოგის ხელფასის ამარა დარჩნენ. ირაკლიმ ინვალა და ერთ-ერთი სამეცნიერო-კვლევითი ინსტიტუტის ბიოქიმიის ლაბორატორიაში დაიწყო მუშაობა. აქედან დაიწყო მისი ცხოვრების სრულიად ახალი ეტაპი.

დაკითხვის ოქმი

(ამონარიდი)

გამომძიებელი — ბრალდებულო, თქვენ დაჟინებით ამტკიცებთ რომ თქვენი ბინის ჩხრეკისას ამოღებული ნარკოტიკული და უკანონოდ წარმოებული ფსიქოტროპული საშუალებები ეკუთვნის თქვენს სიმამრს, რომელიც თქვენს აფთიაქში „შესანახად“ თქვენმა მეუღლემ მიიტანა...

ბრალდებული — დიახ, ვადასტურებ.

გამომძიებელი — თუნდაც რაიმე სახის მტკიცებულებით შეგიძლიათ დაადასტუროთ თქვენი მოსაზრება?

ბრალდებული — სამწუხაროდ ჩემი და ჩემი მეუღლის საუბრის ჩანაწერები მე არ გამაჩნია.

გამომძიებელი — იქნებ თქვენ ნარკო-სინდიკატის წევრი ბრძანდებით და ცდილობთ პასუხისმგებლობას ამგვარი სახით გაექცეთ? თანაც თქვენი მეუღლის მკვლელობა... სიმამრის ტაბელური იარაღით... ამაზე რას მეტყვით?

ბრალდებული — მე ვამტკიცებ, რომ ნარკოტიკები და სხვა... ისინი ჩემს სახლში ჩემმა მეუღლემ მოიტანა...

გამომძიებელი — იარაღი? იარაღი როგორ გაჩნდა თქვენს ხელში?

ირაკლი გ... ერთობ საჭირო კაცი გახდა. ლაბორატორიაში თითქმის ყველა გავლენიანი ოჯახის შვილების სადისერტაციო თემებისთვის ლაბარატორიულ სამუშაოებს თავად ატარებდა. ფულის შოვნაც შესძლო. დისერტაციაზე აღარ ფიქრობდა. შემდეგ, როგორც ირკვევა საკანდიდატო დისერტაცია დაიცვა. ავტორიტეტი მოემატა, დაანინაურეს და მის ხელში ისეთი სახის ქიმიური რეაქტივები მოხვდა, რომელიც საშუალებას აძლევდა „ექსპერიმენტალური პრეპარატები“ დაემზადებინა. ასევე მინდა ავლნიშნო, რომ დანარჩენი „საწარმოო ინგრედიენტები“ აფთიაქებში თავისუფლად იყიდებოდა და „საწარმოო რისკები“ საშიშროებას არ წარმოადგენდა. საკუთარი პრეპარატების „გამოცდა“ შესაბამისი ნებართვის საფუძველზე, საავადმყოფოში, პაციენტებზე დაიწყო. შედეგი — გრანდიოზული. ავადმყოფების სასიცოცხლო ტონუსის მომატება, ქამის მადის გაუმჯობესება, სიმშვიდე,

ნერვული დაავადებებისადმი დადებითი ზემოქმედება და ერთგვარი „ნირვანა“. ირაკლი გ-მ შეჰქმნა „ნარკოტიკი“, რომელიც მხოლოდ მოთხოვნის შესაბამისად ეგზავნებოდა საავადმყოფოს და კლინიკებს. საქმე მშვენირად მისდიოდა მეცნიერს. შემდეგ დამამშვიდებელი და შესაბამისად სამკურნალო პრეპარატებიც შექმნა, რომლის მომხმარებელიც ფსიქიატრიული საავადმყოფო გახდა. ორივე პრეპარატი ნარკოტიკის ეფექტს იძლეოდა, მაგრამ მომხმარებელის „დამოკიდებულებას“ წამალზე გამორიცხავდა, შესაბამისად ვერც სისხლის ანალიზით იპოვიდით „დანაშაულის“ კვალს.

დრო გადიოდა. ირაკლი გ... გამდიდრდა, აგარაკი, მანქანა, პრესტიჟულ უბანში კომფორტული ბინა, გავლენიანი სამეგობრო... და ერთ მშვენიერ დღეს, ირაკლი გ... მეუღლეს გაშორდა. ყველაფერი ცოლ-შვილს დაუტოვა და თვითონ ერთ-ოთახიან ბინაში გადავიდა საცხოვრებლად. ამ დროისთვის პროკურატურაში ირაკლი გ-ს საქმიანობასთან დაკავშირებით მოკვლევა იყო დაწყებული. უნივერსიტეტის სტუდენტები ფსიქოტრონული პრეპარატების მოხმარებაში ამხილეს. ვიღაც ინტენსიურად ავრცელებდა აკრძალულ წამლებს ახალაზრდებში. კვალი „თავთავასთან“ მიდიოდა. ჩემი აზრით, ირაკლიმ გაიგო გამოძიების დაწყების შესახებ და შეგნებულად „დაანგრია“ ოჯახი, რომ კომფისკაცია აერიდებინა თავიდან. სხვა ინფორმაციებიც წავიკითხე „თავთავა“-ს შესახებ და განვცვიფრდი, ეს გენიალური ფიგურა დამნაშავეთა სამყაროს ერთ-ერთი გავლენიანი და ხელშეუხებელი ფიგურაც გახლდათ, მაგრამ... ჩასვეს... ნარკო-რეალიზატორობის ბრალდებით. თუმცა „გარეთ დარჩენილმა“ ხალხმა „იზრუნა“ და „თავთავა“ ციხიდან გაანთავისუფლეს. მისი საყვარლების ვინაობაც დავადგინეთ, ისინი ირაკლის დისერტაციის მიმთვისებლების ქალიშვილები აღმოჩნდნენ. გენიალურია არა?

„თავთავა“, ციხეში ყოფნის პერიოდში, ციხის უფროსს დაუახლოვდა, შესაბამისი „არხების“ მეშვეობით, თითქმის მთელი წლის პერიოდში „პრეპარატები“ დაუბრკოლებლად შედიოდა ციხეში და ფულიც „კეთდებოდა“.

დაკითხვის ოქმიდან

(ამონარიდი)

გამომძიებელი — ბრალდებულო თეიმურაზ ფ... იქნებ ამიხსნათ, თუკი „თავთავა“ ციხეში იჯდა და ნარკოტიკული საშუალებები თქვენი სიმამრის მეშვეობით შედიოდა ციხეში, მაშინ რას წარმოადგენდა თქვენი მეუღლის როლი მთელ ამ „სინდიკატში“?

ბრალდებული — „თავთავა“-ს საწყობიდან „საქონლის“ ტრანსპორტირება ციხემდე. ჩემმა სიმამრმა, ჩემი მეუღლე ციხის მედ-პერსონალის წევრად აქცია და ციხის მთავარ ექიმად დაანიშნაურა.

გამომძიებელი — ბრალდებულო, თქვენი მეუღლის დანიშნულების შესახებ ჩვენ ვიცოდით, მაგრამ „საწყობიდან“ „პრეპარატების“ თქვენს ოჯახში ტრანსპორტირების მიზანი ამიხსენით.

ბრალდებული — „თავთავა“-ს „დისტრიბუტორები“ ქალაქშიც ჰყავდა და „საქონელი“ მათთვის გადასაცემად იყო გამიზნული...

გამომძიებელი — თქვენ ამის შესახებ არაფერი იცოდით და არც ნილში გაჰყავდით „თავთავა“ -ს, ასეა?

ბრალდებული — დიახ.

ირაკლი გ... შესანიშნავი ორგანიზატორი და შორსმჭვრეტელი „ბიზნესმენი“ აღმოჩნდა. მისთვის ციხის უფროსთან თანამშრომლობა მიმზიდველობას კარგავდა. თანაც მისი ასულის თავხედობა, ფულისადმი დამოკიდებულება ნაკლებად მისაღები აღმოჩნდა „თავთავასათვის“, თუმცა საყვარლის სტატუსი სრულიად აკმაყოფილებდა და ნაკლებად აფიქრებდა მოვლენათა „ოჯახური“ განვითარება, თეიმურაზი ჯერ „გაუთამამებელ კოზირად“ ჰყავდა შემონახული. ირაკლი. გ-ს ესმოდა, რომ შესაძლოა „რქიანის“ დამლას ახალგაზრდა ექიმი უკიდურესად გაელიზიანებინა და შესაძლებელია თავის ცოლზე შურისძიება ეცადა, ან თავის სიმამრზე, ან ორივეზე ერთად. მოვლენები ციხის მთავარი ექიმის სიხარბემ დააჩქარა, სცენაზე ახალი მოთამაშე გამოვიდა, ეს „კაზინო“ იყო. დიდი ოდენობით თანხის წაგება და მერე რამდენიმე დღეში ვალის დაფარვამ სამართალდამცავებს ეჭვი აღუძრა. საქმე ძალიან დიდ ფულს ეხებოდა. „თავთავასთვის“ დიდ „გამოცანას“ არ წარმოადგენდა, რომ შეიძლებოდა ცოტა ხანში ქალბატონი ექიმის „შემოსავლები“ გაეშიფრა პროკურატურას და შესაბა-

მისად პრობლემები წარმოიშობოდა. საჭირო გახდა თეიმურაზის „კარტის“ გათამაშება...

დაკითხვის ოქმიდან

ბრალდებული — მე არ ვიცი ჩემს უჯრაში როგორ აღმოჩნდა იარაღი, ნამდვილად არ ვიცი, ის უბრალოდ იქ იდო...

გამომძიებელი — თქვენი უჯრით ხშირად სარგებლობთ?

ბრალდებული — დიახ, ყოველდღე...

გამომძიებელი — განაგრძეთ.

ბრალდებული — ჩემს უჯრაში უცნობი კონვერტი იდო, დიდი კონვერტი, თაბახის ფურცლის ხელა. ზედ კი, მოკლე წარწერა ჩემი ცოლის ხელით იყო გაკეთებული...

გამომძიებელი — რა ეწერა კონვერტზე?

ბრალდებული — „ჩემს რქაგატოტვილ ქმარს“, ასე ეწერა. კონვერტი გავხსენი, ჩემი ცოლის ფოტოები იყო, შიშველი ვილაც მამაკაცს ეხვეოდა, ჰკოცნიდა...

გამომძიებელი — შემდეგ რა მოხდა?

ბრალდებული — იმ ღამეს მორიგე იყო ციხეში, მე მეორე დღეს დაველოდე, მინდოდა ყველაფერი ამეჩონა და ისე მოვქცეულიყავი, ქუჩაში გავედი, ისე უბრალოდ... დავდიოდი... მინდოდა გონება მომეკრიბა... სახლში დავბრუნდი, უჯრა ისევ გამოვალე და ეხლა კონვერტის ქვეშ ის პისტოლეტი დავინახე. ჩემი სიმამრი თავის იარაღს ხანდახან ჩვენთან ტოვებდა, „ტარება მეზარება და აქ იყოსო“, ასე ამბობდა. ჩემს უყურადღებობას დავაბრალებ რომ თავიდანვე ვერ შევნიშნე იარაღი. დილით ჩემი ქალბატონი სახლში დაბრუნდა... მე ფოტოები ვაჩვენე. ის ჯერ შეცბა, მერე გადაიხარხარა და დამცინა, „შენ ჯერ ფულის შოვნა ისწავლე და მერე მეც შევეცდე შენი ერთგულება ვისწავლო“, მომაცხა გესლიანად, ბევრი აღარ მიფიქრია... მთელი მჭიდი დავაცალე... მე არ ვნანობ ჩემს საქციელს... ჩემი დამპალი სიმამრიც რომ იქ ყოფილიყო, იმასაც დავცხრილავდი... მე არ ვნანაობ...

სასამართლოზე უამრავი ფაქტები დაიდო, საოცარი კი ის იყო, რომ მოსამართლეს და ბრალმდებელს თითქოს დამნაშავეს მხარეს

იყვნენ... მომეჩვენა... ამკარად მომეჩვენა... კანონმა მკვლელს განაჩენი გამოუტანა...

„თავთავას“ წინაღამდეგ კი არანაირი სამხილი არ არსებობდა და ეს ნაძირალა ისევ „მშრალი“ დარჩა. სიმამრმა თავი მოიკლა, საკუთარი სახლის აივნიდან გადმოხტა და ასე დაასრულა სიცოცხლე. თუმცა ექსპერტიზა ძალადობის ფაქტზე ამახვილებდა ყურადღებას, ამ გარემოების გამო თავი ზედმეტად არავის შეუწუხებია.

თეიმურაზი ციხიდან ამნისტიით გამოვიდა. ის „თავთავასთან“ მიკრო-ბიოლოგიის ლაბორატორიაში სამედიცინო ექსპერტად მუშაობს. რატომ აიყვანა თანამშრომლად თეიმურაზი? ხოოო, ის ხომ უნიჭიერესი ექიმი, თანაც უკვე „კრიმინალი“. თეიმურაზს ციხიდან გამოსვლის შემდეგ ცოლი არ მოუყვანია.

როგორც შემდეგ გაირკვა, პისტოლეტიც და ფოტოებიც თეიმურაზის სახლში „თავთავას“ დავალებით ერთმა ბინის ქურდმა შეიტანა... ეხლახანს მაცნობეს, „თავთავა“ საექვო გარემოებაში გარდაცვლილი იპოვეს.

უკვე შეხვედრია...

— რავა გამწყრალი მიყურებ შე ქალო? შენ ქვე წახვედი და მე მიატოვე აქანა, ვიცი ანზორიკასაც კი შეხვდებოდი, მარა მე რა ვქნა? აგერ ვუყურებ თქვენს სურათებს და იმიტომ გელაპარაკებით ასე, თვარა დამლაპარაკებელი კი არ მყავს მე. ზამთარია ახლა, ყველას სცივა და შეყუყულები არიან სახლებში, მარა... გოჩანიკა და გიორგუნა ქალაქში არიან, ვერ იცლიან ჩემთვის... იცი რა გითხრა, ნუ ხარ გამწყრალი ჩემზე, მეც მანდ არ მოვალ? ეს ზამთარიც გაადაივლის და მერე გამომირონიებს მიქელ-გაბრიელი ალბათ და შევხვდებით... იცი რას გეტყვი? შენ რომ გაიგებ, რომ უნდა მოვიდე, იცოდე ლობიო, ჭადი და კომბოსტოს მჟავე დამახვედრე, თვარა არ ვიცი რას ვიზამ...

მოხუცი საწოლზე ჩამოჯდა, ისევ გახედა კედელზე დაკიდებულ მეუღლისა და შვილის სურათებს.

— იცი, შენ რომ წახვედი და მიატოვე ეს ქვეყანა, ჩემს თავს ვტიროდი... ეხ, ეხ, ეხ, ასეა, გოჩანიკას და გიორგუნას დავეხმაურე, მო-

ვიკითხე ბიჭები და იმათაც მომიკითხეს, წამოგიყვანთო სოფლიდანო, ჩვენთან იცხოვრებო... მე ახლა ვლირვარ შენუხებად? შენ მეტყვი, შვილები არიან და ვალდებულება აქვთო, მარა, მე ხომ ვიცი... ქალო, მომისმინე შენ, ანზორიკას უთხარი ღვინო დამახვედროს, ღვინო. მესამე წელიწადია უკვე ჭიქის მიმჭახუნებელიც არ მყავს... დავიძინებ ანი და დამესიზმრეთ მაინც... მომენატრეთ შენ და ჩემი ბიჭი, ჩემი ვაჟკაცი... ტყვია როგორ მოგერია შვილო! მარა ომმა არ იცის გარჩევა... ღმერთო შენ დეიფარე ჩემი შვილები, შენ უწინამძღვრე ცხოვრებაში, ნუ მიაკარებ ცუდ კაცებს და ხელი მოუშარეთ...

კარზე მორიდებული კაკუნი გაისმა, კარს შეხედა თადეოზ ბაბუამ, ერთ ხანს იყურა, ხომ არ მომესმאו და კიდევ დააკაკუნა ვილაცამ.

— მობრძანდი, კარი ღიაა.

კარები მძიმედ გაიღო და ზღურბლთან მოხდენილი, მომღიმარი ჭაბუკი გამოჩნდა, თოვლის ფიფქებს დაეპენტათ მისი ნაბადი.

— მობრძანდი ბაბუა, შემოდი, გათბი ცეცხლთან.

მიმართა სტუმარს თადეოზ ბაბუამ.

— მადლობთ.

მორიდებით მიმართა ახალგაზრდამ.

— თუ შეიძლება ნაბადს ბუხართან დავდებ, ნამეტანი ნესტიანია და ეგება ცოტა გაშრეს.

— კი ბაბუა, რავა არ შეიძლება შე კაცო.

დიდი ხანია ბაბუას არავინ სტუმრებია, წამოდგა ბერიკაცი სუფრაზე ღვინო დადგა დოქით და სუფრა გაუშალა სტუმარს.

— აგია ბაბუა, სუფრას ნუ დამინუნებ, კეთილი გულითაა გაშლილი...

— მადლობთ თადეოზ ბაბუა მასპინძლობისთვის.

— ვინ ხარ შვილო? სახელი მითხარი შენი.

— მე... მე... სიკვდილი ვარ ბაბუა.

— ვინ ხარ შვილო?

გული გადაუცივდა მოხუცს

— ხუმრობ ბაბუა?

— არა, აგერ კართან თქვენი მეუღლე და ანზორი მელოდებიან, მითხრეს არ დაგიჯერებსო და... წამომყვინენ...

გაფითრდა მოხუცი, მძიმედ წამოდგა, სახლის კარები გააღო და კარებთან ატუზული მეუღლე და მომღიმარი ანზორიკა იდგნენ. ენა ჩაუვარდა მოხუცს...

— ნუ გეშნია მამა.

მიმართა შვილმა.

— შემოვალთ...

— შემოდით...

ძლივს ამოილულულა მოხუცმა.

სუფრას მიუსხდნენ ოთხივე, სდუმდნენ სტუმრები, დუმდა მას-პინძელი. სიკვდილმა დაარღვია სიჩუმე და მიმართა მოხუცს.

— მეგონა გაგიხარდებოდა თადეოზ ბაბუა.

— კი შვილო...

ხმა აუკანკალდა მოხუცს.

— მარა ეგება... ცოტა ხანი რომ დავრჩე კიდო არ შეიძლება? მე-ვიდა დროო?

„ხოო“, მდუმარედ უპასუხა სიკვდილმა.

— ერთი დღეც არ შეიძლება?

ცრემლი მოაწვა მოხუცს.

„არაო“, მდუმარედ უპასუხა ახალგაზრდამ. ბაბუა წამოდგა, ოთახს შემოუარა, კედლებს ეფერებოდა, სახლს ემშვიდობებოდა მოხუცი. სუფრას დაუბრუნდა და მეუღლეს ჩახედა თვალებში.

— მაშიკო მითხარი, ძნელია ეს საქმე? რავა სულ გაბუტული ხარ შე ქალო.

— შენთვის არაა ძნელი, აწი ქვე ვიქნებით ერთად კიდო დიდ ხანს.

— მამა, სტუმრად გეწვიეთ და დაგვლოცე მაინც...

— შეიძლება? ღვინის დაღვევა შეიძლება?

იკითხა მოხუცმა.

— კი, შეიძლება მამა.

ახალგაზრდამ ღვინო ჩამოასხა.

— აპა, თქვენს მოსვლას და ჩემს დახვედრას გაუმარჯოს.

ჭიქა ასწია თადეოზ ბაბუამ.

— მასე იყოს.

ბრძანა ახალგაზრდამ და სასმისი გამოსცალა.

— კაცო, რავა შეშინებულებით იქცევი? რავა, არ გაგეხარდა ჩვენი დანახვა?

აქოთქოთდა მაშიკო ბებია.

— ვაი ჩემს თავს, იქანაც ასე უნდა მიშალო ნერვები ქალო? გაბრაზდა ბაბუა.

— სულ არ წამოვალ იცოდე... აბა კიდევ ერთი და გაორდება,

— ამ ჭიქით, ვისაც აქანა ვტოვებთ, ჩვენს მონაგარს, ნათესავებს, მეზობლებს, იმათ გაუმარჯოთ, ვინც საფლავზე აღდგომის კვერცხს გამოგვიგორებს და კურთხევას შემოგვითვლის, იმათაც გაუმარჯოთ...

— მასე იყოს, ნათელის მადლი შეენიოთ.

ჭიქა სულმოუთქმელად გაამოსცალა ახალგაზრდამ.

— ახლა... ახლა...

სიტყვებს ვერ უყრიდა თავს ბაბუა

— ჩვენს ერთად წასვლას და აქაურობის მშვიდობიანდ დატოვებას გაუმარჯოს. სიტყვა შეაშველა ახალგაზრდამ.

— ამინ, ამინ!

დუნედ ჩაილაპარაკა მოხუცმა.

დილით, მეზობლის გოგო ნინოუკა, თადეოზ ბაბუას ღიად დარჩენილ კარში ჩუმად შევიდა. კერია გამქრალიყო, ოთახში ციოდა, სანოლზე ნაბად წახურული მოხუცი იწვა. შეშინდა გოგო. „ბაბუუ... ბაბუა“... თითქმის ჩურჩულით დაუძახა მოხუცს. შემდეგ გარეთ გამოვარდა სირბილით, მთელი სამეზობლო შეჰყარა გოგომ.

სოფლის უხუცესმა, ბუხუტი ბაბუამაც შემოაღო კარი, კაცები ცხედარს აპატიოსნებდნენ. ბუხუტი დააკვირდა თადეოზს, ღიმილი შეეცინოდა სახეზე მიცვალებულს.

— შეხვედრია უკვე...

— ვის შეხვედრია ბუხუტი?

გაუკვირდა ვიღაცას.

— ღმერთო! გთხოვ ჩემზეც მოიღე ეს მონყალება.

ჩაიბურტყუნა ბუხუტი ბაბუამ და პირფეხი გადაიწერა.

ეზოში ძალღიმილი ემუდრა...

24 ნელი

(ნაწილი 1)

(მოთხრობა მხოლოდ ჩემი ფანტაზიის ნაყოფია და არ შეესაბამება რეალობას)

მწერალთა სახლში ახალგაზრდა შემოქმედთა პოეზიის საღამო უნდა გამართულიყო. სოხუმის დაცემის 24 წლისთავს ეძღვნებოდა ეს საღამო. წასასვლელად ვემზადებოდი. სარკეში ჩავიხედე და იქიდან გაჭალარევებული, უდროოდ დაბერებული მამაკაცი მიმზერდა. ჩვენ ბიჭებსაც დაუზრევე გუშინ, შევატყობინე დღევანდელი დღის შესახებ. დაგვეგმეთ, სამივე მეგობარი ერთად უნდა შევეკრებილყავით, თავისუფლების მოედანზე ვარდების ლამაზი თაიგული უნდა გვეყიდა და „მისთვის“ უნდა მიგვეერთმია. აფორიაქებულმა ოთახში ბოლთის ცემას მოვყევი. „მისთვის“ მხოლოდ უფროსი თაობის პოეტი ვიყავი, მეცინება „მე, პოეტი“, მკრეხელობაა ნამდვილი. როცა მას, ჩვენი ან გარდაცვლილი თანაკურსელი პოეტის ლექსის წაკითხვა ვთხოვეთ, „მან“ მონყალე თვალებით გაგვიღიმა, თეთრი, ბროლივით კბილები შემომანათა და თაფლისფერი თვალებით გამოუთქმელი პატივისცემის „ცისკარი“ დაანთო. დამეთანხმა, „უარს როგორ გეტყვით გიორგი ბიძია, თანაც ძალიან კარგი ლექსია...“

რამდენი ხანი გეძებდით ჩემო „შვილო“. მოვალენი ვიყავით შენი ნამდვილი დედის წინაშე, თუმცა ამის შესახებ ხომ ვერასდროს გიამბობთ, ვერც ერთი ჩვენთაგანი ხმას ვერ ამოიღებს იმ ტრაგედიის შესახებ, რომელიც სოხუმთან, მდინარე გუშისთასთან დატრიალდა. ამ საიდუმლოს, სამივე საფლავში წავიღებთ, დედაშენის თანამებრძოლები. ავფორიაქდი, აღარ მინდოდა პოეზიის საღამოზე წასვლა, მე „მისი“ მეშინოდა, საოცრად ჰგავდა დედამისს... ანასტასია დავიდოვნა ლაკერბია, ექიმო, ჩვენ თქვენი თხოვნა შევასრულეთ, სამივე ჯარისკაცმა შევასრულეთ... კონიაკის ბოთლი გამოვიღე განჯინიდან, სასმელი ჭიქაში დავისხი და სულმოუთქმელად გადავკარი, კიდევ დავისხი ალკოჰოლი, „დათრობა ეხლა ლაჩრობაა, ბავშვს შეურაწყოფას მივაყენებ“, ჭიქა მაგიდაზე დავდგი. საღამოს შვიდის ნახევარზე მეგობრები მწერალთა სახლის კარიბჭესთან ვიდექით, მე, ზეზვა და ნოდარი. თა-

იგული ზეზვას მივაჩენეთ ხელში, ის ყველაზე სიმპათიური გახლდათ ჩვენს შორის და იმიტომ. „მისთვის“ ჩვენ მხოლოდ ოჯახის ახლობლები ვიყავით, ცხოვრებული მამამისის თბილისელი მეგობრები და კოლეგები. დარბაზში შევედით, „ის“ ჩვენს შესახვედრად გამოიქცა.

— რა კარგია რომ მოხვედით, ლექსი მოვამზადე, თქვენი თანაკურსელის ხსოვნას ნამდვილად არ შევბღალავ.

— დიდი მადლობა შვილო.

მადლობა გამოვხატე მე.

— შენ როგორ ხარ? ბებია და ბაბუა როგორ არიან?

— აი იქ არიან, წინა რიგში, წამოდით, ძალიან გაუხარდება თქვენი ნახვა. სეტყვასავით მოგვაყარა ქალიშვილმა.

გოგონას გამზრდელი „ბებია და ბაბუა“ მთელი გულით მოვიკითხეთ „ბიჭებმა“, რამდენიმე წუთი ვისაუბრეთ ამ მინისა და იმ ცისა, შემდეგ ორგანიზატორებმა მოგვმართეს, „დაბრძანდით, ადგილები დაიკავეთ“. სამივენი ბოლოს წინა რიგში დავსხედით და მოვემზადეთ უდიდესი ადამიანური ტრაგედიის პოეტური გარდასახვისთვის, ხო, ასეა. შვილი ჩემი ხათრით „უცნობი“ პოეტის ლექსს კითხულობდა „დატოვებულ“ შვილს, „უცნობი“ დედის ლექსი უნდა ნაეკითხა...

„მან“ ხელით გვანიშნა, მეოთხე გამომსვლელი მე ვარო და ყურადღებით იყავითო...

მისი დრო დადგა, შველივით მოიღერა ყელი, მის სახეს რომ დავაკვირდი, გავფითრდი...

— როგორ ჰგავს დედამისს ამ წუთში.

ჩურჩულით წარმოთქვა ნოდარმა.

— ხო, ჭრილობას რომ მიხვევდა მაშინ ჰქონდა ესეთი სახე...

ჩაიდუღუნა ზეზვამ.

...და ლექსი დაიწყო :

„იქ, სახლთან დატოვე,
ნაჭრებში გახვეული,
ჩემი პატარა,
შემშლით გალყული,
ტუჩებს აცმაცუნებს,
დედის მკერდს დაეძებს,

მკერდი კი მშრალია,
მკერდი კი მშრალია,
კეთილო ბატონო,
მოწყალე ქალბატონო,
იქნებ თქვენ იშვილოთ?
მერი ხარ, ნინო ხარ,
ქეთი თუ ყამარი,
შვილად შეითვისე,
პატარა თამარი,
აჭამე, გაზარდე...
გოგონას გჩუქნიან,
შენ ქალად გაზარდე,
მიეცი საფარი.
იმ ღამეს ჭურჭები
სახლზე რომ ცვიოდა,
სიკვდილის ურგები
სისწლით რომ ძღებოდა,
ოჯახი პირსავე,
მზესავით ბრდღვიალა,
იმ დღეს გაფერძ კრთაღდა,
იმ დღეს გაღიაღდა,
სიცოცხლე დაემხო,
სიკვდილი კი,
არა.
მე დაფრჩი ეული.
ჩემს ცაზე მწყნობია.
შენთვის მიჩუქნია,
შენთვის მომიძღვნია,
ბოძებულს უფლისგან,
ღედობის მანტია,
პირველი ღიმილი,
თვალები ცქრილა,
პირველი „აღუ“ და
კისკისი წკრიალა,

მე ნუ განმიკითხავ,
 ნურც სახელს იკითხავ,
 სიკვდილის ანგელოზს,
 მე გზად მოვიკითხავ,
 მეც ომში მივდივარ,
 ბრძოლისთვის მივდივარ,
 გაიგონ სწავებმა,
 გაიგონ რად ვლინვარ,
 ქმარ-შვილი დავკარგე,
 ოჯახწარმეული,
 მე ძუ ავაზა ვარ,
 საომრად მოვდივარ...”

ლექსი დაამთავრა, ტაშის გრიალი შეაგება საზოგადოებამ გოგონას, ყვავილები ზეზვამ მიაართვა... „მან“ კი, მიკროფონში ლექსის ავტორი, ან ტრაგიკულად გარდაცვლილი პოეტი, ანასტასია ლაკერბანია გამოაცხადა.

... ბრავო! ბრავო!.. გულს უმხნევებდა ახალგაზრდა ასულს ქართველ პოეტთა დასი...

სახლში მოვედი, სანერ მაგიდს მივუჯექი, „იმ“ დღის მოგონებების დანერა მსურდა, ბოლო ვალი მინდოდა მომეხადა ჩვენი ექიმის წინაშე... კალამს ვანვალე... კალამს ვანვალე უღმერთოდ...

**მეგობრებო, ეს ისტორია რეალურ ფაქტებს ემყარება,
 თუმცა სრული სიუჟეტი მხოლოდ ჩემი ფანტაზიის ნაყოფია**

მთელი 70 წელი...

ჩემს კაბინეტში, უსაქმურად ვიჯექი. გაზეთის ახალი ნომერი უკვე დაკაბადონებული იყო და სტამბაში „ჩასაშვებად“ ამზადებდნენ. ერთი დღე შემეძლო „შემოქმედებითად“ დამესვენა. ჩემი სტატია იბეჭდებოდა ახალ ნომერში და „ზორბა“ ჰონორარი ბუღალტერიიდან კეთილად „მილიმოდა“. მიხაროდა, მე ყოველთვის მიხარია როცა ჩემს სტატიას ბეჭდავენ. ასეთია ყურნალისტის ცხოვრება... ფიქრი ტელე-

ფონის ზარმა შემანყვეტინა. შიდა ტელეფონზე მირეკავდნენ... ყურმილს დავწვდი...

— გისმენთ...

— ბატონო გიორგი თქვენ ბრძანდებით?

— დიახ მე გახლავართ, რით შემიძლია გემსახუროთ?

— დრო თუ გაქვთ რომ მიმილოთ?

— რასაკვირველია.

— მისაღებში გელოდებით,

— დიახ, ეხლავე ჩამოვალ...

სიმართლე გითხრათ არავის მიღება არ მსურდა, მაგრამ მოვალეობა...

მისაღებში ღრმად მოხუცებული სანდომიანი გარეგნობის ქალბატონი და ახალგაზრდა გოგონა დამხვდნენ. ასკის მიუხედავად მანდილოსანი საკმაოდ მხნედ გამოიყურებოდა. სტუმარს ფაქიზი გემოვნებით ეცვა. მივესალმე და მოსულს თავი წარვუდგინე.

— ბატონო გიორგი, სად შეიძლება რომ ვისაუბროთ?

მორიდებით მკითხა ქალბატონმა.

— ჩემს კაბინეტში ქალბატონო... უკაცრავად, მე თქვენი სახელი არ ვიცი...

ღიმილი შევაგებე ბანოვანს.

— რიმა. მე რიმა მქვია...

მე და ქალბატონი რიმა ჩემს კაბინეტში განვმარტოვდით. თანმხლები გოგონა კი მოსაცდელში დატოვა. გოგონა მშვიდად დაემორჩილა მოხუცის ნებას.

საუბარი ქალბატონმა რიმამ წამოიწყო...

— მე წამიკითხავს თქვენი სტატიები ჟურნალში. კარგი ენით წერთ და საკმაოდ საინტერესოდ...

— დიდი მადლობა ქათინაურისთვის.

— ეს ქათინაური არ არის, ეს სიმართლეა. მე დრო მჭირდება, რომ ჩემი ისტორია გაიმბოთ, გთხოვთ ისე არ გაიგოთ რომ ბებერ ქალს რაღაც ბანალური ისტორიით სურს თავი შეგანყინოთ. მე „სიკვდილის მატარებლის“ მედ-დად ვმუშაობდი 1939 წლამდე...

— საინტერესოა. გისმენთ, განაგრძეთ.

— მე რიმა ალექსანდრეს ასული დავიბადე 1910 წელს. ჩემი ისტორია განსაკუთრებულია იმით, რომ მე ვებრძოდი ავადმყოფობას როგორც ექიმი, მე ვებრძოდი „ხალხის მტრებს“ როგორც მედ-და და ვიბრძოდი „უხილავ ფრონტზე“, როგორც „ფრაუ ფონ დალხოფი“...

— ეს ყველაფერი თქვენ...?

გულწრფელად გავოცდი.

— დიახ, ის, რაც მსურს რომ გიამბოთ მხოლოდ მცირე ეპიზოდებია ჩემი ცხოვრებიდან... მე ჩემი ტრაგედიის შესახებ მინდა გამცნოთ, გავნაგრძო?“

— დიახ, რა საკვირველია.

— სამედიცინო ტექნიკური ქუთაისში დავამთავრე, სამუშაოდ საჩხერეში გამანაწილეს. მაშინ ქვეყანა ბორგავდა. იქმნებოდა საზოგადოებრივი დაჯგუფებები. პოლიტიკა, ანარქია, თავისუფლება, ტერორი, ბანდების თარეში ერთმანეთში იყო აზელილი. სრული განუკითხაობა მეფობდა. მამა ადრე გარდამცვალა. ოჯახში მე, დედა, ჩემი დეიდაშვილი ქეთინო, ჩემი მამიდა და სამი მამიდაშვილი ვცხოვრობდით. მინდა ქეთინო ორიოდ სიტყვით დგინდისათვის, ის ულამაზესი ასული გახლდათ, ბროლივით ნათელ სახეს გიშერივით შავი თმა ამკობდა და ანგელოზური მომწვანო თვალების „ციმციმით“, წარუშლელ შთაბეჭდილებას ახდენდა ადამიანებზე, როდესაც „ვენერას“ დარი მშვენიერებით წარსდგებოდა საზოგადოების წინაშე. დედა პედაგოგი გახლდათ... უფროსები ვმუშაობდით... ყველაზე პატარა, ოთო იაკობაშვილი გახლდათ. ის, მაშინ მხოლოდ სამი თვის იყო. მამიდის ქმარი სამხედრო პირი იყო და სულ მივლინებებში დადიოდა... მოკლედ სახლში იშვიათად ვხვდავდით...

ქალბატონმა რიმამ წყალი მოითხოვა. დიდი ჭიქით წყალი მივანოდე. დავაკვირდი როგორ გაირინდა, დაიძაბა, შემდეგ მოეშვა, ჭიქა იქვე მაგიდაზე დადო და განაგრძო:

— ჩვენს სახლთან ახლოს სახალხო კომისარიატის შენობა მდებარეობდა. ხშირად მიცქერია როგორ დადიოდნენ მარშით არმიელები... იქ ერთი გარიკ მოვსესიანი მუშაობდა. რაიონის სახალხო კომისარის თანაშემწე იყო, რა დარგში ვერ გეტყვით, თუმცა კომისარიატის შტაბი ძირითადად არაქართულებით იყო დაკომპლექტებული. ერთ დღესაც კომისარიატში დამიბარეს. მოვსესიანმა მიმილო.

— დაბრძანდი ქალიშვილო.

მომმართა ზრდილობიანად.

— საბჭოთა კავშირის სახალხო კომისარიატის გადაწყვეტილებით კომკავშირლები აქტიურად უნდა ჩაებნენ სახლმნიფოს მშენებლობის საქმეში, თქვენ კარგად მოგეხსენებათ რამდენი მტერი გვყავს შინ და გარეთ... რაიონის სახალხო კომისარიატის გადაწყვეტილებით თქვენ დაინიშნეთ განსაკუთრებული დანიშნულების შინაგან საქმეთა სახალხო კომისარიატის დაქვემდებარებულ რკინიგზის განყოფილებაში, განსაკუთრებით საშიში დამნაშავეების საბადრაგო ჯგუფში მედ-დათ. მოკლედ, რომ გითხრათ ეშელონის მთავარი მედ-და იქნებით...

— არ მინდა...

წამოვიკვივლე მე.

— როგორ, კომისარიატის გადაწყვეტილებას ეწინააღმდეგებით? თვით ამხანაგ ეყოვის მითითებით შექმნილ სტრუქტურაში მუშაობაზე უარს ამბობთ?....

შემემინდა, ავტირდი... მოვსესიანმა გამყინავი მზერა მესროლა და მიბრძანა:

— ერთ კვირაში ქუთაისში გაემგზავრებით, საბუთებზე ჩვენ ვიზრუნებთ... თავისუფალი ბრძანდებით.

ის დღე, მზის გარდაცვალებას ჰგავდა. იმ დღეს, „ხალხის მტრად“ მონათლული მამიდაჩემის ქმარი დააპატიმრეს. ჩემი უფროსი მამიდაშვილები უპატრონო ბავშვთა სახლში ჩააბარეს, მხოლოდ ოთო დატოვეს...

იმ ღამეს, როცა მამიდაჩემის მეუღლის „ხალხის მტრად“ შერაცხვის ცნობა მოვიდა, მამიდას სახეზე ერთი ნაკვთიც კი არ შეტოკებია ისე წაიკითხა სასამართლოს განჩინება, მხოლოდ ეს თქვა, „დახვრიტეს... აქ წერია რომ გადაასახლეს... მიმონერის უფელბის გარეშე... ის დახვრიტეს...“ შემდეგ საწოლზე ჩამოჯდა. მე მეშინოდა, ჩემი მომლიმარი და სათნო მამიდა „უცნობ“, პირქუმ ქალბატონად იქცა... რამდენიმე წუთში მამიდაჩემიც „წაიყვანეს“, როგორც შემდეგ გავიგეთ ქმარს გააყოლეს „მოუსავლეთში“. ჩემი „უფროსი“ მამიდაშვილები კი, მეორე დღეს უპატრონო ბავშვთა სახლში „ხალხის მტრების შვილების“ სტატუსით ჩააბარეს.

ქალბატონმა რიმამ წყალი მოსვა. მის სახეს ვაკვირდებოდი, ჩემს წინ ცრემლისგან დაცლილი, „გრდემლზე ნაჭედი“ ქალბატონი იჯდა. არანაირი ცრემლი... მხოლოდ სახის მიმიკა გასცემდა მოზღვავებულ დარდს. ცოტა ხანს შეყოვნდა და განაგრძო:

— უფროსი მამიდაშვილები-თქო ვახსენე, სასაცილოა, ერთი ხუთი წლის იყო, მეორე სამის. ეგ ზეკუციის მესამე დღეს, ჩვენთან ერთი ახალგაზრდა ოფიცერი მობრძანდა :

— გამარჯობათ, მე უფროსი ლეიტენანტი კირილოვი გახლავართ, საბუთები მოგიტანეთ ქალბატონ რიმასთვის გადასაცემათ. გილოცავთ, რიმას უფროს მედ-დად დანიინაურებას...

შემდეგ სამხედრო წესით დაგვემშვიდობა და წავიდა.

იმ საღამოს დარჩენილი ოჯახის წევრები სამზარეულოში შევიკრიბეთ ჩაის დასალევად, მხოლოდ ქეთინო აკლდა სუფრას, დაღამდა. ქეთინო არსად ჩანდა. დედამ ლაბადა მოისხა.

ნერვიულობდა დედაჩემი, ტიროდა, რამდემჯერმე გასასვლელ კართან მივიდა და ელდანარევი უკან ბრუნდებოდა.

— რიმა, ბავშვი უნდა მოვძებნოთ... რიმა რას გაჩუმებულხარ... რიმა...

დედა ქვითინებდა.

— მე მოვძებნი, მარტო წავალ, მე ხომ „ამათი“ თანამშრომელი ვარ, ხელს ვერ დამადებენ...

კანკალით მივუგე დედას.

— რომ დაგიჭირონ? მერე მე რა ვქნა?

— დედა, მამიდა დაიჭირეს, ბიძია დახვრიტეს, ჩემი მამიდაშვილები უპატრონო ბავშვთა სახლში ჩააბარეს და ჩვენ რაიმე ვქენით? მოვიმოქმედეთ რამე? მივდივარ...

მხოლოდ ეს ვთქვი და ეზოში გასასვლელი კარი გავალე.

— მალე მოვალ დედა.

დავაიმედე შეშინებული ქალი.

მხოლოდ ოთოს გაღვიძებოდა და აკვანში ღულუნებდა პატარა.

ქუჩაში გავედი. აქა-იქ ანათებდნენ ლამპიონები ქუჩას. მე მივდიოდი, უბრალოდ მივაბიჯებდი ქვით მოკირწყლულ ტროტუარზე, უმისამართოდ. გონება მხოლოდ თვითგადარჩენის ინსტიქტით იყო შეპყრობილი. ვკანკალებდი, მეშინოდა, ყოველი ჩქამი მაკრთობდა. იქვე

სიბნელეში ადამიანის სილუეტი შევნიშნე. ის ქეთი იყო. ტიროდა გოგო. მივუახლოვდი, დავაკვირდი დეიდაშვილს. გადარეული თვალებით მიმზერდა. ცრემლით დანამული, შიშით შეპყრობილი თვალები, ლამპიონების უღმილამო სინათლეს ავბედიტად ირეკლავდნენ.

— ქეთი რა მოხდა?

ვკითხე დეიდაშვილს.

— ის მომკლავს რომ გითხრა.

აკანკალებული ხმით მიპასუხა გოგომ.

— ვინ მოგკლავს ქეთი?

დავეკითხე ისევ.

— ამხანაგი გლებოვი.

ჩურჩულით მიპასუხა მსხვერპლმა.

— მითხრა რომ ხალხის მტრებს უფლება არ გვაქვს უარი ვუთხრათ კომკავშირებს... კაბინეტში... კაბინეტში...

გოგო ლულლულებდა, კაბა შემოეხიათ ტანზე ქეთისთვის.

სახლში წავიყვანე, ვერაფრით ვამშვიდებდი ჩემს საბრალო დეიდაშვილს.

ჩემი ქუთაისში გამგზავრების წინა დღეს, უბნის რწმუნებული ბასკაკოვი, კომკავშირის კომიტეტის მდივანი გლებოვი და რამდენიმე არმიელი „გვეახლნენ“.

ბასკაკოვმა რაიონის შინსახკომის განაჩენი წაგვიკითხა. ქეთინო „მტრად“ შერაცხეს...

„საქართველოს შინაგან საქმეთა რაიონული განყოფილების თანამშრომელთა ჩვენების საფუძველზე იმსჯელა რაიონულმა სასამართლომ და დაადგინა: „დაკითხვაზე მიწვეულმა მოქალაქე ქეთევან... ამან და ამან, განახორციელა თავდასხმა რაიონის კომკავშირის კომიტეტის მდივან, ვალენტინ გლებოვზე, მისი ფიზიკური ანგარიშსწორების მიზნით. ზემოთ ხსენებული მოქალაქე ქეთევან ესა და ეს, არის „ხალხის მოლაღატეთა“ ოჯახის წევრი და არ იზიარებს საბჭოთა სახელმწიფოს კონსტიტუციას და საბჭოთა ხალხის მორალურ მრწამსს. ყოველივე ზემოთ აღნიშნულიდან გამომდინარე მოქალაქე ქეთევან... მიჩნეულ იქნას ხალხის მტრად და მიესაჯოს გადასახლება. განაჩენი ექვემდებარება დაუყოვნებლივ აღსრულებას.“

რაიონის შინსახკომის თავჯდომარე: ვ. ჭუბაბრია“

ქეთის გადავხედე. გოაცებული და შეშინებული თვალებით შეს-
ცქეროდა გლებოვს. დუმილი გლებოვმა დაარღვია.

— ნუხანდელი ღამე ნეტარ სიამოვნებად დაგრჩება. ეს ბავშვიც
შენთან ერთად წამოვა.

ოთოზე გვანიშნა და გაგვიღიმა „ყასაბმა“.

— მოემზადე...

— ბავშვი რა შუაშია? ბავშვს რას ერჩი? მან რა დააშავა?

ვეცი გლებოვს

— შე ნაძირალა, კომკავშირის ვირთხა, გოგო გააუპატიურე, სცე-
მე და... ბავშვს თავი დაანებე ნაძირალა...

— სასამართლოს გადაწყვეტილება ურყევია. ძირფესვიანად უნდა
ამოიძირკვოთ „ხალხის მტრები“, ამაზე ჩვენ ვიზრუნებთ...

ქალბატონი რიმა დადუმდა. ფერდაკარგული, მრისხანებით სავსე
თვალებით გაჰყურებდა კაბინეტის სარკმლის მიღმა სამყაროს. ვად-
როვე. რიმა დანყნარდა. მან გაბზარული ხმით განაგრძო თხრობა.

— იმ ღამეს გლებოვზე „ხალხის მტრებმა“ თავდასხმა განახორცი-
ელეს... კეფაში ჰქონდა მოხვედრილი ტყვია...

ქალბატონი რიმა ფეხზე წამოდგა. სარკმელთან მივიდა, ქუჩას
გაჰყურებდა მხცოვანი. ჩემსკენ მობრუნდა და ცრემლნარევი თვალე-
ბი შემომანათა.

— გიორგი, ის „ხალხის მტერი“, მე ვიყავი. მამაჩემისეული ნაგა-
ნი იქცა მოძალადის „ემაფოტად“. იმ დღეს პირველად მეჭირა ხელ-
ში იარაღი, ის იყო ჩემი პირველი სულის ნაწყმედა და პირველი შუ-
რისძიება....

გაოგნებული ვუცქერდი ამ საოცარ ქალბატონს. ჩემს წინაშე „ფე-
ხადგმული ისტორია“ იჯდა.

— შემდეგ, შემდეგ რა მოხდა?

მთელი შინაგანი ინტერესი აბობოქრდა ჩემში.

— გიორგი, თუ არ შენუხდები ჩემს შვილიშვილს უხმე.

უსიტყვოდ გავედი დერეფანში და გოგონა მოვიხმე. ბებია მ რა-
ღაც ანიშნა. გოგონამ მხოლოდ თავი დაუქნია და უსიტყვოდ დატო-
ვა ოთახი.

მე და ქალბატონი რიმა რამდენიმე წუთი მდუმარედ ვისხედით.
კარზე მორიდებული კაკუნი გაისმა და ოთახში „გოგონა“ ვიღაც ახალ-

გაზრდა ვაჟთან ერთად შემოვიდა. ხელში მოზრდილი ჩემოდანი ეჭირა ჭაბუკს.

— ბატონო გიორგის მიუტანეთ.

ბრძანების კილოთი მიმართა რიმამ ახალგაზრდა კაცს.

ვაჟმა ჩემოდანი ჩემთან ახლოდ დადო. შემდეგ ბებიას შეხედა, შებრუნდა და გოგონასთან ერთად დატოვა ჩემი კაბინეტი.

რალაც საოცარი გრძნობა დამეუფლა. თითქოს სამხედრო წესსზე იყვნენ განვრთნილნი რიმას შვილიშვილები.

— ბატონო გიორგი, ეს ახალგაზრდა კაცი, ჩემი მამიდაშვილის შვილიშვილია, მას ოთარი ჰქვია.

ცოტა ხანს იყურა ქალბატონმა რიმამ. ხელჩანთიდან „მსუქანი“ კონვერტი ამოიღო და მკაფიო ხმით განაგრძო:

— გიორგი, შენ ჩემთან ერთად უნდა წამოხვიდე ციმბირში, გზისა და სხვა ხარჯებს ჩვენი ოჯახი იღებს თავის თავზე... აქ, ამ კონვერტში საკმარისი თანხაა თქვენი ოჯახისთვის, რომ თქვენი არყოფნის პერიოდში უზრუნველყოფილნი იყვნენ... ეს ჩემოდანი კი, სავსება დოკუმენტებით, რომელიც ტყვეთა, გადასახლებულთა და სიკვდილმისჯილთა ბანაკებში მოხვედრილ ქართველთა შესახებ მოგითხრობთ ყველაზე ისტორიას. მერნმუნეთ, თქვენ წიგნიც კი შეგიძლიათ დაწეროთ, რომელიც „ბესტ სელერად“ შეიძლება იქცეს. ჩემს წინადადებაზე თანახმა ხართ?

ამაყი სახით მომმართა ქალბატონმა რიმამ. მე დავთანხმდი.

ჩემმა მეუღლემ და დედაჩემმა ერთი სკანდალი მომიწყვეს. ხან „მეოცნებეს“ მეძახდნენ და „სულელს“, რომელიც ვილაცის ფეხის ხმას აჰყვავდა და პატარა ბავშვივით ეიფორიებს მიეცა. ჯიბიდან „მსუქანი“ კონვერტი ამოვიღე და... ყველაფერი მოწესრიგდა. რა ძალა ჰქონია ფულს... ჩანთა ჩამილაგეს, მეუღლემ ერთი წვეთი ცრემლიც დამისაგზავლა, „რა ცუდი პროფესია გაქვსო“, შევენანე ალბათ. მხოლოდ დედამ გამაცვილა გულით. ჩემი კონვერტიდან მე, „ჯიბის ანაფხეკი“ მერგო.

დილის შვიდ საათზე აეროპორტში გამოვცხადდი. ქალბატონი რიმა ორ თანმხლებ ახალგაზრდა მამაკაცთან და ჩემთვის ნაცნობ გოგონასთან ერთად შემომეგება.

— ბატონო გიორგი, რეგისტრაცია გავიაროთ, შეკვეთილი თვითმფრინავი ჩვენ გველოდება...

- კი ბატონო, თქვენს განკარგულებაში მიგულებთ ქალბატონო...
- შესანიშნავია, წინ ბატონებო თავგადასავლებსკენ...

პირველად ვიჯექი 12 კაციან თვითმფრინავში. სიმართლე გითხრათ საკმაოდ კომფორტული და სასიამოვნო მეჩვენა სალონი. ბორტგამცილებელმა გოგონამ ჰოლივუდისეული ღიმილი უშურველად მომაფრქვია, დამცავი ქამარი შემიკრა და სასიამოვნო ფრენაც მისურვა. თვალი გავაყოლე მინი კაბაში გამოწყობილ მშვენიერ არსებას... ქალბატონი რიმა თურმე თვალს არ მაშორებდა, ბანოვანს სახეზე ღიმილი უთამაშებდა, „ცელქობთ ბატონო ჟურნალისტო“, სიცილით მითხრა ჩემმა მასპინძელმა.

თვითმფრინავი ჰაერში აიჭრა. ცოტა ხანში ქალბატონმა რიმამ თავისთან მიხმო.

— ბატონო გიორგი, ჩვენ კურსი რუსეთის ფედერაციისკენ ავიღეთ. ადგილს, სადაც ჩვენ მივემგზავრებით ხაკასეთი ჰქვია. გსმენიათ მის შესახებ როდესმე?

— არასოდეს...

ვუპასუხე მე.

— მის „დედაქალაქს“ აბაკანი ეწოდება. სწორედ აბაკანში მივფრინავთ. იქ თქვენ ბევრი საინტერესო ფაქტი გელით.

— იმედი მაქვს... ქალბატონო რიმა, ჩვენ საუბარი შევწყვიტეთ... საინტერესო თემაზე შევჩერდით. თუ ისურვებთ იქნებ გავნაგრძლოთ...

— გიორგი, ცოტას დავისვენებ და შემდეგ ვისაუბროთ. ჩვენ მინიმუმ 5 საათი უნდა ვიფრინოთ.

— კეთილი...

საუბრის გაგრძელებას აზრი აღარ ჰქონდა და ჩემს ადგილს დავუბრუნდი. მერე ჩამეძინა...

ვიღაცას ადევალა დაეფარებინა ჩემთვის, სავარძლის საზურგე უკან გადაენიათ, რათა თავი კომფორტულად მეგრძნო, მოკლედ სასიამოვნო გარემოში მიწევდა მგზავრობა.

ქალბატონმა რიმამ თავისთან მიხმო. ყავა ჩემთვისაც მოემზადებინათ. ერთ მაგიდასთან ვისხედით მე და ჩემი „პატრონი“. სუფრაზე რამდენიმე ნაჭერი ნამცხვარიც დაედოთ.

ჩვენი თანმხლები პირები თავისი საქმით იყვნენ გართულები და ყურადღებას არ გვაქცევდნენ. საუბარი ქალბატონმა რიმამ დაიწყო:

— იმ დღეს, როცა ქუთაისში უნდა გაემგზავრებულიყავი მოვსესიანმა მითხრა:

— სამხედრო ფარაჯას ჩაიცვამთ, თქვენთვის უკვე გამოყოფილია მთელი ეკიპირება, იარაღის ხმარება იცით?

ვიუარე, „არასოდეს მჭერია ხელში“, ასე ვიცრუე... მოვსესიანმა ლეიტენანტ სერპუხოვს დაავალა ჩემთვის შესაფერისი ტაბელური იარაღი შეერჩიათ. შემდეგ გაიღიმა და მითხრა:— “თოჯინა უფრო მოგიხდებოდათ“, მეც გამეღიმა. გერმანული, „ვალტერის“ სისტემის პისტოლეტი „მიბოძეს“. სერპუხოვმა ამიხსნა როგორ მეხმარა იარაღი, რამდენჯერმე მასროლინა ჩემი პისტოლეტიდან, მერე ხელი ჩაიქნია და მითხრა: — „გოგონა თუ ამ იარაღს საერთოდ არ გამოიყენებთ კარგი იქნება, შემთხვევით საკუთარი თავი არ დაიზიანოთ“. ისევ მოვსესიანთან დამიბარეს. იგი მილიციის ეზოში იდგა და ვილაცას ესაუბრებოდა. მისკენ მიმავალი რომ დამინახა, მანიშნა მასთან მივსულიყავი, თანამოსაუბრე კი დაითხოვა.

ვგრძნობდი რაღაც განსაკუთრებული უნდა ეთქვა და სიტყვებს ეძებდა. დღესაც მახსოვს მისი სიტყვები, — „მისმინეთ რიმა, თქვენ ბადრაგთან ერთად გაემგზავრებით ეშელონისკენ. თქვენთან ერთად დაკავებული პირებიც იმგზავრებენ. ნუ შეგეშინდებათ, ჩვენმა ბიჭებმა იციან როგორ მოიქცნენ, თქვენთან ერთად ქეთინო და პატარა ოთარიც იქნებიან... წარმატებებს გისურვებთ... „

მანქანის ძარაზე ქეთინოს გვერდით დავჯექი, ქეთინო დუმდა, ოთარს ეძინა. სიტყვები ყელში მქონდა გაჩრილი და ხმის ამოღებას ვერ ვბედავდი. დედა შევნიშნე, მოაჯირს მიღმა იდგა და გვიცქეროდა. მშობლიურ ოჯახს მისი უკნასკნელი წევრები ვტოვებდით. ოქტომბრის ბოლო დღეები იდგა, უკვე ციოდა. ფარაჯა გავიხადე და ქეთის და ბავშვს მოვახურე. ქეთინო არ ტიროდა, სახე გაქვავებოდა და უსიცოცხლო თვალებით ოთოს დასცქეროდა. ერთი ამოილულულა:

— „ოთო ჩემს შვილად ჩაწერეს, ბავშვთა ინტერნატს უნდა ჩავაბარო „იქ“, თუ ცოცხალს ჩავიყვან... მე ქალთა კოლონიაში მიკრავენ თავს როგორც „ხალხის მტერს“. ვის უმტრეთ რიმა? ბავშვმა რა დანაშაული ჩაიდინა? რომ გაჩნდა ამ ქვეყანაზე ეს დანაშაული? შენც „იმათიანი“ ხარ? მძულხარ!

ხმა არ ამომილია. ჩვენ გვისმენდნენ. ხალხით სავსე რამდენიმე მანქანა, მილიციის ეზოდან დაიძრა, შეიარაღებულ მევტომატურა ჯგუფი მიგვაცილებდა. ძარაზე მყოფ ადამიანებს ვაკვირდობდი, სახეგაყინული, ემოციისგან დაცლილი და ბედს შეგუებული ხალხი, მხოლოდ ერთმანეთს „ათვლიერებდა“, არავის აინტერესებდა გარე სამყარო, საკუთარი უბედურების მორევში ჩაძირულნი ლელავდნენ... რკინიგზის სადგურს მივუახლოვდით. სადგურის ბაქანი სავსე იყო სამხედროებით. სამართალდამცავები მთელ პერიმეტრს აკონტროლებდნენ. სატვირთოები ერთმანეთის გვერდი-გვერდ ჩამწკრივდნენ. ძარის ბორტი ჩამოხსნეს და როგორც ნახირს ისე მიერეკებოდნენ ხალხს ბაქანის წინ, მოედნისკენ. მსგავსი სისაძაგლე და ცინიზმი პირველად ვნახე. ადამიანთა შინაგანი სამყაროს ყველაზე ბნელი კუთხე, სამზეოდ გამოეტანა განგებას. დახურულ ვაგონებისკენ მიერეკებოდნენ ხალხს. თუმცა ბოროტმოქმედნი და „ხალხის მტრები“ გააცალკევეს, სხვადასხვა ვაგონებში „შერეკეს“ შერისხულები. მე ეშელონის უფროსთან მივედი.

— გამარჯობათ, მე თქვენს დაქვემდებარებაში გამომგზავნეს... მე მთავარი მედ-და, რიმა ალექსანდრეს ასული ვარ...

მივმართე ეშელონის უფროსს და საბუთები გავუნოდე. უფროსი აშკარად ქართველი იყო. კეხიანი ცხვირი, ლამაზ ვაჟკაცურ იერ-სახეს ვებერთელა უღვაში უმშვენებდა. საბუთები გამომართვა. ყურადღებით დაუნყო თვალიერება, გამომცდელი მზერა მომაპყრო. შემდეგ ისევ ტერიტორიას გადახედა, საბუთები დამიბრუნა და მოკლედ მითხრა:

— ადით მატარებელში, მესამე ვაგონში, იქ არის მედ-პუნქტი, შეასრულეთ.

— დიას, ეხლავე მივდივარ.

საცოდავი ხმით ამოვიკნავლე, მეთაურს გაელიმა.

მეთაური მაიორი კილაძე გახლდათ. ერთგვარი შიში გამიჩნდა მის მიმართ. მხოლოდ შიში და არავითარი მორიდება.

ქეთინოს და ოთოს დავუნყე ძებნა. ხალხს ნახირივით ერეკებოდნენ ვაგონებში. ვილაცამ გამოაცხადა „ბავშვიანი ქალები მეორე ვაგონში ადითო“. მეორე ვაგონისკენ გავიქეცი, ქეთის გიჟივით ვეძებდი, დავრბოდი, ვყვიროდი, ქეთის ვუხმობდი, მაგრამ არავინ მესმაურებოდა. უცბათ მაიორი კილაძე დამადგა თავზე. „რიმა ალექსანდროვ-

ნა თქვენი ქცევით ჩვენს თანამშრომლებს პრობლემებს უქმნით, თქვენი ქცევა საბჭოთა კომკავშირელის ქცევის ნორმებს შეურაწყოვს, გთხოვთ შემდეგში გაითვალისწინეთ... ვილაც ქალი ხელს გიქნევთ ვაგონის სარკმლიდან... შეეცადეთ მაგალითის მიმცემი იყოთ.

მაიორი წავიდა. ვაგონის ფანჯრებს მივატყვერდი. სარკმლიდან თავგადაპარსული ჩემი დეიდაშვილი ქეთინო მილიმოდა. მატარებლის გასვლამდე ერთნუთიანი მზადყოფნა გამოცხადდა.

მე „სიკვდილის ეშელონის“ მესამე ვაგონში ავედი.

მატარებელი დაიძრა. მედ-პუნქტში თეთრ ხალათებში გამოწყობილი ხუთი ადამიანი დამხვდა. ერთი შუახნის მამაკაცი და ჩემზე ბევრად უფროსი ქალბატონები. მე ალბათ შვილად ან შვილიშვილად შევეფერებოდი თვითოეულ მათგანს. გამომცდელი მზერა მომაპყრეს. უცნაური დუმილი მამაკაცმა დაარღვია და მკითხა:

— ქართველი ხარ?

— დიახ.

ვუპასუხე.

— წარმოადგინეთ თქვენი საბუთები ახალგაზრდავ.

საბუთები გაუწონოდე, პრადობის დამადასტურებელი მონმოზა და პასპორტი უკან დამიბრუნა. დიპლომი, მიწერილობა, დანიშვნის ბრძანება და დახასიათება უჯრაში ჩადო. გამომცდელი მზერა მომაპყრო. შემდეგ გამიღიმა.

— ნუ გეშინიათ ქალიშვილო. მე მთავარი ექიმი, იური ვორონინი ვარ, ქალები კი ერთმანეთს უჩემოდ გაიცნობთ. დაისვენეთ და შემდეგ ეშელონის შიდაგანანესს და სხვა წესებს გაგაცნობთ. ხო მართლა, მე თქვენი უშუალო უფროსი ვარ და კიდევ, ვერ ვიტან მტირალა გოგონებს...

ვორონინს გაეღიმა. მე კი ცრემლი მომწლოდა. უნებლიედ მთავარი ექიმის მკერდში ჩავრგე თავი და ხმამაღლა ავქვითინდი.

— დამშვიდდი შვილო.

ალერსიანად მომმართა მთავარმა ექიმმა.

— დაწყნარდი. შენ უკვე სამხედრო სამედიცინო სამსახურის თანამშრომელი ხარ და ცრემლი დაივიწყე.

მთავარმა ექიმმა შინაგანანესი და ზოგადი წესები გამაცნო. მედ-კოლექტივიც გავიცანი. საკმაოდ კარგი ხალხი აღმოჩნდნენ. ქალბა-

ტონებმა ერთი ფრაზა, ისარივით ჩამასვეს გულში, „აქ დაუნერვლი კანონებიც მოქმედებს, რომელსაც უსიტყვოდ ვემორჩილებითო“. ეს კანონი, მთელი სიმკაცრით, სულ რამდენიმე დღეში მთელი „ბრწყინვალეებით“ წარსდგა ჩემს წინაშე. ვორონინმა „პატივი დამლო“, დედათა და ბავშვთა ვაგონიში დამნიშნა ექიმპედიატრად. ქეთისა და ოთარისთვის ყურადღების მიქცევის შანსი მომეცა.

ქალბატონი რიმა გაჩუმდა. თითქოს რალაცას იხსენებდა, ან საკუთარ თავს ებრძოდა, რომ რალაც „განსაკუთრებული“ არ წამოსცდენოდა, ან ვინ იცის მისი მჭმუნვარე სახის ნაკვთების „ცახცახი“ რას მოასწავებდა...

— ეშელონი 12-14 დღეში ჩადიოდა დანიშნულების ადგილას.

განაგრძო თხრობა ქალბატონმა რიმამ.

— დედათა და ბავშვთა ვაგონში გავედი. ვაგონში ბავშვები, რომელთა მშობლებიც „ხალხის მოლაღატის“ სტატუსით იყვნენ რეპრესირებულნი სპეციალურ ბანაკებში გადაგვყავდა, ბავშვებს სკოლა-ინტერნატის მსგავს ბანაკებში უყრიდნენ თავს და შემდეგ „დანიშნულებისამებრ“ ანანილებდნენ „ბლოკებში“. ჩვენ ვალდებულები ვიყავით ყურადღება მიგვექცია მათთვის. უფლება გვქონდა რეპრესირებული დედებისთვისაც დაგვევალეზინა ბავშვებზე მზრუნველობა. ვაგონში ორი ლუმელი იდგა. თბილოდა. ვორონინი მედიკამენტების დაუკითხავად გამოყენებას გვიკრძალავდა. კვების რაციონი საკმაოდ მწირი იყო. ბავშვებს შიოდათ. მეძუძური დედები გამშრალი მკერდით ცდილობდნენ ჩვილების „გამოკვებას“. რძე კვების პროდუქტების სანყოფში უბრალოდ არ იყო. კიდევ ბევრი რამ არ იყო... თუკი ბავშვი ან პატიმარი გარდაიცვლებოდა, მას უბრალოდ „ჩამონერდნენ“ და მოძრავი მატარებლიდან აგდებდნენ. მიცვალებულს ვაგონში არავინ აჩერებდა, რომ ეპიდემია არ გავრცელებულიყო... ოთოს გამოკვება შეუძლებელი იყო, შიმშილით დაოსებული ბავშვი უკვე ვეღარ ტიროდა... იქ ვერავის სთხოვდი სხვა ბავშვისთვის დედის რძე ენილადებინათ. გარდაცვლილი ჩვილი ბავშვების სანიტარული ნაწილის თანამშრომლებს, გვამები ვაგონიდან გაჰყავდათ... ქეთი იმედის თვალით შემომცქეროდა... ბავშვი გვიკვდებოდა... ერთ საღამოს ოთოს სულმა სხეული დატოვა... სანიტარული ნაწილის თანამშრომლებს ეჭვი რომ არ აეღოთ, რომ ვაგონში გარ-

დაცვლილი ბავშვი იყო, ქეთი მკერდს იშიშვლებდა და ვითომ ბავშვს კვებავდა, გიორგი იცი ეს რას ნიშნავს? ოთოს სხეულსაც გადააგდებდნენ... და მე ხელს მოვანწერდი საბუთს „ბავშვის უეცარი გარდაცვალების შესახებ“...

რიმამ არაყი მოითხოვა. ქალს ერთი სირჩა არაყი მიაართვეს. დალია. კიდევ მოითხოვა და ისიც სულმოუთქმელად დაცალა. მთავარმა ექთანმა თხრობა განაგრძო:

— ვორონინმა დამიბარა და მკითხა:

— „ის გოგო ვინ არის შენი?“

დავიბენი.

— „ვინ გყავთ მხედველობაში ამხანაგო ვორონინ?“

— „რიმა, იმ გოგოს გარდაცვლილი ბავშვი ჰყავს კალთაში... ეპიდემია გარანტირებული გვაქვს“

— „იური ბიძია, ის ბავშვი ჩემი მამიდაშვილია, ის გოგო კი, ჩემი დეიდაშვილი. გთხოვ, იური ბიძია ბავშვი არ გადააგდოთ“... ვტიროდი, მთავარ ექიმს ფეხებში ჩაუვარდი, ვორონინმა ცხედრის ვაგონის ქერში „შენახვა“ შემომთავაზა. გარეთ უკვე ყინავდა...

ემოციებმა ხელი დამრია. აღარც რიმა მინდოდა, არც მისი ფული და საერთოდ რა მინდოდა ამ ხალხთან? სავარძლიდან წამოვდექი, არ ვიცოდი რა მექნა და მეც არაყი მოვითხოვე, მთელი ბოთლი არაყი. ორიოდ წუთში არყის ერთ ლიტრიანი ბოთლი ჩემი და რიმას მაგიდაზე იდო. მე ვსვავდი.

თვითმფრინავი აეროპორტში დაეშვა. ჩვენ ავტოსადგომზე ტურისტული კომპანიის მიკროავტობუსი გველოდებოდა. გეზი სასტუმროსკენ ავიღეთ. იმ დღეს სასტუმროს ნომერში განვმარტოვდი და დავიძინე.

მეორე დღეს, დილის 9 საათზე მიკრო-ავტობუსი სასტუმროსთან გვიცდიდა. როგორც ეტყობა დღის მარშუტი წინასწარ იყო დაგეგმილი. მიკრო ავტობუსის ყველა მგზავრი დუმდა, მხოლოდ მანქანის მაგნიტოფონი ახალისებდა „გარემოს“. ორი საათის მგზავრობის შემდეგ, ფერმის ტიპის დანგრეულ შენობებთან მივედით. რიმამ თავის თავზე გიდის ფუნქცია აიღო. ეს ნანგრევები ერთ დროს „ხალხის მტრების“ გადასახლების, პატიმრობის ადგილს წარმოადგენდა, რომ არა ნანგრევები, შესანიშნავი პეიზაჟი იშლებოდა ჩვენს თვალწინ.

რიმა იქაურობის შესახებ ყვებოდა, ქალბატონი ისტორიას, უემო-ცოი, „მშრალი“ სიტყვებით გვიყვებოდა. უცბათ მობრუნდა...

— ჩემო შვილიშვილებო და თქვენც, ბატონო გიორგი, მინდა იქ მი-გვიყვანოთ სადაც ჩემი უსაყვარლესი ადამიანები არიან დაკრძალულ-ნი. კიდეც ცოტა უნდა „გავისეირნოთ“ მანქანით. ეს ისტორია აუცი-ლებლად უნდა მოგიყვეთ ბოლომდე, მაშ ასე :

— ეშელონი დანიშნულების ადგილზე ჩავიდა. ადგილობრივი შინ-სახკომის ქვეგანაყოფი ბაქანზე განლაგდა. ჯერ „ხალხის მტრები“ ჩაი-ბარეს და სატვირთო მანქანებით ბანაკისაკენ უკრეს თავი. მე „დედათა და ბავშვთა“ ჯგუფისთვის გამოყოფილ მანქანის ძარაზე მოვთავსდი. გვერდით ქეთინო მეჯდა, მას ხელში ოთარის ცხედარი ეჭირა... ბანაკ-ში ნახირივით ჩამოყარეს ხალხი და ხაზზე დაანწყვეს, სია ამოიკითხეს და პირუტყვებით ბარაკებში შედენეს. იმ საღამოს ჩემს ცხოვრებაში კიდეც ერთი „აპოკალიფსური“ პერიოდი დაიწყო. ქეთინომ ბანაკიდან გამოპარვა მოახერხა, ბანაკის შენობებს მიღმა, მინდორში გაუთხა-რა სამარე ოთარის. თავად დაკრძალა პატარა... ქეთის თავზე დაცვის ოფიცერი შაპოშნიკოვი დაადგა, შორიდან შევამჩნიე მუხლებზე დაჩო-ქილი ქეთინო და ანონილი შაპოშნიკოვი. ქეთინოსკენ გავიქეცი, გული ამოვარდნაზე მქონდა, მაინც გავრბოდი...

„აეთრიე ფეხზე ქართველო ძუკნა“ — უყვიროდა ოფიცერი პატი-მარს — „ვინ მოგცა დამარხვის უფლება? დაგცხრილავ შე დამპალო“...

შაპოშნიკოვმა ხელი იარაღის კაბურისკენ წაიღო. რალაც უნდა მე-ლონა... ავტომატურად ჩემი ტაბელური იარაღი ამოვიღე ჯიბიდან, ჩე-მი „ვალტერი“ ჩამავალი მზის სხივებზე ელვარებდა.

— მოემზადე შე...

ემუქრებოდა შაპოშნიკოვი ქეთის და...

— შაპოშნიკოვ, იარაღი არ ამოიღო!

დავუყვირე ოფიცერს.

— ვის უბედავ შე ნაძირალა?

დამცინავად შემომიბღვირა კაპიტანმა.

პისტოლეტი გადავტენე და ოფიცერს დავუმიზნე. შაპოშნიკოვი შედრკა.

— რას ჩადიხარ ქალო? იცი მე ვინ ვარ?

ხმა აუკანკალდა კაპიტანს.

— ვიცი, საბჭოთა ჯარისკაცის სირცხვილი.
ომახიანად შევძახე და ჰაერში გავისროლე.

შაპოშნიკოვი შებარბაცდა, ეგონა რომ ტყვია მოხვდა. ოფიცერი შიშისგან კანკალებდა. ბანაკის მთელი პირადი შემადგენლობა ფეხზე დადგა. ბანაკის უფროსი პასტუხოვი და სხვა ოფიცრები თავქუდმოგ-ლეჯილები მორბოდნენ. გვიყვიროდნენ... პასტუხოვი მომიახლოვდა, ძლივს სუნთქავდა, შემომხედა და აქოშინებულმა მკითხა:

— რა მოხდა? ხმა გამეცით ექიმო?

— შაპოშნიკოვმა ილაპარაკოს...

საბჭოთა ოფიცერს საკუთარი ვაჟკაცობის დადასტურება ქალის წინაშე თუ იარაღის მეშვეობით სურს, ასეთი ოფიცერი კედელთანაა მისაყენებელი ამხანაგო მაიორო...

პასტუხოვმა ხელით მანიშნა გაგზუმებულიყავი. მან ახლა შაპოშ-ნიკოვს შეხედა.

— ნაძირალა ხარ შაპოშნიკოვ, უფლება რომ მქონდეს კაცურად დაგელაპარაკებოდი.

შემდეგ ქეთისკენ გაიხედა. დააკვირდა და იკითხა:

— რა ხდება? იქნებ ვინმემ ამიხსნათ.

შაპოშნიკოვმა ითავა განმარტების გაკეთება.

— პატიმარმა გარდაცვლილი შვილი უკანონოდ დაკრძალა. ასევე უკანონოდ, დაუკითხავად დასტოვა ბანაკის ტერიტორია...

ოთარის საფლავი ქვებით შემოეროგა ქეთის. ამ პატარა საფლავის ბორცვი დედამინის ცოდვას იტევდა....

პასტუხოვმა დაჩოქილ ქეთის ზიზლით შეხედა და შაპოშნიკოვს უბრძანა:

— დახვრიტეთ!

ქეთი ფეხზე წამოდგა, შემომხედა...გაიცინა... შემდეგ ოფიცრებს შესცინა...

— მადლობთ ბატონო ოფიცერო.

მიმართა პასტუხოვს. შემდეგ მე შემომხედა და მითხრა:

— რიმა კეფაში მესროლე, შენ ხომ შეგიძლია? მესროლე... შენ ამათ წინაშე გამართლები... არ მენყინება რიმა გეფიცები, „იქ“ ოთო მშიე-რია, იქნებ კვერცხი მაინც შევუწვავ, რიმა მიდი... კეფაში მესროლე... რი-მა საქართველოდან სამი კაკალი გამოწყვა და ოთოს გარშემო ჩავრგე“.

ქეთიმ ზურგი შემაქცია. ის სასიკვდილოდ მოემზადა. ზურგი ამენვა, უკან მოვიხედე... მთელი ბანაკის პატიმრები ჩვენ გვიმზერდნენ... ქეთის ტყვია პასტუხოვმა ესროლა... კეფაში... გოგო ოთოს საფლავეზე დაემხო. საოცარი ის იყო, რომ ქეთი იცინოდა. მოცინარი მიცვალებული გინახავთ გიორგი?

— ჯერ არა ქალბატონო რიმა.

ძლივს ამოვლერღე მე.

— ქეთის „დაკრძალვა“ მეორე დღისთვის გადადეს... მეორე დღეს დასასჯელ პატიმართა ჯგუფი „დაწყვეს“, დამსჯელი რაზმიც მოემზადა და მოხდა სასწაული. ყველა პატიმარს ხელში ქვა ეჭირა. მათ „ხაზი დაარღვიეს“ საფლავეზე დამხობილ ქეთის უსულო სხეულზე მოკრძალებით ალაგებდნენ ქვებს. ქვის ყორე დადგეს. ეს უკიდურესი პროტესტი იყო. პასტუხოვმა ამითვალისწინა, ჩემს „დოსიეს“ „დაენაფა“ და იპოვა, გერმანული ენის საკავშირო ტურში ჩემი მონაწილეობა და საპრიზო ადგილი, „ამოქექა“.

მე 1939 წლის თებერვლიდან სახელმწიფო დაზვერვის ორგანოებში მიმიწვიეს. ეს უკვე სხვა ისტორიაა და თქვენთვის საინტერესო არ იქნება...

რიმამ თხრობა შეწყვიტა. მიკრო-ავტობუსის მძღოლმა გამოგვიცხადა:

— „დანიშნულების ადგილას მოვედით, აქ იყო ბანაკის სამსხვერპლო“, შემდეგ ხელით პატარა ნაგებობაზე მიგვანიშნა.

— „იქ სამი კაკლის ხეა, ამბობენ რომ საქართველოდან არის ჩამოტანილი... იქ ეკლესიაა ააშენეს 90-იან წლებში, ეკლესიის შიგნით ქვების ყორეა და ქართველი წმინდანის საფლავია, ხელის ხლებას ვერავინ ბედავს, რომ გათხრები ანარმოონ, ეკლესიაში ავადმყოფი ბავშვები და უშვილო ქალები მიდიან შეწვევისათვის. სასწაულმომქმედია ეს ეკლესია. იმ წმინდანს ქეთოს ეძახიან, იქვე ბავშვიც ყოფილა დამარხული, ამბობენ ანგელოზის ხორციელი შვილიაო, სახელი კი არავინ იცის. ღამე აქ გოდება ისმის, თუმცა აქ, ამ არემარეზე არავინ ცხოვრობს, ჩვენს სოფლამდე აღწევს ბავშვის სიცილის და ქალის ტირილის ხმა, ამიტომ როცა დაბნელდება აქეთ არავინ მოდის. ამ ადგილს ქართველთა მიწას, ხან ჯვარცმულ მიწას ეძახიან. საოცარი ერი ხართ ქართველები, ნათელი წერტილივით აჩნისხართ დედამიწას“.

ეკლესიას მივუახლოვდით, ხის მორებით იყო ნაგები. ეკლესიის სახურავიდან კაკლის ხის ტოტები აღმართულიყვნენ და ველის ცელქი სიოს ფარფაცს, ფოთლების შრიალს აყოლებდნენ. წმინდა ადგილი უკაცრიელ ველზე აეშენებინათ, გარშემო მინდვრის ყვავილებით აჭრელებული თვალუნვდენელი ველი ერტყა. რიმა ეკლესიის კარებს მიუახლოვდა, გაღება სცადა. კარები დაკეტილი იყო. ეკლესიის გარშემო დავიწყე თვალთვლება, ეგებ ვინმე სულიერი შემემჩნია სადმე. იქვე, გვერდზე, პატარა ფიცრული იდგა. ეს ხუხულა ფარდულად ჩავთვალე. რიმა თვალდახუჭული იდგა ეკლესიის კართან. შვილიშვილები ზურგსუკან ედგნენ მრავალჭირნახულ ბებიას. ფარდულიდან ხველების ხმა მოგვესმა. რიმამ ფარდულისკენ გაიხედა. საოცარი სისასტიკე ამოვიკითხე მოხუცის სახეზე. შემდეგ ფარდულისკენ წავიდა, კარს მიუახლოვდა და დაიძახა:

— ვინ ხარ მანდ, გარეთ გამოდი.

პასუხად ისევ ხველება და ჭრიალის ხმა გაისმა. ეტყობა საწოლიდან ადგა ვილაც. ფარდულის კარი გაიღო და სამხედრო ფარაჯაში გამონყობილი მოხუცი გამოლასლასდა. შეგვათვალა და უპატიუბელი სტუმრები, შემდეგ მზერა ქალბატონ რიმაზე შეაჩერა, ერთ ხანს იყურა და გვეკითხა:

— ვინ ხართ? აქ რამ მოგიყვანათ?

— თქვენი სახელი მოხუცო ?!

ჰკითხა რიმამ.

— მე ვიტალი პასტუხოვი ვარ, ეკლესიის მცველი...

ამოღერღა მოხუცმა.

— პასტუხოვ, მე რიმა ალექსანდროვნა ვარ, გახსოვარ?

გამოსცრა რიმამ და მის თვალბში ვებერთელა ზიზლი დავინახე, დაუნდობელი ზიზლი პასტუხოვისადმი.

— რიმა? რიმა ალექსანდროვნა? ექიმი რიმა? ჯიჯოხეთიდან დაბრუნდით ექიმო?

გაოცდა პასტუხოვი. სახე შეეცვალა მცველს, მოხუცს მხოლოდ დამცინავი ღიმილი დასთამაშებდა სახეზე.

— ხო, მე ვარ პასტუხოვ. ეხლა ეკლესიის კარები გააღე...

— რიმა, რაში გჭირდება წარსულის ქექვა? ყველაფერი უკვე იყო... მათ ველარ დააბრუნებ ექიმო...

— კარი გააღე ნაძირალავ.

— რიმა, ნუ ილანძლები, ეს წმინდა ადგილია, ნუ ილანძლები ქართველო ძუკნა...

— დროზე, გაინძერი, ეკლესიის კარები გააღე...

პასტუხოვმა ჯიბიდან გასაღები ამოიღო. ეკლესიის კარს მიუახლოვდა და ბოქლომი გახსნა. კარები ქრიალით გაიღო.

— მიბრძანდით რიმა ალექსანდროვნა, თქვენი ნათესავების აკლდამაში.

დამცინავი ხმით მიმართა პასტუხოვმა.

ეკლესიის წიაღში შევედით. იატაკი თიხის ფილებით იყო მოპირკეთებული. საკურთხეველში ხის ხარისებზე ხატები დაელაგებინათ და თითოეული ხატის წინ სასანთლე დაედოთ. ეკლესიის შიდა კედლები კი თეთრად შეედებათ. ეკლესიის შუაში, ქვების „მთა“ იდგა. ყოველი დასახვრეტად მიმავალი პატიმარი, აქ, ქვას დებდა, საკუთარი თავის სახსოვრად. ვინ იცის, იქნებ ბევრს არც კი ეღირსა აქ ქვის დადება... ვინ იცის... ქვის ბორცვის გაარშემო კაკლის ხეები აღმართულიყვნენ, ეკლესიის მშენებლებს ხეების ტოტები ეკლესიის სახურავში „გაუტარებიათ“ და ისე გადაუხურავთ ნაგებობა. შემადრწუნებელი ღუმილი სუფევდა. რიმამ მუხლებზე დაიჩოქა და საფლავზე დაემხო. შემდეგ წამოდგა, ჩანთიდან საეკლესიო სანთლები ამოიღო და ყველას მდუმარედ მოგვანოდა. სანთლები ავანთეთ. რიმას შვილიშვილებმა ლოცვა დაიწყეს. პირველად ისმენდა ამ ეკლესიის კედლები ქართულ ლოცვას. ალბათ როგორ ენატრებოდათ ქართული სიტყვების გაგონება ოთოს და ქეთევანს. მე ვდუმდი. შემდეგ გარეთ გამოვედი. მხოლოდ ოჯახის წევრები დარჩნენ ეკლესიაში... პასტუხოვი იქვე მორზე ჩამომჯდარიყო და ნეკოს აბოლებდა. გამომცდელი თვალეებით შემომხედა, გაიღიმა, თავი გაიქნია და მოწევა განაგრძო. ცოტა ხანში რიმა და მისი შვილიშვილები ეკლესიიდან გამოვიდნენ.

— რას იტყვი რიმა? მოგწონს ეკლესია? აქაურობა წმინდა ადგილად ტყვეებმა აქციეს. მათ სწამდათ... რისთვის ჩამოხვედი რიმა? შური გინდა იძიო?

მშვიდი ხმით ლაპარაკობდა პასტუხოვი.

— შური ვიძიო? შენ თავად იძიე შური საკუთარ თავზე პასტუხოვ. უპასუხა რიმამ.

— ასეა, ასე. უშვილოდ და ოჯახის გარეშე „მივდივარ“ რიმა. დამტირებელიც კი არავინ მყავს, შენ კი შვილიშვილები გახვევია თავს... ვისთვის ან რისთვის ვიბრძოდით ამხანაგო პოლკოვნიკო რიმა ალექსანდროვნა? ჩვენ ხალხის მტრებს ვეძებდით, ვპოულობდით, ვხვრეტდით... უდანაშაულოც ბევრი შეინირა იმ სისტემამ და რა გამოვიდა აქედან? ქვეყნის მტრები დღეს პატივცემული ხალხია, ქვეყნის ინტერესებს ფეხქვეშ თელავენ, ხალხს ლანძღავენ, ყველაფერს სანუკვარს, ღირსეულს ფეხქვეშ თელავენ და ამით „პატივცემულნი“ ხდებიან. ფულს შოულობენ, მდიდრდებიან... ქვეყანა ყველას ფეხებზე ჰკიდია რიმააა... რუსი, რუსს ლანძღავს რუსობისთვის... ის, რისიც გვწამდა განადგურდა, დღეს გესტაპოელი ბატონობს, ესეულეები მარშით დადიან და ჩვენი რუსები ტაშს უკრავენ, ტროცკისტები ქვეყნის სათავეში ზიან და სამშობლოს ყიდნიან... რუსეთი გადაავარეს... დღესაც აუცილებლები ვართ რიმა, ეს ბანაკები დღესაც საჭიროა, ამდენი მოღალატე ერთად... ყველა დასახვრეტია... მე, საბჭოთა ოფიცერი, მომლოცველთა იმედზე ვარ, რომ რალაც მიწყლობონ „მათხოვარს“. ზამთარში სოფელში ვბრუნდები და პენსიით ვსაზბრობ...

პასტუხოვი ტიროდა, შემდეგ ცრემლები მოინმინდა და განაგრძო:

— აქ ყველა პატიმარი ქეთინოს და ოთარის საფლავებს წმინდა ადგილად მიიჩნევდა, პატიმრების ეკლესიაა ეს ეკლესია რიმა, ცოდვისგან განთავისუფლების და განწმენდის ადგილია აქ. ეს ველი, პატიმართა გვამებით არის მოფენილი, „ბალოტინი პრუდი“, ჩვენი ტბა დახვრეტილთა ძვლებითაა სავსე... ეს ეკლესია ქართველების ეკლესიად მოიხსენიება... ყველას რატომღაც სწამს რომ ქართველი იხსნის კაცობრიობას „დემოკრატი ფიურერისგან“, სასაცილოა არა? ნადი რიმა და აღარ დაბრუნდე, ეს წმინდა ადგილი დღეს რუსებს ეკუთვნით... ქართველი წმინდანების წინ რუსები იჩოქებენ, აქ სწამთ „მესამე იოსების“ მოსვლის, აქ იესოსაც იოსებს ეძახიან, პირველი იესო ნაზარეტელი, მეორე იოსები სტალინი და მესამე იოსები წარწყმედისაგან მხსნელი მოველინება კაცობრიობას... ნადი რიმა, ნადი და აღარ დაბრუნდე... მზე გადაიხარა... „მათი“ დრო იწყება...

პასტუხოვი ბარაკისკენ წალასლასდა. შიგნით შევიდა და კარი გადარაზა. რიმა მრისხანე სახით უმზერდა მთელი ამ ხნის განმავლო-

ბაში პასტუხოვს. სამოცდაათი წელი ელოდა რიმა თავის წარსულთან შეხვედრას.

ჩემი მოგზაურობის შესახებ თითქმის ყველაფერი გიამბუთ. ქალბატონი რიმა რამდენიმე კვირის წინ გარდაიცვალა. ეხლა სახლში ვზივარ და ბოძებული ჩემოდნიდან საქალაქეებს რუდუნებით ვხსნი და ვკითხულობ. ეს საუნჯე მე რიმამ „მიანდერძა“. იქნებ მართლა შევძლო წიგნის დანერა... ვცდი...

აბარაკი

სახლი შევიძინე, აგარაკი, აქვე, თბილისთან ახლოს. ყოფილი პატრონები ყველაფერს ყიდდნენ, საზღვარგარეთ აპირებდნენ თურმე გადასახლებას, ხო, გადასახლებას, ფული სჭირდებოდათ მომავალ ევროპელებს. ავეჯ-ჭურჭლიანად შევიძინე ეს შესანიშნავი კარმიდამო და ძვირიც არ გადამიხდია. ძველი ნაგებობა შემომეგება, აი „ბელეტაჟს“ რომ ეძახიან ისეთი. მიწის ზედაპირიდან ქვითკირის კედლები ამოეყვანათ და ისე „შეეკრათ“ პირველი სართული. იქ, მარანი და რამდენიმე ოთახი იყო. მარანში დიდი საწერი ქვევრი შუაში ჩაედოთ, უფრო პატარები კი ბარტყებივით გარშემო შემოეყოლებინათ. ძველი ნივთები ერთ კუთხეში მიეწყოთ და ასე მიეტოვებინათ. პირველი სართულის ოთახებსაც შევავლე თვალი. იატაკი ძველებური ქართული აგურით იყო დაგებული. ცხვირში თითქოს მაჭარის სუნი მეცა, კუთხეში მიყუჟულ მოზრდილ მუხის კასრს ასდიოდა ალბათ. მეორე სართულზე კიბეს ავუყევი. ხის კიბეს ფიცარში ამოტვიფრული ლამაზი ორნამენტებით დამშვენებული მოაჯირი მიჰყვებოდა. ეტყობა ლაქიც არ დანანებია ყოფილ პატრონს ისე გაეპრიალეზინა ხის ზედაპირი. მეორე სართულის შესასვლელი კარი შევალე, შუშაბანდი შემომეგება ახალ მასპინძელს. ოთხივე ოთახის კარი ღია დაეტოვებინათ, „ნიავმა გაუაროსო“, ალბათ ასე გადაწყვიტეს სხვის ცას დანატრულმა ჩვენმა თანამიწიერებმა. ოთახებში ძველი ავეჯი იდგა. „ბუფეტი“ მასპინძლობდა დიდ ოთახში და კუთხეში დიდრონი გაჭვარტლული ბუხარი პირლია შემომყურებდა, თითქოს „შენ მაინც გამწმინდეო“, მევედრებოდა ქვაში და აგურში დატანსრულებული ოჯახის „თბილი“ მოჭირნახულე. ბუხრის გვერდით სამლოცველო ჰქონდათ მოწყობილი. ხატები

კედელს „შეხორცებოდნენ“, წინ პატარა მაგიდა დაედგათ და გვერდ-გვერდ პატარა სასანთლები ჩაემწკრივებინათ. მაგიდაზე სრულიად მტვრის საბურველში გახვეული ლოცვების წიგნები ელაგა. ბუხრის მეორე მხარეს, სარკმელებს შორის, კედელზე ხალიჩა გაეკრათ ძველებური წესისამებრ და ქვეშ აკვანი დაედგათ. ოთახის ცენტრში მუხის პირქუში მაგიდა ჯერაც მყარად იდგა, „მესტუმრედუხუცესის“ ურყევი ხიბლით. ყველა ოთახი შემოვიარე, საოცარი სიმშვიდე ვიგრძენი. ისევ დიდ ოთახს დავუბრუნდი, გარეშემო მიმოვიხედე და ახლალა შევამჩნიე შუშაბანდში გასასვლელი კარის თავზე ხის დირე იყო გადაებული, ნიშან-ორნამენტები შევამჩნიე მის სხეულზე. შუაში ჯვარი იყო გამოსახული, ჯვრის ქვეშ აკვანი, ჯვრის თავზე მზის „ბორჯღალი“, მარჯვენა მხარეს სანთელი და მარცხენა მხარეს კი, წიგნი ამოეკვეთა ოსტატს. არსად მინახავს მსგავსი ნაკვეთი, არც მსგავს განლაგებას წავწყდომივარ სადმე. ბუხრის გვერდით, ისევ წმინდა კუთხეს მივაშურე. ხატები გადავწმინდე, სასანთლებსაც შევაავლე ხელი, რუდუნებით მოვამორე იქაურობას ჯერაც ხელუხლებელი მტვერი. შესანიშნავი იყო უკვე გასუფთავებული ოჯახის სალოცავი. ახლა ფარდის ქვეშ შეყუჟულ აკვანს მივეახლე, ფარდა ავხადე სიცოცხლის საგალობლის მღუმარედ მომღერალს. ეტყობოდა ზუმფარით გულმოდგინედ გაენმინდათ მისი „ტანი“ და შემდეგ ლაქით დაუფარავთ მისი სხეული. გარედან ჩემი ოჯახის ნევრების ყიჟინა შემომესმა, ბავშვები ჟრიაშულით ჭიშკარს მოსდგომოდნენ და კარებს ალებდნენ. ჭრიალით მამცნო სტუმრის შემოსვლა ეზოს კარიბჭემ. ბავშვები ოთახებში დარბოდნენ, მოსწონდათ იქაურობა, ძველებურ სანოლებზე დახტოდნენ და ტახტსაც დაურღვიეს მყუდროება. მეუღლემ ცოცხი და აქანდაზი მოიმარჯვა, დიასახლისის ხელი დაატყო იქაობას. არც მე დამტოვა გარჯის გარეშე, ჯერ შეშა შემომაზიდინა, ავეჯიც თავის ჭკუაზე მიმაღაგებინა და სამზარეულოში მიკრა თავი, — „ხორცი დამიჭერი და სადილს გავამზადებო“ თვალნი მწყაზარნი შემომაფეთა თანამეცხედრემ. მზე უკვე ჩადიოდა. ოჯახს პირველი ღამე უნდა გაგვეთია ახალ სახლში. მობილური ტელეფონი აწკრიალდა. სახლის ყოფილი მეპატრონე მირეკავდა. — „გესტუმრებითო ცოტა ხნით, არ შეგანუხებთ, ისე წავალთო მალევე“, დასტური მივეცი, მანქანიდან კონიაკის ბოთლიც ამოვიღე და ამაყად დაუწყე სტუმრებს ლოდინი. მზე უკვე

ჩასულიყო, მთვარის სანახებში ვარსკვლავნი კეკლუცობდნენ, მყისიერად ცას გადაჰკრავდა მანათობელი და ალბათ ასე კოცნასაც უგზავნიდნენ ერთურთს, სტუმრები ჭიშკარს მოადგენენ, მორიდებით შემობრძანდნენ სახლში, თან ორი მოხუცი ახლდათ. მსცოვანი ქალბატონი ყოჩაღობდა, მკლავს აშველებდა მოხუც მამაკაცს...

— ბატონო გიორგი, მოგვიტევეთ, ალბათ უდროო დროს შეგანუხეთ... ხვალ მივფრინავთ საზღვარგარეთ და ჩემი დედ-მამაც თან მიგვყავს. ნება გვიბოძეთ გთხოვოთ... ეს მოხუცები, ჩემი მშობლები არიან, ისინიც თან მიგვყავს და მთხოვეს იქნებ უკანასკნელად ლოცვის უფლება მოგვცენო ჩვენს ოჯახში... მომიტევეთ...

— რასაკვირველია... არაფერი გადამიადგილებია... მხოლოდ მტვერი გადავწმინდე ხატებს... ლოცვანიც კი იქვე დევს...

წმინდა კუთხის წინ მდგარ მაგიდას მოხუცი ცოლ-ქმარი მდუმარედ მიუახლოვდა, ლოცვანი გადაშალეს და ოჯახისთვის სავედრებელი ღვთისმშობლისადმი ლოცვა დაიწყეს... ორივეს ხელთეპყრა ანთებული კელაპტარი და ისე განაგრძობდნენ ლოცვას... მძიმედ წარმოსთქვამდა სიტყვებს ძია-კაცი, ხელჯოხს ეყრდნობოდა ხშირად, სათვალის მინაზე სანთლისაგან წყნარად ადენილი ალი კიაფობდა, მომეჩვენა თითქოს სამუდამოდ ემშვიდობებოდნენ ფუძე-სახლს, ვინ იცის მის კედლებს რამდენი სიხარული შეახიზნეს. ბავშვები მდუმარედ ატუზულან, იქვე კარებთან, ბრდღვიალა თვალებით ციმ-ციმ შეჰყურებდნენ მოხუცების ლოცვას... რალაც აჭრიალდა, უცხო ხმა დაირხა, აკვნისკენ გავიხედე... აკვანი თავისით ირწეოდა. გავოგნდი... ახლოს არავინ იყო, რომ მეფიქრა, ხელი თუ ვინმემ შეახო-თქო ალბათ, აკვანი მშვიდი აკორდებით, ნელა, წყნარად ირწეოდა. შიში დამეუფლა, მეუღლეს შევხედე, გაფითრებულიყო ქალი...

— ბატონო გიორგი, მადლობას გიხდით მოთმინებისთვის.

მშვიდად მომიტრიალდნენ მე.

— ჩვენ სამუდამოდ მივდივართ ამ ქვეყნიდან, შორს, ძალიან შორს... ამ აკვანს გაუფრთხილდით... დედაბოძის მაგიერია ის ოჯახში, სიცოცხლის პირველმწეა და ბაღის სითბოთია გაჯერებული. ხანდახან სანთელი მის ტანზეც ანთეთ, ისიც ხომ ოჯახის წევრია, ოღონდ სხვანაირი... თქვენი ოჯახის ბედნიერებისთვისაც ვილოცეთ, დედაღვთისმშობლის მადლი შეგენით...

სტუმრები მალევე წავიდნენ. ჭიშკრის კარები გადავკეტე და სახლში ამოვედი... რაღაცნაირად მილიმოდა ცოლი, მერე ხელით ხატებისკენ მიმითითა... ჩემი უფროსი შვილი ხატის წინ დამდგარიყო და... მირონი სდიოდათ ხატებს...

ბაბუა

— ეხლა სოფელში ვარ, ჩემს მამა-პაპისეულ სახლში დიდი ღუმელი მხიარულად გუზგუზებს და თითქოს რაღაცას მეუბნება, ან ამბავს მიყვება ჩემთვის უცნობ ენაზე. სახლში მარტო ვარ. ტელევიზორიც არ ჩამირთავს რომ სიმყუდროვე არ დამერღვია. საოცარია არა? საკუთარი თავის სიმყუდროვისთვის ვზრუნავ მაშინ, როცა მარტო ვარ და ხმის გამცემიც არავეინ მყავს. სკამიდან ავდექი და კედელზე გაკრულ საოჯახო ფოტოებს დავუნყე თვალიერება. მზერა ერთ ფოტოზე შევაჩერე, ჩემი ბაბუა, ბებია და მე ვიყავით გამოსახული. ალბათ ამ დროს შვიდი ან რვა წლის ვიქნებოდი. ის დრო გამხსენდა...

— ბაბუაა...

— ხოოო ბაბუა, აქა ვარ შვილო.

— ბაბუ მოჭრილი ხის ტოტი მომაქვს და ბალახები ხელს მიშლიან.

— არა ბაბუ, ხელს არ გიშლიან, ბალახები ტოტს ემშვიდობებიან ერთი დედის გზდილნი არიან.

— ვერ გავიგე ბაბუ.

— დედამინა მცენარეების დედაა, ეგ ტოტიც დედამინამ გაზარდა, ეხლა ავკაფეთ და ბოლო გზაზე აცილებენ ბალახები, ეხებიან და ემშვიდობებიან ტოტს.

— ჰოოო...

— გოგიტა, ბაბუა, ჯერ ჩემს ნათქვამს ვერ გაიგებ, როცა წამოყვინჩილდები მერე მიხვდები.

— რას მივხვდები ბაბუ?

— რაც ეხლა გითხარი.

— კიდე მითხარი ბაბუ, თუ ვერ დვიმასსოვრებ მერე კიდევ გკითხავ.

— პატარა რომ ხარ?

— ხომ გავიზრდები?

— უნდა გაიზარდო, აბა რავა იქნება შე კაცო. ხე და ბალახი ერთად გაიზარდნენ, ერთმანეთის ჭირ-ვარამი კარგად იციან, ერთად კვებავდა დედამინა ორივეს. ერთად უმღეროდა მათ სიცოცხლის საგალობელს. ჩვენ კი ეს ტოტი მოვჭერთ...

— ბაბუა, ეს ტოტი ჩვენი ვაშლის ხისთვის ვინ არის?

— შვილია ხისა შვილო.

— ბაბუუ, ჩვენ ტოტი მოვკალით?

— აბა ხემ რა იცოდა, რომ ტოტი რომ გაიზრდებოდა და ჩვენი სახლის მშენებლობაში ხელს შგვიშლიდა.

— ვაშლის ხე ხომ არ გაგვებუტება? ვაშლებს ისევ მოისხამს?

— კი ბაბუა, აბა რას იზამს?

— ბაბუუ... ბალახები უფრო ჭკვიანები არიან თუ ხეები?

— ეგ რამ მოგაფიქრებინა?

ჩაეცინა ბაბუას.

— ორივე დედამინის შვილები არიან, ბალახი დედამინის სამოსია და ბევრი სულიერის საზრდო, მინის ოცნებაც და ფიქრებიც, ამიტომ ზოგან ყვავილნარით იწონებს თავს, ზოგან ხასხასა მინდორ-ველით, ზოგან კიდევე უდაბნოა და ეკალბარდი ფარავს მიდამოს.

— ასე რატომ იქცევა მინა ბაბუ?

— როგორც ჩვენ ვექცევით ისიც შესაბამისად გვექცევა ბაბუ?

— ხე, ხე როგორია?

— ხე დედამინის ხელებია, ამიტომაც არის ცადაწვდილი და სხვადასხვანაირი, რადგან ფიქრი და სათხოვარი სხვადასხვა აქვს დედამინას ღმერთთან. ზოგი ხე ზრუნვაა, ზოგი ძლიერება, ზოგიც კიდევე მსჯავრი და ზოგიც მიტევება. მხოლოდ ეგ არის, თავად უნდა გაარჩიოს ადამიანმა, რომელი ხე რას ნიშნავს. შემხიზვნელია ხე და საკუთარი სიცოცხლის ფასად ადამიანთა სამკვიდრებელიც და მშენებელიც, დედამინა საკუთარი მკერდით კვებავს მცენარეებს ბაბუა.

— როგორ ბაბუ? ძიძუს ანოვებს?

— ხო შვილო...

— ხეები რძეს სვამენ?

— არა შემოგეველე, სიცოცხლის საუნჯით კვებავს დედმინა მცენარეებს.

გონებაში სრულად ჩამრჩენია ჩემი და ბაბუას ეს დიალოგი. მახსოვს როგორ ვჩიჩქნიდი ხის გარშემო მიწას, რომ სიცოცხლის საუნჯე მეპოვა. ერთხელ ვენახში გამაგზავნეს ბაბუასთან. საქმელი და ერთი ბოთლი ღვინო გამატანეს. მოკლეზე მოვჭერი, ვენახ-ვენახ წავედი. ვიარე და მუხლებზე დაჩოქილი ბაბუა დავინახე. ჩუმად მივეპარე და დღემდე მახსოვს თვალნათლივ მისი სიტყვები:

— ჩემო შვილებო, ნერგობიდან გაგზარდეთ და ამაგს ნუ დამიკარგავთ. მოვხუცდი და იმ წელს, სანამ „იქ“ წავალ, კარგი მოსავალი მოიწიეთ, რომ ღვინო მაღლიანი დადგეს, რომ, „იქაურობისკენ“ მიმავალი გზის დალოცვა არ დაეზაროთ ჩემთვის და მოკითხვაც შემომითვალონ იქანა...

საოცრება იყო ბავშვობა ჩემს ბებიასთან და ბაბუასთან ერთად. თვითოეული დღე, ერთ წიგნად ღირდა, საუნჯე იყო ყოველი წამი და წუთი, რომელიც მათთან გამიტარებია. ახლა ვხვდები ამას. ერთხელ ვკითხე:

— ბაბუა რაჭვლობა რას ნიშნავს?

არ ელოდა ასეთ შეკითხვას, ერთ ხანს მიყურა, მერე თოხი იქვე კაკალის ხეზე მიაყუდა. დუმდა ბაბუა. დაიბნა კაცი. მეორე დღეს ნიკორწმინდაში წამიყვანა და ის საოცარი სიტყვები დღემდე მახსოვს. ნიკორწმინდის ტაძრის წინ დამაყენა და მითხრა:

— ესაა ბაბუა რაჭა. ამ ჩუქურთმებს რომ უყურებ ხომ მოგნონს? მაგრამ რაა ეს იცი? ასე ქვის გაკოპნიავება მხოლოდ ქვეყნის და ერის მოყვარულ კაცს შეუძლია, შენი კუთხის სიყვარულს შეუძლია. დაფიქრდი, რამდენი ჯანი შეაღია იმ დიდოსტატმა, რომ შენთვის, ჩემთვის და ყველასთვის მოეყოლა ქვაში ჩაქსოვილი ნატვრა, ჩვენი კუთხის სიყვარულს რომ სცილდება და უკვდავებას უქსოვს მენინავე დროშას. გოლიათური სიდინჯეც ჩვევიათ რაჭველებს. გოლიათი დიდს და მხარბეჭიანს კი არ ნიშნავს ბაბუა, გული რომ გაქვს შენი სამშობლოს და მოყვასის სიყვარულით სავსე, ეეე, ის კაცია გოლიათი, დაიმახსოვრე?

ერთხელ აივანზე ვიჯექით მაგიდასთან. სოფელს გაჰყურებდა ბაბუა... ამოიოხრა.

— რა იყო ბაბუ?

შევეკითხე მოხუცს.

— არაფერი შვილო, არაფერი. აგერ, ორი სახლის საკვამურიდან ამოდის ბოლი. დაცლილია ამახელა სოფელი. ჩვენც მივებარებით მინას და თვალშია მიცვალებულს დაემსგავსება აქაურობა, უპატრონო და გამაპტიოსნებლის გარეშე რომაა მიგდებული ველად. თბლისში ფუთიან ყანებს სვამთ „ჩვენს კუთხე-კუნჭულებს გაუმარჯოსო“, სიმღერაც იცით ომხიანი და მეორე დღეს, „პახმელიაზე“, გავიწყდებათ ყველაფერი... ჩვეულ რუტინაში ჰპოვებთ თავშესაფარს... ქართული ინტელიგენცია, ზნეობა და ერისკაცობა სოფლიდან წამოვიდა შვილო, აქ განიბანნენ ქართული სიბრძნით, მოყვასისადმი სიყვარულით და მათ წინაშე ვალდებულებით სავსე ემბაზში. აქ იცხეს მირონი და გაულამპრეს გზა ქართველობას მრავალი ქარტეხილით ნაგვემ ყველა ეპოქაში. ეს ედემი არ დაკარგოთ ბაბუა, ეს თქვენი კუთხეა, შეუმუსრავი ზღუდე და საკუთარი ხელით ნუ ჩამოშლით ქონგურებს, ნურც გულგაციებულნი, ღიას ნუ დასტოვებთ კარიბჭეს, რომ ცხვირწინ არ მოგიჯახუნონ... მერე... მერე ვაი და ვიში, უდაბნოსა შინა მლაღადებელს დაემსგავსება თქვენი ხმა.

სიკვდილის წინ, მონაგარი შეგვკვრიბა ბაბუამ. ჯერ მოსავლის ამბავი გვკითხა და რომ დავაიმედეთ გვითხრა:

— ჯერ არ არის ყურძენი მოწეული, წლეგანდელ ღვინოს ვერ ვაკურთხებ უფლის წინაშე, ძველი კი, საკმარისია, რომ „გზა“ დამილოცოთ... ცოტა ხანს იყურა, გვაცალა იმედიანი სიტყვების ჩამორაკრავება და განაგრძო:

— ვენახში დამკრძალებთ, „იქიდან“ შევუფუცხუნებ“ ვაზს და ხეხილს... ჩემი სიტყვა კანონია ჯერ...

შემდეგ გაგვიღიმა, ერთი კიდევ აგვათვალაიერა ყველანი...

— „იქანა იმიტომ მინდა რომ დამმარხოთ, რომ ვერ გაყიდოთ და ვერ გაანათხოვროთ მამა-პაპისეული...“

თავზე დამათენდა. მზეს გავხედე სარკმელიდან. კაკლის წვერს ებლაუჭებოდნენ მზის სხივები. აივანზე გავედი. სოფელს გადავხედე, ბოლი ამოდიოდა საკვამურებიდან. გვერდით მეზობლის ეზოს შევავლელე თვალი და ჩემი სიყრმის მეგობარი რატი გამობაჯბაჯდა აივანზე. აგერ ზალიკო, გოჩა, დათო... ჩვენი ბიჭები, ახმინებდნენ სოფელს... ნაზის ნაცნობი ხმა შემომესმა, ჩვენი დაიკო, ირმა „დაქოთქოთებდა“ ეზოში. ჯერ ბიჭებს შეეხმინა, მერე მეც შემამჩნია აივანზე გადმოყუდებული.

— დედა! ბოშო, გოგიტა ჩამოსულა, მოგენატრა დედულეთი კახელოო?

სიყვარულით ამომძახეს მეგობრებმა.

მომენატრა ჩემო ძვირფასებო, მომენატრა, მე ხომ აქ ავიდგი ფეხი....

ბედნიერების ლომბარდი

ნაწილი 1

თავი 1

რას არ გაიგებს კაცი, გუშინ ჩემმა მეგობარმა მახარა:

— „ჯიგარო, უბანში მაგარი ლომბარდი გაიხსნა, ეგ ხალხი გადამრევს, ასე მითხრეს, „კრედიტს მოგცემთ თუ თქვენს ბედნიერებას ჩადებთო გარანტიად“. გავოცდი, პირველად ვიფიქრე ალბათ ხუმრობს და ასე უნდა გამაბითუროს ამ „ცელქმა“.

— გურამ, რასაც შენ მეუბნები ზღაპრებშიც კი აღარ წერენ, ძან ბლეფია ჯიგარო.

ვუთხარი მეგობარს და გავუღიმე.

— მისმინე, იქ, ერთი მანათობელი ბროლის „ბურთი“ აქვთ, ხელე-ბი იმაზე უნდა დააწყო, თან არ დაგავინწყდეს ორივე ხელი უნდა დაადო, მერე მელომბარდე გეკითხება, „თანხა რამდენი გნებავთ?“ მე ვუთხარი, „ასი ათასი მინდა, თუ მომცემთ“, იმან „ბურთს“ რალაც შეულოცა, მერე გულზე ხელი დამადო და მითხრა: „თქვენი „ბედნიერება“ ამდენი არა ღირს და თუ გნებავთ ოცი ათას მოგცემთ და გირაოში თქვენი სამუდამო ბედნიერება ჩადეთ. თანხას როცა გადაიხდით თქვენი ბედნიერების 95 %-ს დაიბრუნებთ, ხოლო ხუთი პროცენტი კი მოსაკრებელის ღირებულებად დარჩება“-ო....

— მერე შენ რა უთხარი?

— მოკლედ „დავაბოლე“ რა... და უფრო მეტი მომცეს იგივე პირობით.

— გასტუმრებას რითი აპირებ?

— კარგი რა ძმურად... მექნება და გადავიხდი...

— გაიღიმო შეგიძლია?

— რააა?

— გამიღიმე...

გურამი დაიძაბა, სახე დაემანჭა, რალაც საცოდავი და გულის ამრევი გამომეტყველება მიიღო მისმა „ლიმილმა“. გურამი დაიძაბა, ვერ მიხვდა რა დაემართა, სად გაქრა მისი გულღია და წრფელი ღიმილი....

— გურამ რა გჭირს?

— კრედიტი პროცენტებს წერს მეგობარო.

მიპასუხა, მერე ზურგი შემაქცია და წავიდა... ინტერესი მკლავდა გამეგო რა ხდებოდა ამ საოცარ ლომბარდში. იქვე მათ ოფისში შესასვლელ კართან ბორდიურზე ჩამოვჯექი და მიმსვლელ-მომსვლელს ყურადღებით დავუწყე თვალიერება. საკრედიტოსთან ადამიანების დიდი რიგი იდგა, ხალხი იცინოდა, ერთმანეთს თბილად ესუბრებოდნენ, მათი სახიდან გამქრალიყო ნაღველი და დარდი, მხოლოდ მოსალონელი „სასურველის“ მიღების სურვილით იდგნენ ადამიანები. იდგნენ ქალები, კაცები, მოზარდები, ახალგაზრდები, მოხუცები... და ხალხი საკუთარ ბედნიერებას ფულზე სცვლიდა... „საკრედიტოდან“ გამოსულებს დავაკვირდი, დაძაბული, გაცრეცილი სახეები და ბოლმით სავსე თვალებით შეჰყურებდნენ რიგში მდგომ ადამიანებს, „კრედიტი უკვე მომცეს“, მოკლე პასუხით მიუგებდნენ საკუთარ ქომაგებს... ცოტა ხანში უბანში გაღიმებულ კაცს ველარ ნახავდით, ვერც ლალ სიცილს გაიგონებდით უბნის „ბირჟაზე“... ბოროტი, არაფრის მთქმელი და უსიცოცხლო თვალები... უმეზობლო სამეზობლო... „ძვირი“ მისალმება... მხოლოდ ბოლმა და შური გამეფდა ჩვენს უბანში. მეც შევედი „საკრედიტოში“. ულამაზესი გოგონა შემომეგება და წკრიალა ხმით მომმართა:

— მობრძანდით ბატონო, რით შემიძლია გემსახუროთ?

— მე თქვენი მენეჯერის ნახვა მსურდა, თუ შეიძლება...

— მენეჯერს ნუ შევანუხებთ, კრედიტის გაცემა ჩვენი პრეროგატივაა, გთხოვთ გასაუბრების ოფისში შებრძანდეთ, საკრედიტო ოფიცერი ერთ წუთში თქვენს განკარგულებაში იქნება...

— მე მენეჯერის ნახვა მსურს გოგონა, გთხოვთ მასთან მიმიყვანოთ.

გავუმეორე თხოვნა.

გოგონა დადუმდა, ლამაზი ტუჩები „აპრუნა“ და ერთ-ერთი კაბინეტიდან ჩახლერილმა ხმამ მოგვემართა: „შემოვიდეს, მე მას ველოდი“ „ის მე მელოდა?“, გამიკვირდა. გოგონამ გამიღიმა, თეთრი ბროლივით კბილები შემომამანათა და ლამაზი თვალებით მონყალებით გადმომხედა.

— „მიბრძანდით, ბატონი მენეჯერი თავისთან გიხმობთ, თქვენი ნების შესაბამისად... მიბრძანდით“.

იმ წუთში აღარც მენეჯერი მინდოდა და არც ლომბარდი... დედაააა რა ლამაზი იყო ის გოგო... მენეჯერის კაბინეტს მივუახლოვდი. კარებზე ლამაზი ასოებით ეწერა „გენ.-მენეჯერი ლუი ცეიფერი“. თითქოს მეცნო ეს სახელი, მაგრამ საიდან? კარზე დავაკაკუნე.

— მობრძანდით.

შემომესმა კარს იქიდან... მეც შევედი.

— დაბრძანდით ჩემო ბატონო, ჩემი ნახვა გასურდათ, გისმენთ, რით შემიძლია გემსახუროთ?

შემეკითხა ბატონი ლუი.

— გამრჯობათ ლუი ბატონო, თითქოს საიდანღაც მეცნობა თქვენი სახელი, მაგრამ ვერ ვიხსენებ...

— თავს ნუ გაინვალებთ, ერთი ამერიკული ფილმის პერსონაჟია... მე მისი სახელი ფსევდონიმად მოვირგე...

— საინტერესოა... ბატონო ლუი, შეიძლება რამდენიმე კითხვა დაგისვათ?

— კი ბატონო, ბრძანეთ.

— საინტერესო დაწესებულება გაქვთ, თქვენ ადამიანების ბედნიერებას ალომბარდებთ, თანხასაც გასცემთ და არანაირ ფასეულობას გირაოში არ იტოვებთ, რატომ?

— ბატონო გიორგი, თქვენ მგონი მწერალი ბრძანდებით არა?

— მოდი ასე ვთქვათ, კალამს ოფლს ვადენ ჯერჯერობით, მწერალი დავირქვა... გერქვას მწერალი ეს დიდი პასუხისმგებლობაა...

— ხოოო, გეთანხმებით...

— შეგიძლიათ მიპასუხოთ ჩემს შეკითხვაზე?

— ბატონო გიორგი, ადამიანისთვის ბედნიერებაზე დიდი ფასეულობა არსებობს?

— როგორც ვატყობ კამათში ვებმებით...

— გეთანხმებით, მოდით მარტივ გამოსავალს გთავაზობთ, აგერ ახლოს, ჩვენი კორპუსის ბოლოში ლუდის ბარია და იქ ჩავვჯდეთ, მე შესვენებას მოვიწყობ და თქვენ კი... მოკლედ უფრო კარგად გავიცნობთ ერთმანეთს, შევთანხმდით?

— კი ბატონო...

— დანახარჯს მე ვიხდი...

მითხრა ლუიმ და ორიოდ წუთში ლუდის ბარში ქაფმორეული, „ოფლიანი“ ბაკლიდან, „ჟანგიან“ ყელში ლუდის „მდინარე“ ჩავუძახე... კარგი იყო, არ დავმაღავ, მესიამოვნა...

— მოდი „შენობით“ ვისაუბროთ, თანახმა ბრძანდებით?

ლიმილით მკითხა ლუიმ.

— მშვენიერი აზრია ლუი, ოფიციალურობა არც მე მომწონს...

— დიდებულია, ეტყობა ქაბაბს და ხინკალს ცოტა დააგვიანდება... მანამდე კი ვისაუბროთ....

— ლუი, იქნებ ამიხსნა, ცოტა არ იყოს ძნელად გასაგებია ჩემთვის, ადამიანმა ბედნიერება როგორ უნდა დააგირაოს?

— გიორგი, ჩემი სახელი და გვარი გაიმეორე...

— ლუი ცეიფერი...

— ესე იგი...

— ლუციფერი? წარმოუდგენელია...

— რატომ? იმიტომ რომ მხედავ? საკვირველი არაფერია მეგობარო, მეც და ჩემი ქვეშემდომებიც, უკაცრავად თანამშრომლები, თქვენი საზოგადოების წევრები ვართ და ჩვენი ხილვა რატომ გაკვირვებთ? რომელი იქნებოდა სწორი, მე რომ სხვა გვარი და სახელი დამერქმია და ისე გაგცნობოდი, თუ სიმართლე მეთქვა და პატიოსნად წარმდგარიყავი თქვენ, საზოგადოების წინაშე? მე რატომ უნდა მცხვენოდეს ჩემი ვინაობის გამხელა?... კარგით შევეშვათ ამაზე საუბარს, ვხედავ შიშის ალი გუზგუზებს თქვენს თვალებში, მერწმუნე არაფერს დაგიშავებ არც ეხლა და არც მომავალში, ხო მართლა რელიგიაზე ნუ ვისაუბრებთ... დაგამარცხებ... თქვენს სამყაროში ღმერთს საუკეთესო რეკლამა აქვს... მშურს მისი...

ლუიმ გაიღიმა.

— მკითხე გიორგი რაც გსურს, ოღონდ დამშვიდდი და ნუ გეში-ნია...

- კარგი ლუი, შევთანხმდით, შეიძლება გკითხო?
- ბუნებრივია...
- რატომ მაინც და მაინც „ბედნიერების ლომბარდი“?
- „ბედნიერება“ ადამიანის მინიერი ენერგეტიკაა და „სულის“ ნა-ნილი, სული ღვთიურია და უკვდავი, ბედნიერება მინიერია და ადამიანის გარდაცვალებასთან ერთად ისიც კვდება. ბედნიერება ინდივიდუალურია და სინათლის, ანუ უფრო სწორად რომ ვთქვათ, „გადამდები სინდრომი“, რომლის გაზიარებაც შეიძლება. ბედნიერება უდიდესი მინიერი ფასეულობაა, რომელსაც ადამიანები უბრალოდ საკუთარ დამსახურებად მიიჩნევენ და იოლად შეგიძლიათ შეელოთ...
- და თქვენ ბედნიერების დათმობის სანაცვლოდ ფულს აძლევთ?
- გიორგი, ფული ბედნიერება არ არის...
- იქნებ უფრო მარტივად ამიხსნათ, რას და როგორ განსაზღვრავთ, რა ღირს „ბედნიერება“, რას ილომბარდებთ...?
- როცა გიყვარს, როცა უყვარხარ, როცა გენატრება და ვილაცას თუ ენატრები, როცა ზრუნავ ვინმეს კეთილდღეობისთვის და ვილაცა ზრუნავს შენზე, როცა ამაგს სთეს და მადლიერებას იმკი, როცა გიჭირს და ხელს გაგიმართავენ, გვერდში დაგიდგებიან ადამიანები, შვილის დაბადებით გამოწვეული სიხარული, მისი პირველი ნაბიჯები, წარმატებით გამოწვეული აღმაფრენა, შენი საყვარელ ადამიანებთან ურთიერთობა და უხინჯო სიყვარული... კიდევ ბევრი რამ გიორგი, ეს ყველაფერი ბედნიერებაა... შენ შეგიძლია მის გარეშე სიცოცხლე? ფულის ფასად დასთმო ამ ყველაფერს?
- ვერა...
- იცი, ვინც ბედნიერებას „აგირავებს“, მათ იციან რაზე მიდიან, იციან რა შეიძლება დაკარგონ, მაგრამ ბანკის ვალი უფრო მძიმე ტვირთად ეჩვენებათ და ამიტომ ჩვენთან მოდიან, ისინი არც ბინას დებენ გარანტიად და არც რაიმე მატერიალურ ფასეულობას, არც პროცენტები არსებობს ჩვენთან, არც არავინ დაგირეკავს ოფისიდან „პროცენტი გადაიხადეო... ძირი ფულის ნაწილი დაფარეო...“ და ასე შემდეგ, მე მოგეცი ფული მთლიანად, შენც დამიბრუნე მთლიანად. ეს არის პრინციპი. ხოლო თანხის რაოდენობას იმის მიხედვით განვსაზღვრავთ თუ რა სულიერი „უზრუნველყოფა“ დევს მსესხებლის უკან, მოკლედ ვეუბნებით იმდენს, რამდენის გადახდასაც ვერასდროს შესძლებენ...

— თქვენ რაში მოიხმართ სხვების „ბედნიერებას“?

— სასაცილო შეკითხვაა, იმ სიხარულს, რომელიც მას უნდა განეცადა ჩვენ განვიცდით, მათი სიხარული უკვე ჩვენია, ჩვენი ოჯახების, ჩვენი მეგობრების, ჩვენი მომხრეების კეთილდღეობას ხმარდება...

— კი მაგრამ, „ეს“ საშინელება რამ მოგაფიქრებინა?

— საშინელება? მომისმინე მეგობარო, ჩვენ ვინმე ვაიძულეთ რომ ჩვენთან მოსულიყო? ისინი საკუთარი ნებით მოდიან, ჩვენ მხოლოდ მათ „რესურს“ ვაფასებთ...

— ვინმესთვის გიპატიებიათ „ვალი“?

— კი, რასაკვირველია...

— და ვინ იყო ის ბედნიერი?

— ამ შეკითხვაზე მოგვიანებით გაგცემ პასუხს, ხო, ასე აჯობებს...

ხინკალი და ქაბაბი მოგვიტანეს, ოხშივარი ასდიოდა დალოცვილს. ლუიმ რამდენიმე ხინკალი გადაიტანა თეფშზე გასაცვივლად. მეც ასევე მოვიქეცი, მერე ლუდის ბაკალს დავნვდი და რამდენიმე ყლუპი მოვსვი. ლუის ვაკვირდებოდი, არაფრით იყო გამორჩეული სხვებისგან. არც ტრადიციული რქები, არც კუდი, არც ჩლიქები... უკიდურესად „ადამიანური“ იყო ლუი. ხინკალს სული შეუბერა, მერე მე შემომხედა, გაიღიმა. ერთი თავი გადაიქნია და ჩანგალი ქაბაბის ნაჭერს ჩაარჭო...

— მიირთვი გიორგი, მოჯანიანდი, სასაუბრო ბევრი გვაქვს მეგობარო, ძალიან ბევრი...

თავი 2

ვარჯიშიდან ღონემიხილი დავბრუნდი. ფალავანთა კლუბში სიქა გამაძრეს. სპორტ-სკოლის ჩემპიონატისთვის ვემზადებოდით, ჩვენი მწვრთნელი გულმოდგინედ გვავარჯიშებდა ძიუდოისტებს, რომ საქალაქო და რესპუბლიკური ჩემპიონატისთვის საუკეთესო ნაკრები ჩამოეყალიბებინა. ტანზე გავიხადე, მერე შხაპი მივიღე და ლოგინზე მონყვევით გადავკოტრიალდი. მშოიდა, მაგრამ ჭამის თავი არ მქონდა. რული მომერია და ტელეფონის ზარმაც დარეკა. ძლივს ავითრე ტანი, ტელეფონთან მივედი და ყურმილს უხალისოდ დავწვდი...

— ალოოო...

- გიო შენ ხარ?
- მე მირეკავ და აბა ვინ ვიქნები?
- ჯიგარი ხარ, სახლში ხარ?
- ბიჭო, შენ რა არეული მელაპარაკები? სახლში ვარ...
- ეხლა ამოვალ, შენთან საქმე მაქვს...
- მომისმინე, მე ერთ საათში მათემატიკაზე უნდა წავიდე...
- რა დროს სკოლა და მათემატიკაა... დამიცადე არსად წახვი-

დე...

მომადხა ჩემმა კლასელმა და ყურმილი დამიდო. „ისევე რაღაც შარში გაეხვია, უეჭველად...“ ისევ ლოგინისკენ წავედი. ახლა კი, კარზე ზარი ანკრიალდა. ჩავიცვი და სადარბაზოს კარი გავაღე. მტერმა ნახა ის, რაც მე დავინახე. ჩემი ორი ძმაკაცი ვილაცას უმონყალოდ დაებეგვა. თავ-ყბა ჰქონდათ აზელილი საწყლებს.

- რა მოგივიდათ? ასე ვინ გცემათ?
- მოკლეთ, ნინოს გამო ვიჩხუბეთ...
- ძმურად, მუჰამედ აღის ეჩხუბეთ? ასე...
- მოიცა რა... გველადავება?
- ერთი ეს მითხარით, რომელი „ნინოსთვის“ იჩხუბეთ?
- აი კინოსთან რომ სკოლაა იქ სწავლობს...
- რააა?
- ხო, მაგარი გოგოა, მომწონს...
- ძმურად, ის ნინო გიცნობთ რომელიმეს?
- კი ძმა, როგორ არ გვიცნობს, ჩემს უკანა კორპუსში ცხოვრობს...

— ვისაც ეჩხუბეთ ის ვინ არის?

— ვილაცა ჩმორია, მოკლედ ბევრნი იყვნენ და იმიტომ მოგვერივნენ, თორემ...

- სულ შარში როდემდე უნდა იყოთ?
- გიო, ძმაო, შენი იმედი გვაქვს რა, ჩავიდეთ...
- კარგით, რაიმეს მოვიფიქრებ...

წამოვდექი, აივნისკენ წავედი...

- გარეთ არ გახვიდე.

შემომტირა პაატამ.

- დაბლა გველოდებიან...

— ვინ გელოდებათ?

— ისინი.

ახლა ლაშამ შემომტირა. აივანზე გავედი, სადარბაზოსთან რამდენიმე კაცი იდგა და ზევით იყურებოდნენ.

— ეეე!.. შენა ხარ გიორგი?!

ამომძახა ერთ-ერთმა.

— მე ვარ.

ჩავძახე მე.

— ერთი ჩვენი ძმა დაბლა ჩამოდი.

იქედნურად ამომძახა მეორემ.

— დამელოდეთ.

უკვე გაბრაზებულმა ვუპასუხე და სახლში შევედი. პაატას და ლასას ხმა არ ამოუღიათ.

— დამელოდეთ, დაბლა არ ჩამოხვიდეთ.

თითქმის ვუბრძანე ძმაკაცებს. ეზოში ხუთი კაცი დამხვდა, ჩვენზე უფროსები, ალბათ სტუდენტები იყვნენ. ქედმაღლურად მომესალმნენ:

— რაო ჩვენი ძმა, მშვიდობის ელჩად გამოგვზავნეს?

— მე დიპლომატი არა ვარ და გაითვალისწინეთ, ჩემს ეზოში ხართ და წესიერად მოიქეცით.

მშვიდად მივუგე დამხდურებს.

— კარგი, კარგი, შენ შეგნებული კაცი ჩანხარ და იცოდე, მეორედ რომ იმ გოგოს ახლოს გაეკაროს რომელიმე, ბევრად ძვირი დაუჯდებათ...

— მისმინე...

ვატყობდი რომ წონასწორობას ვკარგავდი.

— ეგ შენი საქმე არ არის ვინ ვის გაეკარება...

საქმე აშკარად ჩხუბამდე მიდიოდა, ეზოში უზნელი ბიჭები ჩამოვიდნენ. დამხდურები აშკარად შეშინდნენ, ტონი შეცვალეს და ტკბილად დაიწყეს საუბარი... მოკლედ, ამ ჩემი ცოდვით სავსე პაატას, უკვე დანიშნულ გოგოზე მიეტანა „იერიში“, როგორც გამოირკვა, არაერთხელ გაუფრთხილებია „სასიძოს“, იმ ნინოსაც უთქვამს რომ დანიშნული იყო და სკოლის დამთავრების შემდეგ თხოვდებოდა... მოკლედ აღარ გვიჩხუბია, მაგრამ... რაღა მაგრამ, სულ ასეთ დავი-

დარაბებში ეხვეოდნენ და მერე ჩემთან გამორბოდნენ... 10 ძმაკაცი ვიყავით. პირველი კლასიდან ვმეგობრობდით. ჩვენი შემხედვარე ოჯახებიც დამეგობრდნენ. მაგრამ საინტერესო ის იყო, რომ რატომღაც ჩვენს შორის შეძლებული ოჯახის მქონენი, საოჯახო წვეულებაზე, სხვა, შეძლებულ ოჯახის მქონე ჩვენს კლასელებს და მათ მშობლებს ეპატიჟებოდნენ, ჩვენ კი, „გვერდით“ გაგვწევდნენ ხოლმე. ამას დედების დაქალობით ხსნიდნენ. მაშინ ასეთ რამეს ყურადღებას არ ვაქცევდით...

თავი 3

ლუიმ ლუდი მოხვრიპა და მადიანად განაგრძო ქაბაბის ქაბა. მეც სხვა არაფერი დამრჩენოდა, ჩემს მასპინძელს მივბაძე.

— გიორგი, მზად ხარ თქვენს საზოგადოებაზე სასაუბროდ?

— კი, მგონი კი.

— შესანიშნავია.

— როგორც ვხედავ, კითხვა თქვენ უნდა დამისვას.

ლუის გაეცინა.

— რა უინტერესოა ჭკვიან ადამიანებთან საუბარი...

— რატომ? გავაპროტესტე მე.

— იმიტომ რომ წინასწარ ხვდებიან და აანალიზებენ ყველაფერს. წელან გაკვირვებული და შეშფოთებული მეუბნებოდი, „რატომ მაინც და მაინც ბედნიერებაო“. მე კი გეტყვი და გაგიმეორებ, უბრალო ადამიანური ბედნიერება, ხშირად, ძალიან ახლოს არის თქვენთან, ხელითაც ეხებით მას, მაგრამ მიგაჩნიათ, რომ უფრო მეტს იმსახურებთ, რომ თქვენი ბედნიერება „მოძველდა“ და როგორც „ჩამოფასებულს“ ისე ექცევით, თქვენ არასოდეს გიფიქრიათ, რომ ის, რაც გაქვთ, სხვებისთვის სანუკვარია და საოცნებო...

— მიკვირს თქვენი ასეთი მსჯელობა, იქნებ ადამიანი, რომელიც თქვენთან მოდის, თანხით, რომელსაც თქვენ აძლევთ, მომვლის დაგეგმვა სურს? და ამიტომაც დგამს ასეთ ნაბიჯს...

— გიორგი, გეთანხმები, ხშირად გვესმის „დაგეგმე მომავალი“, მაგრამ როგორ უნდა დაგეგმო, როცა რესურსი, საშუალება და მხარდაჭერა არ გაგაჩნია?

— და ამ შემთხვევაში...

— გიორგი, ფულით „მოთხოვნილებების“ ყიდვა შეიძლება, ბინა, მანქანა, აგარაკი, ტანსაცმელი, სერვისი... ყველაფერი ეს, მოთხოვნილებებია...

— მაშინ მიპასუხეთ, როგორ მოიქცეს ადამიანი თუ არანაირი მატერიალური საშუალება არ გააჩნია? ის შეიძლება მოვიდეს თქვენთან და კაპიკებში დაალომბარდოს საკუთარი „ბედნიერება“, მე მგონი არ ვცდები...

— რაჭაში რამდენიმე ახალგაზრდას ვიცნობ, „მაგარ“ ფულს შოულობენ, იცი როგორ? გეტყვი, მიტოვებულ სოფლებში დადიან, ვაშლს, ქლიავს, კაკალს, შინდს, მოცვს და კიდევ სხვა მცენარეების ნაყოფს აგროვებენ და ყიდიან. ნიგოზს საკმაოდ მაღალ ფასში ყიდიან და „მაგარ“ ფულს შოულობენ. ეხლახანს სხვებმაც მიბაძეს და ღორების ფერმა გააკეთეს ნაბლნარში. ხო, მართლა, ნაბლსაც და ნიფელსაც აგროვებენ, მერე ქუთაისში და თბილისში ჩამოაქვთ და ყიდიან...

— ესეთები ერთეულები არიან...

— ხო ასეა, იმ მამულების პატრონები კი, თბილისში ზიან და შიმშილით კუჭი უხმებათ. მერე ჩემთან მოდიან და საკუთარ ბედნიერებას ალომბარდებენ. თან ნუნუნებენ „ცხოვრება გაძნელდა ფული არ ფულობსო“, ხელის განძრევა გეზარებათ, აი ეს არის მთავარი პრობლემა...

— ასე მსჯელობა არ შეიძლება ლუი.

— რატომ?

— იმიტომ რომ მათ ოჯახები აქ ჰყავთ და...

— ვერ ტოვებენ? თქვენი საზოგადოების მნიშვნელოვანი ნაწილი, თავს იტყუებს, დიახ, შეგნებულად იტყუებს თავს, რის გამოც ახალი გამოწვევების მსხვერპლი შეიქმნება უცილოდ.

— რას ნიშნავს თავს იტყუებს?

— იმას, რომ არაფერი არ მოდის უშრომლად, არაფერი.

— მერე და ვინმე ერიდება შრომას?

— კი, ერიდება, კი არ ერიდება, გაურბის...

— არ მეგონა ასე თუ მსჯელობდი...

— გიორგი, მე არ გელაპარაკები ზოგადსაკაცობრიო საკითხებზე, არც პოლიტიკაზე და საზოგადოებრივ მონყობაზე მსურს საუბარი, მარტივ თემებზე ვსაუბრობთ, შეხედე, აგერ იქით, „ბესეტი-

კაში“ ბიჭები სხედან და მიუხედავად იმისა, რომ ნაგვის ურნა ერთ ნაბიჯში დგას, ნამწვავებს მაინც მიწაზე ყრიან, ეს რაზე მეტყველებს გიორგი? გუშინ ჩვენი მეზობელი ბიჭი სცემეს ამ ნაძირლებმა, მხოლოდ იმიტომ, რომ იმას თავის დაცვა არ შეუძლია. ის ბავშვი სტუდენტია და საკმაოდ წარჩინებულიც, მას მომავალი აქვს და ესეთი ადამინი ჩემთან არასოდეს მოვა, ხოლო იმ ლანირაკებს, მათი განათლების შესაბამისი სამუშაო რომ შესთავაზო, ხომ იცი რას გეტყვის?

— ესეთები ერთეულები არიან. მასა კი უმუშევარია, თავის რჩენა უჭირთ, ხვალ ოჯახს რა აჭამოს იმაზე ფიქრობს. არა ქარხანა, არც ფაბრიკა, მხოლოდ იყიდე — გაყიდე და მეტი არაფერი...

— გიორგი მართალი ხარ, გეთანხმები. ეს თქვენი საზოგადოების ბრალია...

— რა არის საზოგადოების ბრალი?

— ზედმეტი მიმტვევებლობა, თუმცა ეს ქართველების აქილევსის ქუსლია... გიორგი, ჭკვიანმა ლიდერმა ქვეყანაში „დაფასებული შრომის ძალაუფლება“ უნდა დაამკვიდროს, რადგან მის გარეშე სამოქალაქო თაღლითობის ჰეგემონიის დამკვიდრებას შეუწყობს ხელს...

— შეგიძლია უკეთესად ამიხსნა?

ლუი დაიძაბა, ცოტა ხანს ჩანგალს აწვალებდა და მითხრა:

— იცი, არსებობს შიში, რომ რალაც ვერ გამოგივა, ამიტომ ხელს იღებ მოქმედებაზე, ესეთი საქციელი უნიათო ადამიანებს სჩვევიათ, წარმოიდგინე კაცი, რომელსაც ცოლი იმიტომ არ მოჰყავს, რომ ოჯახური იდილია არ დაერღვეს. მცდელობას მოაქვს წარმატება, თვითშეცოდება უკვე „დამარცხებულების“ საქმეა. სალი აზრი, ესაა მამოძრავებელი ძალა და სურვილი „ფეხზე დადგე“, ეჭვი ყოველთვის მომაკვდინებელია, როგორც მომავლის შიში, ცხოვრება ომია და იცოდე, ომში პირველები მშობრები იხოცებიან... „შრომის ძალაუფლება“ ნიშნავს ჯეროვან ანაზრაურობას და პასუხისმგებლობას გაკეთებულ საქმეზე. ერთხელ ერთ ფირმაში ვიყავი, იქ ერთ-ერთ თანამშრომელზე ამბობდნენ „უტვინოა ვერაფერს ვერ იმახსოვრებსო“, მერე ჯამაგირი ვკითხე, ძალიან დაბალი ხელფასი ჰქონია იმ კაცს. იცი რა ვქენი? ჩემს ერთ-ერთ ფირმაში ნავიყვანე სამუშაოდ და კარგი ჯამაგირი დავეუნიშნე და მშვენიერი შედეგიც მივიღე, იმათ გამოცდილი თანამ-

შრომელი დაკარგეს ხელმომჭირნეობით და მის მაგივრად გამოუცდელი, მაგრამ შინაური ადამიანი დანიშნეს. ვინ წააგო? ასეა მეგობარო, ყველა საქმეს თავისი დაფასება უნდა...

— ეგ არაფერს ნიშნავს ლუი ბატონო...

— არაფერს ნიშნავს? წვეთი წყალი ქვას ხვრეტს, ნაკადული კლდეს არღვევს, თავვს კედლის გარღვევა შეუძლია... დღეს თუ სუსტი ხარ, იმას არ ნიშნავს რომ არაფერი შეგიძლია, ან ვერ შესძლებ. ის საქმე დაიწყე რაზეც ძალა გეყოფა და თანდათანობით გაძლიერდები... შეიძლება ხალხმა დაგცინოს, ამის გეშინია? ნაშოვნი ფული მოგიგვარებს პრობლემას... თუ არ ვცდები საზოგადოებრივი ტუალეტები პირველად რომის იმპერიაში შექმნა იმპერატორმა, მერე, ერთხელაც შვილმა დასცინა და ეკამათა მამას, იმპერატორმა ფული სახესთან მიუტანა და ჰკითხა: — „ამ ფულს ტუალეტის სუნი თუ ასდისო“, — „არა“-ო, უპასუხა შვილმა...

— ეგ ყველაფერი კარგი მაგრამ...

— ეს „მაგრამ“... გლუპავთ და ვერ ხვდებით...

თავი 4

მეათე კლასში ვიყავი, უკვე შეღერებული ყმანვილკაცი. მე და ნათიას სიგიჟემდე გვიყვარდა ერთმანეთი. ჩვენ სულ ერთად ვიყავით. ნათია საკუთარ ნათესავებთან წვეულებაზე, სტუმრად რომ მიდიოდა, მე მეუბნებოდა. შეგიძლიათ წარმოიდგინოთ, ჩემთვის პერანგის ყიდვას ვუკრძალავდი დედაჩემს, ფულს ვართმევდი და ნათიასთან ერთად მივდიოდი მალაზიაში, მისი გემოვნების მიხედვით ვარჩევდი ტანსაცმელს, ერთხელ ოდიკოლონი მაჩუქა, ფრანგულიაო მითხრა, სუნით აღვრთოვანებული არ დავრჩენილვარ, მაგრამ რადგან მას მოსწონდა ეს სუნი, სკოლაშიც მას ვისხავდი... სასაცილოა, რომ მახსენდება... ნათია ქიმიურზე აპირებდა ჩაბარებას უნივერსიტეტში, მე კი ჭირივით მძულდა ქიმია. მამაჩემს გამოვუცხადე, — „უნივერსიტეტში მინდა ჩაბარება ქიმიურზე და შენ რას ფიქრობ“-მეთქი, მამაჩემმა ამხედ-დამხედა, მერე გაიღიმა და მითხრა: — „როგორც შენ გსურს, მაგრამ მზად არა ხარ და ნათიამ რომ ჩააბაროს მისაღები გამოცდები და შენ „გარეთ“ დარჩე, გიფიქრია ამაზე?-ო... „არა არ მიფიქრია, ამის დაშვებაც კი მაგიჟებდა. ბიჭებმა გამომიარეს „კინოში წავიდეთო“, მე ნათიას გა-

რემე კინოში რა მინდოდა? დავურეკე და... ნათიამ სლუკუნით მითხრა, — „მამაჩემი არ მიშვებსო“, კინალამ გადავირიე, პირველი კლასიდან მანდობდნენ ნათიას და ეხლა რა მოხდა? კარი ნათიამ გამიღო, ცრემლები ჯერ არ შემორობოდა თვალებზე, „შემოდი მამაჩემს და ბიძაჩემს სალაპარაკო აქვს შენთან“-ო, მხოლოდ ეს მითხრა. მე შევედი. ნათიას მამას ქარხანაში მთავარი ინჟინრის თანამდებობა ეკავა. გავლენიანი და შეძლებული კაცი იყო ბატონო რატი, ნათია მისაღებ ოთახში შემიძღვა...

— გამარჯობა გიორგი.

მომესალმა ბატონი რატი.

— გაგიმარჯოთ რატი ბატონო.

სალამით ვუპასუხე ნათიას მამას.

ნათიას ბიძა ერთი ახმახი კაცი იყო, თანაც სისხლის სამართლის სამძებროს თანამშრომელი. თანამდებობა და ჩინი ნამდვილად არ ვიცოდი, მაგრამ მაგარი „შიშკა“ რომ იყო ნათიასგან ვიცოდი.

— გიორგი!

წამოიწყო საუბარი ბატონმა რატიმ...

— მაღლობა მინდა გითხრა, რომ მთელი ამ წლების განმავლობაში პატრონობდი და გვერდში ედექი ჩემს შვილს, ხუმრობა ხომ არ არის მთელი რვა წელი. ვიცი რომ გიყვარს ნათია და არც ის არის შენდამი გულგრილი...

— ბატონო რატი, საით მიგყავთ ეს საუბარი?

ვკითხე და რალაც საშინელის მოლოდინში დაველოდე პასუხს.

— გიორგი, ნათია უკვე დიდი გოგოა, ჩვენ, ოჯახი ვწყვეტთ მის მომავალს... ნათიას საქმრო ჰყავს... სკოლის დამთავრების შემდეგ, როცა პასპორტს აიღებს, უკვე ზრდასრული ადამიანის სტატუსით უფლებამოსილია გათხოვდეს...

— ბატონო რატი მთელი ეს წლები გვიყვარს მე და ნათიას ერთმანეთი, თქვენ კი ვილაც...

— ის ვილაცა არ არის, ჩემი მეგობრის შვილია და საკმაოდ რესპექტაბელური ოჯახის წევრი, მე პატივისცემით გეპყრობი გიორგი და დააფასე ეს.

— ნათიასთან მსურს საუბარი, თქვენი ნებართვით ბატონო რატი...

— კარგი.

მშვიდად მიპასუხა ბატონმა რატიმ.

მე და ნათია, ნათიას ოთახში განემარტოვდით. საუბრის დანწყება მიჭირდა, ნათიას დავაკვირდი. მის სახეზე ჩემთვის უცნობი, ჯერ წარმოუდგენელი ცვლილება შევნიშნე, ის შეცვლილიყო, თვალს მაშორებდა და მზერა კედლის თაროზე ჩამწკრივებული თოჯინებისკენ ჰქონდა მიპყრობილი.

— ნათია რა ხდება?

გულის კანკალით დაუსვი შეკითხვა...

— ვთხოვდები.

მოკლედ მომიგო შეყვარებულმა.

— ნათი, ამიხსენი, გუშინ ყველაფერი ნორმალურად იყო და წუხელი და დღეს გადაირია ქვეყანა?

— მომისმინე, ბავშვობა დამთავრდა... მე... ის მიყვარს...

არანორმალური, გაცრეცილი ხმით მიპასუხა ნათიამ.

ჯიბიდან კოლოფში ჩადებული ნიშნობის ბეჭედი ამოვიღე. კოლოფი გავხსენი და ნათიას წინ დავუდე. მაინტერესებდა მისი რეაქცია... ვკითხე:

— ნათია გახსოვს ეს ბეჭედი? ზომის ასაღებად იუველირთან ერთად რომ წავედით გახსოვს? ეს ყველაფერი გახსოვს?

— მახსოვს.

მომეჩვენა, რომ აგდებულად მიპასუხა ნათიამ.

— რა გახსოვს გოგო? მთელი რვა წელი სანაგვეზე გინდა მოისროლო, ჩვენი პირობა, ჩვენი ერთობა, ჩვენი სიყვარული ყველაფერი გაქრა?

— გიო მისმინე, ეს ყველაფერი იყო... მე ოჯახს უნდა გავუწიო ანგარიში და ჩემს მომავალზე უნდა ვიფიქრო, მე მინდა ვიყო ბედნიერი... სიყვარული კი ისევ მენწვევა...

— ვინ დაგარიგა ასე? ნათია დაფიქრდი რას ამბობ!

— ჩვენ უკვე გადავწყვიტეთ...

— ვინ თქვენ?

— ჩვენმა ოჯახმა, გიორგი მომისმინე, შენ ძალიან კარგი ბიჭი ხარ, შენ ძალიან კარგი ადამიანი ხარ...

მოულოდნელად ოთახში ნათიას მამა და დედა შემოვიდნენ... ნათიას დედის მკაცრი თვალები მოურიდებლად მმანთავდნენ, დედამ ბრძანა:

— გიორგი, შენ და შენი ოჯახი არა ხართ ჩვენი წრის ადამიანები, მე ვაფასებ თქვენს ოჯახს, მაგრამ მერწმუნე, ჩვენს სიმაღლემდე ბევრი გაკლიათ... მე მინდა ჩემი ასული ბედნიერი იყოს...

— რა ბრძანეთ?

უკვე ფარულმა აგრესიამ იფეთქა ჩემში.

— ის, რომ შენს და ნათიას შორის ყველაფერი დამთავრდა.

იმ წუთს, ჩემი ყმანვილკაცობის პირველი სიყვარულის გარდაცვალებას, ნათია, ნათიას დედა და მამა ესწრებოდნენ, მხოლოდ მე ვჭირისუფლობდი საკუთარი ბედნიერების გარდაცვალებას.

თავი 5

ძალიან გაუჭირდა ოჯახს. დანყვევლილი 90-იანი წლები უკანასკნელ რესურს გვართმევდა, გვგლეჯდა... მე სტუდენტი ვიყავი. დილით შვიდ საათზე ვდგებოდი, რომ ყველაფერი მომესწრო და ფეხით ნავსულიყავი ინსტიტუტში.

იმ დღეს, ჩემმა ძმაკაცმა დამირეკა:

— გიორგი, ერთი ჩვენი ახლობელია, სარეცხის ფხვნილი „დარია“ შემოაქვს და კიდევ სარეცხის საპონი, გამყიდველები სჭირდება, მე „დელისის“ მეტროსთან ადგილი შევათალიერე და იქ ვაპირებ ქუჩაში ვაჭრობას. ხომ იცი რა დროა ახლა... იქნებ მომეხმარო. ქუჩა და ჩხუბი კი იცი და რასაც ვიშოვით ძმურად გავიყოთ...

მე დავთანხმდი. ანდა რა მექნა? ქვეყანაში „კუპონიზმი“ მეფობდა და ამ დახატული ქალაქის იმედად ნამდვილად ვერ ვიქნებოდით. ოჯახში ყველა ნვალობდა, მეც უნდა შემეტანა ჩემი წვლილი. თვითგადარჩენა იდგა დღის წესრიგში... მე და ზვიადი ასე მოვრიგდით, ნახევარი დღე ის ყიდდა საქონელს, მეორე ნახევარი დღე კი მე. ინგლისური ენის სამეცადინო წიგნები თან მიმქონდა და სარეცხი ფხვნილის ყუთებზე ვმეცადინებოდი. ზვიადისაც მოჰქონდა თავისი სახელმძღვანელოები და... მოკლედ, ლუკმა-პურის ფული, მაშინ ასე იშოვნებოდა. იცი რა მახსოვს? ის, რომ ასი ამერიკული დოლარი ლამის ნახევარი მილიონ მანეთს უდრიდა. მაგრამ ფული ფულობდა. ორი დღის ნამუშევართ, მოკლედ, მოგებული ჯამაგირით, მე და ზვიადი ბაზარში წავედით და... ხორცი ვიყიდე, ძროხის ხორცი... კიდევ რამდენიმე კილოგრამი თეთრი ფქვილი და მწვანილები... იმ დღეს სადარბაზოში

სამეზობლო თუნუქის ღუმელზე, დედამ ხორციანი წვნიანი გაგვიკეთა. სადარბაზოში საჭმლის სუნი დადგა... მე მეზობლების მრცხვენოდა, მრცხვენოდა, რადგან სანამ დავნაყრდებოდი, მე მხოლოდ მშობოდა, ისინი კი შიმშილობდნენ და ხორციანი წვნიანის სუნი ერთგვარ შურს აღვიძებდა ჩვენი ოჯახისადმი... კიდევ იცი რა მახსოვს? როცა მეტროს ამოსასვლელთან, ზამთარში, ჩვენ, „ბიზნესმენებს“ გვციოდა, ცარიელ ყუთებს ვწვავდით და ცეცხლზე ვთბებოდით, რომ თითებში შეგრძნება დაგვბრუნებოდა... ერთხელ მეცადინეობის დროს, ერთი ქალი დამადგა თავზე. სქელი შარფი შემოეხვია შავ, გაცრეცილ შუბაში გახვეულს. ჩემს ინგლისურად ნაწერს დაჰყურებდა და უცბათ მითხრა: — „შვილო არასწორად წერ, ბრუნვაში და დროში წინადადება სწორად არ არის გამართული“. თავი ავნიე და ალბათ ცოტა უკმეხად მომივიდა თქმა, „თქვენ ვინ ბრძანდებით? ან ჩემს საქმეში რატომ ერევით ქალბატონო?“-თქო... მან კი მიპასუხა: „უცხო ენების ინსტიტუტის პედაგოგი ვარ ახალგაზრდავ“... შემრცხვა, ძალიან შემრცხვა... იმ ქალბატონმა ჩემი ნაწერები სახელდახელოდ შემისწორა, ვინ იყო ის ქალი დღემდე არ ვიცი, არც სახელი მიკითხავს მაშინ მისთვის, „სამუშაო“ დღის დამთავრების შემდეგ, „რეისი“ იპოდრომისკენ გვექონდა. იქ „შეშას“ ვაგროვებდით და სახლში მიგვექონდა, შეშასო, ვამბობ, თორემ გამხმარი ტოტები, ნახევრად დამპალი ხის ძელები, ეს იყო ჩვენი „შეშა“. ამით უნდა აგვედულებინა „სამეზობლო“ ჩაიდანი და საჭმელიც მისი მეოხებით კეთდებოდა ოჯახში... ერთი კურიოზი მახსენდება. ჩვენმა ძმაკაცმა, ლადომ ეზოში გვიხმო და ტრაგიკული სახით გვითხრა:

— „ბიჭებო ფული მჭირდება, ჩემს მეუღლეს ფიბრომა აქვს, ქალთა კონსულტაციაში გვითხრეს, ონკოლოგიურში უნდა წავიყვანო ანალიზებზე“. სულ მილიონი მანეთი გვჭირდებოდა, დოლარებზე მილიონი მანეთი 220, 230\$ ტოლფასი იყო. სახანძროში მამასისხლად ბენზინი ვიყიდეთ და მეგობრის ჟიგულით, ჩვენს მეგობართან, მამუკასთან წავედით ონკოლოგიურში. მამუკას შევხვდით და მხოლოდ ის ვუთხარი, რომ ჩვენი და გაესინჯა, „მამუკა, მაცაცო ჩვენი საძმაკაცოს პირველი რძალია და რაღაც პრობლემა აქვს. ძმურად, იქნებ დრო გამონახო მისთვის“. მამუკამ მაცაცო კაბინეტში შეიყვანა. ლადო დასაბმელი გახდა... ერთ საათში მამუკა კაბინე-

ტიდან გამოვიდა და თავისთან მიხმო — „გიორგი, ჩვენი მეგობრობის ხათრით დავანწენდი ჩვენთან გამოკვლევებზე, მაგრამ შეშინია ბიჭო, ფეხმძიმე გოგოს რაიმე ვირუსი არ შეეყაროს და არ დავიღუპოთ...“ პირველად მაშინ ვიკვილე, „რომელ თვეშია?“, მამუკა გაფაციცდა და ჩუმად მითხრა, „მესამე თვეშია... შენ რა გაყვირებსო?“ კაბინეტიდან ნამტირალევი და მომღიმარი მაცაცო გამოვიდა... თქვენ ლადო უნდა გენახათ, გაგიჟდა კაცი, მაშინ პირველად ვიხილე უდიდესი ბედნიერება... ლადომ თქვა: — „ის გინეკოლოგი უნდა მოვკლაო“, ჩვენ კი დავამატეთ: — „სულელო, მამა ხდები და რა დროს გინეკოლოგია, ჯიგრიანად ვიქეიფოთ, საძმაკაცოში პირველი ბავშვი დავლოცოთ, ფული კიდევ გვაქვს“. საქმე ის იყო, რომ ლადო და მაცაცო ორი თვის შეუღლებულები იყვნენ. ეტყობა მანამდე „იცელქეს“....

დრო გადის, მაგრამ მაშინდელ ბედნიერებას სხვა ფასი ჰქონდა, ძალიან „ძვირი“ ღირდა მაშინ ბედნიერება.

თავი 6

ლუი თავის პოზიციებს და მოსაზრებებს არგუმენტირებულად მისაბუთებდა. რთული იყო მასთან კამათი. შესაბამის წინაღობას ვერ ვუწევდი, მჯავნიდა. თუმცა სიმართლეს ამბობდა, თუმცა, კარგად გაანალიზების საშუალება მასთან „პაექრობისას“ არ მქონდა...

— ყველაზე მძლავრ მტერს ჩვენ თავად ვქმნით გიორგი, ისტორიას გადახედე...

— ლუი, მძლავრ მტერს უმეტეს შემთხვევაში იდეათა კონფლიქტი ან მატერიალური დაინტერესება ჰქმნის, ამ შემთხვევაში სიტყვა „ჩვენ“, ნაკლებ აქტუალურია...

— კი, ასეთი შემთხვევებიც უხვად არის საზოგადოებაში. მაგრამ მე პიროვნული ასპექტი მაქვს მხედველობაში...

— ამ თემაზე საკამათოდ მზად არა ვარ.

— იცი, ჰუმანიზმს „უმღერის“ მთელი კაცობრიობა და მისი სახელით უმძიმეს დანაშაულებებს სჩადიან, ისტორია გვაჩვენებს, მაგრამ მედალს მეორე მხარეც აქვს, პოლიტიკური ჰუმანიზმი გარდაუვალი დამარცხების წინა პირობაა...

— ლუი, პოლიტიკა ნაკლებად მაინტერესებს...

— მართლა? მთელი სამყარო ამ ფენომენით ცხოვრობს და შენ არ გაინტერესებს?

— ხო... მე თავისუფალი ადამიანი ვარ, ლუი!

— თავისუფლება საზოგადოების გარეშე, „მარტოობა“, თავისუფალი მხოლოდ საზოგადოებაში შეიძლება იყოს ადამიანი...

— განთავისუფლებული „მონა“ და აშვებული ძალდი ერთნაირად საშიშია, შეიძლება პატრონი დაკბინოსო, არის ასეთი აზრიც. შენ რას ფიქრობ ლუი?

— არაფერს, თავისუფალი მხოლოდ ზნემაღალი ადამიანები არიან, მაგრამ დღეს ეთიკის ნორმების დამკვიდრებას, უზრდელნი ცდილობენ და მორალზე, „მეძაფნი“ გვმოძღვრებენ. თქვენ უზრდელს და ხეპრეს, საზოგადოებაში თავის მოწონების საშუალებას აძლევთ, ამით სიავეს თესავთ...

— ლუი, რომ არ ვიცოდი ვინ ხარ...

— ხოდა რომ არ იცი, იმიტომაც გელპარაკები ამდენს...

მერე ლუისაც გაეცინა.

— გიორგი ღმერთის გნამს?

— კი, მნამს.

— მერე და გინახავს ოდესმე?

— არა.

— რა გნამს გიორგი?

— სიმართლე მნამს, კიდევ სიხარული, სიყვარული, ბედნიერება, მფარველობა..

— ეკლესიაში დადიხარ?

— კი ბატონო...

— ბევრი დადის ეკლესიაში, სანთელსაც ანთებს, მაგრამ ფიქრით სხვაგან არის, ტაძარში სიარული არაფერს ნიშნავს, თუ შენი ფიქრები მის წიაღში ღვთისადმი არ იქნება მიძღვნილი...

სიცილი ამივარდა.

— რა გაცინებს მეგობარო?

— ლუი გამიბრაზდები და მეშინია...

— კარგი რაა, რაც არ უნდა მითხრა და მოიმოქმედო არ გაგიბრაზდები, რაზე გაგეცინა?

— შენ მელაპარაკები ღვთიურობაზე...

- ხოლო, მეც არ გამიკვირდა... გიორგი, რას მეტყვი ადამიანებზე?
- რა გითხრა? ადამიანებისთვის ადამიანი მუდმივი აღმოჩენების საგანია...
- კი ეგრეა...
- ლუი, შენზე უკეთ ვის ეცოდინება... პოლიტიკოსებზე რას მეტყვი...
- რა გითხრა? პოლიტიკოსის პატიოსნება საკუთარი ხალხის მიმართ ქმედებაში განისაზღვრება და არა კონკურენტების მიმართ...
- ხო, მაგრამ ვისაც ჩვენ ვენდეთ, იქ, „სარეველაც“ ბევრი აღმოჩნდა...
- სარეველა ყოველი კულტურული მცენარის გვერდზე ხარობს... გიორგი, არ გენყინოს ოფისში უნდა დავბრუნდე, ვნახვ ხომ არ გამაკოტრეს ჩემმა ასისტენტებმა...
- ბარის კუთხეში ჩამოკიდებულ ტელევიზორს ხმა აუწიეს, საიმფორმაციო გადაცემა „ადულებდა“ იქაობას. ლუი მშვიდი სახით უყურებდა ტელევიზორს, ცოტა ხნის მერე მობრუნდა ჩემსკენ და მითხრა:
 - ხოო, როგორც ყველგან... პოლიტიკური ვაჭრობის მასშტაბები ნებისმიერ საფონდო ბირჟას შეშურდება. საოცარი ფენომენია ტელევიზია, მას საზოგადოების გონიერი ნაწილის, ხალხისგან განცალკევება შეუძლია... ხვალ შევხვდეთ გიორგი, „პერერივზე“ შემომიარე და გავიდეთ სადმე, ხვალამდე...
 - ხვალამდე ლუი, მაღლობთ დაპატიჟებისთვის. ლუიმ გამომხედა და გამიცინა.

თავი 7

საძმაკაცომ ცოტაოდენი ფული მოვაგროვეთ. იმ პერიოდში მთელი ქალაქი პარალიზებული იყო. ქუჩებში ძალადობა, ყაჩაღობა და სრული განუკითხაობა სუფევდა. ჩვენთვის აუხსნელი იყო ეს ყველაფერი, მაგრამ რეალობა მთრგუნავი დემონივით დათარეშობდა თბილისში. ბიჭები დავსხედით და „ბიზნესის“ კეთებაზე დავინწყეთ ფიქრი. დაიბადა იდეა. ოჯახების მომსახურეობა, საკვები პროდუქტების ბინაზე მიტანით. ხალხს ფული ჰქონდა, მაგრამ გარეთ ვერ გამოდიოდა, არც მაღაზიები მუშაობდნენ. სალამოს ექვსი საათის მერე ქალაქი ნელ-ნელა კვდებოდა.

„ოფისი“, ჩემი ძმაკაცის ერთ-ოთახიან ბინაში მოვანყვეთ. გეტყვით, რასაც ვაკეთებდით.

ხაჭაპური, ლობიანი, პიცა, კატლეტი, ხინკალი, მწვადი და სხვა კერძებს ვამზადებდით, ჩვენი ტელეფონის ნომერი, სატელევიზო რეკლამით მიენოდებოდა მოსახლეობას, გაგეცინათ? ხო, ახლა მეც მელიმება მაშინდელ ჩვენს საქმიანობაზე. ჩვენი გოგოებიც გვეხმარებოდნენ, შეფობდნენ ჩვენი ქალბატონები... იცი რა კარგები იყვნენ? ყოველ დღე გვაძლევდნენ ბრძანებებს, — „ბიჭებო! ხორცი გაატარეთ“, ან „ცომი მოზილეთ“ ან „ცომი გააპრტყელეთ“. შრომობდნენ ჩვენი თავსაფარნაკრული დიასახლისები, ვშრომობდით ჩვენც. შეკვეთები გვქონდა და შემოსავალი წამოვიდა, ფულს თანაბრად ვიყოფდით. ოჯახში შემოსავალი გაჩნდა. ჩვენ, კაცებს, შეკვეთები ადგილზე მიგვქონდა, ხიფათი და სიავე ყოველ ფეხის ნაბიჯზე გველოდა. ხშირად გვქონდა უბანში დავიდარაბა, ჩხუბი, ორომტრიალი. ჩვენ არ გვეშინოდა, ვიბრძოდით, ნაცემებიც მივსულვართ ოფისში, მაგრამ ლუკმა, არავისთვის დაგვითმია. ერთხელ ძლიან სერიოზული კომფლიქტი მოგვივიდა. სამივე ძმაკაცი უმონყალოდ ვიყავით ნაცემები. ფული ვერ ნაგვართვეს, მაგრამ შეკვეთებზე წასვლას ვერ შევძლებდით. ასეთი სახეებით როგორ მივსულიყავით დამკვეთთან? იმ დღეს ჩვენი გოგოები დაგვეხვივნენ. ჯერ სახე მოგვწმინდეს სამივეს და ცივ ტილოებს გვადებდნენ. ვერ წარმოიდგენთ როგორ გვსიამოვნებდა ჩვენი „დების“ ზრუნვა, „ცოდვა გამხელილი სჯობიაო“ გამიგია, მე პირადად იმაზე მეტს ვკრუსუნებდი ვიდრე რეალურად მტკიოდა, მერე? ეკას რამდენიმე კოცნაც დავიმსახურე „ჩემი ბუხუნია ბიჭო“, მეუბნებოდა, ბიჭები მიხვდნენ ჩემს ეშმაკობას და... მეტი აღარ გვაკოცეს გოგოებმა. შეკვეთების მიტანა ახლა გოგოებმა აიღეს თავის თავზე, ჩვენ მხოლოდ მათი ადგილზე მიყვანა გვევალებოდა. იცით რა საოცრება მოხდა? ოფისში, გოგოებმა ერთგვარი კოსმეტიკური სალონი მოიწყეს. ერთ-ერთი ყვოველთვის ფორმაში იყო, იღებებოდნენ, ივარცხნიდნენ, კაბებს ირგებდნენ... კაცო, ცოტაც და შეგვიყვარდებოდნენ, ისე იპრანჭებოდნენ... თუმცა არც უმაგისობა იყო. ერთხელ სამუშაოს დამთავრების შემდეგ, ბნელ სადარბაზოში გამოვედით და კიბეებს დავუყვეით, ჩემი საცოდავი ჟიგული გულის კანკალით აჰკვროდა კორპუსის კედელს და „ცუდი ძიების“ შიშით, ხან აკუმლატორი უჯდებოდა ხან

ძნელად იქოქებოდა. კიბეებზე ჩავდიოდით, უეცრად ეკა ნაბორძიკდა და კიბეებზე დაგორდა. ვეცით, ფეხზე წამოვაცენეთ, ტკივილს ითმენდა, ცრემლმაც აუვსო თვალი. ნაბიჯის გადადგმა უჭირდა და...

— გიორგი, ხელში ამიყვანე, ხომ ხედავ კიბეზე ვერ ჩავდივარ, ყველაზე დიდი დათვი შენა ხარ...

გოგოებს გაელიმათ. ბიჭებმა ღიმილი შეიკავეს და ეკასთან პირისპირ დამტოვეს. ჩემი მეგობარი ხელში აყვანილი მიმყავდა ავტომობილისკენ. იქ წყალი მეგულეობდა და პატარა პირსახოცი. პირსახოცი დავასველე და... ვერ გავბედე ეკასთვის ფეხზე შემომეხვია, შემრცხვა... გოგოებმა გააკეთეს ეს საქმე. მერე მანქანაში ჩავსხედით. ლალი და თამრიკო ერთ კორპუსში ცხოვრობდნენ, მანქანა სახლის წინ გავუჩერე, მომაცხეს: — „ფეხით გავივლით, შენ კი ეკა მიიყვანეო“ არაფერი მითქვამს, მანქანა დავძარი, მერე მძღოლის სარკეში გავიხედე და აშკარად ვიგრძენი რაღაც განსაკუთრებული სითბოთი გვიმზერდნენ მეგობრები... მანქანა ეკას სახლთან გავაჩერე, გადმოვედი და მეგობარს გადმოსვლაში მივეხმარე...

— გიორგი... არ შეგიყვარდე გთხოვ, (მერე კი დაამატა) ხვალ ცოტა თუ დამაგვიანდეს არ მებუზღუნო.

— კარგი, ხმას არ ამოვიღებ...

ეკამ კისერზე ხელი მომხვია და გაბუტულმა მითხრა:

— კიბეებზე ვერ ავალ მარტო, ფეხი მტკივა...

კარი ეკას დედამ გაგვიღო... ეკა სახლში შევიდა... ჩვენმა ბიზნესმა მხოლოდ ექვსი თვე იარსება. ბანალური ისტორიაა, გეთანხმებით. ჩვენი გოგოები უკვე ბებიები არიან და ბიჭებმაც მოვირგეთ პაპობა. ერთხელ ეკასთან შევიკრიბეთ, ვქეიფობდით ყოფილი „ბიზნესპარტნიორები“, გოგოებმა ეს ისტორია გაიხსენეს... რა ბედნიერები ვიყავით თურმე მაშინ, მიუხედავად გაჭირვებისა და სიავისა, რაც იმ დროს მეფობდა საქართველოში.

თავი 8

— საოცარი ხალხია ეს „ჭკუამიკითხე“ რესპოდენტები...

— რა გაქვს მხედველობაში ლუი?

— ის, რომ თუ კი ტალახში უნდათ ვინმეს ამოსვრა პირველ რიგში გონივრულ ჭორს აუგორებენ, მერე საკუთარ ცოდვებს გადააბრალებ-

ბენ და ბრბოს საშუალებას აძლევენ შური იძიოს... გასაოცარია პირდაპირ...

— ეტყობა რალაც ახალი გაიგე და იმიტომაც საუბრობ ასე...

ლუიმ სათვალე შეისწორა, გაზეთი დაკეცა და მითხრა:

— ყველაზე დიდი ბოროტმომქმედი ის ადამიანია, ვინც ერისკაცობისთვის და საკუთარი ქვეყნის პატრიოტობისთვის, გარეშე ძალისგან ლიცენზიას იღებს და დაფინანსებულ „მონყალებას“, „გონიერების“ ფარგლებში იყენებს. რა გეშველებათ მე არ ვიცი...

— მგონი შენ თქვი, „პოლიტიკაში ჰუმანიზმი დამარცხების საწინდარი“...

— კაცო, პოლიტიკა რა შუაშია?

— აბა ვერ მივხვდი რა გაქვს მხედველობაში?

— საზოგადოებრივი მესხიერება დაძაბუნდა მეგობარო, ყველაფრის შემწყნარებლობა და მიმტვევებლობა ქაოსის დამკვიდრებას უწყობს ხელს.

— ხო, ალბათ ასეა...

— გიორგი, იცი რა მაცოცხლებს კიდევ? უცოდინრები ექსპერტობენ და საქმის მცოდნენი კარდაკარ დარბიან სამსახურის საშოვნელად, მერე იცი რა ხდება? უცოდინარს საქმის დანყებისა ეშინია, ხელსაც ვერ ჰკიდებს და შედეგის გადასაბრალებლად ყოველთვის გამონახვენ განტევეების ვაცს. არა, არსებითს პრიორიტეტად წარმოაჩინებ და მნიშვნელოვანს კი თაროზე შემოდებთ, საქმეა ეს?

— კაცო, მე რას მეჩხუბები? ის ხალხი „ქრონიკული მოუცლელიობით“ არიან დაავადებულები და საქმისთვის ვერ იცლიან, შესაბამისად ვერც ვერაფერს აკეთებენ.

— გიორგი, კიდევ არის ერთი... ხომ გაგიგია, „ძალი ყვეს და ქარავანი მიდისო“, მე კი გეტყვი, მიზანდასახული ხალხი ან პიროვნებები თუ მყეფარების ხმიანობას ანგარიშს უწევენ, მიზანს ვერასდროს ვერ მიაღწევენ.

— ლუი, რა წაიკითხე მაგ გაზეთში ასეთი, რომ ასე აგიფორიაქა სული?

— ის, რომ საერთო მიზნები არ არსებობს, არსებობს „ლოგიკური ეჭვები“ და კერძო ინტერესები. ერთიანი საქვეყნო ინტერესები არ არ-

სებობს, „თავს მოხვეული“ კი, ხალხის დაქსაქსევას და ერთიანობის ჩამოშლას ემსახურება.

— ხო, ეგ საქმე რეგვენთან მეგობრობას ჰგავს...

— გიორგი, იცი რაშია საქმე? „იდეა“ და „მონამსი“, რომელიც საქვეყნო საქმეს ემსახურება, „შემგონებლები“ „ბრძენსიტყვაობა“ თუ ჩანაცვლებს, ვითარება აბსურდამდე მიგვიყვანს და კიდევ, ნებისმიერი „იდეა“, შესაძლებლობების და რეალობის ასახვას უნდა ემყარებოდეს...

— „იდეალები სწორი გზის გარეშე არარაობაა“. ეს გინდოდა გეთქვა?

— ხო, ეგ მინდოდა მეთქვა...

— ლუი, მინდა გკითხო, მეგობრები გყავს?

— რატომ მეკითხები?

— უბრალოდ, შენ ისეთი „თანამდებობა“ გიჭირავს, რომ...

ლუის გაეცინა. ჯიბიდან სიგარეტი ამოიღო. სანთებელაც გააჩხაკუნა და სიგარეტი „შთაგონებულად“ გააბოლა. მერე ერთ ხანს გამომცდელად მიყურებდა, თითქოს ჩემს ფიქრებს კითხულობსო. მე არაფერზე არ ვფიქრობდი, მხოლოდ ლუის ვუყურებდი, მაინტერესებდა რა პასუხს გამცემდა.

— გიორგი, ჩემი აზრით მეგობრობა, ეს, ერთგვარი მოძღვრებაა, პიროვნული „რელიგიაა“, რომელიც შეფასება-გადაფასების მიხედვით ყალიბდება და დროთა განმავლობაში სრულყოფილი ხდება. მეგობრობა სწორი ანალიზის უნარის მქონე ხალხს შეუძლია, ხოლო ცანცა-რა და უგნური მეგობარი, მტერზე უარესია.

— და გყოლია უგნური მეგობარი?

— კი, მაგრამ დროულად შევნიშნე მისი „უნარი“ და საშუალება მივეცი საკუთარი პრობლემები „გმირულად“ გადალახოს, მე მხოლოდ ვუქებ საქმიანობას. ასე აჯობებს...

— ხო, ალბათ. ლუი, კიდევ მინდა გკითხო, „სიბრძნის“ შენეული განმარტება მინდა გავიგო.

— ლოთიანად, შენ წიგნს ხომ არ წერ?

— ხო, თემა თავში ტრიალებს და ჯერ კალამამდე ვერ მიმიყვანია.

— საინტერესოა.

— გისმენ ლუი, მეტყვი?

— ძნელია ერთი სიტყვით გითხრა...

— ორით მითხარი...

— ამბობენ „სიბრძნე გამოცდილებით მოდისო“. ჩემი აზრით სიბრძნე მოცემულ მომენტში სწორი გადაწყვეტილების მიღების უნარია. შორს ჭვრეტაცაა და სწორი შეფასების უნარიც, მაგრამ ბრძენკაცი ხალხის წიაღში იზრდება და სახალხო სიბრძნეს გადმოსცემს ლაკონიურად და სულელისთვისაც გასაგებ ენაზე. სიბრძნე ლავირების უნარიცაა და რთულ სიტუაციებში სწორი გადაწყვეტილების მიღების უნარიც. „სიბრძნეს“ ადამიანების განირვაც შეუძლია, თუ ისინი საზოგადოების განვითარების შემაფერხებელებად იქცევიან. სიბრძნე სიყვარულიცაა და ბოროტებაც. იცი, სხვისი მოსმენაც სიბრძნეა, რადგან თუ ამის უნარი არ გაგაჩნია, სწორ გადაწყვეტილებას როგორ მიიღებ? „სიბრძნე“ მისიაა, რის გამოც მოვევლინე დედამინას, ოღონდ ეს სხვა სიბრძნეა და ადამიანური ფაქტორი მხოლოდ „საშუალებად“ განიხილება...

— ესე იგი შენი აზრით სიბრძნე მრავალწახნაგოვანია?

— რატომ მაღაპარაკე ამდენი?

— სადღაც წავიკითხე, მგონი ლაროშფუკოს სიტყვებია: „მეხსიერებას ყველა უჩივის, გონებას კი არავენ“

— ხო მაგონდება ეგ კაცი...

— ??????????

— რა გაგიკვირდა მეგობარო?

ლიმილით მკითხა ლუიმ.

თავი 9

საოცარი ფენომენი ყოფილა ცხოვრება. გონიერების და უგუნურების ჭიდილია ყოფიერება. ხშირად გამიგია და მეც მითქვამს, „ნეტავ ახალგაზრდას მქონოდა ეს ჭკუა და გამოცდილებაო“. გონიერება იმისათვის გაქვს კაცს, რომ გონივრულად იცხოვრო და არა საკუთარ უგუნურებას, ან არასწორ ნაბიჯებს გამართლება დაუნყო. გონებისგან მოდის ვნება, მაგრამ უცოდინრობასაც ლომის წილი უდევს საკუთარი შესაძლებლობების არასწორად, ან არასაკმარისად გამოყენებაში. გვიჭირს ადამიანებს, გვიჭირს იმ საზოგადოებაში, რომელსაც ჩვენვე ვუქმნით საკუთარ თავს, გარემო, სადაც ჩვენ ვყალიბდებით პი-

როვნებებად, ხშირად წარმოსახვით ფასეულობებზე დგას და ღირებულებები, მოსაწყენ ან უფრო სწორედ რომ ვთქვათ, „არა თანამედროვე“, მოძველებულ მცნებებად გვეჩვენება. ხშირად ადამიანებში ბუნებრივი გადარჩევის თემაც აქტიუალურია, მაგრამ როცა ეს მოვლენა სამეგობროში იჩენს თავს, იბადება მტრობა. სწორად გამიგეთ, „მტრობა“ არ ნიშნავს ხმალ-იარაღით ბრძოლას, თუმცა არც უმაგისობაა, მტრობა შურია, მტრობა რევანშია, მტრობა ჯობნაა უკეთური მეთოდებით და ამ ყველაფრის შედეგი, ადამიანების გაცალკეებაა. წელან ვსაუბრობდი გონიერებაზე. გონიერებას ვნებაც ახლავს თან. ვნება სიტყვაზე ძლიერია. რადგან ხშირად ადამიანების ნათქვამი, რომელიც რაც არ უნდა მართლზომიერად მოგეჩვენოს და დაეთანხმო, ნამოქმედარი არანაირად არ შეესაბამება სიტყვას, რადგან ადამიანის ვნება ქმნის მოქმედებას, ვნებას კი პიროვნული მოთხოვნილება შინაგან მრწამსს განსაზღვრავს, ხოლო სიტყვა საშუალებას, რომ ადამიანმა საკუთარი ვნება გაამართლოს და ნამოქმედარს ლოგიკური სახე მისცეს, ანუ გაამართლოს. ვნებას „სურვილი“ მოჰყვება, ადამიანებს ხშირად სურთ ის, რაც ასრულების შემთხვევაში რა შედეგს მოუტანს ადამიანს არ იცის. სურვილი ოცნებას ჰბადებს და თუ ეს უკანასკნელი თავის მოტყუებაში გადაიზარდა, ადამიანის გაბოროტებამდეც ერთი ნაბიჯიღა რჩება. ბედნიერებას დავდევთ „კუდში“, ბედნიერების ხილვას „ცაში“ ვეძებთ, მაშინ, როდესაც ის ჩვენს ქვეშაა და უმტეს წილად საკუთარ ბედნიერებაზე თავად ვამბობთ უარს, უკეთესის, ჯერ გაუთვინცნობიერებელი ნაბიჯების გადადგმას ვინყებთ და საკუთარ თავს „ვა-ბანკობანას ვეთამაშებით“, იმ იმედით, რომ ის „უცხოა“ და მიგვარჩნია, რომ ის საოცნებო, საკუთარ „ბედნიერებაზე“ მალლა დგას და გვგონია, რომ უფრო მეტს ვიმსახურებთ. გონიერების დეფიციტმა იცის ეს. ყოველთვის მიკვირდა, რატომ ხდება რომ ერთი ადამიანი, მეორე ადამიანს ცუდს უკეთებს, მხოლოდ იმიტომ, რომ „ასე მიაჩნია“, მხოლოდ იმიტომ, რომ ნამოქმედარი მის მიზნებში შედის, როგორც წინაღმდეგობის გადალახვა, ან შურის გამო, ან საკუთარი პატივმოყვარეობის დასაკმაყოფილებლად. ეს ყველაფერი ზნეობიდან მოდის. საოცარი ფენომენია ზნეობა. ადამიანი თავის ნამოქმედარს ზნეობის კარნახით სჩადის. უზნეობით ჩადენილი უსამართლობა სიცრუედ „გადმოიღვრება“ ხალხის წინაშე და ნამოქმედარის გამართლებას კანონით შეეცდება.

ზნეობას მოვალეობის გრძნობა ახლავს თან, თუ მისთვის საკუთარი მოვალეობის არშესრულება, თვითგამართლების საბაზი ხდება და ნამოქმედარს არა არგუმენტირებულად ხსნის, ესეთი ადამიანი უკიდურესად საშიშია, რადგან მისი ზნეობა მოლაღატის ზნეობაა და ესეთი ადამიანი, ნებისმიერ საქმეში საშიშია, რადგან ტყუილის აფიშირებით ეცდება ფონს გავიდეს და თუ რაიმე საიდუმლო იცის, შენი დაშანტაჟების საშუალებად გამოიყენებს. იყო სასარგებლო, — ეს არის პიროვნების მოვალეობა. იყო მართალი და არა ეძებდე თვითგამართლებას, ცხოვრებაში იუველირის ზომიერება და ადამიანებთან კი დიპლომატიის ტაქტი, — ეს არის ზნეობა. მოვალეობის შესრულება მოყვასის წინაშე ხშირად სატანჯველია, არ შესრულება კი ღალატი. არჩევანი თავად უნდა გაკეთო. მოვალეობის გრძნობა და ზნეობა პიროვნულ სიმამაცეს ჰქმნის, სიმამაცე კი გმირობას. სიამაყეს მამაცნი ებრძვიან და ჯაბანნი ზეიმობენ გამარჯვებას. ეგრეც არის, საზოგადოება ვერ აფასებს საკუთარი ეპოქის გმირებს. იმიტომ, რომ გმირები და მამაცები მანამ არიან საჭირონი, ვიდრე პრობლემა არსებობს, როცა სირთულეები დაძლეულია. გმირებს პატივს მიაგებენ ხელისუფალნი და მდიდრდებიან ისინი, ვინც კანცელარიებში მოთმინებით აკვირდებოდა მოვლენებს და გამორჩენის გზების ძიებაში, დაულაღავად შრომობდა. უზნეოთა ასპარეზი ძლეული სირთულის შემდეგ წარმოჩინდება, რადგან „ქონების“ გაყოფა და „ვინ-ვის“ დილემა იჩენს თავს. საკუთარი პასუხისმგებლობა საკუთარი ქვეყნის მიმართ მხოლოდ ზნემალა ადამიანებს გააჩნიათ, რომლებსაც უფროსის მეტახტოვნეთა კასტა, რადგან ისინი არ „იყიდებიან“. ერთხელ ჩემს თავს დავუსვი შეკითხვა, რას ნიშნავს პატივმოყვარეობა? პატივმოყვარე ადამიანი ერთგვარი „სოლისტია“ ცარიელ დარბაზში, რადგან პატივმოყვარეობა ვარჯიშია უგზურებაში. პატივმოყვარე ადამიანს მეხოტბე სჭირდება, ტაშის დამკვრელიც, რადგან საკუთარი თავი დაიკმაყოფილოს. თუ ასეთი ადამიანი მდიდარია, ან მაღალი თანამდებობა უჭირავს, მლიქვნელი მედგრად ცდილობს, „ბატონის“ ნების პირველი „გამხმოვანებელი“ გახდეს და გაუმძღარი პატივმოყვარეობის მორევში სძირავს, გონებას უბნელებს და ძვირადღირებულ „თოჯინად“ შექმნის მას. პატივმოყვარე ადამიანი, ანდამატივით იზიდავს მლიქვნელს, რადგან მხოლოდ მლიქვნელს სძალუძს ეპირფეროს და ამაში გასამრჯელოდ პატივმოყვარის

„ღირსებას“ ჩაიდებს ჯიბეში. სიფრთხილე გემართებს მეგობრის მიმართ, რომ მეტი ქებით პატივმოყვარეობა არ გაუღვიძოთ. შური, ეს უნივერსალური „იარაღია“ სხვისი ბედნიერების მისათვისებლად. შური ცილისწამებით საზრდოობს. მხოლოდ ღარიბების არ შურთ, არც უყვართ და არც მიაჩნიად რამედ, რადგან მათგან ვერაფერს გამორჩებიან არჩევნებში, ხმების გარდა. შური სიბინძურესაც შობს, მოქილიკე, ცილისწამებით ყოველივე დიადს აუფასურებს და ლაფში ამოსვრის.

შეცდომა ადამიანის თანმდევია შობის დღიდან და დიადი მიზნისკენ მიმავალთ, შეცდომის დაშვება არ უნდა გვეშინოდეს.

თავი 10

რესტორანში მუშაობის გამოცდილება უკვე მქონდა. ზედმინევნით ყველაფერში ცხვირს ვყოფდი ჩემს ყოფილ სამსახურში, რომ კვების ობიექტის ყველა „საიდუმლოებები“ ამომეხსნა და სამომავლოდ გამომეყენებინა ეს ცოდნა. პირველი კაფეც გავხსენი. ობიექტი იჯარით მქონდა აღებულ. ინტერიერი არ დაინუნებოდა... მოკლედ მუშაობა დავიწყეთ. ჩემი ნათესავი და ერთი მეგობარი დავიყენე გვერდით. საქმე კარგად გვექონდა განანილებული. ორივე საკმაოდ ხელმოკლედ ცხოვრობდა და როგორც შემედლო მატერიალურად ვეხმარებოდი. ერთ თვეში ამბიციები გაჩნდა, ჩემი ხალხი ცდილობდა ჩემზე მბრძანებლობას. ერთ თვეში საქმემ რყევა დაიწყო. ფული მიქრებოდა. ცოტა ხანში „მეგობარმა“ ჩვენი შეფ-პოვარი დაიმეგობრა. ერთი მხრივ მიხაროდა, რომ შეიძლებოდა ოჯახის შექმნით დაბოლოვებულიყო ყველაფერი, მაგრამ იყო მეორე ფაქტორიც, თავნებობა. მან ფული დაინახა, ჩემმა ნათესავმაც არ დააყოვნა და სიცრუის ლაბირინთების ქსოვა დაიწყო. გამიკვირდა, ძალიან გამიკვირდა მათი ქცევა. მეგობარმაც და ნათესავმაც ბოლო მომიღეს... არ ღირს იმის მოყოლა, რაც მოიმოქმედეს ერთმაც და მეორემაც, მაგრამ პირველ რიგში დამნაშავე მე ვარ. მეგობარმა შეფ-პოვარი საბოლოო ჯამში, ცოლად მოიყვანა, ნათესავმა კი... ვისხენებ ყველა იმ მოვლენას, რაც მაშინ გადაძხდა თავს და ერთი ძველი ქართული ანდაზა გამახსენდა, — „უნახავმა რა ნახაო“? რა და.... ამ ანდაზის სიბრძნე, ხო, უხამსია, მაგრამ უცილო სიბრძნემ ბევრჯერ შემახსენა თავი ჩემს ცხოვრებაში. ჩემი კომპანიონების წყალობით წარმოქმნილი ვალები დავფარე და დავრჩი ნოლზე. რამ გამახსენა ეს ისტორია? ნერვები მომეშალა...

ცხოვრებაში ხშირად შევხვედრივარ სწორედ მოლაპარაკე ადამიანებს, მხოლოდ მათი სამყარო მაშინ წარმოჩინდება ხოლმე, როცა სამეგობროში ან პარტნიორთა შორის კომფლიქტი იწყება. ისინი „მართალი უსინდისოს“ მანტიით იმოსებიან და მხარეთა შორის მერყეობენ. ესეთი ადამიანები ყოველთვის ნიჭიერები არიან, მათ საკმაოდ მაღალი ლავირების უნარი გააჩნიათ და ყოველთვის დგებიან სულიერად მსგავსი ადამიანის გვერდით, რადგან სიმართლე მათთვის ნაკლებად მნიშვნელოვანია. ფიქრი შევწყვიტე. „სიგარეტზე ჩავდივარ“, დავიბარე ოჯახში და ეზოში ჩამოვედი. ეზოში ცალად მდგომ „ბესეტკაში“ შევედი. ისე უსაქმოდ ვიჯექი და გამვლელ-გამომვლელს ვათვალიერებდი. თითქოს რაღაცას ვეძებდი, ისე მეჭირა თავი.

— ადამიანებს რელიგია სჭირდებათ რომ პატიოსნება შეინარჩუნონ.

თითქმის ჩურჩულით მითხრა ლუიმ, რომელიც უჩუმრად მომპარვოდა ზურგიდან.

— რა თქვი?

— ხო გიორგი, ადამიანების უპატიოსნობას და აღვირახსნილობას, რელიგიასთან მათი სიახლოვე ბლოკავს. წარმოიდგინე რომ არ იყოს რელიგია, მაშინ? მაშინ რა მოხდებოდა?

— მე მგონი შინაგანი პატიოსნება უნდა იყოს ადამიანისთვის ცხოველყოფელი...

ლუიმ გადაიხარხარა.

— გიორგი, პატიოსნებით ვაჭრობა ზნედაცემულთა ბიზნესია. წელან შენი კაფე გაგახსენდა, ის ადამიანები გვერდში რომ არ დაგეყენებინა, დღეს ისევ შენს გვერდით იქნებოდნენ, შენ კი რა ჰქენი? აცდუნე ისინი... მათ ხშირად პურის ფული ენატრებოდათ და შენ ხიზილალას ფული დაანახვე, ხოდა მოსახდენიც მოხდა. შედეგი? დაზარალდი შენ...

— ლუი, ვილას უნდა ვენდო? თუ მეგობარს ვერ ვენდე...

— პარტნიორად რატომ გაიხადე? ჩვეულებრივ თანამშრომლად დაგენიშნა და ჯამაგირი მიგეცა. გამოგეცადა და მერე ნდობოდი...

— ალბათ მართალი ხარ. ხანდახან ისე მინდა ვილაცას ვენდო...

— ყოველთვის მიმნდობს, არავინ ენდობა, ეს დაიმახსოვრე...

— ეხლა ასეც ვიქცევი...

— დრო ხომ დაკარგე? მას ვერავინ აგინაზღაურებს. ფული შეიძლება იშოვო, მაგრამ დრო, დროა მთავარი ღირებულება ადამიანისთვის, რადგან... საათის წიკნიკისთვის მოგისმენია?

— კი....

— იცი რას მღერის საათი?

— არა...

— „მიდის აღარ დაბრუნდება, მიდის აღარ დაბრუნდება, დროო-ოოოო“.

წაუმღერა ლუიმ.

— შენ სულ ხუმრობის ხასიათზე ხარ.

— ჩემი წერილი წაიკითხე?

— კი წავიკითხე, საინტერესო წერილია, მომეწონა.

— კარგია, რომ მოგეწონა. მე სიმართლე დავწერე. გიორგი, მე, ლუი არა ვარ „ლანირაკი ძვირფას კოსტუმში“...

— რა გეწყინა შე კაცო?

— ხოოო, არაფერი. გამიღიმა ლუიმ.

— საოცარი კაცი ხარ.

— გიორგი, ილია ჭავჭავაძე სინდისს, „პატარა ღმერთს“ უწოდებს.

— მტრებს შორის სინდისი და ღირსება ელჩობს.

— კი, მასეა. გიორგი, უფლის გარეთა სამყაროში, ღირსებისა და სინდისის ძებანაში ამაოდ დაშვრები.

— იქნებ ამიხსნა.

— სადაც ღმერთი არ არის, იქ....

ლუის გაეცინა.

— გავიგე.

მეც გამეღიმა.

თავი 11

სამსახურიდან დაღლილი დავბრუნდი. პირველ რიგში სამზარეულოს მივაკითხე. მგელივით მშოიდა. სახლში სრული სინყნარე სუფევდა. „ეტყობა რძალ-დედამთილი მეზობელთან არიან გასულეები“ — გავიფიქრე და მაცივრიდან ძეხვი გამოვიღე. წვნიანის გაცხელების სურვილი ნამდვილად არ მქონდა. ტელეფონმაც გაინკრიალა, დედაჩემი მირეკავდა...

— ხო დედა...

— სად ხარ?

ყურმილიდან დედაჩემის უცნაურად ალელვებული ხმა შემომესმა.

— სახლში ვარ, რა მოხდა?

— ჩქარა... ნატოსთან ვართ... შენმა ცოლმა წყლები დაღვარა...

— დალოცვილო წყლის გულისთვის ხარ ასე?..

— სულელოოოო! მშობიარობა ეწყება, მანქანა... ჩქარააა

რისი შიმშილი, რომელი დაღლა... გიჟივით ჩავირბინე მეზობელ-თან, მხარზე ჩემი მეუღლის სამშობიაროსთვის გამზადებული ჩანთა მქონდა გადაკიდებული. ჩემი მეუღლე შეშინებული თვალებით მიმზერდა... ჩემს ცხოვრებაში ახალი ეტაპი იწყებოდა... ნელ-ნელა ჩავსვი მანქანაში. ხელები მიკანკალებდა. ძრავა ჩავრთე...

თოვლის ფანტელები ფარფატივით ეფინებოდნენ ქუჩებს, თეთრი ქათიბი მოესხა დედამიწას და თბილისის ქუჩები, უბინო, შეურყვნელი, ადგილის დედის მანდილივით თეთრ პერანგში გახვეულიყო. გაუკვალავ თოვლში ჭრაჭუნ-შარიშურით მიაპობდა გზას მანქანის საბურავები... დიდრონი ხეები, თეთრწვერა, ამაგდარი მოხუცებივით მდუმარედ გაჰყურებდნენ სივრცეს... გმირთა მოედანზე დავეშვი...

— აუჩქარე!

ალელვებული ხმით მითხრა მეუღლემ.

— ნელა იარე!

მიბრძანა „დედამთილმა“.

„პლენხანოვზე“ შევუხვით. „საბაჩი პერეულოკიდან“ ორი ფეხის ნაბიჯზე იყო სამშობიარო. კარიბჭე გაგვიღეს... ჩემს მეუღლეს საავადმყოფოში დედაჩემი შეჰყვა... მე გარეთ დამტოვეს, „შენ აქ დაგველოდეო“ მიბრძანეს. გატყეპილი ბავშვივით ვიდექი იმ სიცივეში და რა მექნა არ ვიცოდი. ცოტაც და ფეხადგმულ თოვლის პაპას დავემსგავსებოდი. ალბათ მციოდა... მაკანკალებდა... მოსაცდელშიც არავინ მიშვებდა, კარის დარაჯად ვილაც „აფთარი“ დედაკაცი დაეყენებინათ. მოულოდნელად მანქანის საშინელი მუხრუჭის ხმა გავიგონე, კარიბჭისკენ გავიხედე... მამაჩემი და ჩემი ძმა „მოსარღვევდნენ“ გზას. ჩემი მეუღლის მშობლებიც „კვალში“ მოჰყვნენ ჩემებს. დაძაბულ სახეებს სინარული უნათებდათ... საოცარი განცდა ბორგავდა ჩემში... მე მამა უნდა გავმხდარიყავი. ღმერთო რა საოცარია ეს ცხოვრება, დედაჩემი,

„ჩემი ბავშვებიო“, ასე გვეძახდა ცოლ-ქმარს და... ჩვენ თავად ვხდებოდით მშობლები. საოცარია სიყვარული... ქარს ჰგავს, ნაღვერდალს რომ აღვივებს და ცეხლის ენებს რომ შეითამაშებს გარშემო. გამახსენდა როგორ ავუხსენი სიყვარული ჩემს მეუღლეს. ალბათ რა სასაცილო ვიყავი იმ დროს... ვიცი არ დამიჯერებთ, მაგრამ ჩემი მეუღლის, სახლიდან ჩემს სახლამდე ექვსიათას ოთხასი ნაბიჯი იყო... ხო, ხან მეტი გამომდიოდა, ხან ცოტა... ეხლა ამას რა მნიშვნელობა აქვს... ისიც მახსოვს ცოლობა რომ ვთხოვე, მორცხვად თავი როგორ დამიქნია და ნიშნობის ბეჭედი, ამოვიღე ჯიბიდან... იმ წუთში ძალიან თამამი ვიყავი, მაგრამ რალაცა მაყოვნებდა... მან შეხედა ბეჭედს და ხელი გამომიშვირა, რამდენიმე წამში ბეჭედი ჩემი მიჯნურის თითს ამშვენებდა. მერე მაკოცა, კიდევ მაკოცა და... ისევ იმან მაკოცა... მერე ფეხზე წამოდგა... მე კი არ მაკოცინინა... ფეხზე ავდექი მეც...

— გიორგი, მიპატრონე და მომიარე, იზრუნე ჩემთვის, მე კი ვიზრუნებ შენთვის...

— აბა რას ვიზამ?..

მეტის თქმა ვერ მოვახერხე... ფუი რა უშნო ვიყავი იმ წუთში..

წარსულის მოგონებებთან ერთად, მანქანაში ჩავჯექი, ჩემმა სიდედრმა კითხვები დამაყარა, რომელზეც პასუხი არ მქონდა. მე ჩემი ოცნებები მეტრფოდნენ, „მე მამა ვარ, მე მამა ვარ“, სიამის ნიაღვარი იღვრებოდა ჩემში...

რა მიუსაფარია განგებისგან ადამიანი ვისაც ვნებიანი სიყვარული არ განუცდია. სიყვარული მხოლოდ ძლიერი ადამიანების ხელში ყალიბდება სრულქმნილ ფენომენად, რომელსაც ოჯახის ერთობის შენარჩუნება და შთამომავლების სწორად აღზრდა შეუძლია. ხორციელი ვნება სიყვარულის გარეშე ხომ ცხოველებსაც შეუძლიათ და თუ გიყვარს, ვნება მხოლოდ აძლიერებს და აკეთილშობილებს სიყვარულს.

შემცივდა, ტანშიც შემაჭრყოლა. თვალები დახუჭული მქონდა, გარეთ რა ხდებოდა არ მაინტერესებდა. ხელში ტელეფონს ვაწვალედი. დედაჩემის ზარს ველოდებოდი. დრო გადიოდა. მანქანიდან გადმოვედი და მისაღებს მივადექი. ის „აფთარი“ „ფორთოჩიკიდან“ ჯიბეაღესილი მიმზერდა. „არსაიდან ხმა არსით ძახილი“... დედაჩემს დავურეკე, როგორც იქნა მიპასუხა, — „გოგო ბლოკში შეიყვანეს, შენთვის არ მცალია, მერე დაგირეკავ“-ო და ტელეფონი გამითიშა. ოოო... რა გადავირიე...

სიყვარულს ერთი თვისება აქვს, ადამიანური მანკიერებისადმი სიბრძნე... ასეა, როცა გიყვარს მანკიერება მხოლოდ დროებით მოვლენად გეჩვენება და გგონია, რომ გაივლის. ამბიციური „სიყვარულიც“ მინახავს, ერთი წრის ადამიანები რომ დამოყვრდებიან, მატერიალურის მეზარაღე ოჯახთა ერთობაც მინახავს და საყრდენ-ჩამოშლილი ოჯახებიც. სიყვარულის შემდეგ, ურთიერთპატივისცემა ინყებაო და შემდეგ კი შეგუება, ასე მსმენია და გამკვირვებია, რადგან სიყვარული თუ ურთიერთპატივისცემას და ერთმანეთისადმი შეგუების უნარს არ მოიცავს, მაშინ უბრალოდ „გატაცებული“ ყოფილხარ და ეგ არის. ალბათ პირველ რიგში, სანამ ცოლს მოიყვან ან გათხოვდები, ადამიანმა უნდა დაუსვას საკუთარ თავს კითხვა, „შევძლებ ამ ადამიანის გვერდით მთელი ჩემი სიცოცხლის გატარებას თუ არა?!“ ალბათ ისიც უნდა შეაფასო თუ რამდენად ღირსეული ხარ თავად და საკუთარ თავს საკუთარი მანკიერებები გაუმხილო, რომ მომავალში არც შენ გაიმრუდო ცხოვრების გზა და ისიც არ დააზარალო...

ჩემი სიმამრი მომიახლოვდა და ყური მაღლა ამინია...

— ბიჭის მამა ხარ, გილოცავ გიორგი...

მერე ყველაფერი აირია... სიხარული, მოლოცვები, ბედნიერება და ჩემი ცოლის ზარი, „გოგიტაა ბიჭის მამა ხარ, იცი რა ლამაზია“?! ეს მინდოდა კიდევ...

ეს ყველაფერი დიდი ხნის წინ იყო...

სიყვარული ადამიანს სულიერ მოთხოვნილებად თუ არ ექცა, ადამიანი შეინარჩუნებს ადამიანის ფორმას, შინაარსს კი დაკარგავს.

ნუ იეჭვიანებთ, რადგან ამ შემთხვევაში თქვენ „ყველაფერი გეცოდინებათ“ მაგრამ დასაბუთების გარეშე. ნუ შეიყვარებთ საკუთარ თავს საყვარელ ადამიანებზე მეტად.

ბედნიერება საყვარელი ადამიანების გარეშე არ არსებობს.

თავი 12

სამსხაურიდან სახლში დავბრუნდი. ჩემი ცოლი და შვილები აგარაკზე მყავდა გაგზავნილი და სახლში ხმის გამცემი არ მყავდა. ივლისის პაპანაქებაში მე შემოვრჩი თბილისს. შესასვლელ კარებზე ვილაცას ლამაზი კონვერტი მიუმაგრებია. იცი, მომეწონა, ორიგინალური ნახატი დაებეჭდათ ზედ. კონვერტზე ლამაზი კალიგრაფიით დაენ-

რათ „გიორგისთვის“. „ლუის წერილია“, გამიელვა თავში. გამეცინა. რა საინტერესოა, თითქმის ყოველ დღე ვხვდებით ერთმანეთს და ის მაინც წერილებს მწერს. სახლში შევედი. სანერ მაგიდას მივუჯექი და კონვერტი გავხსენი.

„— გაგიკვირდება ალბათ, წერილს რატომ მწერსო იტყვი, როცა ნაფიქრს ვერავის ვუზიარებ ქალაქში გადმომაქვს და მერე შენ გიგზავნი, იმიტომ, რომ მე ჩემი „ტვინის ნაჟურს“ სხვას ვერავის გავანდობ, იფიქრებენ ალბათ გაგიჟდაო...“

გიორგი, მოკლე წერილია და გთხოვ ბოლომდე წაიკითხო.

მოუფრთხილდი დროს, მე გეტყვი: დროს რომ შეეძლოს და ადამიანებს მისი გაფლანგისთვის სასამართლოში უჩივლოს, მერწმუნე, თითქმის მთელი კაცობრიობა ციხეში ამოყოფდა თავს. ნურც მლიქვნელებს და მათებლებს შეხედავ უგულისყუროთ, რადგან თქვენს საზოგადოებაში „მლიქვნელობა და მათებლობა“, საზოგადოებრივი მეცნიერების დარგად აქციეთ და მის განვითარებას უწყობთ ხელს. პატივმოყვარეებიც ხართ ადამიანები და არ ფიქრობთ, რომ მლიქვნელობას ნაყოფიერ ნიადაგს უქმნით თქვენი ამბიციებით. ნურც ზარმაც კაცებს დაუმეგობრდები, რადგან ზარმაცი ყოველთვის მოტივირებულია აკეთოს „არაფერი“. საინტერესოა, როგორ იღუპება ნიჭიერება სიზარმაცით და არა ნაკლებ საოცარია, როგორ იყენებენ ნიჭს უსაქმურობისთვის. არც ყბედის და ზარმაცი კაცის გაკეთებული საქმე უნახავს ვინმეს, ისიც მიკვირს, როგორ ეგუებით. ამდენი განათლებული ადამიანი დადის, ბორგავს და მათ ცოდნას არ იყენებთ. მიეცით მათ საშუალება გაზარდონ მცოდნე თაობა, რომ ცოდნა დაუტოვონ შთამომავლობას. ნუ გაიმეტებთ წლობით ნაგროვებ განათლებას სამარისთვის. დღეს კიდევ არიან თაობის აღმზრდელები და თქვენ იმდენს იზამთ, რომ „აღსაზრდელების“ მიერ დამოძღვრილ თაობას მიიღებთ და დაიღუპებით სხვისი ხელის შემყურენი. აცალეთ ბავშვებს ბავშვობა და ნუ გამოათავყვანებთ „ფუფუნების“ საგნებით, რადგან ეს ყველაფერი რასაც „თანამედროვეს“ უწოდებთ, ბავშვების ტვინის განვითარების შემაფერხებელია და მისი მსოფმხედველობაც დეგრადირებისკენაა მიქცეული. ბავშვი „ბავშვობაში“ მოამწიფეთ, ნუ აიძულებთ „უასაკო ზრდასრულად“ შექმნათ შვილები. წიგნთან დაამეგობრეთ იგი, რადგან წიგნშიც შეიძლება მოხვდეთ კარგ და ცუდ საზოგადოება-

ში, სჯობს „ნიგნიერად“ გააკეთოს „ნიგნის“ საზოგადოების ანალიზი და რეალური „საზოგადოებრივი“ ურთიერთობებისთვის მოემზადოს. იცი რას ამბობს კუნიცინი? „უმეცრება უცოდინრობაა, ცთომილება კი მცდარი ცოდნა“, ეთანხმები ამ მოსაზრებას?

ნურასოდეს დაიჯერებ სასწაულს, შიშით და ნდომით გამონვეული ძრწოლა შობს სასწაულის ილუზიას.

იცი რაშია რელიგიის სიძლიერე? იმაში, რომ არსებობს ჯოჯოხეთი. თქვენ თანამედროვე აზროვნებით ჯოჯოხეთის არსებობას დაავიწყებთ ადამიანებს, რის გამოც რელიგია გაცამტვერდება და თქვენი სამყარო კი განადგურდება.

გიორგი, გაგიკვირდება ჩემგან ეს სიტყვები, ვიცი დაფიქრდები თუ რატომ ვაზროვნებ ასე. ხვალ ვისაუბროთ, კარგი?“

„ლუი“

თავი 13

კვირა დღე იყო. სამასხურში არ მეჩქარებოდა და თითქმის შუა დღემდე ვგორაობდი ლოგინში, ალბათ უფრო ვნებივრობდი, მეზარებოდა... ჩემმა ცოლმა სამზარეულოდან გამომძახა

— გულბათ აბა დროზე, გეყოფა კოტრიალი, ბაზარში ხარ წასასვლელი, სია უკვე დაგინერეე...

ოოო... რა დაუნდობელია წუთისოფელი, მეზარება ეხლა მეე?! მაგრამ... როგორც იქნა ავზიდე ტანი და „რეზიდენციაში“ ვეახლე ჩემს დედოფალს. ჩაიდანი უკვე თუხთუხებდა, მეუღლე სადილს აკეთებდა და სასიამოვნო სურნელი ტრიალებდა ირგვლივ. სია მომანოდა, კარგად „უმუშავია“ ჩემს მეუღლეს. ყავა დავლიე, ცოტა თვალებში გამოვიხედე და დეზერტირების ბაზრის გახსენებაზე ტანში გამაჟრჟოლა, მაგრამ ვინ იტვირთებდა ოჯახის უზრუნველყოფას, თუ არა მე?! ეჰჰ, წავედი. იმ სიცხეში და ხვატში ცხრაპირი ოფლი წამსკდა სხეულზე და ღონემიხდილმა მოვიტანეე... ეზოში ჩავედი, იქნებ ბიჭები იყვნენ და თითო ბოთლი ლუდი ჩავახრიალოთ ყელში-მეთქი, იმედები გამიცრუვდა, ეზოში არავინ დამხვდა. ლუის ოფისისკენ გავიხედე და გამიკვირდა, სარეკლამო აბრას ხსნიდნენ და თან ავეჯიც გამოჰქონდათ. ლუი იქვე იდგა და ჩემსკენ იყურებოდა. მივუახლოვდი...

— გამარჯობა ლუი.

მივესალმე მე.

— როგორ ხარ გიორგი?

— მაღლობთ, კარგად. ოფისის ხურავ?

— ხო, ვხურავ ცენტრალურში გადადივარ გიორგი...

— შენ გინდა თქვა, რომ „ბედნიერება“ ყველამ დაალომბარდა?

— არა, მხოლოდ ბრიყვებმა და მათი ბედისწერის მთელი პოზიტივი ჩვენ დაგვრჩა, მათი ბედნიერება უკვე ჩვენია და ვერც სიხარულის განცდა დაეუფლება მათ სულს...

— საოცარია...და სამწუხაროც...

— გასაოცარი არაფერია, თქვენ უბანში საკმაოდ ბევრი რეგვენია, ვინც ბედნიერება ფულში გაცვალა, ვისაც ბედნიერება ფული ჰგონია... შეხედე ბავშვებს, როგორ თამაშობენ, იცინიან, ტირიან, უხარიათ, შეხედე და ისწავლე, რას ნიშნავს იყო ბედნიერი.... გიყვარს ბუნება გიორგი?

— რასაკვირველია

— უდაბნოც ბუნების ნაწილია მეგობარო, იქ მხოლოდ მორიელეები და გველები ცხოვრობენ ლალად, ნუ დააჩქარებთ ცხოვრებას, იცი ადამიანი წიგნს ჰგავს, მოაზროვნე ადამიანი წიგნს ნელა წერს, რომ მისი ნააზრევი „შთამომავლობას“ დარჩეს და თაობას „გონიერ საუნჯეს“ უტოვებს, ხოლო სხვანი თვალის სასეიროდ, ან წუთიერი სიამოვნების და განცდის მოპოვებას შესძლებენ მხოლოდ და მათი წიგნები „თაროზე“ ადგილს ვერასდროს დაიმკვიდრებენ.

— გეთანხმები, მაგრამ ძალიან მკაცრად ნუ გააკრიტიკებ ადამიანებს, ცხოვრება საკუთარ კანონებს და გამონწვევებს გვთავაზობს...

— მართლა? კი, მაგრამ ამ გამონწვევებს ვინ ქმნის? განა თქვენ თვითონ არ უქმნით საკუთარ თავს პრობლემებს, შემდეგ საზოგადოებასაც და საკუთარ სახელმწიფოსაც... თუ საზოგადოებას ყოველ ფასეულობაში შესთავაზებ „განცდას“, რომელიც თვითონ არ გამოგიცდია, საპასუხო რეაქცია ყოველთვის საპირისპირო ფორმას მიიღებს.

— ლუი, რაღაც მინდა გკითხო და თითქოს მერიდება...

— შეე კაცო, ექვსი თვეა ვმეგობრობთ და მოსარიდებელი რა გაქვს, მკითხე.

— რატომ ექცევით ადამიანებს ასე...

— დაუნდობლად...

— ხო, დაუნდობლად... რატომ?

— გიორგი, ჩემი ამოცანა არ არის ადამიანების ყოფა-ცხოვრების ბანალურ და ყოველდღიურ რუტინაში ჩარევა, მე საზოგადოების მასულდგმულელებელი იდეა, გონიერი თვალთ დანახული მომავალი, კარგად მოფიქრებული და განვითარებული საზოგადოებრივი ცხოვრების ერთგვაროვანი აზროვნებიდან, ჯანსაღი ნაწილის წარმოჩენა მაინტერესებს მხოლოდ...

— ესეიგი, ის, რაც ჩვენს საზოგადოებაში ჯანსაღია, იმას ებრძვით?

— არა, ჩვენ არ ვებრძვით, ჩვენ „დაგაინტერესებთ“, რომ თქვენ ებრძოდით, რადგან ჭეშმარიტების მიღმა ბრბოები უნდა დაიღუპოს, ადამიანების უმეტესი ნაწილი ჭეშმარიტების და სიყვარულის მიღმა დგეხართ და ამიტომაც იღუპებით... არაფერი მკითხო... გუშინ ტაძარში ვიყავი და იქაურ მოძღვარს „გასაცემად“ არაფერი გააჩნდა, თქვენ გგონიათ, რომ ეკლესიას იცავთ? არა ძვირფასო მეგობარო, თქვენ საკუთარ თავს იცავთ ეკლესიის მეშვეობით... თუმცა ესეც განხილვის და საზოგადოებრივი აზრის კვლევის საგნად აქციეთ, ბედნიერება, ღვთისგან მომადლებული მადლია და ისიც ჩვენთან ლომბარდში დააგირავეთ...

— ლუი, შენ ისე მელაპარაკებოდი მთელი ამ ხნის მანძილზე, რომ მიკვირს რატომ?

— ვერაფერს გეტყვი, თუმცა მთელი ჩვენი კასტის არსებობის მანძილზე გებრძვით ქართველებს და ეხლა მარცხდებით, იცი რატომ? იმიტომ, რომ ურთიერთ სიყვარული და პატივისცემა პიროვნული ნიშნით გამოსახეთ და არა საქვეყნო და ეროვნული ნიშნით, იცოდეთ თვითოეულმა, რომ ადამიანების მიმართ სიყვარულის და პატივისცემის გრძნობას თუ საზღვრებში მოაქცევთ ფარისევლობამდე მიხვალთ.

— და თვითოეული ჩვენთაგანი, საკუთარ ხალხს ვეკუთვნით?! ეს გინდოდა გეთქვა?

— რა სულსწრაფი ხარ, ყოველგვარ „ეროვნულს“ აქვს მსოფლიო მოქალაქეობის უფლება, მეტადრე საკუთარ ქვეყანაში... თანაც პრიორიტეტული გიორგი. მოკლედ წავედი, შენ მე ვერასდროს ველარ მნახავ, შენ იცი ბედნიერების ფასი და აი ეს აიღე...

— ეს რა არის ლუი? ფული?

— ხო, ცოტაოდენი ფულია, ძმურად არ გვინდა მონოლოგები, კარგი! აიღე, ეს შენი ფულია და... „პაკრიშკები“ იყიდე, სულ „ლისებით“ დადინარ, შენი თავი თუ არ გეცოდება მანქანა მაინც შეიბრალებ...

...და ლუიმ გადაინარხარა. იმ დღის შემდეგ ლუი აღარ მინახავს.

ნუ გაიმეტებთ ბედნიერებას სალომბარდედ, ფულით მდგომარეობას იყიდით მხოლოდ და არა ბედნიერებას, რადგან ის, ღვთის საჩუქარია და არსად იყიდება. ნუ მიხვალთ ლუის „კანტორაში“.

გოგონა

— თურმე ერთ შენხელა გოგონას კოცნებით გაუესია ყუთი და მამიკოს მაგიდაზე დაუდვია, უტვინო მამიკოს კი ყუთი გადაუგდია და თან ბავშვი დაუსჯია, — „რატომ დადე ყუთი ჩემს მაგიდაზეო“...

— მერე დედიკო...

— მერე რა და... ბავშვმა ტირილი დაიწყო, „მე ეს ყუთი კოცნებით გავავსე და შენ გაჩუქე, შენ კი გადააგდეო“, სლუკუნით უპასუხა თურმე მამიკოს, პატარა გოგონამ...

— დედიკო, ამას რატომ მიყვები? შენ და მამამ ისევ იჩხუბეთ?

— რატომ ფიქრობ ასე შვილო?

— რატომ? იმიტომ რომ ყოველი დილა შენი ჩხუბით იწყება და მამიკოს გინებით მთავრდება... მე მამიკოს ვეტყვი რომ ბევრი ფული გიყიდოს...

— აბა ჩქარა მოუსვი შენს ოთახში, გამომივიდა მამის ქომაგი...

გოგონამ მოინყინა, სარკმელთან მივიდა და ცას მიაპყრო მზე-რა. ერთი პატარა ცრემლიც ჩამოუცურდა ლოყაზე. გოგონა რაღაცას ნატრობდა და ოცნებობდა... მაგრამ რაზე ოცნებობდა?

ოთახში დედიკო შემოვიდა. გასაუთოვებელი სარეცხი მაგიდაზე დააღაგა, შემდეგ საუთოვებელი გაშალა და საქმეს შეუდგა.

— დეე, მამიკო მალაზიაშია?

— ხო, მალაზიაში ჩავიდა, ამოვა და მერე სამსახურში წავთრევა...

გოგონა საძინებელი ოთახისკენ წავიდა, ჩუმად, ფეხაკრეფით მიდიოდა ბავშვი...

მამა მალაზიიდან დაბრუნდა. ორი სავსე ჩანთა სამზარეულოს მაგიდაზე დადო და სამსახურში წასასვლელად მოემზადა. უცებ გოგონა გამოიქცა, მამიკოს ჩაეხუტა და ლოყაზე მაგრად აკოცა.

— ჩემი ლაბუა გოგო. სიყვარულით მიმართა პირმშოს მამამ და ბავშვი გულში ჩაიკრა.

— მამიკო, დედიკომ მომიყვა, რომ თურმე ერთ ბავშვს, ყუთი კოცნებით გაუვსია და მამიკოს ის ყუთი გადაუგდია, იმიტომ რომ ვერ დაინახა შიგნით რა იყო, მე კი პირდაპირ გააკოცე.

— მაღლობთ შვილო...

— მამიკო, სარკეში ჩაიხედეეე...

მამა ეხლალა დააკვირდა, ბავშვს ტუჩები პომადით ჰქონდა მოთხუპნული. მამიკომ სარკეში ჩაიხედა და სიცილი აუტყდა... ბავშვს გონა დამცინისო და...

— მამიკო მე მოგწმენდ ჩემს კოცნას...

— არავითარ შემთხვევაში, მე ხომ ჩემმა ანგელოზმა მაკოცა... ასე ნავალ...

— რა კარგიააა...

გაუხარდა გოგონას.

— მოინმინდე, რას ჰგეგხარ.

მიახალა ცოლმა.

დედის სიტყვებისთვის ყურადღება, არც შვილს მიუქცევია და არც მამას. მამიკო სამსახურში წავიდა. დედამ უთოობა განაგრძო. გოგონა იქვე სკამზე ჩამოჯდა და თვალები დედას მიაპყრო.

— დედიკოოო, არ გინდა პარიკმახეროში წავიდეთ?

— სად წავიდეთ?

— პარიკმახეროში...

— საპარიკმახეროში? რატომ?

— გთხოვ, როგორც ქალი ქალს.

დედას გაელიმა...

დედა-შვილი სილამაზის სალონში შევიდნენ, სტილისტმა დაკვირვებით შეათვალიერა დედა და ჰკითხა:

— როგორ ვარცხნილობას ისურვებთ ქალბატონო?

ბავშვმა არ აცალა დედიკოს და...

— ისეთი, რომ მამიკოს კიდევ უფრო შეუყვარდეს...

სტილისტს გაელიმა, დედიკო განითლდა. თითქმის მთელი საათი დასტრიალებდა თავს სტილისტი დაააა.... დედიკო მშვენიერი იყო, ახლა მანიკურითაც დაუფარეს ფრჩხილები...

— დეეეე... რა ლამაზი ხარ?!

— მაღლობთ ჩემო პრინცესა.

ღიმილით მიმართა ასულს

— დეე... სალამოს სანამ მამიკო მოვა ლობიანი შევუკვეთოთ, მამიკოს უყვარს და მეც მიყვარს...

— კარგი წავიდეთ..

— ხო, წავიდეთ...

— საიდან გქონდა ფული პატარავ?

— მამიკომ მომცა...

— მერე? აქ იმდენი დავხარჯეთ და იცი რამდენი რამე უნდა მყიდა...

— დედაა... ჩვენ ხომ ქალები ვართ?

— ხოოო...

— ხოდა გავეპრანჭოთ მამიკოს....

სალამოს მამიკო სახლში დაბრუნდა, დაღლილი სჩანდა ოჯახის უფროსი. ბავშვის ტუჩების ანაბეჭდი ისევ ეტყობოდა სახზე.

— დედაა... შეხედე, ჩემი ნაკოცნი არ მოუნმენდია მამიკოს.

სიხარულს ვერ მალავდა ბავშვი

— აბა რააა... მას ხომ ამ დილით ანგელოზმა აკოცა.

— შენ არ გინდა სალამოს ანგელოზი იყოოო?

დედამ არ უპასუხა. მამა სამზარეულოში შევიდა და მაცივარი გამოაღო, შიოდა კაცს.

— ლობიანი შევუკვეთეთ... ახლახანს მოიტანეს... ჩაი გინდა?

ნანყვეტ-ნანყვეტ მიმართა დედამ.

— ხო, კარგი იქნებოდა.. რა ლამაზები ხართ, დედოფლის სილამაზე დაგიჩრდილავთ ქალბატონებო...

— მამიკო ლოყას გაგინმენდ რააა...

— რატომ?

იუარა მამამ.

ბავშვმა ყურში ჩასჩურჩულა:

— ახლა დედიკომ გაკოცოს.

ღამე გაელვიდა გოგონას, გვერდით არც დედიკო იწვა და არც მამიკო. წამოდგა, ჩუმად გამოვიდა საძინებლიდან. მისაღები ოთახიდან წყნარი მუსიკის ხმა იღვრებოდა... ცოლს ქმრის მკერდზე დაედო თავი, მკლავებიც მოეხვია კისერზე და ოდესღაც მივიწყებულ ვალსს ცეკვავდნენ გოგონას მშობლები. გოგონა ფეხაკრეფით დაბრუნდა საძინებელში, კედელზე დაკიდებულ ღვთისმშობლის ხატს მიეახლა და მიმართა :

— გმადლობთ ღმერთის დედავ, რომ ჩემი დედიკო და მამიკო შეარიგე, მე შენ მიყვარხარ...

თითქოს ხატიც უღიმოდა გოგონას.

... და იქნებ ღროა...

მიდამოს აჭარული წვიმა ნამავდა, ცივმა ნიავმაც ჩამოუქროლა მთებს, წვიმის წვეთები ჩაიხუტა მკერდში და აქეთ-იქით მიმოფანტა. ეხლა ხეებს შეეთამაშა ნიავი, ცალად შერჩენილი ფოთლები მონყვიტა, ზე აიტაცა და ველად გააქროლა. ცაზე ელვამ გადასერა ღრუბლები და ბოხი ხმით, ძლევამოსილად იჭექა. წვიმა გაძლიერდა, აქა-იქ ფანტელებიც შემოურია სტიქიამ. ნოემბრის თვე იდგა. დედამიწა საზამთროდ იბუდებდა.

ბუხრის პირას პაპა სელიმი სამფეხა სკამზე ჩამომჯდარიყო, გრძელი ყალიონი თამბაქოთი გაეტენა და მშვიდად აბოლუბდა. ცეცხლს ჩაშჩერებოდნენ ასი წლის მოხუცის ჭროლა თვალეები, თითქოს ცეცხლზე და ნაკვერჩხლებზე ჩხიბავსო მომავალს. ბავშვები პაპას მიუცუცქდნენ. ბაქარმა უფროსობა არ დათმო და ყველაზე ახლოს მიაჩოჩა სკამი, ძმას, შუათანა ზვიადი მუჟდა გვერდით, ხოლო პაპის კალთა კი, ცუგრუმელა ნინოს ერგო წილად.

— პაპა გვიამბე ამბავი, ბევრი რამ გინახავს და გადაგხდენია, ზღაპარს არა გთხოვთ, ნამდვილი ამბავი გვიამბე პაპა, ნამდვილ გმირებზე. სთხოვეს ბავშვებმა მოხუცს. პაპა სელიმმა ჩაიღიმა, თეთრ წვერზე ხელი ჩამოისვა, თვალეები მოჭუტა, თითქოს ამბავს იხსენებსო, შემდეგ ყალიონი ისევ გატენა თამბაქოთი და დაიწყო თხრობა:

— ეს ამბავი დიდი ხნის წინ მოხდა, ჩემი დიდ პაპის ბაღლობის დროსა, მაშინ აჭარა ტურფად ჰყვავოდა, ერის სიმრავლით ღმერთიც

ხარობდა, მაშინ სხვა იყო აჭარის ზეცა, ცისა სილურჯის ფანტელით თოვდა, ზღვაც ბედნიერი ანცობდა მაშინ, ტალღას ტალღაზე ხალისით კეცდა. სავანეს ჰგავდა მაშინ აჭარა, ედემის ნალკოტს ტოლს არ უდებდა, მაგრამ ბოროტმა იძლავრა მაშინ, მტერი დაიძრა, მტერი იმდენი, კაცთა სიმრავლით ვითარცა ქვიშა და ვით ვარსკვლავნი მთელი ცისანი. ჯარი შეჰკრიბეს კაცებმა, დიად ვაჟკაცთა კრებული, მაგრამ ცოტანი არიან ვაჟნი საქვეყნოდ ქებულნი. იქ, ბრძოლის ველზე ამაყად დადგნენ ქართული სპა და მტერი ვერაგი. ბრძოლა დაიწყო, ისმის ყოყინა, ბრძოლის გნიასი, ვაჟკაცთა ხელში მტერს კვეთავს ხმალი, მეომრის ღირსი, ვადაჯვრიანი. ბევრნი არიან ოსმალნი. მტრის გვამი ფარავს ბრძოლის ველს, აჭარელსაც სწვდება სიკვდილი. ცოტანი დარჩნენ ქართველნი, ფერდობზე დასცეს საფარი. დაშორიშორდნენ ჯარები. ბოლო ბრძოლისთვის სამზადის ეწევა ოსმალთ ლაშქარი, ახალი ჯარით შეავსო სისხლად დაცლილი ლაშქარი. ქართველს შემცვლელი ვინა ჰყავს? მარტო არიან ვაჟკაცი. ხმალი გამართა ოსმალომ, ბრძოლად დაიძრნენ ურიცხვნი. ბრძოლობს ქართველთა ლაშქარი, მტერს ანადგურებს... უცებ ცა, თითქოს დაბნელდა, ისრები ჰკვეთენ ოსმალს... ქედზე ქალების გუნდი დგას, ისრით ჰკოდავენ უსჯულოს. მერმე დასჭექეს ქალებმაც, ხმალი იშიშვლეს სვიანი, მტერს მედგრად სცემენ, ხოცავენ ადგილის დედის ნათლულნი. შედრკა მომხდურის ლაშქარი, პირი იბრუნა, გაიქცა, და მოჰკვივიან ქართველნი, ჰოროლსა სცემენ ზურგიდან. უცებ გვერდიდან, უკნიდან მტრისა ჯარები გამოჩნდნენ, ალყაში ჰყავდათ ქართველნი, სიკვდილს ქართულად ებრძვიან. ჯერ არ ყოფილა, არ თქმულა სიკვდილმა სახით უგვანომ, ჯიქურ ჩახედოს თვალებში აჭარელს სისხლით უბინოს. განყდა ქართველთა ლაშქარი. მტერი ზეიმობს ტიალი, ფაშა ხოტბასა აღავლენს გამარჯვებული მომხდური. დახოცილ ქართველთ დასცქერის, შიშმა შეიპყრო სულთანი. ღიმილი სახეს უნათებთ, მომკვდარან ღიმილიანნი. „აღბათ შიშისგან გაგიჟდნენ, მკვდრისგან სად თქმულა სიცილი?“ „არა სულთანო, სიკვდილს დასცინის ქართველი, მათი ყიჟინის გამოგონე, ბჭე ჯოჯოხეთის ზანზარებს“ იმ ომში ჩემი დიდპაპა, წინმდგომად მდგარა ბაქარი, მაყვალა, დიდი დიდედა, ჰოროლით მდგარა ქმრის გვერდით. ორივე აუკაფიათ საფლავიც არ აქვთ იმ სანყლებს... “

— პაპა მერე შენ რა ჰქენი?

— რას მეკითხები შვილო?

თუ შენი დიდი დიდ-პაპა და შენი დიდი დიდედა, მტერმა მოგიკლა ტიალმა, ეს რომ გაიგე რა ჰქენი? მტერს რა უთხარი საქმითა?

ბაქარს შეხედა მოხუცმა, პასუხს ელოდა ყმანვილი. პაპა დადუმდა, ჩაფიქრდა... „მე რა ვქენი?“ აეკვიატა ფიქრები...

— შვილო ბაქარ, ეს ბრძოლა დიდი ხნის წინ მოხდა. მის მერე დიდმა დრომ განვლო და მე რა უნდა მექნა?

— მაღლობა პაპა ამბისთვის, სამზადში ჩავალთ ბებოსთან, ან ვითამაშებთ... აღარ შეგანუხებთ კითხვისგან.

სამივე ბავშვი ეზოში ჩავიდა.

— რა ვქნათ?

იკითხა ზვიადიმ.

— ნანგრევებთან წავიდეთ, ამბობენ იქ იდგაო თავკვეთურა.

დუნედ ჩაილაპარაკა ბაქარმა.

— მეც წამოვალ, მერე რა რომ გოგო ვარ, წამოვალ რაააა...

შეხვეწა ძმებს წინო.

— ამ წვიმაში რომ გაცივდე დედას რა ვუთხრათ?

ღიმილით მიმართა ბაქარმა დას.

— არ გავცივდები, მერე რა რომ წვიმს? მე მაგარი გოგო ვარ.

არ დათმო წინომ.

— მაშინ წავიდეთ.

თქვა ზვიადმა და ნასასვლელად მოემზადა.

— მოიცათ, ვაზის ლერწებს წამოვიღებ.

მიმართა ძმებს დამ. წალამთან მიირბინა, ორი მსხვილი ტოტი ამოარჩია და თავის განუყრელ ჩანთაში ჩაღო და ძმებს უთხრა:

— ეხლა წავიდეთ.

ბავშვები წმინდა წინოს ნანგრევებად ქცეულ ეკლესიის ეზოში შევიდნენ. ჯაგნარს დაეფარა ეზო. ეკლესიის კედლის ლოდები მიმოფანტულიყო გარშემო, აქა-იქ საფლავის ქვებიც მოსჩანდა. გავერანებულყო წმინდა საყდარი. სამ საუკუნეზე მეტია არ ანთებულა ეკლესიის ეზოში სანთელი. ოსმალთა ფაშას აქ ედგა თავკვეთურა და მზის-სულ, უტეხ აჭარლებს, ქრისტეს სჯულის მცველთ, აქ უსწორდებოდა მომხდური. მას მერე ბევრმა წყალმა ჩაიარა და აქაურობა მხოლოდ ტკი-

ვილიან მოგონებად გადაქცეულიყო. ბავშვები ნანგრევებში შევიდნენ. ქვის იატაკზე ბალახს ამოეყო თავი. ჩამოშლილ კედლებზე შერჩენილ ფრესკებზე ჯვარი გამოირჩეოდა უცილოდ. ბავშვებმა ეკლესიის ნიაღში ამალღებულ ადგილს მიაჰყრეს ყურადღება.

— აქ აღბათ ქრისტიანი მოძღვარი იდგა და ქადაგებდა, ამიტომაც არის ამალღებული.

ძლივს გასაგონად თქვა ზვიადმა.

— მანდ საკურთხეველი უნდა ყოფილიყო, ეხლა კი მხოლოდ ნანგრევებია.

ამეტყველდა ბაქარი.

— იქ ასვლა შეიძლება?

იკითხა და საკურთხეველის ნანგრევებისკენ გაიშვირა ხელი ნინომ.

— არა, ქრისტიანები იქ ასვლის უფლებას ქალებს არ აძღვევენ. უჰასუხა ბაქარმა.

— შეხედეთ, აი ნინოს ფრესკა.

თითით ანიშნა ძმას ზვიადიმ. ოდნავ შესამჩნევად მოსჩანდა ფრესკაზე ქალის სახე ვაზის ჯვრით ხელში.

— ეგ წმინდა ნინოა, პირველქრისტიანი საქართველოში.

ამაყად დასძინა ბაქარმა.

— ვიცი, ვიცი სკოლაში გვიამბეს, თურმე საკუთარი თმებით შეუკრავს ვაზის ლერწმისგან ჯვარი და იმით შემოუტანია ქრისტიანობა.

აჭიკჭიკდა ნინო. შემდეგ ძმებს გადახედა და საკურთხეველისკენ გაემართა.

— არ ახვიდე, მანდ ასვლა ქალისთვის არ შეიძლება. შეუძახეს ძმებმა.

— მე ქალი არა ვარ, მე ბავშვი ვარ.

უჰასუხა გოგომ.

— ვინ იცის, იქნებ დიდ ომს გადაურჩნენ და აქ თავკვეთურაზე დაასრულეს სიცოცხლე დიდმა დიდპაპამ და დიდმა დიდებომ.

— ეგ არავინ არ იცის ნინიკო და გთხოვ არ ახვიდე მანდ, წესი არ არის.

მიმართა დას ბაქარმა.

ნინო საკურთხეველზე ავიდა, ჩანთა ძირს დადო და იქიდან ვაზის ორი ლერწი ამოიღო, ძმებს რალაცის თქმა სურდათ, მაგრამ ისი-

ნი უცნაურმა ცნობისმოყვარეობამ შეიპყრო, გაფაციცებით აკვირდებოდნენ პატარა დის საქმიანობას. ახლა ნანნავი ჩამოიშალა ასულმა, წელამდე სცემდა თმა.

— ბაქარ!

მიმართა ძმას გოგომ.

— გთხოვ ნანნავი მომაჭერი.

— გაგიჟდი? დედა მომკლავს, არ გახსოვს? მთელი დღე გინნავდა თმას...

ნინომ მაკრატელი გაუნოდა ბაქარს და მხოლოდ ერთი სიტყვით მიმართა: „მოსჭერი“! ბაქარმა ანგარიშმიუცემლად გამოართვა მაკრატელი, გოგონა შებრუნდა და მორჩილად დაელოდა მისი საამაყო ნანნავის მოკვეთას. მხოლოდ მაკრატლის ჩხაკუნი გაიგონა ნინომ და მობრუნდა, ძმას მოკვეთილი თმა ჩამოართვა. ვაზის ყლორტები გადაჯვარედინა და ნანნავით შეჰკრა, მერე მდუმარედ მიეხსლა წმინდანის ფრესკას.

— ვიცი, რომ ქალის ამოსვლა აქ არ შეიძლება, მაგრამ მე ბავშვი ვარ და მაპატიე ეს თავნებობა, მე შენი სეხნია ვარ და მეც ნინო მქვია. პაპა სელიმმა გვიამბო ჩვენი წინაპრების ამბავი. ისინი ქრისტიანობას შეენიღნენ დიდ ომში. გთხოვ, დალოცე ჩემი ძმები და ჩვენი დიდი ოჯახი. მაპატიე, ჩემთვის ქრისტიანულად ლოცვა არავის უსწავლებია და მერწმუნე, რასაც ვამბო გულით გეუბნები. გოგონამ დაიჩოქა, ვაზის ჯვარი ზეალაპყრო და განაგრძო:

— მე და ჩვენი ოჯახი დიდი დიდპაპა ბაქარის შთამომავლები ვართ და გთხოვ, ნუ მიწყენ თავნებობას. გპირდები, მე ვისწავლი ქრისტიანულად ლოცვას, გპირდები...

ნინო ფეხზე წამოდგა, ვაზის ჯვარი მკერდზე მიიხუტა და მზერა, გაოგნებულ ძმებს მიაპყრო. ხმას ვერ იღებდნენ ვაჟები. თვალებიდან მხოლოდ, დისადმი უზარმაზარი მონინება იფრქვეოდა.

— მე პირჯვარს გადაგწერთ და დაგლოცავთ, მე მაქვს ამის უფლება, რადგან მე და ვარ თქვენი. და თუ ვინმე უნდა დაისაჯოს დე ეს მე ვიყო. გოგონას კიდეც სურდა რალაცის თქმა მაგრამ...

— შეხედეთ, ხალხი!

თქვა ნინომ და ხელი ეკლესიის ნანგრევებად ქცეულ გალავნისკენ გაიშვირა.

ერთად შეგროვილი ადამიანები, ცნობისმოყვარე თვალებით შეს-
ცქეროდნენ ბავშვებს, ეზოში ფეხის შემოდგმას ვერავინ ბედავდა.

— გამომყევით! მტკიცე ხმით მიმართა ძმებს ნინომ

ეკლესიის დარბაზი გადაკვეთეს, ეზო გაიარეს და ნაალაყაფარს
მიადგნენ. ერთი მოზრდილი ხის ძელი იყო ორ ლოდზე გადებული და
ეს „კარიბჭე“, იყო საზღვარი ეკლესიასა და ხალხს შორის. გოგონა კა-
რიბჭეს მიუახლოვდა, მცველებად ძმები ედგნენ „ჯვრისმტვირთელს“.

— აქ თქვენი მამა-პაპათა საფლავებია, აქ ლოცულობდნენ თქვე-
ნი წინაპრები, შემოდით...

მშვიდად ამეტყველდა ნინო

— ვინ არიან ეს ლაწირაკები! იღრიალა ვილაცამ

— მე ნინო ვარ... უპასუხა ნინომ

— ნინო? ნინო!... ნინოოო... ტალღასავით გადაუარა ხალხს უც-
ნობმა ხმამ.

— ნუთუ ეს ძელი გაბრკოლებთ?

ჰკითხა ხალხს ნინომ.

— წესი არ არის, გარეთ გამოათრიეთ ეს ლაწირაკები! იყვირა ვი-
ლაცამ

— რომელი „წესი“ არ არის? მამაპაპათა რჯული და ადათის თაყ-
ვანისცემა „წესი“ არ არის? მიმართა ხალხს და ვაზის ჯვარი ასწია ნი-
ნომ.

— რას მაიმუნობ გოგონა? ეგ ჯვარი ნაკურთხიცი კი არ არის. გა-
მოაჯავრა ვილაცამ.

ბაქარი და ზვიადი „კარიბჭეს“ მიუახლოვდნენ, ხის ძელი აიღეს,
იქვე კედელზე მიაყუდეს და ისევ დას დაუდგნენ გვერდში.

— მე გეკითხებით თქვენ, რას ნიშნავს „ნაკურთხი“!

მშვიდი და შეუვალი ხმით მიმართა ხალხს ნინომ.

— შემოდით, აქ თქვენი ოჯახის დედაბოძის სულია დასვენებული,
აქ ჩვენი წინაპრების რჯულია და... და... იქნებ დროა...

გოგონას ხმა ჩაუწყდა, გაჩუმდა, მშვიდი სახით აკვირდებოდა თა-
ნასოფლელებს. ხმას არავინ იღებდა. წვიმამ გადაიღო, ღრუბლის ნაპ-
რალებიდან მზის სხივებმა გამოჭრეს სარკმელი. — „პაპა სელიმი მობ-
რძანდება“! ხმა დაირხა ხალხში. ჩქარი ნაბიჯით მოდიოდა სოფლის
უხუცესი. ნანგრევებს მოადგა, ხალხმა გზა უტირა მსცოვანს. შიშნარე-

ვი თვალეები მიაპყრო პაპამ ხალხს, შემდეგ ეკლესიისკენ გაიხედა. შვილიშვილებს მკაცრი მზერით შეავლო თვალი და ბრანზმორეულმა მიმართა ბავშვებს:

- „სასწრაფოდ დატოვეთ აქაურობა...სახლში მოგელაპარაკებით“
- პაპა!

ნამოინყო ბაქარმა:

— ჩვენს რჯულს უნდა დავუბრუნდეთ, რადგან ყოველივე რითაც ვამაყოფთ, ჩვენი წინაპრებით და ჩვენი ისტორიით, ყველაფერი გაცამტვერდება და... და... ჩვენ...

- პაპა!

მკაფიო ხმით მიმართა წინომ ოჯახის უფროსს.

— მე ჩემი ნაწინავით შევკარი ვაზის ჯვარი, როგორც ჩემმა წმინდა სეხნიამ...

- ბავშვებო პაპას დაუჯერეთ...

დაარიგა უცნობმა.

მკაცრად შეხედა მოხუცმა ბავშვებს და მოხდა...

ძმები წინ აღუდგნენ პაპას, ხელი ხელს ჩასჭიდეს და დის წინ დადგნენ. გალავნის ნანგრევებზე ახლა ბაქარის და ზვიადის მეგობრები გადმოხტნენ და გვერდში დაუდგნენ ბავშვებს. ბავშვებით გაივსო ეზო. ცოცხალი ჯაჭვით გარს შემოევილენ ჭაბუკნი ეზოს გალავანს. „მღვდელი გიორგი მოდისო“ დაირხა ხმა ხალხში. ეკლესიის ეზოში აქოშინებული მოძღვარი შემოვიდა. ჯერ გარეთ მდგომ ხალხს გადახედა და შემდეგ ბავშვებს დააქექერდა წმინდა მამა. მზერა წინოზე გადაიტანა და გაოცდა, ბავშვის სახეს მშვიდი და სათნო ღიმილი დასთამაშებდა, ვაზის ჯვარმა გააოცა მღვდელი.

- ვინ ხარ შვილო?

მიმართა მოძღვარმა ბავშვს.

— მე წინო ვარ, დიდი წმინდანის სეხნია, ნუ დამსჯით მამა გიორგი, ნურც ცელქობაში ჩამომართმევთ, ეს ვაზის ჯვარი, ჩემი ნაწინავით შევკარი...

- ღმერთო იკურთხოს შენი სამართალი.

აღმოხდა მოძღვარს.

— მე დიდი დიდ-პაპა ბაქარს და დიდი დიდ-ბებია მაყვალას შთამომავალი ვარ, ვადაჯვარიანი ხმლით რომ ებრძოდნენ სულთანს.

ამაყად მიუგო მღვდელს ზვიადიმ.

— მე ესტატე მჭედლის შთამომავალი ვარ...

— მე იროდი ცხრამუხელის შთამომავალი ვარ...

— მე მღვდელი იაკობის შთამომავალი ვარ, თავკვეთურაზე რომ აზიარეს სიკვდილს...

— მე შანშე მეთევზის შთამომავალი ვარ, თავკვეთურაზე რომ დასაჯეს ქრისტეს რჯულისთვის...

— მე...

რიგრიგობით აცნობდნენ თავს ბავშვები მოძღვარს.

მამა გიორგიმ ნინოს ჯვარი გამოართვა და საკურთხევლისკენ წავიდა, ბატკანივით უკან გაჰყა ნინოც. ჩამონგრეული საკურთხევლის ლოდზე დადო მამამ დალაღით შეკრული ვაზის ჯვარი და აკურთხა... ლოცვას განაგრძობდა მოძღვარი. შემდეგ მობრუნდა და გაოცდა, ეზო ხალხით იყო სავსე, მხოლოდ რამდენიმე მოხუცი და თითო-ოროლა კაცი იდგა „კარიბჭის“ მიღმა. პირველნათლულს, ნინოს აცხო ზეთი, წმინდა მამამ. ხალხს ნათლავდა მამა გიორგი.

— სელიმ!

მიმართა თანასოფლელმა პაპას.

— რას იტყვი ამ ამბავზე?

და მოსაუბრემ ხელი ეკლესიისკენ გაიშვირა

— წინაპართა რჯული თავისას ითხოვს...

ჩაიდუდუნა მოხუცმა, ფეხზე წამოდგა და „კარიბჭის“ ზღურბლს გადააბიჯა.

სამი მტრედი შენიშნეს, ეკლესიის ნანგრევების ქიმზე ჩამომსხდარიყვნენ ფრთოსნები.

იქნება დროა?... დროა!

დედას გეზიცეპი

ნაწილი პირველი
(ამ მოთხრობას არაფერი აქვს საერთო რეალობასთან,
ის მხოლოდ ჩემი ფანტაზიის ნაყოფია)

ბედის იშვიათი წყალობაა, როცა თვით პროკურორი დაგირეკავს და გადაუდებელ საქმეზე შეხვედრას მოგთხოვს და ყველაზე საინტერესო კი ის არის, რომ ჩემთვის რას ნიშნავს „გადაუდებელი“ საქმე წარმოდგენაც კი არა მქონდა. მე ჟურნალისტი ვარ და ჩემი საქმე ძიებაა... ჩემი მეგობარი პროკურორი კი, ხანდახან „მანებივრებდა“, მართლაც რომ იშვიათი ინფორმაციის მონოდებით, მაგრამ დღემდე არასდროს უთქვამს „გადაუდებელი“ საქმის შესახებ. მინდა მოგიხროთ ისტორია, რომელიც ერთი შეხედვით წარმოუდგენლად შეიძლება გეჩვენოთ, მაგრამ ფაქტია, მოსამართლეც კი გამოუვალ მდგომარეობაში აღმოჩნდა და ბრალმდებელსაც ხმა უკანკალებდა სასამართლოსთვის კანონით გათვალისწინებული სასჯელის მოსათხოვად.

ნუ გაიკვირებ მკითხველო თუ არა, ორდინალურ და ერთგვარად არც ჟურნალისტური გამოძიების მასალას შემოგთავაზებთ... ბევრს აღარ გავაგრძელებ, მოვყვები ისე, როგორც იყო... ნაბიჯ-ნაბიჯ...

„... და მოვიდიან იმედითა მწყურვალენი და არა იქმნა წყაროსა ზედა მადლის დინება, რამეთუ დაშვრა კაცთა მოდგმის უგნურების დიად სულისთქმით წყარო იმედის და დაიმკვიდრა ქვიშამ, დენად მადლის მაგივრად...“

და მივედი მე საავადმყოფოში, ადამიანი, ვინც უნდა მენახა, მკვლელი ყოფილა, გოცდით განა? მას თავის ხელით დედა მოუკლავს, მშობელი დედა... მოტირლად იჯდა, დედა გამზრდელი, პალატის გისოსს ცრემლით ნამავდა....

პალატის დარკინული კარები ჯანმგარმა სანიტარმა გამიღო, თანაც მითხრა: „არავის ერჩის, გამოძიებლის ნებით არის აქ გამომწყვდეული პალატა-საკანშიო“, სარკმელის გვერდით, იქვე კუთხეში სანოლი იდგა. „პაციენტი“ წამოწოლილიყო, მშვიდი, აუღელვებელი თვალებით მიმზერდა. წიგნების სიმრავლემ გამაოცა. ისინი მაგიდაზე შემოელაგებინა. მივესალმე:

— გამარჯობათ, ჩემი ვიზიტის შესახებ ალბათ გაცნობეს... მე ჟურნალისტი გახლავართ.

არავითარი რეაქცია, არც პასუხი გაუცია, ის დუმდა... და მე გავ-
ნაგრძე:

— ბატონო ნიკოლოზ, თუ უდროო დროს გეახელით, ბრძანეთ როდის შეძლებთ ჩემთან საუბარს და მაშინ დავგეგმოთ ჩვენი შეხვედ-
რა... თქვენ კითხვა გყვარებით...

ფეხზე ავდექი და მის მაგიდას მივუახლოვდი. წიგნთა შორის „დონ კიხოტი“ და „ჰამლეტი“ შევნიშნე. ხელი მათ ასაღებად გავიწოდე...

— „ხელს ნუ გაიშვერ ოლიმპოსკენ ადამიანო, მისგან წყალობა ჯერ სულიერს არ ღირსებია... იავარქმნილი ეს სამყარო უმეცრების-
თვის, ცინიზმს კეისრის კოლიზეუმად გადაუქცევია“... მოგესალმები ჟურნალისტო დიდი პატივით...

იმდენად მოულოდნელი იყო ეს ყველაფერი, რომ გაცემისაგან კინალამ ენა ჩამივარდა.

— გამარჯობათ ბატონო ნიკოლოზ, მე სანდრო მქვია, კეთილი იყოს ჩვენი გაცნობა.

ბატონ ნიკოლოზს გაელიმა, რალაცნაირი სიკეთე ვიგრძენი მის თვალეში... ეს კაცი გიჟი ნამდვილად არ იყო...

— არ მეგონა თუ შეგაშინებდით სანდრო ბატონო, სწორედ ახლა დავამთავრე „დონ კიხოტის“ კითხვა, უკვე მერამდენედ. თქვენ ნაკით-
ხული გაქვთ ეს წიგნი?

— სიმართლე გითხრათ ჯერ არ წამიკითხავს, მაგრამ ფილმი მაქვს ნანახი.

ვთქვი და გავიღიმე...

— ხოო... ალბათ კახი კავსაძის მონაწილეობით... დიდებული იყო ეს სცენის ჯადოქარი ამ ფილმში...

— დიახ მეც ძალიან მომეწონა.

— რა მოგეწონათ?

— ფილმი, რა საკვირველია...

— ჩემო მეგობარო, ვხედავ დრო გაქვთ და იქნებ ორიოდ შეკით-
ხვაზე გამცეთ პასუხი.

— სიამოვნებით, ბრძანეთ ბატონო.

— ვინ არის დონ კიხოტი?

— რაინდი.

— დიდებულია... „და რატომ ეძებ შენ, სიკვდილში მის სიდიადეს, ან შენ სიკვდილის სიდიადე გინახავს განა?“

— ეს ფრაზა წიგნიდან არის?

— არა მეგობარო, არა! და თუ მე გეტყვი, ერთი პატარა მძიმის გადაადგილებით რამდენად შესწევს ამ ჩემს ნათქვამს „ტრაგიზმის“ ძალა?

— კი, ალბათ კი...

— საოცარია...

— რა არის საოცარი?

— იქნებ თქვენს მიერ ნანახი ფილმის მიხედვით მითხრათ, რას ნიშნავს თქვენთვის „დონ კიხოტი“?

— როგორ გითხრათ? ის გენიალური სერვანტესის შექმნილია და ბუნებრივია ფილმიც შესანიშნავი გამოვიდა...

— და რაში ხედავთ თქვენ სერვანტესის გენიალურობას? გენიალურად მე ჰამლეტი მიმიჩნევია.

— ძნელი ასახსნელია, აქ უბრალოდ მეოცნებე რაინდის შინაგანი სამყაროა წინა პლანზე წამოწეული, მისი ხედვა იმ დროინდელი საზოგადოებრივი აზროვნების ფონზე შესაბამისობაში ვერ მოდის იმ დროის გამოწვევებთან, რაც იმ ეპოქის ისტორიული პრაგმატიზმის ფონზე რაინდის დამოკიდებულებულება ობიექტურ რეალობასთან, არაადეკვატურია და ამიტომაც ებრძვის ნისქვილებს.

— რა საინტერესოა, ფრიად საინტერესო... „და რატომ სჯი კაცს მისი ცხოვრების გამო, შენ ხომ მის ტყავში არ გიცხოვრია“, გნებავთ კამათი? ნუ შეშინდებით, მე თქვენი აზრი მსურს მოვისმინო, „და პრაგმატიზმი პოეზიის „სულს“ წიგნზე დანთებულ კოცონზე ნვაავდა“...

— ვერ გავიგე, ჩვენ ეს წიგნი უნდა გავარჩიოთ?

— რომელი წიგნი მეგობარო?

— „დონ კიხოტი“... როგორც თქვენ ბრძანეთ.

— ჰო, უნდა გავარჩიოთ,

„რათა გავროზგოთ

მოფუსფუსე ამაოება,

კენესის ხარხარი,

მიანყდება
ალბათ ბარხანებს,
სიშლეგით ძლება,
სულმდაბალი
კაცობრიობა,
...და ცრემლად დაშვრა
დიდი დანტე ალიგიერი“ ...
— ვისი ლექსია?
— მოგეწონათ?
— დიახ.
— არავისი... ექსპრონტია... ჩემი ლექსია.
— თქვენ პოეტი ბრძანდებით?
— „არა სანჩო, შუბის წვერზე აისი ლელავს, ჟანგ შემოყრილი აბ-
ჯარიდან ისმის სიჩუმე“. მზად ხართ კამათისთვის ჩემო მეგობარო?
— სიამოვნებით, დავიწყით.
— თქვენ თუ იცით, რამდენად მდიდარი იყო სერვანტესი?
— არა, ვერ გეტყვით.
— მწერლის ყველაზე დიდი გასამრჯელო მისი მკითხველია. დღეს
სერვანტესი მილიარდელი იქნებოდა. მაშ ასე, დავიწყით...

ნაწილი 2

— ბატონო ნიკოლოზ, ალბათ საინტერესო იქნებოდა თქვენეული
შეფასებები, მაგრამ მე იმ მიზეზთა დეტალების შესახებ მსურს გესა-
უბროთ...
— რამაც აქამდე მე „მომაქცია“?
— დიახ, იცით მე გავეცანი მასალებს და უამრავი საყურადღებო
რამ აღმოვაჩინე თქვენს შესახებ.
— ქართულ ენას და ლიტერატურას გასწავლიდნენ სკოლაში მე-
გობარო?
— ბუნებრივია.
— ჰამლეტი მაინც თუ წაგიკითხავთ?
— არა, მაგრამ ის დიდებულია.
— და რა გახსოვთ ჰამლეტიდან?
— „ყოფნა, არ ყოფნა, საკითხავი აი ეს არის“

- და „ფირცხელამ“ ჰრქვეუა „ყოფნა ნრუნუნჯან, ყოფნა...“
- დამცინით?
- არა, „და რა წმინდაა სულგაყრილი ადამიანი“
- ეს ჰამლეტიდანაა?
- არა მეგობარო, ჩემი სიტყვებია.
- სულგაყრილი ანუ მკვდარი?
- ჰა, ჰა, ჰა, იქნებ სული „გაეყარა“ სხეულში ადამიანს...
- ესე იგი შეერჭო?
- ჰო მეგობარო, ჰო...
- და ჰამლეტი რა შუაშია?
- „სხვის სულის საზრდოს თუ ჩაანწავ რკინის არტახებს, მისი ბედისწერა ბარიერთან დაგელოდება“
- მომისმინეთ მე არც დონ კიხოტი მაინტერესებს და არც ჰამლეტი, მიუხედავად მათი სიდიადისა, მე თქვენს შესახებ მსურს გესაუბროთ.
- „უმანკო ცრემლის შევსვით შარბათი...“
- მაპატიეთ ბატონო ალექსანდრე, ამ საზეპიროებს თქვენ ალბათ სხვადასხვა წიგნებიდან აგროვებდით... და ეხლა გსურთ რომ გამოცოთ?
- უბედურო! მე მხოლოდ ჩემი სიტყვებით გესაუბრები, მე არ ვსესხულობ სხვისგან, სხვისი ნათქვამის და სხვისი გენიის წინაშე მე მოწინებთ ქედს ვიხრი...
- დიახ რასაკვირველია.
- თუ ლამანჩელი არ ინებებდა წისქვილებთან შებმას... თქვენი აზრით რას ნიშნავს ეს სცენა? რატომ წისქვილი და არა სამჭედლო, ან რაიმე სხვა...
- ვერ გეტყვით, იქნებ ავტორმა განსაკუთრებული ალეგორია ჩადო ამ სიტყვებში, რაინდმა ხომ დევებად წამოიდგინა ეს წისქვილები, და მათთან ბრძოლა ამიტომ მოინდომა...
- კი, მაგრამ რას გკარნახობთ წისქვილის „ფენომენი“, იქნებ მხოლოდ ნაგებობას? ან იქნებ რაიმე დატვირთვა აქვს? თუ გიფიქრიათ ამაზე მეგობარო?
- ალბათ, ხორბლის ან სიმინდის მარცვლის დაფქვა, შემდეგ ფქვილის გაცრა და პურის ან მჭადის გამოცხობა.

— გენიალურია, და თუ „ნისქვილი“ სხვა რამეს ფქვავს, მაგალითად ბოროტებას, რომ შემდგომ საკვებად დაუბრუნდეს ადამიანებს? იქნებ ქარია ქარიზმატული, ან კი უზნეო და მისი „სამყარო“ აიძულებს დაფქვას ნისქვილმა მისი ზნეობა, რომ მარცვალ-მარცვალ გამოკვებოს კაცთა გონება? ან იქნებ „დევი“ თავად არის ზნედაცემული, „ამინდის“ ბორგვას რომ აუწყო მწყრალი გონება, შემდეგ რომ „დაფქვას“ ნააზრევი ზნედაცემული და გამოკვებოს სულწაწყმედით კაცის გონება?

— ბატონო ალექსანდრე, უდაოდ საინტერესოა ეს თემა. მინდა გკითხოთ საგამოძიებო მასალებში...

— და თუ პოეტებს ასამართლებს ხამს უმეცარი, მუზის „ტიტული“ ჯალათისთვის გვიბოძებია...

— მასალებში ნათქვამია, რომ თქვენ წინასწარი განზრახვით ჩამობრძანდით თბილისში, რათა თქვენი დანაშეულებრივი განზრახვა სისრულეში მოგეყვანათ...

— ჩემო კარგო, სანჩო პანსა რა როლს ასრულებს თქვენი აზრით რაინდის ცხოვრებაში?

— მხლებელია, შემდეგ კი რამდენადაც მახსოვს რაღაც თანამდებობაზე დაანიშნაურეს...

— ეტყობა ტესტები წარმატებით ჩააბარა.

— არა, იქ ტესტები არ არის ნახსენები, რაინდის მიმართ პატივისცემის ნიშნად დანიშნეს სანჩო თანამდებობაზე.

— ჰა,ჰა, ჰა,... და „სად გინახავს სინდისის ქეჯნით ცრუ, დემაგოგი პატივყარილი, ან კი „მიბმული“ სინდისის ხეზე?“

— მომისმინეთ, მე აღვრთოვანებული ვარ თქვენი განათლებით, მაგრამ ნება მიბოძეთ რამდენიმე შეკითხვა დაგისვათ.

— ბრძანეთ.

— თქვენს მიერ ძალადობის მსხვერპლ ქალბატონს ადრე იცნობდით?

— მთელი სიცოცხლე...

— მაგრამ „მასალებში“ წერია, რომ თქვენ ის ქალბატონი დანაშაულის ჩადენამდე ერთი თვით ადრე გაიცანით.

— „მეფის სათნოება ეშაფოტის ბაქანზე გადის“

— ვერ მივხვდი.

— ის ქალი ბიოლოგიური დედა იყო ჩემი.

- რა ბრძანეთ?
- ჩემი გამზრდელი, მამაჩემის ცოლია, მე მან გამზარდა.
- დიახ, დიახ, გამახსენდა... მე მითხრეს თქვენი აღზრდელი დედის შესახებ...
- მისმინე მეგობარო და დაიმახსოვრე, „ყბედთა საუბარს ნუ შეხვდები ოქროს ღუმლით“.
- ვისი სიტყვებია?
- ჩემი.
- მაშ ასე, თქვენ ეს საქციელი შურისძიების მიზნით ჩაიდნეთ?
- არა, შურისძიება არაფერ შუაშია... დაიმახსოვრე შენ ჰამლეტის დიდებულება, მე მისი დარი მსურს გიბოძო ეს შეგონება, „იდიოტია ყოვლის შემძლე მეფე, მონარქი, თუ ერთის დაცვას მთელს ერს შესწირავს განტევებისთვის“.
- მოდით ჰამლეტს თავი დავანებოთ და თემას დავუბრუნდეთ. მასალებში წერია, რომ თქვენ სუროგაციის გზით მოვევლინეთ ამ ქვეყანას...
- სულის ნაწყმედა კაცისა, მხოლოდ ღვთის მიმართ ხომ არ გგონია?
- რატომ მელაპარაკებით ამ... ამ... ეპითეტებით თუ ანდაზებით?
- ჰა, ჰა, ჰა, ჰა...
- დამცინით?
- არა ძმობილო, არა! ენაზე ბასრი მახვილი, კაცის გონებას ჯერ არ „გაუჭედავს“ მეგობარო.
- გამოდის რომ ქორებს აჰყევით?
- შენ ვერ გამიგე. ბევრი, უამრავი უშვილო ოჯახი მიმართავს ამ გზას, გთხოვ მსგავს ნაბიჯთა განსჯად ნუ ავინთებით, ნურც მოქილკეთა სჯას ნუ დავინწყებთ, რადგან ნაძირლებში სინდისს ვერ გააღვივებ, რადგან მათ არსში არარსებულს ვერ გააღვიძებ.
- შემდეგ, მიაბზეთ... შემდეგ რა მოხდა?
- მე ვიზრდებოდი სიყვარულით და ჩემი ოჯახი შეუმუსრავი ციხე-სიმაგრე მეგონა. არ მოისვენეს ბილწმა ენებმა, ალბათ ბევრს შურდა ჩვენი ოჯახის სიღიადე და ნათლის სხივებად ანთებული მშვენიერება. არ მომასვენეს, გონება მომიწამლეს, ლანძღავდნენ მამას და დედაჩემს ნაზი პათოსით.

ის დადუმდა. ჩემს წინაშე უკვე სხვა ადამიანი იდგა, ის არ ტიროდა, არც იცინოდა, სახეზე არავითარი ემოცია არ ემჩნეოდა, ის უბრალოდ წიგნებს უყურებდა, მხოლოდ წიგნებს...

— სკოლაში, ნაბიჭვარს მეძახდნენ. ჩემი კლასელების ზოგიერთი დედა დანანებით მიმზერდა, თავმომწონე ვიყავი უკვე შეღერებულნი ყმანვილკაცი და მაშინ დაინყო ჩემი „მე“—ს თელვა საზოგადოებამ. ოჯახიც ჩაერია, მამაჩემი სახლში მიუვარდა ავყიებს, მაგრამ პოლიცია დაახვედრეს და კინალამ დააპატიმრეს მამა. ჩემს გამზრდელ დედასაც შეურანყოფას აყენებდნენ... ასე გრძელდებოდა წლები...

— შემდეგ? შემდეგ რა მოხდა?

— „როცა პრინცი მამის აჩრდილს ესაუბრება, მაშინ ჰამლეტი ჯოჯოხეთის კოცონს ჩაფერფლავს და შავ მანტიას შემოძარცვავს სიკვდილის აჩრდილს. სულის მკურნალი ღმერთია მხოლოდ და შენს სწეულ მძორს თავად მიხედე, საშინელია კანონების „მშრალი“ რაობა, თუ მის „სხეულში“ წმინდა სისხლი კაცთმოყვარის არ ურევია“...

— შემდეგ რა მოხდა?

— სკოლა წარჩინებით დავამთავრე, სკოლის ჩემპიონიც ვიყავი, ორჯერ ზედიზედ სარაიონო და საქალაქო მათმატიკის ოლიმპიადაში მივიღე მონაწილეობა და პირველ ადგილზე გავედი. „ნაბიჭვრები, ნიჭიერები გამოდიანო“, შხამივით ჩამანვეთეს ყურში. თითქოს უკვე შეგუებული ვიყავი შეურანყოფებს, მაგრამ ერთ ჩემს მაგინებელ ქალბატონს, სკოლაში, ბოლო ზარზე, სახეში ვთხლიშე, მან ჩემს გასაგონად წამორომა, „რა დრო მოვიდა, ნაბიჭვრები რა პატივში არიანო“. ის ქალი წაიქცა და რალაც იტკინა.

კლასელი ბიჭები მე დამეხვივნენ საცემრად, მაგრამ ჯანმაგარი ვიყავი და არც იმათ დადგომიათ კარგი დღე, ჩემი რამდენიმე ძმაკაციც ამომიდგა მხარში... მოკლედ ჩავგშხამდა „ბოლო ზარი“ და პოლიციის განყოფილებაში ამოვყავი თავი...

— შემდეგ? რა გითხრეს პოლიციელებმა?

— უბადრუკთა იარაღია ქორის აღვლენა...

— დაგსაჯეს?

— ხო მეგობარო, ხო... წარჩინების ატესტატი კინალამ თავზე დამახიეს, მაგრამ გამომიშვეს, რადგან მათ ყველაფერი მშვენივრად იცოდნენ და მხოლოდ „უკბილოდ“ დამემუქრნენ. იმ ქალის ქმარი შეძლებული

კაცი გახლდათ და მინც „მომიხერხეს“ ექვსი თვით შრომა-გამოსწორების კოლონიაში ჩემი „მივლინება“. ყოველ სიყალბეს გაამართლებ ზარ-ზეიმებით, თუკი სიმართლე ფეხთითაა, გარდაცვლილია...

— იცით, ეს თქვენი გამონათქვამები...

— აფორიზმები.

— ხო, რაც არის, ძალიან საინტერესოა, მაგრამ მე თქვენთვის კიდევ ერთი შანსი ვარ. რომ აქედან თავი დააღწიოთ. მე მასმედიის წარმომადგენელი ვარ და ჩემმა სტატიებმა საზოგადოებრივი აზრი უნამომაზადოს, რომ თქვენი... როგორ ვთქვა?

— ჩემი ამ ქვეყნად მოვლენის „მიზეზი“...

— დიახ, დიახ... არ იდევნებოდეს, უკეთეს შემთხვევაში დაცინვის საგნად არ იქცეს და კიდევ, უშვილო წყვილებს არასოდეს უკან გადადგმულ ნაბიჯად არ მიაჩნდეთ მიუსაფარ ბავშვთა სახლიდან ბავშვი იშვილონ, ჩვენ ყველანი... ის ბავშვებიც ჩვენი მომავალია და რომ გაიზრდებიან საზოგადოების ნაწილი გახდებიან, მათი პიროვნება კაცთმოყვარეობით უნდა ჩამოყალიბდეს და არა „უიღბლოს“ სინდრომით გაბოროტებულ ადამიანებად... მე აქ იმიტომ მოვედი, რომ ცოცხალი ისტორია, განსჯის საგანი გახდეს...

— „მეფის სასახლეში სამეფო ჭემმარიტება უნდა აღიარო, მიუხედავად იმისა ეთანხმები თუ არა მას“, საინტერესოა, ამ ჩემს მოსაზრებას დაეთანხმებოდა პრინცი ჰამლეტი, „მეფე ლირი“ რომ წაეკითხა?

— მომისმინეთ, თქვენ სტრესულ მდგომარეობაში ბრძანდებით, მთელი ეს ისტორია...

— ისტორია ჯერ არ დამიმთავრებია ყურნალისტო.

— გისმენთ, განაგრძეთ თხრობა.

— კოლონიის ხელმძღვანელობა ცდილობდა, რომ გარე სამყაროსთან ჩემი კონტაქტი შეეზღუდათ და ამიტომ ბიბლიოთეკაში გამამწესეს, იქ ვმეცადინებოდი ვსწავლობდი, ვემზადებოდი და წარმოგიდგინიათ? როცა კოლონიიდან გამანთავისუფლეს, კოლონიის უფროსმა სარეკომენდაციო წერილი გამომატანა უნივერსიტეტის რექტორთან წარსადგენად, იცი რა ეწერა ამ წერილში? ის, რომ მე გამოვსწორდი და საზოგადოებისთვის საშიშ ელემენტს აღარ წარმოვადგენდი. უნივერსიტეტში „აღმოსავლეთ-მცოდნეობის ფაკულტეტზე“ გავნაგრძე სწავლა... ყოველ სამშაბათს, პოლიციის წარმომადგენელი აკითხავდა

დეკანატს და ჩემი ყოფაქცევის შესახებ ინფორმაციას აგროვებდა... მე ჩემი პარალელური ჯგუფელი თათია შემეყვარდა...

— მერე? მასაც უყვარდით?

— ადამიანი საოცარი ფენომენია, რადგან საკუთარ თვალში „დირე გაყრილს“ სხვის თვალში წამნამის შემჩნევა არასდროს გაჭირვებია. ყოველთვის სხვისი მაკინებელის ძიებაში არიან ადამიანები, რათა საკუთარი ტკივილი „შიგნით“ მიმალონ და სიავის ქმნით მოუშუშონ „მე“-ს იარები. ადამიანის გონებაში „სანთელი“ მხოლოდ მაშინ აინთება, თუ მასში სულგრძელობა კაცმოყვარეობის კოცონს დანთებს. ფრიადოსანი სტუდენტი ვიყავი, სპორტცემნობასაც მივყავი ხელი, წარმოგიდგენია, „ძიუ-დო“-ში უნივერსიტეტის ჩემპიონი გავხდი, მერე ქალაქის პირველობაზე ვერცხლის მედალს დავჯერდი. ყველაფერი თითქოს კალაპოტში ჩადგა. მაჭირვებლები აღარ მიშლიდნენ ნერვებს... ერთ საინტერესო მოვლენას მინდა გავუხსვა ხაზი, მე არასოდეს არ მითქვამს: — „დედას გეფიცები“, არასოდეს დედა არ დამიფიცებია, რადგან ამდენმა დამცირებამ, ან უკვე გადატანილმა შეურაცხყოფებმა ჩემში რალაც „ნაშალა“, ყოველ შემთხვევაში გააუფერულა. მე მხოლოდ „მამას გეფიცები“-ის, ვიძახდი...

— ბატონო ალექსანდრე, თქვენი შეყვარებული როგორი გოგო იყო? შეიძლება აღწეროთ?

— ჰმ, გთხოვ ხვალ გამომიარე, საუბრის სურვილი წამერთვა, გთხოვ...

და სად გინახავს საკუთარი „ციხე-სიმაგრის“ ამლები მეფე? „პატარა“ ადამიანების ცხოვრების წესი „გულს ვინახისებთ დუხჭირი გვემით“... ვცდები?

ნაწილი 3

- დროულად მოსულხარ ჟურნალისტო.
- გამარჯობათ ბატონო ალექსანდრე.
- გამარჯობა სანდრო.
- მე ჩენი საუბრის სრული ვიდეო-ჩანაწერი მაქვს, წუხელი თავიდან ბოლომდე ვუყურე და ერთი უცნაური გრძნობა გამიჩნდა...
- რა გრძნობა?
- თითქოს „ადამიანთმცოდნეობის“ ლექციას მიტარებდით.

- საინტერესოა, ფრიად საინტერესო.
- თქვენი ნებართვით, ძალიან მინდა, რომ ჩემს სტატიამი თქვენი გამონათქვამები და აფორიზმები გამოვიყენო.
- კი ბატონო, მხოლოდ, მათ სწორედ გამოყენებას მიაქციე ყურადღება.
- გაგეღიმათ, ეს უკვე კარგია, მე ჯერ თქვენნაერი რესპოდენტი არ მყოლია.
- სად გინახავს საკუთარი ციხე-სიმაგრის ამლები მეფე?
- ვერ მივხვდი?
- მე, საკუთარ ისტორიას გულწრფელად გიამბობ, ეს არის ჩემი ციხესიმაგრე...
- ბატონო ალექსანდრე იქნებ განაგრძოთ თხრობა.
- კეთილი, კეთილი. მაშ ასე, უნივერსიტეტში უკვე ცნობილი სახე გავხდი, რამდენიმე სამეცნიერო კონკურსშიც მივიღე მონაწილეობა. ფაკულტეტის ხელმძღვანელობა ყურადღებას მიაქცევდა... იცი, გოგოებსაც მოვწონდი. ალბათ მომხიბვლელი ჭაბუკი ვიყავი. „ცოდვა გამხელილი ჯობიაო“ და ვიტყვი, არა ერთხელ მისარგებლია ამ „პრივილეგიით“. საოცრებას მხოლოდ თათია წარმოაადგენდა. შინაგანად საოცარი ლტოლვა გამიჩნდა ამ გოგოს მიმართ. ვერ გეტყვი და ვერც აგინერ იმ განცდას... მე ის მიყვარდა, მიყვარს და მთელი ჩემი სიცოცხლე მეყვარება....
- განაგრძეთ, მერე რა მოხდა?
- თვით მზეც არ არის უებრო, თავის ლაქებს სიკაშკაშის საბურველითა მალავს. ასე იყო ჩვენი ურთიერთობის დროსაც. მეოთხე კურსზე ვიყავი... მეტის მოთმენა აღარ შემეძლო და თათიას ხელი ვთხოვე. უნივერსიტეტის ბაღში დავუწოქე და ჩვენი მეგობრების და სტუდენტების თვალწინ ვთხოვე ხელი...
- დიდებულია...
- ჰმ, გეთანხმები... სტუდენტებს და ლექტორებს სხვა სლაპარაკო, მთელი თვის განმავლობაში აღარაფერი ჰქონდათ...
- მერე?
- ჩემმა ოჯახმა დიდი სურპრიზი გამიკეთა. მამაჩემმა თბილისში ბინა გვიყიდა და დედაჩემმა საკუთარი საქორწინო ბეჭედი გაუკეთა ხელზე თათიას. უბედნიერესი კაცი ვიყავი ჩემო სანდრო. რძალ-დედამ-

თილის ურთიერთობა ბევრ დედა-შვილს შემურდებოდა. ისევ აგორდა „ღვარძლის ბორბალი“, არამკითენი „ჩაერივნენ“ კეთილისმყოფლის მანტიასი „გამობრანჭულნი“ და ცალკე დედაჩემს და ცალკე ჩემს სიდედრს უნამლავდნენ გონებას. რამდენიმე თვის შემდეგ აშკარად ვიგრძენი მძახლების არა სათანადო შეხვედრა. თათია ფეხმძიმედ იყო...

ბატონი ალექსანდრე დადუმდა. შემდეგ ფეხზე წამოდგა, პალატის სარკმელთან მივიდა, ასე, ცოტა ხანს გაჰყურებდა შორეთს. თავი ნერვიულად გადაიქნია... კაცს ნიკაპი აუკანკალდა...

- სანდრო, გთხოვ ცოტა ხნით გადი ოთახიდან, გემუდარები...
- მე შემიძლია რამით დაგეხმაროთ?
- კი, მაგრამ შენ ვერ შესძლებ...
- რას ვერ შევძლებ?
- რომ ტყვია დამახალო შუბლში, ცოტა ხნით გადი...

პალატა დავტოვე. უცნაური მღელვარება მიბპრობდა. კაცი, რომელიც აფორიზმებით, მეტაფორებით, ანდაზებით და კიდევ რალაც საკუთარი პოეტური შეხედულებებით მესაუბრებოდა, ერთ საათში რადიკალურად შეიცვალა. რალაცის შემეშინდა. თითქოს აღარ მინდოდა ინტერვიუს გაგრძელება, ან... მისი სიმართლის შემეშინდა. რალაც საზარელი „სიმართლე“... ნახევარ საათში პალატის კარებზე დავაკაკუნე.

— მობრძანდი სანდრო. მომესმა ბატონი ალექსანდრეს ხმა. კარები შევალე. ჩემი რესპოდენტი სანოლზე წამონოლილიყო და წიგნს კითხულობდა. ალბათ გაოცება ამოიკითხა ჩემს თვალეში და წყნარი ხმით მითხრა:

- ნუ გიკვირს, გონების ყველაზე კარგი ექიმი წიგნია.
- რას კითხულობთ?
- „მე, ბებია, ილიკო და ილარიონი“
- კარგი წიგნია...
- გადამრევენ ეს მოხუცები, სულ ყველას „დობტური“ შვილიშვილი უნდა რომ ჰყავდეს..
- კი, მასეა. შემდეგ რა მოხდა ბატონო ალექსანდრე?
- შემდეგ ბავშვი შეგვეძინა, გოგონა... თამრიკო დავარქვით, თამარ-ქალი... ულამაზესი ბავშვი იყო ჩემი გოგონა... იყო ჩემო სანდრო, იყო... ოთხი წლის რომ გახდა ბავშვმა ზნე იცვალა, ნერვიული, რა-

ლაცნაირი ფსიქიური აშლილობები დასჩემდა. ჩემი ცუგრუმელა გოგო თამაშის დროს გონებას კარგავდა და ეცემოდა... ექიმთა მთელი „არ-მია“ დავასიეთ, ვერავინ ვერ დასვა დიაგნოზი, ბოლოს ერთი ძველი და გამოცდილი ექიმი ჩავრიეთ, მან თქვა, რომ ეს უნიკალური დავადება შთამომავლობით გადადის და მისი განკურნება თანამედროვე მედიცინისთვის უდიდეს სირთულეს წარმოდგენს, ის პრაქტიკულად განუკურნებელია. ეს დაავადება ჩემს შთამომავლობაში არავის ჰქონია, ეჭვი თათიას შთამომავლობაზე დადგა...

— რა ერქვა ამ დაავადებას“

— ეპილეფსია...

— სამწუხაროა...

— ოჯახი აირია, ქალები მაქსიმალურად ცდილობდნენ ერთმანეთისგან დისტანციაზე ყოფილიყვნენ... გოგონა ხელში გვაკვებოდა... თათია უკვე ცოცხლად დასტიროდა პირმშოს. ჯერი მამებზე მიდგა...

— იჩხუბეს?

— არა მეგობარო, არა. ორივე ოჯახის ტრაგედია ერთ ადამიანს უკავშირდებოდა და ერთ ადამიანში იყრიდა თავს...

— ვინ იყო ეს ადამიანი?

— თათიაც სუროგაციის გზით იყო მოვლენილი ამ ქვეყნად... მე და თათია და-ძმა ვიყავით...

პალატიდან გიჟივით გამოვარდი. რა მექნა არ ვიცოდი. საავადმყოფოს ეზოში ჰაერი ჩავისუნთქე, ვიფიქრე, ოდნავ მაინც განვიტვირთები და მერე დავბრუნდები მეთქი. ადამიანი, რომელმაც ამდენი სიავე გადაიტანა, ახალგაზრდა კაცმა დისერტაცია დაიცვა, მეცნიერებათა დოქტორი გახდა და ფაკულტეტზე ერთ-ერთ თვალსაჩინო ლექტორს წარმოადგენდა, უცებ... ეს წარმოუდგენელი იყო... უკან დავბრუნდი. პალატის კარები შევალე. ბატონი ალექსანდრე სანოლზე წამოწოლილიყო და წიგნს კიხულობდა...

— და თქვა ფრანსუამ, — „ხვალე გაიგებს ჩემი კისერი, რამდენად მძიმეაო ჩემი გაავა“, სანდრო მისმინე, დღეს ყველაფერს მოუნახვებს გამართლება ათასნაირი დოქტრინებით თუ „ფასეულობებით“, მაგრამ გახსოვდეს მარტივი შეგონება, რომელიც ჩვენ საზოგადოებას დამართეს კაცთმოძულე ადამიანებმა, მტერი უომრად დაგიმორჩილებს და მისი უფლებები შეგვახსენეს... განა ჩვენ უუფლებონი ვართ? განა ჩე-

მი შვილი სიცოცხლის უფლებააყრილი დაიბადა? განა მე და ჩემი და, ადამიანების კატეგორიას არ ვეკუთვნით?... მე და თათია გავშორდით როგორც ცოლ-ქმარი...

— იმ ქალს რა მოუვიდა?

— რა მოუვიდა? ვცემე, დაუნდობლად ვცემე... პოლიციამ დამაკავა... იმ ქალის დამცველებმა, მიუხედავად იმისა, რომ იცოდნენ რაში იყო საქმე მე დამადანაშაულებს და დღეს აქ ვარ... ჩემი სტუდენტებიც ამიმხედრეს და მე „კაცთმოძულეს“, ბოიკოტი გამომიცხადეს... თათიას მამამ თავი ჩამოიხრჩო, მამაჩემი კი...

— ღმერთო ჩემო!...

— სანდრო ხოსე მარტიმ ბრძანა: — „ყველაზე რთული პროფესია კაცობააო“, იმ ქალზე „იერიშის“ მიტანის მიზეზის გასაჯაროვებას ვერიდებოდი, ჯერ სიმთვრალე გავითამაშე, ხან რა და ხან რა, იცოდე, უთქმელი სიმართლე და უსახელო საფლავი, ერთი და იგივეა...

— წყალი შეიძლება?

— დალიე მეგობარო, ინებე.

წყალი დიდი ჩაის ჭიქით დავლე, ყელი მიშრებოდა, ვგრძნობდი რომ რაღაც „ბოზოქარი“ ჩასახლდა ჩემში.

— სანდრო, გთხოვ ნუ დანერ სტატიას ჩემი ისტორიის შესახებ, დანერე ისე, რომ საზოგადოება დაცული იყოს „ულირსი“ თავისუფლებისგან, რომ „თავისუფალი“ მხოლოდ იუდა იყო და ამიტომაც „ამბორით“ გაყიდა უფალი. დანერე, რომ დაიცვან ჩვენი შთამომავლები ჩემი ბიოლოგიური დედის მსგავსი ქალებისგან...

ბატონი ალექსანდრე უკვე ყვიროდა, გაშმაგებით აწყდებოდა ოთახის კედლებს...

— სანრო, საქმე კანონამდე როცა მიდის... იცოდე რაც უფრო ბევრია კანონი, მით უფრო მეტ უკანონობას და სიმდაბლეს ვაძლევთ პარპაშის უფლებას... დანერე... დანერე...

კაცი სანოლზე ჩამოჯდა, ცოტა ხანს მიყურა, შემდეგ წამოწვა და წიგნის კითხვა გნგრძო... ჩემი წასვლის დრო დადგა.

ნაწილი 4

მასმედია მართი აჟიოტაჟი ატეხა ბატონ ალექსანდრესთან დაკავშირებით. ათასნაირი ეპითეტებით ამკობდნენ მის პიროვნებას, სი-

მართლეს გეტყვი, ხანდახან კარგი გამოხმაურებებიც გვხვდებოდა პრესის ფურცლებზე. ტელე-ეკრანებიდან უფლება-დამცველი, ვინმე ექსპერტი, დუჟმორეული ჰკიცხადა ბატონ ალექსანდრეს და მისთვის მეცნიერებათა დოქტორის ნოდების ჩამორთმევასაც ითხოვდა. კიდეც, ვინ მოსთვლის რამდენი იყბედეს, დიახ იყბედეს რადგან თემა მიეცათ. ბატონი ალექსანდრე ხომ მაღალი სამეცნიერო საზოგადოების წევრი იყო...

სალამოს ჩემმა მეგობარმა პროკურორმა დამირეკა. მთხოვა, როგორც დამოუკიდებელი მედიის წევრი, სასამართლოში მივსულიყავი და სიუჟეტი მომემზადებინა, თან ჩემი აზრიც დამეფიქსირებინა. მივხვდი, უნივერსიტეტს არ სურდა მაღალი დონის სპეციალისტის დაკარგვა და აგორებული „შავი პიარი“, ინტელექტუალურ საზოგადოებას იოლად დასაძლევ თემად მიაჩნდა. დღის წესრიგში ორი განსხვავებული ზნეობის და ორი განსხვავებული მსოფმხედველობის საზოგადოების ჭიდილი იდგა. სასამართლო დარბაზში პირველად ვიყავი. საოცრად მთრგუნავი „ატმოსფერო“ მეჩვენა. როგორც ყოველთვის საქმის განხილვა „მოთელვით“ დაიწყო. პროკურატურამ დამსწრე საზოგადოებას საქმის მასალები გააცნო და მკაფიოდ გამოკვეთილი არგუმენტები მიაწოდა. ადვოკატთა „დეული“, „ხელთათმანის გადაგდების“ გარეშე დაიწყო. ოოო, რა მკაცრი იყო „სუროგატი დედის“ დამცველი, გაკაპასებული ითხოვდა ბატონ ალექსანდრეს სამაგალითოდ დასჯას, რამეთუ მაღალი ინტელექტის და სოციალური მდგომარეობის ადამიანებს მეტი პასუხისმგებლობა და ტაქტის გამოჩენას ავალდებულებდა... გაუსაძლისი და დამამცირებელი იყო ყოველივე რაც იქ ითქვა. ვერასოდეს წარმოვიდგენდი ამდენი სიბილნის ნთხევას...

დამოუკიდებელ „მედისაც“ მოგვცეს სიტყვის თქმის უფლება. შეგიძლიათ წარმოიდგინოთ ჩემი მდგომარეობა? ფეხზე დინჯად ავდექი და სასამართლოს კათედრის წინ მოწმეებისთვის განკუთვნილი სავარძლისკენ გავემართე. მიკვირდა ჩემი სიმშვიდე. თვალი „მსჯავრდებულისკენ“ გავაპარე... ბატონი ალექსანდრე დაჟინებული მიცქერდა, გაელიმა... ისიც შევმჩნიე თუ რამდენი სითბო დარჩენილა მის „არსში“... და მე დავინყე...

— მოგესალმებით პატივცემულო საზოგადოებავ, საინტერესოა რითი განვსაზღვრავთ პიროვნების მიერ ჩადენილი დანაშაულის თუ

უდანაშაულობის განმსაზღვრელ მოტივს. ვხედავ გელიმებათ ბატონო იურისტებო, მომიტევეთ თუ თქვენს „ენას“ ჯეროვნად ვერ ვფლობ. ჩვენი საზოგადოება დაავადებულია. „პირმცინარე“ ვირუსი, „თვალ-ცრემლიანი“, უკვდავების უფლებას ითხოვს და რას ვხედავ მე აქ?! დაბრძენებული ცინიზმი, იდეოლოგიური „მამა“ გამხდარა და „მჩაგვრელ“ ჭეშმარიტებას, „ჩაგრულის“ უფლებებით ესაუბრება. განა ცოტაა სასჯელი რაც „სუროგატი“ დედისგან ერგო მსჯავრდებულს? განა არ გყოფნით ტრაგედიად, რომ შვილი, პირმშო, საკუთარი მამის ხელით ჩასვენდა სამუდამო განსასვენებელში? განა არ გყოფნით ნყევლად, რომ უცნობმა ძმამ, უცნობი „და“, შეირთო ცოლად? თქვენ კი... თქვენ, ქალბატონო, ნუთუ ვერ გრძნობთ, რომ ამ ტრაგედიის მიზეზი თქვენ ხართ? ხელი აღმართაო, ქალი სცემაო, დაჩაგრა, თურმე ღირსება ფეხქვეშ გაუთელავს მიუსაფარი დედაკაცისა, ასე თქვენ ბრძანებთ, მაშ იქნებ მითხრათ, დამნაშავე თუ არის კიდეც საძებარი ამ ქალის გარდა? რიტორიკულ კითხვას დაგისვამთ, ეს ქალი „ნახევრად სავსე“ დედაა თუ „ნახევრად ცარიელი“ მშობელი? არჩევანის უფლება, შეფასების სისწორე, ეს არის მთავარი, რადგან ჯანმრთელი სული შეიძლება გაანახევრო და ადამიანის გაბოროტებას მისცე დასაბამი, ცარიელი სულის საჭურჭლე კი, ბოროტებით შეავსო და „შვა“ ბოროტებად ადამიანი. იქნება ვცდები? მე არ ვიცი, რადგან ადამიანია ბოროტების სახიერება დედამინაზე, მაშ რასა სჯით! თქვენ ბატონებო?! პიროვნული ღირსებით აღსავსე ადამიანებს, რომლებიც სხვისი სულმოკლეობით, განახევრებული ღირსებით განაგრძობენ ყოფას, თუ ცარიელ სანყაულს, სანახევროდ, სულმოკლეობით რომ შეივსო სული, საჭურჭლე?!... „დუმილის „ოქრო“, ოცდაათ ვერცხლად შეიძინა სატანამ“... მოსამარლენო! ბატონო პროკურო და მსჯავრმდებლო! რად გეშინიათ უზნეოთა „ფერადოვნების“? თქვენ ხომ იცით თემიდა ბრმაა და მხოლოდ ესმის... მაშ მინდა გკითხოთ თქვენ, „სუროგატთა“ დიდო ამაღავ, დროშებით ხელში რომ ყიჟინებთ პათოსს უცნაურს, მხარს თუ დაუჭერთ თქვენ, სიავის მდაბალ ზნეობას და ბოროტებას დაუმიკვიდრებთ ტურფა სავანეს. „სიმართლე მოკვდა და ფერფლიდან აღსდგა მეძავი“, ვიცი გამკიცხავთ ამ სიტყვებისთვის, მაგრამ ამ ქალმა იცოდა თავისი უკურნებელი სენის შესახებ, მან იცოდა, რომ ეს დაავადება შთამომავლობითია და მაინც აიღო თავის

თავზე „დედობის“ ტვირთი, ეს თქვენც იცით, ნაირფერ დროშებქვემ დარაზმულო მოყიყენენო. ვის ესარჩლებით? მანდილოსანთან დამოკიდებულება ლამის რელიგიის დარი მცნებაა საქართველოში, მაშინ თქვენც, „ზოგიერთნო“! იქნებ თავადაც გაიზიაროთ პასუხისმგებლობა, „გულში ზიხართ და ყელში ნუ ამოხვალთ“, გახსოვთ ეს გამონათქვამი? მოსამართლენო! თქვენ თავად ხედავთ, რომ სიმართლის საძებნელად არ არიან მოსულნი... მე თავისუფალი ჟურნალისტი ვარ და დიდ იმედებს არ ვამყარებ, რომ აქედან გასვლის შემდეგ, მეც კათაკმეველთა „სიმართლის“, უზენაესობის დამთრგუნველად და „ძე შეცთომილად“ არ შემრაცხოთ საზოგადოების წინაშე. ბატონებო! ნუ მიუგებთ სასჯელს ბატონ ალექსანდრეს, რამე თუ, იმაზე მეტ სასჯელს, რაც უკვე უმართებულოდ ზღა ამ ადამიანმა, თქვენ ვერ მიუსჯით, ნურც იმ ქალს დასჯით, რადგან შიმშილმა სძლია და საკუთარი სხეული „პურის ტალონად“ გამოიყენა. ყველა დასჯილია, ყველაზე მეტად კი ინტელექტუალური ადამიანი, რომლის გონებაში მსგავსი ბოროტების წარმოდგენაც კი შეუძლებელი იყო, „ზნედაცემულ“, ყბედთა საძმოა გამარჯვებული... ამ სიტყვების მნიშვნელობას თქვენ თავად მიხედვით... ვის უნდა გამოუტანოთ განაჩენი ბატონო მოსამართლევი?! ან თქვენ მბრალმდებელო, საზოგადოებას როგორ უნდა შეხედოთ თვალეში? მე ჭეშმარიტი საზოგადოება მყავს მხედველობაში და არა კარგად დაფინანსებული „უზნეთა ლეგიონი“... ადამიანში თუ მოკლავთ სიმართლეს, მაშინ ზნეობა სისხლისგან დაიცლება, რადგან მწამს, „ლიბერალიზმი, სისხლისგან დაცლილი ზნეობა“. ეხლა რაღა ვქნათ? ქალმა დაამარცხა მამაკაცი? თუ მამაკაცმა დაამარცხა ქალი? იქნება შეცდა დარვინი?... მე კიდევ ბევრი შემიძლია ვილაპარაკო, მაგრამ მხოლოდ კანის მოთხოვნებს დაეყრდნობით, გამოიტანთ განაჩენს და ამიტომაც ჩემს საუბარს აზრი ეკარგება. მე მაქვს საშუალება ვრცელი სტატია დავწერო ამ საქმესთან დაკავშირებით, ტელევიზიითაც მიწევს გამოსვლა და ამ თემას, აუცილებლად გავაშუქებ, მაგრამ მხოლოდ თქვენმა გადანყვეტილებამ უნდა მიკარნახოს ჩემი „პათოსი“... მადლობთ ყურადღებისთვის.

რამდენიმე წუთი დარბაზში სრული სიჩუმე ჩამოვარდა. მოსამართლემ ადვოკატებს საბოლოო სიტყვის უფლება მისცა და მოუღდნელად სიტყვა სუროგატმა დედამ ითხოვა...

— ქალბატონებო და ბატონებო, მე სრულიად ვიზიარებ ჩემს მძიმე ხვედრს ვიყო შეჩვენებული საზოგადოების მიერ, რადგან მე ნამდვილად ვიცოდი ჩემი დაავადების შესახებ და მე, დიდი „გასამრჯელოს“ გამო უარვყავი ყოველგვარი ზნეობრივი პრინციპები. მე არავითარი უფლება არ მაქვს ბრალი დავდო ჩემს „შვილებს“, ჩემდამი ასეთი დამოკიდებულების გამო... მე უკან გამაქვს ჩემი სარჩელი ბატონო მოსამართლე, ჩვენს ქვეყანაში არ არსებობს სისტემა, რომელიც „სუროგატი“ დედების გენეოლოგიას შეისწავლის და ერთგვარ სისტემურ ხასიათს მისცემს ამ „სამსახურს“... ამაზე იზრუნეთ... მე მივმართავ ჩემს „შვილებს“, მე ტალახის ღირსი ვარ და „სირცხვილის ბოძზეა“ ჩემი ადგილი... მე კანონი ვერ დამსჯის, ანდა ამაზე მეტად კიდევ რითი უნდა დავისაჯო ნეტავ?

ის მონყევით „დაეცა“ სკამზე. სრულიად განადგურებული და სასონარკვეთილი ადამიანი ვიხილე მაშინ პირველად...

სასამართლომ ბატონი ალექსანდრე პასუხისმგებლობიდან გაანთავისუფლა, კათედრაზეც აღადგინეს, წილად მეც მხვდა მადლობა, ჩემი მეგობარი პროკურორისგან....

ბატონ ალექსანდრეს უნივერსიტეტის კიბეებთან შევხვდი. ამ ორიოდ თვეში, რაც საქმის განხილვას და სასამართლო პროცესებს დასჭირდა, „დაებერებინა“ კაცი...

— გამარჯობა ბატონო ალექსანდრე, როგორ ბრძანდებით?

— გამარჯობა მეგობარო, მიხარია შენი ხილვა, ნელ-ნელა ძალას ვიკრებ... დაოჯახებას უკვე ვერც მე და ვერ ჩემი „და“ ველარ შევძლებთ, ამიტომ... ამიტომ მიუსაფარ ბავშვთა სახლის აღსაზრდელებზე დავინყეთ ზრუნვა, ალბათ ბავშვებსაც ვიშვილებთ და... იცი კიდევ რა მინდა გითხრა, „ვაჟა-ფშაველა“, „აკაკი ბაქრაძე“, „ილია ჭავჭავაძე“ და კიდევ ჩვენი ერის მამების პუბლიცისტური და მხატვრული ნაწარმოებები წაიკითხე, კარგად წაიკითხე... იცი გაბრიელ მარკესი ძალიან დიდია, მაგრამ გურამ დოჩანაშვილი მასზე მეტია, გეტყვი, ნუ იქნები „დონ კიხოტი“, რადგან ქვეყანა სარჩიმელების სათარეშოა და მუშნის ზნეობის ადამიანები კი, ძალიან ცოტაა, არც თუთაშხიას ზნეობის და ფილოსოფიის მქონე ადამიანების პოვნაა იოლი... ბევრს გელაპარაკები... აგერ ჩემი „და“ მოდის, უნდა შევეგებო... ალბათ ორივეს ერთად უფრო გაგვიოლდება ამ ცხოვრების „მძიმე ჯვრის“ ტარება, ვიდრე სასუფევლამდე... მადლობთ მეგობარო... ბედნიერებას ყვარებოდე უკუნისამდე...

დროის პატარა რაინდი

სუფრა ყალყზე დგებოდა. თამადა მაღლიანი ქართულით, ბულ-ბულს სვამდა ჭიქაზე. ჩემი დედ-მამაც შემოგვესწრო, ისევ აიშალა სფრა, თამადამ მამაჩემი გვერდში მოსვა. დედამ პატარა ამანათი გადმომცა, — „დაბადების დღეს გილოცავ“, ღიმილით მითხრა შევერცხლილმა დედამ და თან დააყოლა: — „გულით გიძღვნი და ხელიდან არ მოიშორო“. ჩემი ყალთაბანდი ვაჟი, საბუკა მიუცუცქვდა გამზრდელ ბებიას. სუფრის რიტმს მივყვებოდი და შეზარხოშებულს ბებია და შვილიშვილის დიალოგი მომხვდა ყურს...

— ბეე, საათი გულით გაჩუქეო რატომ უთხარი მამიკოს?

— იმიტომ, რომ როცა აღარ ვიქნები, ეს საათი ჩემს თავს შეახსენებს...

— რატომ არ იქნები?

— როცა წავალ მერე... მერე... რომ აღარ ვიქნები...

— რომ წახვალ ისევ ხომ დაბრუნდები?

— მე სულ შენთან ვიქნები...

— მოკვდები?...

— ხო.. და მამიკოს ეს საათი ჩემს თავს მოაგონებს...

საბა ბებიის კალთიდან ჩამოვიდა, გვერდიდან მომიარა და კოლოფიდან საათი ამოიღო, ერთხანს უყურა, ხელში ატრიალებდა, „არ გაგივარდეს მამიკო“, ნაზად მივმართე, სიტყვა არ დამემთავრებინა, რომ საბამ საათი მძლავრად მოიქნია და კედელს მიანარცხა. ნამსხვრევებად ქცეულს ახლა ფეხი დაჰკრა, შემდეგ ნამსხვრევეები აიღო და ჩემს გვერდით სუფრაზე დაყარა.

— ეს რა ჰქენი შე მამაძაღლო?

აღმომხდა გაბრაზებულს.

— რატომ ჰქენი მამიკო?

საბუკა დუმდა. პატარა ხელები დაემუშტა. ვაჟი ბრდღვიალა თვალებით მიცქერდა. სტუმრები განაბულნი გვიყურებდნენ. ყურს არვინ უგდებდა ბებიის და დედის ქოთქოთს.

— ის საათი ბებიამ გულით გაჩუქა... ის საათი ბებოს დროს უთვლიდა რომ ჩვენგან წავიდეს... რომ მოკვდეს... მე ის გვატყებ... და-

ვამტვრიე... ის ბეზიას დროს ვეღარ დაუთვლის... ბეზია ჩემთან დარჩება... ბეზია ჩემია...

გული ამომიჯდა. ბავშვი ხელში ავიყვანე, საბას ცრემლები, ღანვებზე ლავასავით მეღვრებოდა. ყველანი სდუმდნენ. თამადამ ჭიქა ასწია.

— ეს სადღეგრძელო, გაჩენის დღიდან, ჯერ არც ერთ თამადას არ შეუსვამს, დროის შემმუსვრელ ერთადერთ რაინდს, ქართველს, საბას გაუმარჯოს...

ყური აღარ მიგდია ვინ რას ამბობდა...

„მაპატიე მამიკო“, ჩამჩურჩულა ყურში შვილმა.

— „მადლობთ შვილო“.

ვუთხარი და ჩემი პირმშო გულში ჩავიკარი. ბავშვმა ხელები გამაშვებინა. „ბებომ დამაძინოსო“, წარმოთქვა და პატარა რაინდი ბებოს გულში ჩაეკრა.

ცხვარიჭამიაში...

მოჭიდავეები, ცხვარიჭამიაში, ბანაკში წაგვიყვანეს. მაშინ მეშვიდე კლასში ვიყავი. კარგად მახსოვს უმშვენიერეს ბუნებაში პატარა კოტეჯებით მოფანტული ბანაკის ტერიტორია. ერთ კოტეჯში მე და ჩემი ხუთი თანაგუნდელი დაგვაბინავეს. მაშინდელი წესებით, დილის ცხრა საათზე ხელპირდაბანილები, დილის საუზმეზე, სასადილოში უნდა გამოვცხადებულიყავით, მერე ცოტა ხანს გვასვენებდნენ და იწყებოდა ვარჯიში. კინოც გვქონდა. ცუდი ის იყო, რომ კინოში, სულ „დაჩეხილი“ ფილმები მოჰქონდათ, აქაო და ბავშვებმა „ცუდს“ არაფერს შეავლონ თვალი და არ გაირყვნენო.

ჩვენს ბანაკში, ცალკე მესერით შემოფარგლურ ტერიტორაზე, „ყრუ-მუნჯების“ რამდენიმე ლამაზი კოტეჯი იდგა. ბანაკის მედ-პუნქტიც იქ იყო გახსნილი. დილით მწვრთნელებმა გვითხრეს, — „ყრუ-მუნჯების“ ბანაკში ბავშვები ჩამოჰყავთ ბელორუსიიდან და ბანაკის ადმინისტრაციამ გვთხოვა თქვენმა ბიჭებმა არ შეგვარცხვინონო“. იმ დღეს „იკარუსით“ ჩამოიყვანეს ჩვენი ბელორუსი თანატოლები. სტუმარ-მასპინძლობა მოითხოვდა, რომ ორგანიზებულად დავხვედროდით და სტუმრებს ბარგის კოტეჯებამდე მიტანაში დავხმარებოდით. ჩვე-

ნი მისია წარმატებით შევასრულეთ. იმ დღეს ვარჯიშს ადრე მოვრჩით. არ ვიცი რატომ, მაგრამ მეზობელი ბანაკისკენ გამინია გულმა. მათ ტერიტორიაზე შევედი და იქვე სკვერში ცარიელ ბუნგალოში „დავიდე ბინა“. იქ არაფერი განსაკუთრებული არ ხდებოდა, გარდა იმისა, რომ თამაშის დროს ბავშვები სდუმდნენ. უცნაური შეგრძნება დამეუფლა. ისინი ფერდაკარგულ ყვავილებს ჰგავდნენ, თითქოს მათი სურნელიც მიეტაცებინა „უცხო“ და ეულად მიეტოვებინა უნაპირო ველზე. ისინი თვალებით, ჩემთვის გაუგებარი ხელის მოძრაობებით „ესუბრებოდნენ“ ერთმანეთს. ერთი გოგონა განცალკევებულიყო, სახელდახელოდ შეჭედულ ფიცრის სკამზე მარტოდ იჯდა და მიწას დაჰყურებდა. ხელში თოჯინა ეჭირა, სათამაშო, ეტყობა სიმარტოვეს უვსებდა, რადგან გოგონას „პლასტმასის მეგობარი“ გვერდზე მოესვა და მხოლოდ მდუმარედ თუ გადახედავდა „თანამოსუბრეს“. გავბედე და გოგონასთან მივედი. მივესალმე. — „გაგიმარჯოსო“, თავის დაკვრით მიპასუხა. ჩემი „ნაცოდვილარი“ რუსულით, თავი გავაცანი. გოგონა ხანდახან ამომხედავდა, მაკვირდებოდა, მშვიდი და საოცრად თბილი თვალებით მიმზერდა. ის თვალების ენით მესაუბრებოდა. შემდეგ პატარაჩანთიდან უბის ნიგნაკი ამოიღო. სანერ-კალამი მოიმარჯვა და დაწერა, „მე მქვია ელენა“. რუსული კითხვა საბედნიეროდ ვიცოდი. „მე გიორგი მქვია“, გავუღიმე მე. მე ვესაუბრებოდი, ის კი წერდა და ასე ავანყეთ დიალოგი. მეორე დღეს, ვარჯიშის შემდეგ, კვლავ ვესტუმრე ელენას, გასეირნება შევთავაზე, ხელებით „ამიხსნა“, რომ „ტერიტორიიდან გასვლის უფლება არა მაქვსო“. არ მინდოდა ბედს დავმორჩილებოდი, ელენას ხელი ჩავჭიდე და მათ პედაგოგთან მივედი, — „თუ ნებას დამრთავთ მინდორში გავისეირნებთ მეთქი“. პედაგოგმა გამიღიმა. ჩემთვის გაუგებარ „ენაზე“ ერთუროს რალაც უთხრეს და გოგონამ გაიღიმა... იცით რა ლამაზი იყო ელენა? გასეირნების ნება დავგრეთეს. მინდვრის ყვავილებს ესმოდათ გოგონას ენა. ფეხებში ებლანდებოდნენ, გარს ეკვროდნენ, ჭიამაიების და პეპლების ენაც იცოდა ელენამ, ფოთოლთ შრიალით აჟღერებული, ჩემთვის უცნობი მუსიკის ჰანგებზე ვალსს ეცეკვებოდა ბუნება, ყვავილთა „ხელებით“ ეფერებოდა მას. გვირილები დავკრიფეთ. ძალიან მინდოდა ყვავილებისგან გვირგვინის დაწვნა, მაგრამ არაფერი გამომდიოდა. გოგონას გაელიმა, ჩემს ხელებს შეეხო და ჩემივე ხელის გულებზე ყვავილთა

გვირგვინი დამინა. საოცარი შეგრძნება დამეუფლა. გოგონა მილიმოდ, მეც... ვუღიმი, ალბათ რა საცოდავი ვიყავი, არ ვიცოდი როგორ მოვეცეოდი ბუნებისგან გამეტებულ მშვენიერებას. მისივე დანული გვირგვინით თავი შევუმოსე, მხოლოდ ეს მოვიფქვე. ვუცქერდი, „რა ლამაზი ხარ ელენა“ დამარცვლით ვუთხარი და გავნითლდი, აღმური მომედო სახეზე. ელენამ მაკოცა... „მადლობით“, მიპასუხა ჩემმა დედოფალმა.

ორი კვირა ყოველ დღე ვხვდებოდით ერთმანეთს. მწვრთნელმა შეჯიბრი დანიშნა. სპორტ-სკოლის ნაკრების სავარაუდო შემადგენლობა უნდა გაერკვიათ მწვრთნელებს. ელენას შეჯიბრის წინა დღეს შევხვდი. მონყენილი იყო, ჩემი „მდუმარე ოცნება“. შეჯიბრის შესახებ ვუთხარი. ისიც ვუთხარი, რომ „ხვალ ვერ შევხვდებოდი, მწვრთნელები არ გამომიშვებდნენ, ზეგ შეჯიბრია...“. ელენამ დიდხანს მიყურა, მერე უბის წიგნაკი ამოიღო და „მითხრა“: „ზეგ სახლში ვბრუნდებით და შეიძლება ველარ გნახო“-ო. გადავირიე. რა მექნა აღარ ვიცოდი. ელენას სუსტ, გრძელ თითებს ვეფერებოდი, ერთი სული მქონდა გულში ჩამეკრა, მაგრამ ვერ ვბედავდი...

შეჯიბრი დაიწყო. აღარ მინდოდა ნაკრები, აღარც ჭიდაობა მიტაცებდა ფალავანს. ზეგ ელენა მიდიოდა და ალბათ ველარასდროს ვნახავდი. „სანამ მე დარბაზში ვიქნები ის წავა, სამუდამოდ წავა და... მე ის მიყვარს...“

ზაზას უნდა შევხვედროდი, ის ჩემზე უფროსიც იყო და ჩემზე ძლიერიც. ვიცოდი წავაგებდი და არ ვნერვიულობდი. ზაზამ თავის „ტორებში“ მომიხელთა... ერთიც და მთელი ძალით ტატამს დამახეთქა. დარბაზში საშინელი კივილი გაისმა... ტატამთან ელენა იდგა. მერე შებრუნდა და სირბილით მაყურებელთა რიგებისკენ გაიქცა. თვალი გავაყოლე, მეორე რიგში თავისი პედაგოგის წინ ჩაიჩოქა. ვერ გეტყვით ჩემში რა მოხდა, არც ის ვიცი, რა ძალა მოზღვავედა ჩემში, „ვაზარი“ ხელი ასწია მწვრთნელმა. ზაზასკენ ჯიქურ წავედი... რა ილეთი გავაკეთე დღემდე არ ვიცი, მხოლოდ ის მახსოვს რომ ზაზა ბეჭებით დავაკარი ლეიბს. ზაზა გაოგნებული მიყურებდა, მწვრთნელმა ორივე ხელი ასწია... შეხვედრა მოვიგე, მაგრამ... ფეხშიშველა გავიქეცი ელენასკენ, მივუახლოვდი, — „მიდიხარ?“ ვკითხე გულამომჯდარმა, — „კი“, მიპასუხა გოგომ. ახლოს მისვლას ვერ ვბედავდი, ვერც „დამშვი-

დობების“ უფლებას ვაძლევდი ჩემს თავს. გოგონა მიმიხვდა. მომიახლოვდა, ხელები წელზე მომხვია და სხეულზე მომეკრა. ხალხით სავსე დარბაზში სრული სიჩუმე სუფევდა... მხოლოდ ჩემი გულის ბაგაბუგი არღვევდა მღუმარებას.

— მიყვარხარ...

პირველად მაშინ ვთქვი ეს სიტყვა.

— „მეც“....

თვალებით მიპასუხა ელენამ.

ელენა წავიდა...

რატომღაც დღეს გამახსენდა ეს ისტორია და ის ფოტო მომაგონდა ერთად რომ გადავიღეთ მინდორში მე და ელენამ.

ძველი ფოტოების ალბომი გადმოვიღე და სურათს ძებნა დავუწყე ...

— რას ეძებ?

მკითხა მეუღლემ

— ერთ ფოტოს, ცხვარიჭამიაში მაქვს გადაღებული. ვუპასუხე მე. ადრე ჩემს მეუღლეს ეს ისტორია მოვუყევი...

— გიორგი, ორმოცდაათი წლის ხარ და არ „ბერდები“...

— გინდა რომ დავბერდე?

— არა, არ მინდა, შენთან ისევ ოცი წლის გოგო მგონია საკუთარი თავი, მე მოვძებნი იმ სურათს... გპირდები, გულით მოვძებნი...

ალბათ მომიძებნის... რა დამაძინებს ამაღამ ელენა...

ერთი ქალის ისტორია

(ეს ნაწარმოები მხოლოდ ჩემი ფანტაზიის ნაყოფია და რეალობასთან არაფერი აქვს საერთო)

ჩემი მეგობარი მომიყვა ამ ისტორიას. გულწრფელი სინანულით იხსენებდა დეტალებს, საგამოძიებო მოქმედებების შესახებ თხრობისას, ხშირად ყოვნდებოდა და ამ ამბის გასაგრძელებლად შესაბამის სიტყვებს ეძებდა. ალბათ მთავარი მომქმედი პირის და საქმის მსვლელობისას გამოვლენილი სხვა პირების ვინაობის გამხელისგან

თავი შეიკავა. თითქმის ორი საათი მიყვებოდა ამ ისტორიას. სახეზე ნერვიულობისგან, ხან წამოწითლდებოდა, ხან უიმედოდ გადაიქნევედა თავს და სადღაც შორეთს გაჰყურებდა. მერე არაფერი მოსვა. თითქოს კიდევ აპირებდა რაღაცის თქმას და თავდახრილმა გაბზარული ხმით მითხრა:

— მეგობარო, ეს რაც მოგიყევი ყველაფერი სიმართლეა, ბუნებრივია მე ვერ დავასახელებ იმ პირების ვინაობას ვინც საქმეში ფიგურირებდნენ, ვერც იმ ქალის ვინაობას გაგიმხელ... შენ ხომ მწერალი ხარ და ორიოდ გვერდი დაწერე ამ ადამიანის შესახებ, ან მოთხრობა მიუძღვენი მას. შენი ფანტაზია ჩააქსოვე. იცი, შენი საშუალებით ვალი მინდა მოვიხადო ამ ქალის წინაშე...

შემდეგ ჭიქაში არაფერი დაისხა, ერთ ხანს ხელში აწვალებდა სასმისს და მერე თქვა: — „ნათელი დაგადგეს, წესიერებისგან უარყოფილო, კეთილშობილო ქალბატონო!“ — ჭიქა ერთბაშად გამოსცალა და ფეხზე წამოდგა. მე მიყურებდა. შემდეგ სადარბაზო კარებისკენ გაემართა. ჩემი სტუმარი წასვლას აპირებდა. მხოლოდ ერთი შეკითხვა დავეუსვი მას:

— რა დავარქვა ამ მოთხრობას?

— ერთი ქალის ისტორია. მიპასუხა და სადარბაზოს კარი გაიხურა.

სანერ მაგიდასთან დავჯექი, ფურცლების დასტა გვერდით დავიდე და სანერ-კალამი მოვიმარჯვე. ვფიქრობდი თხრობა როგორ დამეწყო. იმ დღეს პირველ ფურცელზე მხოლოდ სათაური დავწერე:

„ერთი ქალის ისტორია“.

— ... კი შე, კაცო, რავა არ მახსოვს ეგ გოგო, ეგერ დიდი ჭადარი რომ დგია იქანა ცხოვრობდნენ... ახლა კედლებილაა შემორჩენილი, გაძარცვეს იქაობა, კარ-ფანჯარა აღარ შეარჩინეს სახლს. ასე იციან, „პატრონი აღარა ჰყავსო“ და ქე ჰქნეს ეს უხიაგი საქმე იმ მამაძაღლებმა... შენ ვინ ხარ შვილო? ან იმ ოჯახის ამბავი რაზე იკითხე?

— მე მწერალი ვარ ძია კაცო, გავიგე ამ ოჯახის შესახებ და მაინტერესებს...

— კაია თუ გაინტერესებს, მარა სანამ ის გოგო დაილუპებოდა, მანამდე რატომ არ დაინტერესდით შვილო?

— აბა რა გითხრათ? ამ ქალბატონის ისტორია, ერთმა ჩემმა მეგობარმა მომიყვა და მეც გადავწყვიტე უფრო დეტალურად გამეგო ყველაფერი ამ ოჯახის შესახებ.

— კი, კარგია, მოგეცა ლენა, მაგრამ იცი რას გეტყვი?! სიკეთის ქმნა უჭირთ ადამიანებს, რადგან „გასცეს“ გამო, „მეტს რომ ვერ მიიღებს“, შიშით განზე დგომას ამჯობინებენ და შორიდან მოთვალთვალე მაკივარ ტურებს ემსგავსებიან სავალალოდ.

— თქვენ შეგიძლიათ ამ ოჯახის შესახებ მომიყვიეთ?

— კი, რაღა არ შემიძლია შე კაცო, ბიძა ვარ მე ანანოსი და რამაზისი, მათი ბებია დეიდა იყო ჩემი...

— მიამბეთ რაც გახსოვთ, გთხოვთ...

— კაი, მასე იყოს, წამოდი ჩემთან, ბუხართან ჩამოვჯდეთ და მოგიყვები რაც მახსოვს...

„იმ წელიწადს სკოლას ამთავრებდა ანანო, სოფლის თვალი იყო, მზეთუნახავი, საშუალო სიმაღლის, ოდნავ ტანსრული, მარგალიტე-ბივით კბილებს შემოგანათებდა მომლიმარი, თაფლისფერი თვალები უღიმოდა, ხმაც რაღაცნაირი თბილი ჰქონდა გოგოს. ოჯახს, ბებია სიდონია უძღვებოდა. რუდუნებით ზრდიდა შვილიშვილებს. პატარა რამაზი ჯერ მეხუთე კლასში იყო, მაგრამ ოჯახში კაცობდა ვაჟი. მხოლოდ მაშინ „უჭირდა“ პატარა კაცს, როცა სკოლაში ცუდ ნიშანს მიიღებდა, გამზრდელი ბებიისგან დასჯა არ ასცდებოდა ხოლმე „ოჯახის უფროსს“. ანანო დედის მაგივრობას უწევდა ყმანვილ კაცს, გულის სითბოთი ზრდიდა ძმას და ისიც თავისი „სიდარბაისლით“ პატივს მიაგებდა მოამაგე დას. ხშირად უნახავთ, სკოლიდან მომავალ ანანოს ვინმე აბეზარი ბიჭი თუ გამოეკიდებოდა, ჯოხით ან ქვით შეიარაღებული რამაზი, თავქუდმოგლეჯილი რომ გარბოდა დის დასაცავად, ერთგული რაინდივით, ედგა მხარში დას, ისე, არც ქვის სროლას თაკილობდა „კაცი“, ანანოს ბევრ კლასელს უგემია რამაზის ნასროლი ქვის „გემო“ და არც უფროსებისგან დაჩაგვრის შიში ჰქონია როდესმე, თუ საქმე დის დაცვაზე მიდგებოდა. სახლში კი, დის სიტყვას „ზურგს არ შეაქცევდა“ პატარა ვაჟკაცი, ხან მიეპარებოდა მძინარე ანანოს და ნაზად ჰკოცნიდა ლოყაზე...

ანანო ქუთაისში აპირებდა სწავლის გაგრძელებას. საგამოცდოდ გულმოდგინედ ემზადებოდა აბიტურიენტი.

ქუთაისში მეგობრებთან ერთად წავიდა ანანო. „ბავშვები ერთად გაიზარდნენ, ერთად ყოფნა უცხო ქალაქში გაუადვილებთ ცხოვრებას და გაუცხოვებისგან იხსნითო ერთდმეზრდილებს“, ალბათ ასე გადწყვიტეს სხვა ბავშვების მშობლებმაც და მარტოები გაუშვეს... ერთი ამ ხალხის გამაგებინა რაიმე, ჯერ სკოლის მერხი არ ჰქონდათ დავინყებულნი ბავშვებს და ასე უპატრონოდ რაღა გაუშვეს უცხო ქალაქში ნეტავ?

ანანო გამოცდაზე ჩაიჭრა. სირცხვილელულად უკან დაბრუნება ითაკილა გოგომ და ერთ, თავის ნთესავს მიეკედლა, „ეგება სამსახური მაინც ვიშოვო, მერე ბინას ვიქირავებ და თანაც მომავალი წლისთვის საგამოცდოდ მოვემზადები“-ო. ასე იფიქრა ალბათ. კი, სამსახური უშოვნეს, დღისით სამკერვალო ფაბრიკაში მუშად მუშაობდა და დღეგამოშვებით საავადმყოფოში სანიტრად მოეწყო. ხელფასი იმდენი კი ჰქონდა, რომ საკუთარ თავს გამოკვებავდა და თუ ბინასაც იქირავებდა შიმშილით არ „მოკვდებოდა“. თანაც როგორც სანიტარს ავადმყოფების მომსახურებაში ერთ-ორ კაპიკსაც ჩუქნიდნენ თავდგმურები. მეცადინეობით კი... მომზადებას ველარ ასწრებდა, საქმემ გადაიყოლა ახალგაზრდა ქალი. შემოდგომაზე იყო ამოსული სოფელში, ჩირივით იყო გამომხმარი. სოფლის ავტობუსს გამოჰყოლია გოგო, მშობლიური სანახების დანახვამ გული აუჩქროლა ქალიშვილს. რამდენიმე თვეა, ფეხი არ დაუდგამს აქაურობას, მონატრების „ხვაშიაღმა“ აუფორიაქა სული....

— ბებიააა... შორიდან დაუძახა ეზოში მოფუსფუსე მოხუცს შვილიშვილმა. მოხუცმა ხელით მოიჩრდილა, ნათელმა გადაჰკრა სახეზე...

— შენ შემოგველოს ბებია, როგორც იქნა ჩამოხვედი შვილო?!...

„იმ საღამოს სიდონიას ოჯახში ვიქეიფეთ, სუფრას თავს ანანო დასტრიალებდა... რამაზი კაცივით გვერდში გვეჯდა...

ეხ, ეხ, ეხ, ნეტავი არ ჩამოსულიყო მაშინ...

— რატომ ბატონო? ვიკითხე გაკვირვებულმა.

— სოფელში ერთი ჩვენი მეზობლის ნათესავი, ახალგაზრდა კაცი სტუმრობდა. იცოცხლე კარგი დარბაისელი საუბარი იცოდა იმან და ვერც ქცევაში დასდებდი წუნს, ხოდა მოეწონა ეს ჩვენი ანანო...

— მერე?

— მერე რა შვილო? ხომ იცი სოფელში რავარც ხდება, ჩვე-რია ხალხი და გაარიგეს საქმე. საცოდაობაში ჩავდგით ყველამ ფეხი.

თვრამეტი წლის გოგოს, ჯერ თვალებიც რომ არა აქვს „ახელილი“, ოჯახის ტვირთის ზიდვა „მიუსაჯეს“. ანანო კიდეც რამდენჯერმე იყო ამოსული სოფელში, ერთხელ, ის ჩემი ცოდვით სავსე, იმ ბიჭთან ერთად ამოვიდა მანქანით. ბედნიერება დასათამაშებდა სახეზე შეყვარებულ ქალს... „მალე ვიქორწინებთო“ ასე თქვა ოჯახში...

ჩემმა მასპინძელმა პაპიროსი ამოიღო ჯიბიდან, მუშტუკში „გაკვეხა“ და მძიმედ გააბოლა თამბაქო...

— შემდეგ რა მოხდა?

ვიკითხე მოუთმენლად.

— შემდეგ... შემდეგ რამდენიმე თვე აღარ ამოსულა სოფელში. ამბობდნენ დაოჯახდნენო, ზოგი იმასაც ამბობდა სოფელში აპირებენო ქორწილის გადახდას, ვისაც არ ეზარებოდა ყველას ეს თემა ეკერა პირზე. ზოგი უფრო შორს „წავიდა“ და „ანანოს საქმეს უკეთებენ ინსტიტუტში რომ ჩააბაროსო“.

მოკლედ, ანანო ფეხმძიმედ ყოფილა... იმ ბიჭს მიუტოვებია „საცოლე“ და წასულა. იქნა ნათესავებს აუთვალწუნებიათ, „ბუმის შემოყვანას ხომ არ გვიპირებო ოჯახში“. დაიბნა ახალგაზრდა ქალი. სამსახურშიც აღმაცერად დაუნყეს ყურება. მეგობრებმა ბავშვის მოშორება ურჩიეს, მაგრამ უკვე დაგვიანებული იყო. სოფელმა გაიგო ანანოს ამბავი, საცოდავი ბებიაძისი სირცხვილით იწვოდა, მეზობლებს თვალეში ვერ უყურებდა... პატარა რამაზიც დაიჩაგრა, ვინ იცის რას არ უწოდებდნენ მის დას... რცხვენოდა ბიჭს, ტოლ-მეგობრებიც თავს არიდებდნენ თავმოყვარე „კაცს“. ანანო სამშობიაროში დაანვინეს, მხოლოდ რამდენიმე ბავშვობის მეგობარი თუ მოიკითხავდა მშობიარეს. პატარა გოგონა შობა, დედობა არ გახარებია გოგოს, ან იქნებ უხაროდა... ვინ იცის...

— იმ ბავშვის მამამ გაიგო?

ვიკითხე ჩემს მოამბეს.

— კი, გაიგო.

იქედნურად გაელიმა ჩემს თანამოსაუბრეს.

— გაიგო და... მშობლებთან და პოლიციელთან ერთად მიადგა ახალწამშობიარე ქალს, რაღა ბევრი გავაგრძელო, ანანოს ბავშვის გაშვილება შესთავაზეს...

— მერე?

— მერე... ის პოლიციელი დაემუქრა თურმე, „ოჯახის არევას არ გაპატიებთო, ციხეში ამოგალპობო მეძაობისთვის“-ო, დააშინეს ასული და... ისიც დათანხმდა.

— გააშვილა ბავშვი?

— ხო, გააშვილა... ფული კი ბლომად მისცეს... ანანო სოფელში ამოვიდა, ერთ დროს სანაქეპო ასულს თანასოფლელები აღმაცერად უყურებდნენ, ძმამაც არ მიიღო გამზრდელი და... ანანო ორიოდე კვირა დარჩა სახლში და ისევ გაემგზავრა, სოფელში არავის არ სურდა მასთან ურთიერთობა, ქუთაისშიც აღარ დაედგომებოდა, აღმაცერად უყურებდნენ ძველი ნაცნობ-მეგობრები, „შვილი გაყიდაო ნაძირალამ“ ზურგს უკან ქირქილებდნენ მავანნი. ამჯერად თბილისში გასწია გომი, ფული კი ჰქონდა, ბლომად ჰქონდა.

* * *

ვაგზლის ბაზრობა, როგორც ყოველთვის დილის შვიდი საათიდან უკვე გუგუნებდა. დისტრიბუტორები, მებითუმეები, მყიდველ-გამყიდველები. უსაშველო ქაოსი, ერთ ლოგიკურ ჭეშმარიტებას, ფულის შოვნას ემსახურებოდა. ძნელი მისახვედრი არ არის, რომ აქ მთავარი კრიტერიუმი შოვნაა, ხო, მხოლოდ ფულის შოვნა. რაიონებიდან ჩამოსული ვაჭრები ბითუმად ყიდულობდნენ საქონელს. ფასსზე მორიგება დიპლომატიის „ევერსტამდე“ იყო ასული. ესეც ხომ ხელოვნებაა? მალაზიების და სანყობების რიგი, ქუჩის ორივე მხარეს იყო „ჩალაგებული“, უმეტესობა შერეული საქონლით ვაჭრობდა, ხოლო ბაზარზე ფასების კანონმდებლები კი, ერთი მიმართულების, ან უფრო სწორედ რომ ვთქვათ, ერთი, რომელიმე ფირმის პროდუქციის „მონოპოლისტები“ იყვნენ და კონკურენტები, ერთმანეთთან „საერთაშორისო სტანდარტების“ მოლაპარაკებებს აწარმოებდნენ. ქალბატონი ანანო უკვე სახელგანთქმული მებითუმე გახლდათ. ბაზრობაზე ტკბილეულის ბიზნესის ერთ-ერთი კორიფე გახლდათ და მის სიტყვას დიდი ფასი ჰქონდა. ამბობდნენ: „შვილმკვდარი დედააო, ქმარს გაშორებია, ვიღაც ნაძირალა ყოფილაო, და ეხლა მარტო ცხოვრობსო“, ზოგისთვის სულერთი იყო ამ ქალბატონის ისტორია, მხოლოდ მისგან მიღებული ჯამაგირი ან გამორჩენა აინტერესბდათ.

მდიდარი ქალი იყო ანანო. აგერ უკვე ათი წელია პირველობას არავის უთმობდა ქალბატონი. რამდენი „კაი ბიჭი“ გაუსტუმრებია ხელმოცარული და ბევრი „მაგარი ტიპისთვისაც“ დაუმტვრევია „რქები“.

ანანო თავის კაბინეტში იჯდა და რალაცას ანგარიშობდა, ალბათ ბალანსს აკეთებდა ბიზნესუშენი. ოფისის კარი გამყიდველმა შემოალო:

— ანანო, ვილაც სიმპათიური კაცია მოსული და შენ გკითხულობს...

— შემოუშვი.

მოკლედ მიუგო ქალმა გამყიდველს.

კაბინეტში საკმაოდ ელეგანტურად ჩაცმული, სიმპათიური მამაკაცი შემოვიდა.

— გამარჯობა ანანო.

— გამარჯობათ.

ზრდილობიანად მიესალმა ქალბატონი სტუმარს.

— არ მეგონა რომ ვერ მიცნობდი.

— მართლა? ვინ ბრძანდებით ბატონო?

— მე?... მე თქვენი შვილის მამა ვარ...

მორიდებული სიამაყით მიმართა მოსულმა.

— ხოო, გამახსენდი. გაზრდილხარ და დავაჟკაცებულხარ...

— სკამს არ შემომთავაზებ?

— დაჯექი...

— როგორ ხარ ანანო? ვხედავ დიდ საქმეებს შეჭიდებიხარ, ფულსაც კარგად შოულობ ალბათ.

— ეგ შენი საქმე არ არის, რისთვის მოხვედი?

— ფულისთვის...

— ვააა, არ გადამრიო? რა იყო? რა მოხდა?

— რატომ დამცინი ანანო?

— არ დაგცინი, მაინტერესებს რაში უნდა სჭირდებოდეს შენისთანა ადამიანს ფული?

— საქმისთვის მჭირდება.

— ეხლა მისმინე. აქ მეორედ მოსული აღარ გნახო შე სალახანა, თორემ ისეთ დღეს დაგანევ შენი ცოდვით ქვა ბლაოდეს...

— ნამდვილი ბაზრის ქალის ტერმინებით საუბრობ, მაშინ კეთილშობილი ახალგაზრდა გოგო იყავი, ყველასთვის სანატრელი ასული...

— მერე? ის ასული შენ გენდო და რა მიიღო სანაცვლოთ?

— ანანო ძველ ისტორიებს ნუ გავიხსენებთ. მე შემიძლია მეგობრობა, ეხლა გთხოვ ფული მომეცი, ხუთი ათასი დოლარი მჭირდება და თავს დაგანებებ.

— ნუ დამანებებ...

გადაიხარხარა ანანომ, შემდეგ გარეთ მოფუსფუსე მუშებს გასცხა:

— ბიჭებო შემოდით!

კაბინეტში ორი ახალგაზრდა დაკუნთული კაცი შემოვიდა, სტუმარს მიესლმნენ და ანანოს მიაჩერდნენ. ქალის ღვარძლიანი ღიმილი პირველად იხილეს თანამშრომლებმა. ანანომ კბილებში გამოსცრა:

— ეს ნაძირალა აქედან გაათრიეთ და მეორედ აქ აღარ შემოუშვათ, შეასრულეთ!

ქალი კაბინეტში მარტო დარჩა. ცრემლები მოეძალა, მრავლის მნახველ ანანოს. ბევრმა წყალმა ჩაიარა მის ცხოვრებაში, ბევრჯერ კედლებს ახეთქებდა თავანწყვეტილი ცხოვრების დუჟმორეული სტიქია. დირექტორი ფეხზე წამოდგა, პატარა სარკმლიდან გადახედა თავის „სამფლობელოს“, რამდენიმე წუთი იქაურობა სულერთი გახდა მისთვის, საკუთარი თავის სიბრაღულს ახლოს არ იკარებდა ბიზნეს-ვუმენი. ერთადერთი მესაიდუმლე შემორჩა ამ წლების განმავლობაში, ეს მისი დღიური გახლდათ. სწორედ ამ დღიურში წერდა ქალი თავისი განცდების, სიხარულის და მწუხარების შესახებ, მხოლოდ დღიურის ფურცლებს ანდობდა სანუკვარ ფიქრებს. „უსულო“ მეგობართან ისურვა „საუბარი“ ანანომ, მის სუფთა სხეულზე სურდა დაენერა ცხოვრების უსამართლობა, მხოლოდ დღიური ეგულებოდა ქალს ერთგულ „მოსაუბრედ“, მხოლოდ მას ანდობდა თავს გადახდენილ უბედურებას და მარტოობის ვარამს...

— ეს ნაძირალა კიდევ მომაკითხავს, პასუხსაც საკადრისს მიიღებს, ჰმ, „ჩემი შვილის მამა“...

ქალმა დღიური გადაშალა...

„ქალი ხომ მცირე მოცულობის სამყაროა თავისი ფიქრებით, მტანჯველი, ხანაც ფერადოვანი ოცნებების სანყისი უალტერნატივო სამყარო! მაგრამ დგება სიცარიელე, გზა არსაით... მხოლოდ იმედი ბჭუტავს სიცარიელეში და მკვდარი იმედის ჭირისუფალიც სიცარიელეა

მხოლოდ. ვილაცა იმედს არარსებულ საზოგადოებაში ეძებს, საკუთარი თავის გამართლების დასაყრდენს ილუზიაში წარმოსახვაში შექმნილ ზეგარდმო ძალების იმედად რჩება და ავინყდება, რომ უსულგულო საზოგადოება სურგრძელობის მასწავლებლად ვერ გამოდგება. ქალი სიყვარულისთვის ისჯება მხოლოდ, ნურასდროს განსჯი ქალს ოცნებისთვის მეგობარო, ნურც დასცინებ და ნურც უარჰყოფ, რადგან ქალი ბედნიერების ენთუზიაზმის მშობელია...”

წერა შეანყვეტინეს ანანოს. ფოსტალიონის მოსვლა ამცნეს დირექტორს. რამაზი წერდა დას... „ბებია ძალიან ცუდად არის, გთხოვ ჩამოუსწარი“. გულმა რეჩხი უყო მრავალ ნაცად ქალბატონს.

სოფელში დაბინდებისას ჩავიდა ანანო, ეზოს ჭიშკარი ღია დახვდა. მანქანა იქვე გომურის გვერდით დააყენა და სახლის კიბეებს შეუყვავა გულდამძიმებული. თანასოფლელები და მეზობლები კიბის თავში შემოეგებნენ. ბებიის გარდაცვალებას უსამძიმებდნენ, ზოგი ვალდებულების გამო და ზოგიც გულისთქმით. სახლში შევიდა ანანო. ბებიის უსულო სხეული სასახლეში ჩავსვენებინათ, რამაზი ჭირისუფლობდა და კიდევ რამდენიმე ნათესავი ქალი თავს დასტრიალებდა მიცვალებულს. გაოცებულები შეჰყურებდნენ ანანოს მოტრიალენი და მოტირალნი, კერპად ქცეულიყო მისი სახე, ცრემლის ნასახიც კი არ უკრთოდა თვალებში. მძიმედ მიუახლოვდა ცხედარს, დააცქერდა, შემდეგ დაიხარა და ბებიის გაციებული სხეული გულში ჩაიკრა, „მაპატიე, სიცოცხლე გაგიმწარე, მაპატიე ბებია“, უეცრად კივილი აღმოხდა და ცრემლი წასკდა. რამაზი დასთან მივიდა, მისი წამოყენება სცადა. ატირებული და, ბავშვივით ჩაიხუტა გულში და სავარძელთან მიიყვანა.

მეორე დღეს სოფლის მოქირქილე ქალები შორიდან ჭვრეტდნენ ანანოს, რას ჩურჩულებდნენ, ან რას „უქადაგებდნენ“ ნეტავ ერთმანეთს. ანანოს და რამაზის, ბავშვობის მეგობრები გვერდიდან არ სცილდებოდნენ, უსიტყვოდ კეთდებოდა საქმე.

— გამარჯობა ანანო, ვიზიარებ თქვენს მწუხარებას.

ნაცნობი ღულუნა ხმა ჩაესმა თავდახრილ შაოსანს. თავი ასწია და წინ, მისი კლასელი ხვიჩა იდგა.

— მადლობთ ჩემო ხვიჩა დაფასებისთვის. როგორ ხარ? ცოლ-შვილი როგორ გყავს?

— მაგდლობთ. შვილები კარგად მყავს, ეგ არის მეუღლე გამშორდა შარშან...

— რატომ?

— საზღვარგარეთ წავიდნენ ქალები სამუშაოდ, ორი წლის თავზე წერილი მოიწერა აღარ მელოდო, გავთხოვდი. ორი ბავშვი მყავს, ბიჭი და გოგო. პატარები არიან ჯერ და მიჭირს მათი აღზრდა და მოვლა....

— თუ გეხმარებათ მაინც შენი ყოფილი ცოლი?

— წერილებს გვიგზავნი ხშირად.

გაელიმა ხვიჩას.

— ისე შენ არ შეცვლილხარ, ისეთივე ცქრიალა გოგო ხარ სკოლიდან რომ მახსოვს ისეთი. ახლა წავედი მე, ბოდიში რომ შეგანუხე საუბრით.

— ხვიჩა, რალაც მინდა გთხოვო.

მიმართა ანანომ.

— გისნენ ანანო.

ანანომ საფულებად ფული ამოიღო და ჩუმად ჩაუდო ჯიბეში ხვიჩას, მერე სახე ყურთან ახლოს მიუწია და უთხრა:

— ბავშვებს უთხარი დედამ გამოგვიგზავნა თქო, უარი არ მითხრა გემუდარები,

ხვიჩა გაკვირვებული უმზერდა სიყრმის მეგობარს, შემდეგ მდუმარედ მიბრუნდა და წავიდა. კარებში გამავალმა მოიხედა, თბილი მაღლიერი ღიმილით უმზერდა ანანოს.

ბებიას დაკრძალვიდან მესამე დღეს რამაზიმ და ანანომ მამისეული სახლის კარი გადარაზეს და თბილისში წავიდნენ.

დამ, ძმის მომავალზე დაინყო ზრუნვა.

ანანოს დღიურიდან

„რა საცოდავია კანონებით ჩაქოლილი ჭეშმარიტება, რადგან ადამიანებს სჩვევიათ თავს უფლება მისცენ ერთდოულად იყვნენ მოსამართლენიც და ბრალმდებელნიც. ჩემი ცხოვრება სხვათა საქილიკო შეიქმნა, რადგან უკეთესი ვერა მოიფიქრეს რა, უნებლიე შეცდომა გახდა ჩემი პიროვნების მსაზღვრელი. ხშირად მისმენია

წარსულით მოამაყე ადამიანებისთვის და მივმხვდარვარ, რომ მხოლოდ წარსულით ისინი ამაყობენ, ვისაც აწყობში საამაყო არაფერი აქვთ. მე ჩემი წარსულით ვერ ვიამაყებ, მე მხოლოდ აწყობში ვცხოვრობ და მომავალს ჩემი ხელით ვჭედ, რადგან იმედის ნაბოძებ ბედნიერების ლატარეას უნდობლად ვეკიდები და მიმაჩნია, ბედნიერების საბადო არ არსებობს, რომ მოიპოვო, მისთვის უნდა იბრძოლო თავგამოდებით.

ხშირად მსჯიან ჩემი შეცდომების გამო, მე ვეთანხმები მათ, მაგრამ ვამბობ, შეცდომა მოქმედებას მოსდევს, ხოლო უმოქმედობა კი უკვე შეცდომაა.

რანი ვართ? ხშირად გონებას და გულს მირევს ეს შეკითხვა. მრავალი წლის შემდეგ მივხვდი უცილო ჭეშმარიტებას, ადამიანები, ადამიანებით თამაშობენ. პრიციპები კი მარტივი აქვთ, რადგან საკუთარი ბედნიერებით დაბრმავებული, სხვისი ტკივილის მიმართ ყრუა. კანონებიც ასეა ხშირად, რადგან კანონის დამცველის ფორმა უფორმო სულის ადამიანსაც აცვია.

ადამიანები სულიერი საზრდოს მიხედვით იყოფიან დიდ და პატარა ადამიანებად და რა მარტივია მათი ამოცნობა. ბევრჯერ წაქცეულვარ და წაქცეულს ჭკუის დამრიგებლების ნაკლებობა არ განმიცდია, მხოლოდ ეგ არის, ფეხზე დამყენებული არ გამომდგარა არც ერთი.

ადამიანებს მრავალსახეობა გვიზიდავს და ამას გარდასახვის უნარს ვეძახით, ხოლო ერთსახიერება კი მოსაწყენია, ასევეა სიცრუე სიმართლესთან მიმართებაში. დიან ასეთია ადამიანი ბუნება, ის მზად არის ყველაფერს მოუძებნოს გამამრთლებელი არგუმენტი გარდა სიმართლის აღიარებისა.

ჩემს თავს ყოველთვის ვარწმუნებ „არასოდეს შეგეშინდეს მომავლის, რადგან შიშს მორიელის თვისება აქვს, რითაც არ უნდა კვებო მაინც დაგკბენს“.

ხშირად მსმენია „ცხოვრება სკოლაა“, ასეა, ცხოვრება ერთგვარი სკოლაა, რომლის „გაკვეთილებსაც“ მუდმივად ვაცდენთ და „სწორად გადასადგმელ ნაბიჯებს“ შატალოზე გავეპარებით. ცხოვრებამ მასწავლა ადამიანში პიროვნება რაც უფრო „ღრმა“ უფრო ნაკლებად „ხმაურობს“.

ანანომ მანქანა სახლთან, სადარბაზოს წინ გააჩერა. ბარგის ჩამოლაგებას შეუდგნენ და-ძმა. ოჯახის კარი გაუღო ერთადერთ ძვირფას ადამიანს ანანომ და უხაროდა, რომ უშურველად შეეძლო გულის სითბო ვინმესთვის მიეძღვნა. რამაზი მორცხვობდა, სოფელში გაზრდილი ახალგაზრდა კაცი ვერ ეგუებოდა ოთხ „კედელს“. ღამე, ახლად ჩაძინებულმა ანანომ მკაფიოდ იგრძნო, როგორც ბავშვობაში, ვილაცამ აკოცა ლოყაზე და უკვე კარგად დავიწყებული, „მთავარანგელოზის მაღლი შეგენიოს ანუშკა“-ო ჩაესმა.

ანანო არ შემცდარა, თავისი „გაყიდული“ შვილის მამა ისევ გამოეცხადა. იმ დილით ძმასთან ერთად საწყობის აღწერას აწარმოებდა დირექტორი და მისი თანაშემწე, ძმა, გულმოდგინედ ეხმარებოდა მას. მუშებიც ფუსფუსებდნენ, გამყიდველები სექციონერების ფუნქციას ითავსებდნენ და მათდამი დაქვემდებარებული საქონლის ნაშთის დათვლას აწარმოებდნენ. საწყობის კარზე მოურიდებელი ბრაზხუნი გაისმა. ასე „დაკაკუნებას“ ვერავინ ბედავდა, ბაზრობის სტრუქტურის ყოველი ნევრი კარგად აცნობიერებდა ანანოს ავტორიტეტის სიდიდეს. კარები მუშამ გააღო, გაღეშილმა მთვრალმა გადმოაბიჯა ზღურბლს...

ჩხუბი სტუმარმა დაიწყო, პირველი დარტყმა რამაზმა მიიღო, მონყვეტილი დაეცა ჭაბუკი. მერე მუშებისკენ გაიწია და აღარ გაუმართლა მოსულს...

გამოძახებულმა პოლიციამ ალიაქოთის ავტორი მანქანის უკანა სავარძელზე დასვა, ბორკილებ დადებული „მეამბოხე“ განყოფილებაში გააქანეს და შიდა კამერების ჩანაწერების ასლებიც წაიღეს.

ანანოს სერიოზული საფრთხე შეიძლებოდა დამუქრებოდა, არავინ უწყის მისი „ყოფილი“, რომელი საზოგადოების ნევრი იყო. ერთადერთი რისი გაგებაც სურდა ქალს, საკუთარი, ან უკვე გაყიდული შვილის ასავალ-დასავალის გაგება სურდა მხოლოდ. საჩივრის დაწერაზე თავს იკავებდა, თავისი „ყოფილის“ მხარეს დაჰპირდა, თუ ბავშვის ადგილსამყოფელს გაუმხელდნენ საჩივრის დაწერისგან თავს შეიკავებდა და ამ ამბავსაც დავიწყებდა სამუდამოდ. შედეგს ვერ მიაღწია... „არ ვიცითო“, შემოუთვალეს მათ. სასამართლოზე ბრალდებულის მხარემ „გაყიდული“ ბავშვის თემა წამოატივტივა. ეს მოიძო „ყოფილმა“ დებოშის ატეხვის მიზეზად. სასამართლო მოკვლევამ უკვე

ცალკე გამოძიება დაიწყო. ანანოს ნერვული შეტევების მთელი კასკადი დაატყდა თავს. მეძავს, ნაძირალა ქალს და ვინ იცის კიდევ რას არ ეძახდნენ. სოფლის დედაკაცებიც „მიეხმარნენ“ „ყოფილს“, „უნამუსო და გარყვნილი ქალი“, ასე ახასიათებდნენ დედაკაცები. მაღალ დონეზე იზრუნა „ყოფილის“ მხარემ და საქმეში იმ პერიოდის სამშობიაროს ექიმები ჩართეს, რომლებიც ბავშვის გაშვილებაში მონაწილეობდნენ. საბუთები ორიგინალების სახით წარედგინა ბრალდების მხარეს. გამოსავალი კი ამ სიტუაციიდან არ ჩანდა. ერთადერთი მოთხოვნა, რაც ანანომ წამოაყენა ბავშვის ადგილსამყოფელის დადგენა გახლდათ. სასამართლომ ბავშვის სასარგებლოდ და ჰუმანური მოსაზრებით, ეს თხოვნა არ დააკმაყოფილა. „ყოფილის“ მხარემ ფინანსურ თაღლითობაშიც დასდო ბრალი ანანოს. საქმე უკიდურესად დაიძაბა. ანანოს ციხე ემუქრებოდა. რამაზი ყველანაირად ცდილობდა დის დახმარებას მაგრამ რითი დაეწყო ან რა მოემეოქმედებინა არ იცოდა.

— ბრალდების მხარე...

თავდაჯერებული ხმით ამეტყველდა სახელმწიფო ბრალმდებელი:

— მიიჩნევს, რომ აღნიშნული საქმე უნდა დაბრუნდეს ძიებაში მისი დეტალურად შესწავლის გამო...

ბაზრობის „საზოგადოება“ ზიზლით უყურებდა ანანოს, ვაჭრობამ იკლო. ანანოს პარტნიორები უკვე ნაკლებ ყურადღებას აქცევდნენ მათ მრავალწლიანი პარტნიორობის ისტორიას.

ანანოსთვის გადამწყვეტი ბრძოლა დაიწყო. მას ან ყველაფერი უნდა დაეკარგა, ან... ვინ იცის...

საგამოძიებო მასალების მხედვით და დაკითხვის ოქმებიდან გამომდინარე, იქ ეწერა:

„ანანომ სასიყვარულო ურთიერთობა დაამყარა მამაკაცთან მისი შეცდენის და შესაბამისად შესაძლო ქონების გაყოფის მიზნით...

დაფენძიმდა გაურკვეველ ვითარებაში...

ფენძიმობის ავანტიურისტულად გამოყენება...

მამაკაცზე ფსიქოლოგიური ზეწოლა...

ბავშვის შესაძლო მამობაზე „ყოფილი“ პასუხისმგებლობას იხსნიდა იმ მოტივით რომ... და ასე შემდეგ...

ანანო სახლში. მისაღებ ოთახში სავარძელში იჯდა, სიგარეტს სიგარეტზე ეწეოდა... ნერვიულობდა...

„რა საოცარია ეს ცხოვრება და რა იოლია ადამიანის ავტორიტეტის შელახვა, მიუხედავად იმისა იმსახურებს თუ არა მას მავანი. საკმარისია ინტერესების მიზანმიმართული გამოყენება და ყველაფრის კადრება, მთავარია ყველაფერი იკადრო, რადგან ასეთი სახის „ბრძოლის“ მოსაგებად ყოველი ხერხი მისაღებია, მთავარია გამარჯვება და ამისთვის უკან დახევა დაუშვებელია. გამარჯვება ყოველთვის გამარჯვებაა და მისი მსაჯული დრო ვერ იქნება, რადგან დრო გამარჯვებულის ვინაობას აღიარებს და არა დამარცხებული მხარის მონაწილეთა სულისკვეთებას, რაოდენ პათეთიკურიც არ უნდა იყოს მათი ემოცია, დამარცხება ყოველთვის დამარცხებაა“.

— ანანო!

წყნარად წამოიწყო საუბარი რამაზიმ.

— იქნება შევხვდეთ იმათ. ადგილი თავად აირჩიონ, მათ ტერიტორიაზე დავეგემოთ შეხვედრა, გვიგოთ რას მოითხოვენ ჩვენგან...

— ჩემო კარგო, მათ ფული და ჩემი ბიზნესის ხელში ჩაგდება სურთ, ბავშვის თემა მხოლოდ საშუალებაა ჩემზე ზენოლის მოსახდენად...

კარზე ზარის ხმა გაისმა. კარი რამაზიმ გააღო. ოთახში უცნობი ახალგაზრდა კაცი და ანანოს ადვოკატი შემოვიდა. პროკურატურის გამოძიებლად გაეცნო უცნობი. საუბარი ადვოკატმა წამოიწყო:

— ანანო, ჩვენ ჩაგვივარდა ხელში დოკუმენტები, რომელიც ცხადყოფენ თქვენი „ყოფილის“ დანაშაულებრივ საქმიანობას, კერძოდ „რეკეტს“, იგი ფულის გამოძალვაში იყო ეჭვმიტანილი და საქმე თითქმის გამოუძიებლად დაიხურა, რადგან დაზარალებულმა საჩივარი უკან გაიტანა, ამ საქმეში პოლიციის კაპიტანი ფიგურირებს, რომლის გვარი თქვენ გაასაჯაროეთ სასამართლოზე. ის კაცი კანონშეუსაბამო მოქმედებების და თანამდებობის ბოროტად გამოყენების გამო სამსახურიდან გაანთავისუფლეს. დღეს ის კაცი ვნახეთ და აი მისი ჩვენება თქვენი შვილის გაშვილებასთან დაკავშირებით. აქ სამშობიარო სახლის გინეკოლოგის ჩვენებაცაა, ხო მართლა, მათი ჩვენებები ფირზე გვაქვს ჩანერილი მონმეების თანხლებით...

— ბატონებო მე ის კაცი უნდა გავანადგურო, გესმით?! მან მთელი სიცოცხლე ჯოჯოხეთად მიქცია და ეხლა მე მსურს სამაგიერო გადაუხადო...

— მესმის თქვენი...

რბილი და სანდომიანი ხმით ამეტყველდა გამომძიებელი.

— ჩვენ ზედმინვნით, დეტალურად შევისწავლეთ თქვენი საქმე და გთხოვთ უკიდურესობაში ნუ ჩავარდებით, ჩვენ მოვიგებთ, ანუ თქვენ მოიგებთ ამ საქმეს.

— დიდი მადლობა ბატონებო, მე რით შემიძლია მადლობა გადაგიხადოთ?

აცრემლბული, აკანკალებული ამეტყველდა ანანო.

— არაფრით, ოღონდ თქვენი ინიციატივით არაფერი მოიმოქმედოთ, შევთანხმდით?

დაეკითხა გამომძიებელი.

— როგორც მიზრძანებთ ბატონებო. მინდა გთხოვოთ, თუკი რაიმე გაუთვალისწინებელი დამემართება, რამაზის უპატრონეთ, ჩვენ ერთმანეთის მეტი არავინ გვყავს, გთხოვთ... მე მთელი ჩემი ბიზნესისა და საკუთრებაში არსებული ქონების თანამონილედ გავაფორმე კანონიერად. ჩემი შესძლო...

— ანანო დაწყნარდით, ყველაფერი მონესრიგდება.

დააიძედა ადვოკატმა.

მამაკაცები წავიდნენ. ანანო ტიროდა. პირველად ხედავდა ძმა მოთქმით მოტირალ დას.

სასამართლომ ყველა პუნქტში გაამართლა ანანო. მისი დაცვა უპრეცედენტო სიზუსტით მოქმედებდა, მტკიცებულებები ყოველმხრივ ადასტურებდა მის უდანაშაულობას. ვერც ფინანსურმა პოლიციამ წარადგინა ვერავითარი დანაშაულის შემცველი დოკუმენტი. ანანო გამართლდა. ანანოს ადვოკატმა ცილისწამების მუხლით მოითხოვა საქმის აღძვრა „ყოფილის“ მიმართ.

ბაზრობის კეთილშობილმა საზოგადოებამ უკვე იცოდა სასამართლოში მომხდარი ამბების შესახებ...

— ანანო ჯიგარი ხარ!

სადღაც შორიდან სიხარულით ეძახდა თამბაქოს მებითუმე „კოლეგას“ და კიდევ ბევრი, ბევრი... სხვა მორბოდა, ქალს გამარჯვებას ულოცავდნენ, მხოლოდ რამაზი იდგა ცალკე და დის ბედნიერებით ტკბებოდა.

ეს ამბავი ორი წლის წინ მოხდა.

არავის აღარ შეუწუხებია და-ძმა. ალბათ ადამიანმა სერიოზული განსაცდელი უნდა გამოიაროს რომ თვანლათლივ დაინახოს სიმართლესა და სიცრუეს შორის მუდმივი მბორგავი „ფრონტის ხაზი“.

ანანო სახლში ყვავილებით ხელში დაბრუნდა. ბედნიერი ღიმილი უნათებდა სახეს ახალგაზრდა ქალს.

— რალაც ძალიან გახარებული ხარ, მოხდა რამე?

ღიმილი შეაგება რამაზმა.

— ხო, ასეა ჩემო კარგო.

უპასუხა დამ და ხელზე მბზინავი ნიშნობის ბეჭედი დაანახა ძმას.

— არაფერი არ მკითხო, მე თავად გეტყვი, ლადომ ცოლობა მთხოვა, მეც დავთანხმდი. უკვე ხუთი წელია ერთმანეთს ვიცნობთ. ერთ სფეროში ვმუშაობთ და კარგად გვესმის ერთმანეთის. რამაზ, ეს ყველაფერი, ჩემი სახლ-კარი შენი საკუთრებაა ძმაო. ჩემი ბიზნესის დიდი წილი უკვე შენ გექუთვნის და დააყენე საშველი იმ გოგოს, სანამ უნდა უგზავნო ვარდები? მოკიდე ხელი და მოიყვანე, კარგი გოგოა, მშრომელი, პატიოსან ოჯახშია გაზრდილი, გვერდში დაგიდგება და ოჯახს გაგიმშვენიერებს... თანაც მული არ შეხვდება „მზითვში“.

გადაიკისკისა ანანომ.

დაბნეული და გახარებული უმზერდა რამაზი დას.

რამაზიმაც აღარ დააყოვნა და შეყვარებულის მშობლებს გოგოს ხელი სთხოვა. ქორწილი დაინიშნა.

ჯვრისწერის დღეს განსაკუთრებით ლამაზად მოიკაზმა ანანო. საქმროს გვერდით დაუდგა საული. რამდენიმე დღეში მათი ქორწილიც უნდა გაემართა წყვილს, რამაზის ბედნიერებით ტკბებოდა და... ჯვარდანერილი წყვილი ტაძრიდან გამოვიდა, მოლოცვების „კორიანტელი“ დააყენეს მაყრებმა...

მოულოდნელად რამაზის სხეულზე სისხლმა იფეთქა, პატარძლის კაბაც წითლად შეიღება, პატარძალი კიოდა... მხოლოდ რამდენიმე წამში ნიაგმა „მოიტანა“ თოფის ქუხილის ხმა. იარაღ-მომარჯვებული იდგა „ყოფილი“. ცოტა ხანს უცქერდა სანახაობას, შემდეგ კი მანქანაში ჩაჯდა და დიდი სიჩქარით მოწყდა ადგილს.

— მხარშია დაჭრილი, გადარჩება... სიცოცხლისთვის საშიში არ არის...

შემფოთებული ხმები ესმოდა ანანოს.

— რამაზ ხმა გამეცი!

მუხლებზე დაჩოქილი ევედრებოდა და ძმას.

— დანყნარდი, მხოლოდ გამკანრა, დამშვიდდი ანანო...

მთელი ძალისხმევა დასჭირდა კაცს გაღიმებისთვის.

ანანო მანქანისკენ გაიქცა. ძრავა ჩართო და მთელი სისწრაფით ადგილიდან მოსწყვიტა მანქანა. წითელი ჯიპი თავანყვეტილი მიჰქროდა ტრასაზე, მოსახვევში გაუსწორდა წინ მიმავალ მანქანას და... კიდევ იქუხა იარაღმა, წინა საქარე მინა ჩაუღენა ანანოს ჯიპს ტყვიებმა. ანანომ მანქანა დიდი სიჩქარით დააჯახა „ყოფილის“ მერსედესს. მანქანიდან გადმოხტა ქალი. „ყოფილის“ მანქანასთან მიიღბინა, მანქანიდან გადმოათრია და საკუთარ მანქანაში ჩასვა თითქმის გონმიხდილი კაცი. ისევ მიბრუნდა და მისი იარაღი აიღო. მოკლე ვინჩესტერი ეპყრა ხელში ქალს. ვაზნები მანქანის სალონში და ასფალტზე ეყარა. რამდენიმე აიღო ანანომ. ალბათ დემონიც პირჯვარს გადაინერდა ანანოს მრისხანე სახის შემხედვარე. ანანომ თოფი გადატენა...

— რას შვრები შე ძუენა.

ამეტყველდა „ყოფილი“.

— გინდა მომკლა? გინდა შენი ფურთხით შეთითხნილი ოჯახით გაიხარო? შენი შვილი თურქმა იშვილა... შენი დედაც... შე ძუენა...

ალბათ კიდევ აპირებდა რაიმეს თქმას მამაკაცი... რამდენჯერმე იგრიალა ვინჩესტერმა. მამაკაცის უსულო სხეული მანქანის უკანა სავარძელს მიესვენა. ანანომ ისევ გადატენა იარაღი... მექორწილეთა მანქანები მოილტვოდნენ მისკენ, ძმაც დალანდა, მანქანიდან ხელს უქნევდა ნეფე...

— მე ის მოვკალი, მე ციხეში ჩამსვამენ... ციხე არ არის საჩემო ადგილი... ალბათ მხოლოდ ჩემი ძმის გაბედნიერება იყო ჩემი ხვედრი... მშვიდობით ნეფეე ბატონო...

მანქანა დაქოქა, საჭით ტრასისკენ მიმართა ავტომობილი და მთელი ძალით გააქანა ჯიპი. თავანყვეტილი მიჰქროდა ანანო. მანქანა ორთაჭალჭესის სიახლოვეს გააჩერა, პირი მტკვრისკენ უქნა და დიდი სისწრაფით გააქანა მდინარისკენ... ჯიპმა მოაჯირი გაანგრია და ჰესის სიახლოვეს ჩავარდა... წყლის ხმაურში თოფის გასროლის ხმამ ძლივს მიაღწია სანაპირომდე...

წერას მოვრჩი, თავიდან გადავიკითხე ნამუშევარი და „ფინალი“ ვერ მოვძებნე გონებაში, როგორ დამემთავრებინა ნაწარმოები არ ვიცოდი, ჩემს მეგობარს დავურეკე, მას, ვინც მომიყვა ეს ისტორია, მოვიდა და ხარბად დაიწყო კითხვა... შემდეგ თავი ასწია და მითხრა:

— მაღლობთ მეგობარო, კარგია, შენი „ანანო“ და „რამაზი“ ჩემი დეიდაშვილები არიან...

ერთი ყლუპი სიხარული

სკოლიდან მომავლებს ეკლესიის წინ უნდა გაგვევლო. ლამაზი ეკლესია გვაქვს უბანში. მერცხლის ბუდესავით პატარა და ოცნებასავით სანუკვარი. სკოლაში მიმავლები ეკლესიის წინ ვჩერდებოდით პირველად გადავინერდით და ისე ვაგრძელებდით გზას სკოლისკენ. ერთხელ ეკლესიის შესასვლელთან, სადაც ეკლესიის მრევლისგან მონყალების მოლოდინში ორი მოხუცი ქალბატონი იჯდა, ერთი მამაკაცი შევნიშნეთ. ძველი დაკონკილი შარვალი ეცვა. ეტყობოდა მონყალების სათხოვნელად იყო მოსული, მაგრამ სურვილის გამჟღავნებას ერიდებოდა. იმ დღეს წესისამებრ სკოლაში მიმავლებმა პირველი გადავინერეთ და ისე გავნაგრძეთ გზა. როგორც იქნა დამთავრდა გაკვეთილები, სახლისაკენ გულმოდგინე მარიფათით მივისწრაფოდით, მაგრამ... ეკლესიასთან საოცარი სურათის მოწმენი გავხდით. ის მამაკაცი მაღლობას უხდიდა იმ ორ, სამონყალოდ მჯდომ ქალბატონს და კიდევ ჩვენს დეკანოზს... ქალბატონებთან საუბარის ნაწყვეტს მოვკარით ყური, „ბატონო თქვენ ნუ იკადრებთ აქ დაჯდომას, მეომრის ადგილი არ არის მათხოვრების გვერდით, სადამოს მობრძანდით და ფული რამდენიც შეგვიგროვდება იქიდან გინილადებთ, შვილიშვილებს როგორ უთხრათ ომის ვეტერანი სამონყალოდ დაჯდა თქო ჩვენს გვერდით?!“

გამიკვირდა, პირველად გავიგე რომ მათხოვრები ფულს უნილადებდნენ ვინმეს, ან მეომარი რატომ უნდა მჯდარიყო მათხოვრად? იმ ნუთში საოცრება მოხდა. უთქმელად, ვისაც რამდენი ფული გვექონდა ჯიბეში, მთლიანად იმ ორ ქალბატონს ჩავუყარეთ კალთაში... ვილაც ჩვენმა სკოლელმა იკითხა: „პირდაპირ ამ ჯარისკაცისთვის მიგვეცაო ფული? იქვე, უფროს კლასელმა გოგომ პასუხიც მიაგო: „კაცია, მეო-

მარია და შეურაცხველად არ მიიღოს, მერე რა, რომ უჭირს და ლუკმა პური ენატრება“. მაშინ თითქოს რაღაცას მივხვდი, მაგრამ ვერ აღვიქვი რეალურად რა ხდებოდა იქ... პირი გაუშრა ჯარისკაცს... ჩანთიდან წყლის ბითლი ამოვაცოცე და გავუნოდე... გამომართვა წყალი დალია და მითხრა: „ერთი ყლუპი ბედნიერების მაღლი შეგეწიოს პატარა მეგობარო“-ო.

მეორე დღეს გავიგე, იმ ქალბატონებს მთელი ფული იმ ვეტერანი მეომრისთვის მიუტიათ... ისიც გავიგეთ, რომ ჩვენი ტაძრის წინამძღვარს სტიქარი უბოძებია მისთვის და ტაძარში სტიქაროსნად დაუდგენია ომგადანახადი და რამდენჯერმე დაჭრილი მეომარი... საოცარია არა?

მამაოს უთქვამს:

„ყოველი მეზობელი „სიკვდილითა სიკვდილისა დამთრგუნველია“, რადგან საკუთარი სიცოცხლე სამშობლოს თავისუფლების სამსხვერპლოზე მიაქვთ საკუთარი ნებით და ამით სიკვდილზე მალდებიან, რამეთუ მათი სახელის უკვდავყოფა ერის ვალია და ისე ადღეგრძელებენ ომში დაცემულთ, როგორც ცოცხლებს“.

იმ მეომრის სიტყვები დღესაც ჩამესმის ყურში, „ერთი ყლუპი ბედნიერების მაღლი შეგეწიოსო პატარა მეგობარო“. ალბათ ყველაზე სანუკვარით დამლოცა მრავალ ჭირგადანახადმა.

ერთხელ სოლოლაკში

ჩვენს უბანში, სოლოლაკში მინდა დაგვატიჟოთ. იტალიურ ეზოს ეტყვიან, თორემ თბილისური მაღლიანი ბუდე კი, ნამდვილად არის. ორსართულიანი შენობა ქვის ღობით შემოელობათ და რკინის, ორნამენტებით დამშვენებული ჭიშკრისთვის მიუხდვიათ ეზოს დაცვა. ხო, მართლა, ამ ლითონის პირველ ბჭეს, ჩვენი ეზოს „რკინის ჯიგარს“ ეძახდნენ მეზობლები. ამ ჩვენი „რკინის ჯიგარის“ შიდა კედელზე, მორცხვი ბალღივით მეფლანე ედიკას „ბუტკა“ იყო „ატუზული“. ეზოს სიღრმეში სამეზობლო ონკანი და დიდი მრგვალი მაგიდა ავსებდა სივრცეს. სამეზობლოს ნელ-ნელა, თხრობისას გაგაცნობთ. ასე რომ დავიწყოთ...

დილის ცხრა საათია, აგვისტოს ცხელი მზე ლაღად აფრქვევდა სითბოს დედამიწაზე, უბანი იღვიძებდა... „ბუტკასთან“ უკვე ფუსფუსია, ფეხსაცმელ-გახდილი, ცალ ფეხზე მდგარი კლიენტი, მეჯღანეს ეჩხუბება:

კლიენტი: — დროზე რააა, ქუსლი აქვს მომძვრალი ეს მამაძაღლი, ან დააჭედე, ან დაანებე ჩამოვწყდი კაცი...

ელიკა: — მაიცა რა ჯიგარო, მომეცი საშუალება ეფექტიანად ვიმუშავო...

კლიენტი: — თუ ძმა ხარ დააჩქარე, ქორწილში მაგვიანდება...

ელიკა: — ვააა, შალახო უნდა იცეკვო?

კლიენტი: — ეგ შენი საქმე არ არის მე შალახოს ვიცეკვებ თუ ფოქსტროტს... ეგე, ის ლურსმანი ჩაარტყი უეჭველი დაიჭერს...

ელიკა: — ეგ ლურსმანი? ჯერ ერთი, ეგა, „პოლისაა“ და რომ ჩავარტყა შალახოს მაგივრად „ლებედინოე ოზეროს“ იცეკვებ იმ შენს ქორწილში, თანაც თითის წვერებზე...

კლიენტი: — ჩამოვწყდი კაცი... დროზე თუ ძმა ხარ...

ელიკა: — აჰა, ეგეც „ტუფლი“, ხუთი ლარი უნდა მალარიჩი...

კლიენტი: — ხუთი ლარი? რა ბნელა?

ელიკა: — არა, ანთია, თანაც საბაზრო ეკონომიკაა...

კლიენტი: — აჰა, გამომართვი.

კლიენტი სწრაფად მიბრუნდა და ჩქარი ნაბიჯით გაშორდა მეჯღანეს და მის „ბუტკას“.

ეზოში ჩვენი მეზობელი დეიდა თამარი გამოჩნდა. თასზე ხორცის დიდი ნაჭერი დაედო და სამეზობლო ონკანისკენ მიემართებოდა.

ელიკა: — დეიდა თამარ, დილა მშვიდობისა...

დეიდა თამარი: — გამარჯობა ედიკ, დილიდანვე მუშაობ კაცო?

ელიკა: — აბა რა ვქნა? ოჯახი ხრამია, რასაც შეიტან შენია, რაც არა დაკარგულია... თქვენც ადრე ამდგარხართ დეიდა თამარ... ვაა, ამოტოლა ხორცი?

დეიდა თამარი: — დღეს ჩემი ალექსანდრეს დაბადების დღეა, ოთხმოცი წლის შესრულდა...

ელიკა: — ... და ამას მიმაღავდით?

დეიდა თამარი: — აბა როდისა ვმაღავდი ედიკ?!

ედიკამ „ბუტკა“ სასწრაფოდ ჩარაზა, ეზოს ცენტრში დადგა და ერთი ხმამალა შეუძახა :

ედიკა: — ვისაცა გლვიძავთ და არ გამოხვიდეთ აივანზე...

პირველი ბატონი გიორგი გამობრძანდა აივანზე.

ბატონი გიორგი: — რა გაღრიალებს? თუ მამალი ხარ იყივლე მაინც...

ჩვენი ქურთი აბოც გამოვიდა ეზოში თვალების ფშვნეცით.

აბო: — რა იყოო? მოხდა რამე?

მეორე სართულის ყველა მეზობელი გამოეფინა. ეზოს ყველაზე მცხოვანი მეზობელი ძია სანდროც გამობრძანდა აივანზე.

ძია სანდრო: — რა იყო ბიჭო? რა დაგვაფეთიანე? ხომ მშვიდობაა?

ედიკა: — პატივცემულო მეზობლებო, ზემო და ქვემო სართულის სათაყვანებლო ადამიანებო, დღეს ბატონ ალექსანდრეს დაბადების დღეა და გთხოვთ მონაწილეობა მიიღოთ ამ საზეიმო თარიღთან დაკავშირებულ ღონისძიებში.

გიორგი: — აბა გვიქეიფია...

აბო: — ცოცხალი ჩემზეა...

ედიკა: — ჯიგარი ხარ „ნემო“.

„ნემო“, ეს სახელი ჩვენს აბოს მას მერე შეარქვეს, როცა თევზაობისას მტკვარში გადავარდა, თურმე აბო ბატონს ცურვა არა ცოდნია და წყალქვეშ ცურვით აპირებდა ნაპირზე გამოსვლას (ყოველ შემთხვევაში თავად ასე ამბობს). მეთევზეებმა „გაგუდული“ აბო ძლივს ამოათრიეს ნაპირზე. თვალი რომ გაახილა მისმა „მეთევზეთუხუცესობამ“, „ნემო ცოცხალიაო“, ერთხმად შეძახეს „კოლეგებმა“.

აგერ ჩვენი ეზოს „ინფორმ-ბიურო“ სესილიაც გაერია მარაქაში, ეზოს სახელდახელო სამზარეულოს რევიზია ჩაუტარა და...

სესილია: — რას დაყუდებულხართ ნეტავი? ედიკა აანთე გაზი, აბო, რას მიკარკლავ თვალებს? მიეხმარე... უიმე, უიმე, რავა დაჟანგებულეზივით ირჯებით ეს ნაჯეილარი კაცები...

სესილია ახლა გიორგის მისწვდა...

სესილია: — გიორგი, ჩამოდი ახლა, შე მართლა რაჭველო დათვო, ბიჭო შეფ-პოვარი გქვია და რას იყურები შორიდან.

გიორგი: — სესილია, ჩეისუნთქე მაინც შე ქალო, არ მომაცარა ხოშკაკალასავით ამ შეჩენებულმა? მოვდივარ, ხოოო, გაჩუმდი ახლა.

სანამ ჩვენი მეზობლები დილის „ტუალეტს“ მორჩებიან, მინდა ჩვენი მეზობლები წარმოგიდგინოთ. ხო, მართლა, ედიკა და აბო უკვე გაგაცანით, სესილიაც წარმოგიდგინეთ, ძია გიორგი, ეზოს „ქეიფთაუნის შეფი“, ჩვენთან, ლხინსა და ჭირის სუფრა უიმისოდ არ ჩაივლიდა, მის ხაშლამას, ჩაქაფულს, შილას თუ მწვადს, ისეთ არომატს და გემოს ვერავინ ანიჭებდა, როგორც ჩვენი შეფი. ამიტომაც დღევანდელ სუფრას ძია გიორგის ხელოვნება ჩაალაზათებს.

მიხეილ კირილოვიჩი ყოფილი ავტონისპექტორი, დღეს ტაქსის მძღოლი, ოოო, ღვინის დიდი დეგუსტატორი და თავად მეღვინე, იცით რატომ მოხსნეს ავტო ინსპექტორის თანამდებობიდან? ერთხელ სახაშიდან გამოსულ მძღოლს ჰკითხა: „ნასვამი ხომ არა ხარო?“, უარი რომ მიიღო, ამ ჩემი ცოდვით სავსემ, არც აცია არც აცხელა და იმ კაცს მიახალა: „ბორში გეჭამა არა სჯობდა?! „სტო გრამის გარეშე ხაში გაგიფუჭებიაო“. მძღოლი რაიკომის მდივნის ახლობელი აღმოჩნდა და... კირილოვიჩი იმ დღიდან „საზოგადოებრივ“ სამსახურში ჩადგა.

ეზოს ქურუმი, ანდრო რამიშვილი, ანუ „პაპა“, საუკუნის ცოცხალი მატყანე, მე-20 საუკუნის დასაწყისში დაბადებულს, 21-ე საუკუნეში უმტყუნეს თვალემა“. უსათვალოდ ვეღარ ვკითხულობო“, ჩიოდა მოხუცი. სოლოლაკის პირველი თამადა-მასწავლებელი იყო ანდრო პაპა. პეტერბურგის და პარიზის უნივერსიტეტების კურსდამთავრებულ, მედიცინის მუშაკს, ორჯერ „დასდეს პატივი“ და 10 წლით „მიავლინეს“ ციმბირში ხალხის მტრის სტატუსით. რას იზამ? დრო იყო ასეთი. მსოფლიო მედიცინის ამ ცოცხალი ენციკლოპედიის შიშით, ვერც ერთი ვირუსი ჩვენს ეზოს ახლოს ვერ ეკარებოდა.

ხო, მართლა, დღევანდელი იუბილარის ალექსანდრე გიგაურის წარდგენა დამავიწყდა. ბატონი ალექსანდრე ჯერ გერმანელებს ებრძოდა ომის პირველივე დღეებიდანვე, მერე იაპონელებს მოუსინჯა კბილი ხან-ხინ-გოლზე, ავღანეთის ბრძოლებშიც მიიღო მონაწილეობა ან უკვე გადამდგარმა პოლკოვნიკმა. ოღონდ ის აწუხებდა მოხუცს საკუთარ ქვეყანას რომ ვერაფერში გამოადგა. სიბერემ უნია რაინდს.

დეიდა თამარი განსაკუთრებული რუდუნებით შლიდა სუფრას, რომ მეუღლის იუბილესთვის ყველაფერი ჩინებულად ყოფილიყო.

ამ თხრობაში დროც გაგვპარვია, ეზოში უკვე ფუსფუსია...

ეზოს „ინფორ-ბიურო“, სესილია, ბატონ გიორგის მიჰკედლებია და...

სესილია: — ... ეს არის კარგ კერძებს ვაკეთებო?... ამას მარილი აკლია... ეს არის შენი ნაქები ხაშლამა?... ჯერ არ ჩაყარო დაფნა ლობიოში... უიმე, უიმე, მწვადი ინვება, დედა, დედა, სულ დანახშირდა... ჩქარა შე ტლანქო... ხოცავდი ხომ ხალხს შიმშილით?... შე კაცო, რავა კომბალივით იქნევ მაგ ჩამჩას...

ძია გიორგი: — ქალო, გეინიე იქით, თვარა არ ვიცი რას მოგწევ იცოდე, არ გადამრია კაცი?

ახლა დეიდა თამარმა მიმართა გიორგის.

დეიდა თამარი: — გიორგი, მგონი წინაკა აკლია „ოსტრში“.

ელიკა: — გიორგი, სესილიას ჩააყოფინე ენა და ეგ არი...

აბო: — ხომ არ გაგიჟდი? ენის წვერი მაინც გეთქვა...

შეშფოთებული სახით მიახალა აბომ.

სესილია: — თქვენ ხართ კაცები? თქვენ იცით ქალის პატივისცემა? და გაბრაზებული სესილია ჩქარი ნაბიჯით სახლისკენ გაემართა.

ელიკა: — აბოჯან, მგონი ზედმეტი მოგვივიდა.

აბო: — ეხლა მაგას რა შემოირიგებს? სანამ მტკვრიდან „ნაუტილუს“ არ ამომაცვანინებს, მანამ ხმას არ გამცემს, ვაა... ტოოოო, ნაღდი „ინ ქორ ხათუნია“ რააა...

„ინ ქორ ხათუნი“, ეს ახალი სახელი სესილიას ნამდვილად არ მოეწონა, კიბეზე შეჩერდა, მობრუნდა, დოინჯი შემოიყარა და... უცბათ წამოიძახა:

სესილია: — აბო, შენი სახელი თუ იცი?

აბო: — არა.

აბომ შიშნარევი თვალებით გადახედა მეზობლებს და „განაჩენის“ მოსასმენად მოემზადა. სამეზობლო სულგანაბული შესციცინებდა სესილიას, რომელიც აივანზე გადმომდგარიყო და საკუთარ თავში პასუხს ეძებდა და უცბათ შესძახა:

სესილია: — იმპოტენტი რიბო ხვატჩიკ.

აბო: — ვერ გავიგე?

გიორგი: — რა ვერ გაიგე? ჯიგარო, კაპიტნობიდან იმპოტენტი ბრაკონიერობამდე ჩამოგალაბარანტეს.

ყველა იცინოდა აბოს გარდა, აივანიდან გამარჯვებული მხედართმთავარივით გადმოსცქეროდა ეზოს სესილია.

ედიკა: — ეგ რამდენი რუსული გცოდნია სესილია ჯან.

მიხეილ კირილოვიჩი: — ეგ რა არის, აი ჩვენთან ატეკაში...

ეზოში ქალბატონი სუსანა, ედიკას მეუღლე გამოჩნდა.

სუსანა: — კაი რაა, რა დროს ატეკაა? ვერა ხედავ რა პროგრესულ თემებზე მიდის საუბარი?

მიხეილ კირილოვიჩი: — რა იყო შე ქალო, რა რეკაშეტივით დამეტაკე? სიტყვაც აღარ ჩამაგდებინოთ...

სუსანა: — რა დროს სიტყვაა? მე და ჩემმა მეუღლემ ოჯახის ბიუჯეტი შენს ტაქსს შევალეთ.

მიხეილ კირილოვიჩი: — რა ბიუჯეტი სუსანა?

სუსანა: — რა და ეგ შენი ტუფლები სატაქსაო ქალამნებად რომ აქციე, პადმოტკა-ნაბოიკას ვინ უკეთებს? ვინა და ჩემი გვრიტი...

მიხეილ კირილოვიჩი: — კარგად მოუარე, არ გაგიცივდეს, ალბათ მალე ჭიკჭიკს დაიწყებს.

ედიკა: — ეგ შენი საქმე არ არის მე ვიჭიკჭიკებ თუ ვიღუღუნებ.

აბო დაძაბულობის განმუხტვას შეეცადა და ძია ანდროს მიმართა:

აბო: — ძია ანდრო, მაგ გაზეთში რა სწერია ეგეთი, რომ ყურადღებასაც არ გვაქცევ?

ძია ანდრო: — ჰოოო, კარგს ვერაფერს გაიგებ, ბევრ უსიამოვნო ცნობას გვანვდის პრესა, ან კარგი რა ხდება მსოფლიოში რომ სასიამოვნო ამბები დანერონ?!

გიორგი: — ძია ანდრო, ერთი ჰოროსკოპში ნახე რა წერია...

ძია ანდრო: — ზოდიაქოს რომელ ნიშანს განეკუთვნები გიორგი?

აბომ ყველას დაასწრო და შესძახა:

აბო: — კურო ვარ ძია ანდრო.

მიხეილ კირილოვიჩი: — ესეიგი სახაშლამე მასალა ხომ?

აბო: — შენა ჯიგარო, მაგ ხაშლამისთვის არ მოგბოლტეს?

მიხეილ კირილოვიჩი: — ამის დედა ვატირე ეზოშიც რომ კომპრომატების მსხვერპლი გახდები საქმეა ესა? აბა ჩემი ზოდიაქო ნახეთ...

სესილია: — შენ რომელი ხარ?

მიხეილ კირილოვიჩი: — ქალწული...

გიორგი: — მდააა, მძიმე სურათია...

მიხეილ კირილოვიჩი: — ვითომ რატომაო?

გიორგი: — 50 წლისა ხარ და კიდევ ქალწული, ესე იგი „სტარა-ია ძევა“...

სესილია: — „ი კლიმაკს ნე ზა გარამი“...

მიხეილ კირილოვიჩი: — ვახ კაცოოო, მამაჩემს რა ვუთხარი, ჩემი დაპროექტება ან ცოტა ადრე დაენყო, ან ცოტა გვიან, ოხ ჩემი ბედის დედა ვატირე რააა...

ძია ანდრო: — აბა რას ამბობ კაცო? სირცხვილია.

დედა თამარი: — ძია ანდრო, ერთი გიორგის ჰოროსკოპი ნახეთ...

სესილია: — ... ლომი...

ედიკა: — შენ რა იცი სესილია?

მიხეილ კირილოვიჩი: — ხო, ბიჭო და ეგეცა „სიმბა“ მყავს ონიდან...

გიორგი: — მე ვარ ლომი, ცხოველთა მეფე...

დედა თამარი: — გიორგი ფაუნაზე შთაბეჭდილებას ნუ დამაკარგვინებ.

გიორგი: — კარგით რა დედა თამარ, ედიკას აღარა ვვობივარ, მაგ თნის რქასა მაგასა...

ედიკა: — მე ვარ რქა?

ონკანთან მდგარი სუსანა ქმარს გვერდში ამოუდგა და ომახიანად შეუტია გიორგის:

სუსანა: — ედიკ შენთანა ვარ, ჩემი ქმარი რქა კი არა რქიანია...

მთელი სამეზობლო იცინოდა სუსანას სიტყვებზე, თვითონ გოცბული შეჰყურებდა მეზობლებს, მერე დაუფიქრდა ნათქვამს, ჩუმიად მიტრიალდა და სახლში შევიდა. ედიკა ენა გადაყლაპულივით იჯდა.

ედიკა: — არ გამომიყვანა ანტილოპა, ამ შობელძალმა?!

აღმოხდა ედიკას და მომღიმარ მეზობლებს გადახედა.

ედიკა: — დედა თამარ, თქვენი ზოდიაქო ვინ არის?

დედა თამარი: — სასწორი...

ძია სანდრო: — ლამის თემიდა, ესე არ არის თამარ?

დედა თამარი: — ნეტავი თქვენ, მაგ სისულელებისა რომ გჯერათ...

სესილია: — რატომ? რატომ? შეხედეთ ედიკას ორ კოპს, თქვენს წინაშეა „ანტილოპა სოლოლაკსკოვო კვარტალა“.

ედიკა: — ოხ, სუსანა შენი ჯიგარი დავხიე.

შემდეგ ცოლს გასძახა:

ედიკა: — შენ ვინ ხარ ქალო?

სუსანა სლუკუნით გამოვიდა გარეთ და ქმარს თითქმის მიატირა:

სუსანა: — დრაკონიიი...

ედიკა: — ხო ეგრე რა, იმიტომაცა მჭამ ცოცხლად რომ გაციებას არ მაცლი...

ედიკას სიტყვა არ ჰქონდა დამთავრებული, რომ ეზოში ბატონი ალექსანდრე შემოვიდა.

მეზობლები: — იუბილარს ვახლავართ!

ერთხმად შესძახეს მეზობლებმა.

აბო: — კაცო სადა ხარ? შემოგვევლოს ჩემი თავი.

იუბილარი მადლიერი თვალებით შესცქეროდა მეზობლებს.

გიორგი: — საზოგადოებას ვთხოვ სუფრასთან.

აბო: — ძია ალექსანდრე, შენს გვერდში დავჯდები, ხომ შეიძლება?

ალექსანდრე: — დაბრძანდი აბო, მადლობთ მეგობრებო პატივისცემისთვის.

ედიკა: — ძია ალექსანდრე, რატომ მადლობას იხდი? „შენი ღვანლია, რამაც აქამდე მოაღწია, სოლოლაკი, ვერა, მთანმინდა და რაც მტრისთვის წასართმევია“...

ალექსანდრე: — ეგეც მალე იქნება ჩემო ედიკ...

სესილია: — სუფრა ნაკურთხია?

გიორგი: — ქალო ნახევარი სუფრა გაანადგურე და ეხლა კითხულობ?

მიხეილ კირილოვიჩი: — აბა კაცო? რომ ჰკითხო დიეტაზე ვარო...

სესილია: — თქვე ლუკმაძვირებო...

სუსანა: — სესილია, ამათ უყურებ? თანაც გულთან მიგაქვს? კარგი რააა...

გიორგი: — აბა თამადა ავირჩიოთ...

ალექსანდრე: — ანდრო, შენ გაუძეხი სუფრას, უკეთეს თამადას ვერც ინატრებს კაცი.

ძია ანდრო: — აბა შევავსოთ სასმისები.

მადლიანი კახური რაკრაკით ავსებდა ჭიქებს, თამადა ფეხზე წა-
მოდგა, პირველი სადღეგრძელოს ასანევიად მოემზადა თამადა.

ძია ანდრო:

„დოქის ტუჩს მოსწყდა ღვინო ღლინით
ფიალას ვაფსებ, სულის საწყაულს
სიყვარულისთვის გაჩენილ სითხით
გონებას დავბან ბინდში გახვეულის
ვცხობობ მგონია არსებას ვგეგარ
რა მინახია ნეტავ სახარი?“

მუხლსაც მოვიყრი თავს დავხრი რიღით
თუ კი სინათლეს ვინილავე კიღით
მთფრალი ვარ, მთფრალი ღვინით ნეტარი
ღვინოს წყურვილით ვეაღერსები
ბაგით დაფკოცნი ფიალის კიღეს
სიყვარულისთვის ვიტანჯო ოღეს
დოქის ტუჩს მოსწყდა ღვინო რუკრუკით
ფიალას ვიფსებ ნეტარი სითხით
ღვინით დაალოცვილს შობისა დღიდან
ვადღეგრძელოთ და დაგლოცოთ მინდა
მე თქვენ მიყვარხართ, იხაროთ მინდა.“

თქვენ გაგიმარჯოთ ჩემო მეზობლებო, დღევანდელი დღის მადლი
შეგენიოთ. ალავერდი შენთანა ვარ გიორგი.

გიორგი: — „ერთ ბუდეს შეკედლებულებს, დედა ბოძიც გვაქვს
ზიარი. ჭირი გვაშოროს, ლხინისთვის, მარნის კარს უდის ჭრიალი“,
ფუძის ანგელოზს დაგილოცავთ ჩემო ძვირფასებო.

ედიკა: — ვაა, კაცო, სად არის ეს ჩვენი ტვინცარიელი უბნის ინ-
სპექტორი, სულ მეუბნება გაუნათლებელი ხარო. აი, ეხლა გარეთ უნ-
და გავიდე და ჭიქპარს უნდა მივანერო რომა, აქ არის სუფრის აკადე-
მია და მე კი კურსდასამთავრებელი სტუდენტი ვარ.

მიხეილ კირილოვიჩი: — მართალი ხარ ედიკ, ჩემო ძვირფასებო
მე ერთი უპატრონოდ მიტოვებული კაცი ვარ, ცოლი მე არა მყავს და
შვილი. ჩემი ოჯახი თქვენა ხართ. ხოდა, ეს ჩვენი ოჯახი მინდა ვად-
ღეგრძელო, იხარეთ...

სესილია: — ეეე, ჩემო მიხეილ, ჩემი სათქმელიც ეგ არის, ვარ გამოკეტილი ჩემს სოროში. ჩემი სიხარული და ტკივილი თქვენ ხართ, ჩემო მეზობლებო, გთხოვთ ამიტანოთ ისეთი, როგორც ვარ...

აბო: — ჩემო მიხეილ და ჩემო სეილია, ორივე ცალუღელა ებრძვით ამ ნუთისოფელს, ბარემ ერთად გასნიეთ ჭაპანი არა სჯობია? თქვენ რას იტყვით მეზობლებო?

სუსანა: — ხოდა სუფრაც გაშლილია და ერთი ქორწილიც მივაყოლოთ, მართალს ვამბობ ედიკას მზემა...

დეიდა თამარი: — მიხეილ, დაფიქრდი, სესილია ქალო, არც შენ ხარ იმ ასაკში, რომ ნუნიაბა დაიწყო, ერთად არ გაგიჭირდებათ.

სესილია: — ნუ სულელობთ, რა დროს ჩემი ეგეთებია?

აბო: — „ეგეთები“ რას მიქვია სესილია?

მიხეილ კირილოვიჩი: — ძალიან ნუ შეტოპავთ მეგობრებო, უხერხულია. სადღეგრძელოს გაუმარჯოს, იხარეთ.

ალექსანდრემ გიტარა მოიმარჯვა, შემდეგ მეუღლეს შესცინა და პირველი აკორდები აახმინა. ნაზი ბუბუნა ხმით მღეროდა იუბილარი:

წვიმის წვეთებო, ფიფქებო თოვლის
შენ ცისარტყელავ მედროშე უფლის,
ჯვარი დამწერეთ მე ჩემს რჩეულზე,
მე გვარგვინს დავწნავ ყოჩივარდებით,
ვარდებს დაგიფენ ფიანდაზებით,
ჯვარი დამწერეთ ჩემს დედოფალთან,
ჩემი ოცნების ერთადერთ ქალთან,
წვიმის წვეთებო, მრონო ზეცის,
შენ ცისარტყელავ, ფიქრებო ღმერთის,
ჯვარი დამწერეთ მე ჩემს რჩეულზე,
საკურთხეველთან მუნღმოყრით შეგთხოვ...

ალექსანდრე: — ეს სიმღერა პირველად ფრონტზე ვიმღერე...

დეიდა თამარი: — ანდრო ბატონო, ნება მიბოძე ჩემს მეუღლეს პირველმა მე მივულოცო იუბილე (დეიდა თამარმა ჭიქა ასნია). შენი დაბადების დღეა ალექსანდრე, ბევრი სიკეთე და სიხარული გვახსოვს ერთად, სიავე და ბოროტებაც უხვად იყო ჩვენს ცხოვრებაში. გმადლობთ მრავალი წლის სიყვარულისთვის და მომიტყევე, თუ შესაბამისი

მეუღლეობა ვერ გაგინიე, იდღეგრძელე ჩემო სიცოცხლე (დეიდა თამარმა სასმისი სულმოუთქმელად გამოსცალა და დაჯდა).

ედიკა: — ჩემი სიტყვებით, თქვენ რომ გეკადრებათ ისეთ სადღეგრძელოს ვერ ვიტყვი. მე ვამბობ, ამაყი ვარ რომ თქვენი მეზობელი ვარ, რომ ერთად პური გვიჭამია და ერთი დოქიდან ღვინო დაგვისხამს, გაგიმარჯოთ ბატონო ალექსანდრე, დიდხან გვიცოცხლოს თქვენი თავი.

ძია ანდრო: — თამადის უნინ სადღეგრძელოს თქმა...?!

ედიკა: — ბოდიში ძია ანდრო.

ძია ანდრო: — ალექსანდრე, შენ ისეთი ცხოვრებით იცხოვრე, რომ შენნაირ ადამიანებს ღვთის რჩეულებს უწოდებენ და თუ ასეა, მე ჩვეულებრივ მოკვდავს, რა უფლება მაქვს ყვილა სადღეგრძელო გაკადრო. შენ ცხოვრობ ალექსანდრე, რაინდთა წესითა ცხოვრობ და მაქვს პატივი „გამარჯობა“ გითხრა.

ალექსანდრე: — ჩემო ანდრო, ედიკ, ჩემო მეზობლებო, ნუ გამანითლებთ ამ ხნის კაცს, მე დღეს ჩემს შვილებს და შვილიშვილებს ველოდებოდი და იმედი მქონდა... ალბათ დაკავებულები არიან თავიანთ სამსახურებში. ძნელია შეეგუო იმ აზრს, რომ ასაკი მოგემატა და ერთ დღეს მოყვასისთვის „შემანუხებელ ფენომენად“ გადაიქცევი, თუმცა მე მყავს მეუღლე, ჩემი „ერთ-სულ“ და „ერთ-ხორც“, ბედის ნებიერი ვარ ჩემო მეზობლებო, თორემ ასეთ მეუღლეს ჩემისთანა „ქართველ ბედუნის“ ვინ აღირსებდა?

ედიკა: — ბატონო ალექსანდრე, გკითხვით მინდა, ეს ჩვენი სესილია რომ იძახის, „რა დროს ეგეთებიაო“, ეს ჩვენი კირილოვიჩი არც ბედუნია და არც მომთაბარე, ერთი მითხარით რას უწუნებს „სასიძოს“?

გიორგი: — სესილია, ოღონდ შენ „ეგეთებზე“ დათანხმდი და სუფრის გაახლება და პურმარილი ჩემზე იყოს.

აბო: — რაც მტკვარში ხრამული და მურწაა, სუფრაზე დაიდება, ალალი იყოს.

ედიკა: — საქორწილო „ტუფლები“, „ნატურალნი“ ტყავით, მე ვკისრულობ.

ძია ანდრო: — მიხეილ, ხმა ამოიღე კაცო.

სესილია: — რა ვქნა? ნავიდე სახლში?

დეიდა თამარი: — სესილია იჯექი, ადგომა არც იფიქრო, იცოდე ძალიან მენწყინება.

მიხეილ კირილოვიჩი: — აბო, ჯიგარო და თქვენც ჩემო მეზობლებო, რამდენადაც ძლიერი არ უნდა იყოს ადამიანი, მარტოა მაინც... მარტოა, ერთია და მეტი არა...

ძია ანდრო: — გეთანხმები ჩემო მიხეილ, ჩემი ან გარდაცვლილი მეუღლის მერე, მეც დავრჩი „მხოლოდ ერთი და მეტი არა“.

გიორგი: — მეც ეგრე არა ვარ? მეუღლეს დავშორდი, შვილებიც მოკითხვის დეპეშასავით მიხსენებენ. რაც ძალი და არაქათი მქონდა ოჯახს და შვილებს შევალე, მერე... ჩემს ყოფილ მეუღლეს ოჯახური სიტკბოსა და ბედნიერების გარდა ყველაფერი ახსოვდა, ფული, საჩუქრები, ჭორები, ჩემი მუდმივი კრიტიკა დაბალი შემოსავლის გამო, თავის ჯიბესქელ ძმას და მამას მადრიდა. სასამართლო წავაგე და შვილებთან ურთიერთობა მხოლოდ კვირაში ერთხელ შემიძლია, მე თვეში ერთხელ მივდივარ მათ სანახავად... როცა ხელფასს ავიღებ მაშინ. მერე მთელი თვე მშვიერი ვაგდივარ, ერთი ლექსი გამახსენდა და ნაგიკითხოთ მინდა:

სიბერეს ვთხოვე და რიღით გამიღიმა,
სიკვდილსა ვთხოვე და ხანი გამიგრძელა,
მზესა ვთხოვე და ნათელი დამიტოვა,
ცოლსა ვთხოვე და... თხოვნა აირიდა,
მთვარესა ვთხოვე და გზები გამინათა,
ვარსკვლავსა ვთხოვე და ოცნება გამინათა,
ლამესა ვთხოვე და სიჩუმე ახმიანდა,
შვილსა ვთხოვე და გზები ამიბლანდა
დედას ვთხოვე და სული გამიმრთელა,
მამას ვთხოვე და გული გამინათა,
დედას უთხოვია და თხოვნა უარმყვია,
მამას უთხოვია და ყურს იქით გამიშვია,
რად მიკვირს ნეტავი სასჯელი უცნაური,
ის რაც დამითესაგს იგივე მომიძვია.

სესილია: — ძალიან მაჟორულ ნოტაზე გადახვედი ძვირფასო.

ძია გიორგი: — მდააა... ქალს გააჩნია ჩემო გიორგი, ცოლი არსებობს რამდენიმე ნაირი, პირველი — მეორე ნახევარი, მეორე — გამანახევრებელი, მესამე — დამატკევეარი, მაგრამ ყველა არის მონა-პოვარი..

ელიკა: — ვააა, მონა პოვარი ? ესე იგი პოვრის პადდელნიკი? ეგრე არ არის?

აზო: — ჩემო სესილია და ჩემო მიხეილ, ყველა შაირი და ბითურობა იქით იყოს, მე რომ მიყურებთ ერთსიტყვიანი ანეგდოტივითა ვარ „დედისერთა ქურთი“, აგერ ამდენი წელია ერთადა ცხოვრებთ, ერთ ეზოში, ერთი კედელი გყოფთ ორივეს, ერთმანეთის სუნთქვა გესმით ჩვენი ფარღალალა კედლების გადამკიდე და იქნება დროა ერთმანეთის გულის ცემასაც დაუგდოთ ყური?

სესილია: (გამოჯავრებით) — ხო ბიჭო და ერთბაშად ნიშნობის ბეჭედი არ ამოილოს ჯიბიდან.

მიხეილ კირილოვიჩი: — სესილია, რა ქონების პატრონიც ვარ ხომ იცი, ჩემს ყველაზე დიდი საუნჯეს მე გულთან ვატარებ...

მიხეილმა საკინძე შეიხსნა და ოქროს ძეძკვზე აცმული ნიშნობის ბეჭედი ამოიღო...

სესილიას შეხედა, შემდეგ ერთი ამოისუნთქა და განაგრძო:

მიხეილ კირილოვიჩი: — ეს დედაჩემის ბეჭედია, მრავალგზის ნაკურთხი, ის ტრადიციულად ოჯახის დიასახლისზე გადადის მემკვიდრეობით...

მიხეილმა ბეჭედი სესილიას გაუნოდა...

მიხეილ კირილოვიჩი: — გამომართვი და მინდა გთხოვო, ხვალ დილით ან ბეჭედი დამიბრუნე, ან ბეჭდით დამიბრუნდი...

მიხეილ კირილოვიჩმა სესილიას ხელის გულზე ბეჭედი რუდუნებით ჩაუდო და მუჭი შეუკრა.

სუფრა დაიძაბა, ხმის ამოღებას ვერაფერს ბედავდა, ყველანი სესილიას შესცქეროდნენ. სესილია სდუმდა, შემდეგ მძიმედ წამოდგა და სახლისკენ წავიდა, კიბეს მიუყვებოდა საპატარძლო, ბეჭდიანი ხელი ხალათის ჯიბეში ჩაეყო, უცბათ მობრუნდა, თითქოს რაღაცის თქმა დააპირა, თავი შეიკავა, თვალეზიდან ცრემლი ჩამოუგორდა, შებრუნდა და მძიმე ნაბიჯით კიბეს აუყვა.

ელიკა: — ეჰჰჰ, ტელევიზორი მაინც ჩავრთოთ გავიგოთ ქვეყანაზე რა ხდება. სუსანა ტელევიზორი გამოაგორე რააა...

გორგოლაჭებიან მაგიდაზე მდგარი ვებერთელა ტელევიზორი სუ-სანამ ეზოში გამოაგორა და ჩართო.

ძია ანდრო: — აბა, ჰეე... გავიგოთ ცის ქვეშეთის სიახლენი.

და ტელევიზორმაც დაიწყო: „გუშინ პარლამენტში მორიგი დება-ტები გაიმართა ოპოზიციასა და პოზიციას შორის, ეს ახალი ამბებია გამარჯობათ.“

აბო: — ვაიმე, ძალიან შორიდან დაიწყო, დავიღუპენით...

ალექსანდრე: — კაი რა აბო, ვერა ხედავ რა ფაფარაყრილი ლომე-ბივით არიან, აცალე რა, გული მოიოხონ.

დეიდა თამარი: — ნეტავი მეორე სართულიდან როდის იქნება ახა-ლი ამბები...

კირილოვიჩი მდუმარედ დაჰყურებდა მაგიდას, შემდეგ ღვინის დოქი აიღო და სასმისი შეავსო, ჭიქა ერთ ხანს ხელში ატრიალა, სულ მოუთქმელად გამოსცალა, ხელახლა აიღო დოქი...

გიორგი: — აღარ გინდა მიხეილ, არ გინდა...

სუსანა: — კაცებო! უკვე გვიანია, ნულარ დაღვეთ...

ძია ანდრო: — წავალ წამოვწვები, ღამე მშვიდობისა მეზობლებო!

ალექსანდრე: — თამარ მე...

დეიდა თამარი: — წადი ალექსანდრე, მე სუფრას ავალაგებ.

სუსანა: — მარტო შენა თამარ? მეც აქ არა ვარ?

მონმენდილ ცაზე მეხისგავარდნასავით გაისმა სესილიას ნამტი-რალევი ხმა:

სესილია: — მეც მოგეხმარებით.

ყველამ სესილიას მიაპყრო მზერა, კიბეზე ეშვებოდა, ხელზე ნიშ-ნობის ბეჭედი უბზინავდა პატარძალს.

ზღაპარი ძილის წინ

— დეე, ზღაპარი მოგვიყევი რაა...

შეეხვეწა საწოლზე წამომჯდარი პატარა სანდრო დედას.

— მოგვიკევი ლააა, გულში გეხვენებიიი...

ლოგინიდან თავი წამოყო სესილიკომაც და დედიკომ დაიწყო...

— იყო და არა იყო რა, ღვთის უკეთესი რა იქნებოდა? იყო ერთი უშიშარი რაინდი. მისი ბადალი იმ ქალაქში არავინ იყო. რაინდი ძალიან ჭკვიანი და კეთილი კაცი იყო, მისი სიბრძნე დამაჯობა იმ სამეფოში ყველას პირზე ეკერა, ამიტომ ცუდი ძიები ვერ ბედავდნენ ქალაქში შემოსვლას, რადგან რაინდისა ძალიან ეშინოდათ. ერთხელ ჩვენი რაინდი ტყეში სეირნობდა და უცბათ, „მიშველეთ, მიშველეთ“... განწირული ხმით მშველელს უხმობდა ვილაც. რაინდმა ცხენი მოატრიალა და იქით გაეშურა საიდანაც ხმა მოდიოდა. დაინახა რომ ცუდ ძიებს ლამაზი გოგო დაუჭერიათ და აბრაზებდნენ. რაინდი გაუბრაზდა ცუდ ძიებს — „ეხლავე დაანებეთ თავი გოგონას თორემ თავებს დაგაყრევინებთ“. ცუდმა ძიებმა გოგოს თავი დაანებეს და ხმლები იშეშლეს და რაინდს უთხრეს: „ვერ მოგვერევი სიკეთის მთესველო რაინდო ჩვენ ბევრნი ვართ და დაგამარცხებთ“. რაინდმაც იშეშლა ხმალი და გაჩაღდა ბრძოლა. ლომივით იბრძოდა ჩვენი რაინდი, მაგრამ ცუდი ძიები ბევრნი იყვნენ და უჭირდა მათთან გამკლავება. გოგონა კი ხეს ამოფარებული შეშინებული უყურებდა ბრძოლას. სიკეთის მთესველმა რაინდმა ყველა დაამარცხა, მაგრამ ერთმა ცუდმა ძიამ დანა ჩასცა ზურგში რაინდს, ცხენზე შეტოვრდნენ რაინდი, ძალიან ეტკინა, მაგრამ იმ ყაჩაღსაც მოერია და გააგდო. ცხენზე თავს ძლივს იმაგრებდა დაჭრილი. გოგონამ ეს რომ დაინახა, მივარდა რაინდთან და ცხენიდან ჩამოსვლაში მიეხმარა. იქვე ხის ძირას დააწვინა....

— საავადმყოფოში ვერ წაიყვანეს? იქ ხომ მოუვლიდნენ და მოარჩენდნენ?!

ამოიგმინა თვალცრემლიანმა სანდრომ.

— სასწრაფო გამოიძახეს?

სლუკუნებდა სესილიკო.

— რაინდი მოკვდააააა?

— არა.

განაგრძო თხრობა დედიკომ.

— გოგონამ თავსაფარი მოიხსნა და რაინდს ჭრილობა შეუხვია, ამ დროს სასწრაფოც მოვიდა და დაჭრილი რაინდი საავადმყოფოში წაიყვანეს....

— დეეე, მაშინ საავადმყოფოები იყო?

იკითხა სანდრომ.

— ხო დედიკო, იყო, აბა რაა, ადამიანი ცუდად რომ გახდებოდა აბა რა უნდა ექნათ? გავნაგრძო?

— კიიიიი...

აჭიკჭიკდა სესილიკო

— რაინდი გონებას კარგავდა, ძალიან სტკიოდა ჭრილობა, გოგონა კი ტიროდა, არ იცოდა რითი ეშველა მხსნელისთვის. საავადმყოფოში ჭრილობა მობანეს და შეუხვიეს, მოუარეს, ისე როგორც საჭირო იყო. გოგონა დაჩოქილი ლოცულობდა, „ღმერთო! რაინდი გადაარჩინე და მე დამსაჯეო“. მერე რაინდთან მივიდა, ცრემლებით ჭრილობა მობანა და აკოცა. მერე იცით რა მოხდა? ჭრილობა გაქრა. რაინდმა თვალეები გაახილა და ულამაზეს გოგონას შეხედა. გოგონა დიდი ბრძღვი-ალა თვალეებით უყურებდა რაინდს.

— ხელი მოხვია გოგონას...

მამიკომ გაანყვეტინა თხრობა დედიკოს, თურმე შეუმჩნევლად შემოსულიყო სახლში და უჩუმრად ყურს უგდებდა ცოლ-შვილს, მამიკო იღიმებოდა და ზღაპარი განაგრძო:

— მერე გოგონამ ჰკითხა რაინდს: „რით შემიძლია მადლობა გადაგიხადო კეთიშობილო რაინდო? რაინდმა კი უპასუხა, „ცოლად გამომყევი ჩემო ფერიავ“-ო, გოგონასაც შეჰყვარებოდა რაინდი და დათანხმდა..... ლამაზი და დიდი ქორწილი გადაიხადეს და ცხოვრობდნენ ტკბილად და...

— დეეე, მამიკოს ხომ აქვს ჭრილობა ზურგზე? ის რაინდი მამიკო ხომ არ იყო?

შეეკითხა სანდრო.

— და შენ ის ლამაზი გოგო?

ემშაკურად შესცინა სესილიკომ დედას.

— ხო შვილო, ის ლამაზი გოგო თქვენი დედიკოა.

ღიმილით უპასუხა მამამ.

— მამა შენ რომ რაიმე მოგვსლოდა ჩვენ ხომ ერთმანეთს ვერ შევხვდებოდით.

— აფორიაქდა სანდრო.

— მე თქვენი დედიკოს სიყვარულმა გადამარჩინა.

მიუგო „რაინდმა“.

— კი, მაგრამ ცხენი რა უყავი? გაყიდევე? და მანქანა იყიდევე? მერე მე სად ვიშოვო ცხენი, ჩემი პრინცესა რომ გადავარჩინო?

აღრიალდა სანდრო.

— ხოლო, ამაზე არ მიფიქრია.

დაიბნა მამიკო.

— ნუ გეშინია, როცა გაიზრდები თეთრი ცხენი თვითონ მოვა შენთან, თუ ისეთი რაინდი იქნები როგორც მამიკო. ახლა კი დაიძინეთ, ძილი ნებისა, უფალი გფარავდეთ.

როცა დედა ღრმად ჩაძინებული შვილების ოთახში შევიდა, გაოცდა, ლოგინში ბორგავდა სანდრო, ხან ილიმებოდა და ხან მოქუფრული სახით და პატარა ხელებით ბალიშს ებრძოდა, „ნეტავ ვის ებრძვის? ნუთუ სიზმარშიც იბრძვიან სიყვარულისთვის, თეთრ მერანზე ამხედრებული რაინდები?“ დედამ შვილებს საბანი გადააფარა და ოთახიდან ფეხაკრეფით გამოვიდა.

თეთრი ინდაური

ჩემდა ჭირად იმ წელს ინდაური ვიყიდე. სექტემბრის მიწურული იდგა. ეზოში გაუშვი ფრთოსანი. მეზობელმა მითხრა: „სიმინდი და ხორბალი ერთმანეთში აურიე და ისე დააღერლინე, ნამეტანი მოწონთო ინდაურებს“. მეც როგორც დიდმა მეურნემ, სასწრაფოდ მივართვი ჩემს თეთრ, ფითქინა ინდაურს ნანატრი საკენკი. მან ჯერ ეზო აითვისა, ბალახიც მოწინკნა და ერთი „ლუყ-ლუყ-ლუყო“, ბრძანა. ალბათ მოეწონა ჩემი ეზო. ვიფიქრე გავზრდი, გავასუქებ და საახალწლოდ დავკლავ მეთქი. ისე იცოცხლე, მადას არ უჩიოდა. თანაც ხელიდან ვაჭმევდი და ვეფერებოდი ჩემს ფხუკიან ინდაურს. ისიც „ყია-ყია-ყიაო“, მეტყოდა, ალბათ სიამოვნებდა ნავახშმევეზე ჩემი ალერსი. გაიზარდა, გასუქდა და ამასობაში დეკემბერიც დადგა. ვერ ვიმეტებდი ჩემს ინდაურს დასაკლავად, ან როგორ დამეკლა, როცა ეზოში ვფუსფუსებდი კარგი ძალღვივით სულ უკან დამდევედა, ფეხებში მებლანდებოდა, ხანაც გამეფხორებოდა. საკენკს რომ ვუყრიდი, ისეთი თვალებით მიყურებდა თითქოს „სუფრაზე“ მეპატიჟებოდა საქეიფოდ. რამდენჯერაც ნაჯახს ავიღებდი ხელში, იმდენჯერ მომიცუცქდებო-

და, ნისკარტს ჩაჰკრავდა ნაჯახს და „ლუყ-ლუყ-ლუყო“, მეტყოდა, ესეიგი „ძალიან მაგარია ძმაო საჭმელად არ ივარგებსო“ მეუბნებოდა. ვერ დავკალი... მერე ჩემი მეზობლისგან ვიყიდე დაკლული გასუფთავებული ინდაური საახალწლო საცივისთვის, ისე კარგი საცივი კი გამოვიდა მისგან, გემო ახლაც მახსოვს. ჩემი ინდაური კი...

იმ ღამით ტელევიზორში რალაც ფილმს ვუყურებდი, მამაკაცი ვეფხვივით ებრძლვნა შველივით ქალს და... ჩემმა ფრთოსანმა ჯერ ტელევიზორის ეკრანს ჩაუნისკარტა, მერე მე შემომხედა, გაიფხორა და დიდგულად შემომხედა... მერე იცი რა მითხრა? „ამ ზამთარში არც მე მანყენდა დედალი ინდაურის სითბოო“... წიხლი ვუთავაზე ამ მექალთანე ბლენძიას, არ მომინდომა ქალები...

თითხარის ჰაჭვილი

ამბად მინდა გიამბოთ ეს ისტორია, საოცარი ის არის, რომ შემსწრენი ამ ამბისა, ლეგენდად გადასცემენ შთამომავალთ. ბალღობაში დანყებულნი უვნო ურთიერთობა როგორ იქცა და დასრულდა ჯვრისწერის მაღლით შემოსილი. მამ ასე დავინწყით თხრობა.

სოფლის განაპირას, გალავნის მოზიარენი, ჭირში გვერდში მდგომი მეზობლები ცხოვრობდნენ. ერთ ოჯახში ვაჟი და მეორეში კი ქალი იზრდებოდა. ქალი თქო, თორემ მამინ ექვსი წლის იყო ბალღი, ვაჟი კი თავნებობდა, მეთაე წლისთვის გადაეზიჯებინა და ვაჟკაცობას სწავლობდა თავმომწონედ. ერთ სკოლაში სწავლობდნენ, გოგონას, გაკვეთილები რომ დაუმთავრდებოდა მორჩილად უცდიდა ვაჟს, რომ სახლში ერთად წასულიყვნენ. მრავალჯერ უნახავთ წვიმისა და ქარის დროს როგორ შეუმოსავს საკუთარ ქურთუკში, ან ლაბადაში გოგონა, ხოლო მისი ჩანთა თავად უთრევია სახლამდე. ვაჟის მეოხებით თანაკლასელი ბიჭებიც ვერ უბედავდნენ გოგონას სითამამეს. დრო გადოდა. გოგონა გაიზარდა. ქალურმა სიამაყემ იმძლავრა. ვაჟის მზრუნველობას უკადრისობდა ქალი. ტანმშვენიერს სხვა თანატოლ ვაჟთა ყურადრება სიამოვნებდა, გამორჩეული იყო გოგონათა შორის. თავისმცემელთა ქიშპობა ქალურ ამპარტავნობას უღვივებდა ასულს. ვაჟმაც მოიწყინა, გამჩენს სწყევლიდა, „რატომ არა ვარო სხვა ბიჭები-

ვით პირმშვენიერი, არც ტანადობით გამოვიჩინე თანატოლებში... „საკუთარ მშობლებზე ბრაზი წაეკიდა ყმანვილკაცს, „გოგოს ოჯახით, ჩვენც რატომ არა ვართო შეძლებულნი“, საუბრის დაწყება სწაღდა, „რად უარმყოფსო ჩემი... ნუთუ დაივინყაო ყველაფერი“, ფიქრი გულს უკორტნიდა კაცს. „სახლამდე გაგაცილებ“ შესთავაზა ასულს, „პატარა აღარ ვარ, თავად გავიგნებ გზას, ნულარ შენუხდები მეტად“, ღიმილით მიუგდო გოგომ. ის დღე გაიხსენა ვაჟმა, პატარა გოგომ ფენი რომ იღრძო სკოლაში. ზურგზე აკიდებული მიიყვანა სახლში, კიდევ მამის ნაყიდ კამფეტებს რომ უზიარებდა მეგობარს, ერთი დღეც შეახსენა მეხსიერებამ, მაღალი სიციხე სტანჯავდა გოგონას, მთელი ღამე მუხლებზე მდგარმა გაათია მის სანოლთან, თავდაუზოგავად უკითხავდა ლოცვას მიჯნურს ნორჩი რაინდი. პირველი კოცნაც გაიხსენა... გულის ჯავრი შემოაწვა, „თავს ნუ შეინუხებო მეტად“, გული დაუმწყრა მიჯნურს.

უყვარდა, ხო, უყვარდა გოგონა უკვე მისგანვე უარყოფილს. თითბერის ბეჭედი აელანდა მოგონებებში სიყვარულის ნიშნად რომ უძღვნა ახალ წელს. გოგონას სიტყვებიც ახსოვდა, „... სიცოცხლეს მოგიძღვნიო...“. ეს შარშან იყო... წელს კი სკოლას ამთავრებს და ქალაქს მიემგზავრება მამიდასთან და ბიძასთან. ფიქრიდან გამოერკვა ვაჟი, წელს ხომ ისიც ამთავრებს საექიმო ინსტიტუტს.

ონკოლოგიურ საავადმყოფოში კარგ ექიმად გაიცნეს ვაჟი, გულდაგულ სდევდა ავადმყოფის სატკივარს. უებრო ექიმის სახელიც დაიმკვიდრა ოცდახუთი წლის კაცმა. ერთ დღეს ექიმს მოახსენეს: „ახალგაზრდა ასული მოიყვანეს, თითქმის უიმედოაო, თქვენს სახელს აბოდებსო ყოველ წუთს“. სირბილით გაეშურა დასტაქარი. საოპერაციო მაგიდაზე იწვა მისი პირველი სიყვარულის ცოცხლად შობილი ხატება. პირჯვარი გადაიწერა მკურნალმა, „ღმერთო ნუ იწებებო სიკვდილთან ჭიდილში ჩემს დამარცხებას“, შეევედრა მაცხოვარს. გათენებისას გამოვიდა საოპერაციოდან ღონემიხილი, ხატს შეხედა, „გმადლობ უფალო რომ არ დაუთმეო სიკვდილს ასული“. ბარბაცით შევიდა კაბინეტში. ფიქრად ეზმანა, იმ დღეს სკოლიდან სახლში ბრუნდებოდნენ, შხაპუნა წვიმამ მოუხსნროთ ბავშვებს. ლაბადა შემოახვია ვაჟმა გოგონას, მკერდზე მიხუტებული მიაცილა სახლამდე და მხოლოდ მაშინ გაუშვა ხელი, სახლის კარი რომ შეაღო პატარამ. კოჭე-

ბამდე გალუმპული შევიდა სახლში. იმ ღამეს სიცხე მისცა. შუბლზე ძმრიან საფენებს უცვლიდა დედა სიცხისაგან გათანგულ შვილს. ფუმ-ფულა ხელები შეიგრძნო სახეზე ჭაბუკმა, ძმრიან საფენს რომ ადებდა შუბლზე და კიდევ გოგონას დიდი ბრდღვიალა თვალები. პალატაში იხმეს ექიმი „ავადმყოფი გონზე მოვიდა, თქვენს ნახვას ლამობსო“. გოგოს დედა შემოეგება ექიმს, მაღლობას უძღვნიდა დასტაქარს. თვალები გაახილა ავადმყოფმა, „მომიტევე ჩემი უტიფრობა, ნურც განშორებისთვის დამდებ ბრალს, ჩემს სატკივარს სკოლის ასაკიდან ვებრძვი, იცოდე, ბევრი ქორი ჰკოდავდა ჩემი ცხოვრების გზას, მაგრამ ჯერ არც ერთი მამაკაცისთვის არ მიძღვნიდა ცხელი ამბორი, უვნო ვარ როგორც ქალი...“ წყლით დაუსველეს ტუჩები ავადმყოფს. „შენს სიცოცხლეს საფრთხე აღარ ემუქრება, ყოველგვარი სიავისგან განთავისუფლდა შენი სხეული“, თავდაჯერებით მიმართა პაციენტს ექიმმა. შემდეგ წამოდგა და პალატის კარისკენ გაემართა. „თითბერის ბეჭედი გახსოვს?“ რელიქვია, შეახსენა ასულმა „ის სულ თან დამაქვს, ჩემი რაინდის ბედსვიანი ტრფობის უცილო მონმედ“...

ეს ამბავი თითქმის ნახევარი საუკუნის წინ მოხდა. რაც გიამბეთ სიმართლეა. ქორნილში, როცა მათი ვაჟი ჯვარს იწერდა, ეკლესიაში პატარძლის ხელს თითბერის ბეჭედი ამშვენებდა, „პირველი სიყვარულის მაღლითაა ნაკურთხი და ახლა შენ ხარ ამ რელიქვიის მცველი“ მიმართა რძალს „გოგონამ“. თემის დანერას მოვრჩი, საკონტროლო სამუშაოების რვეული პედაგოგს ჩავაბარე. მეორე დღეს მასწავლებელმა გასწორებული ნამუშევრები დაგვირიგა. საოცარი ის იყო, რომ იმ დღემდე მიღებული პირველი ფრიადი ამშვენებდა ჩემს რვეულს. ამაგდარს ნიშანთან ერთად მინაწერიც გაუკეთებია ჩემთვის, „გილოცავ პირველ ფრიადს, თითბერის ბეჭდის მაღლი შეგწეოდეს“.

თოვლის პაპა

... „თურაშაულის პატრონი ტყეში ეძებდა პანტასა“, გსმენია ეს გამოთქმა მეგობარო?

მომმართა მოხუცმა, რომელიც სკვერში, ჩემს გვერდზე სკამზე ჩამომჯდარიყო და ცხელ ყავას ნელნელა წრუპავდა.

— ვატყობ თანამოსაუბერეს ეძებთ ბატონო.

ლიმილით მიეუგე მე.

— კი, მასეა, მე... მოდი „პაპა“ დამიძახე, ჩემი სახელი მაინც არაფერს გეტყვის...

ეს თქვა და გამილიმა მოხუცმა.

სანდომიანი, თბილი და რალაცნაურად მომნუსხველი ლიმილი შემომაფრქვია ჩემმა თანამოსაუბრემ.

— კეთილი, გისმენთ ბატონო „პაპა“, რა თემაზე გსურთ საუბარი?

— ნუ გაიკვირვებ თუკი შენს შესახებ იმაზე მეტი ვიცი ვიდრე თავად წარმოიდგენ...

— მართალა? გამიკვირდება...

— უმუშევარი ხარ?

— არა, კლასიკური გაგებით უმუშევარი არ მეთქმის, მაგრამ... არც არაფერი მაკლია მაგ „დონემდე“.

— ჰოოო... ახალი წელი მოდის... თოვლის პაპას რას სთხოვდი საახალწლოდ?

— დამცინით? ხუთი წლის ბავშვებს აღარ სჯერათ თოვლის პაპის, სანტა კლაუსის და...

— მე „სანტა“ არ მიხსენებია მეგობარო...

— ხო, მაგრამ ორივე ერთი და იგივეა.

— შენი აზრით რას ნიშნავს თოვლის პაპა?

— ძველ წელს... მთელი წლის განმავლობაში შრომაში და მოღვაწეობაში დაღლილ და დაბერებულ კეთილ ადამიანს, რომელსაც ახალი წელი, ანუ ბავშვი მოჰყავს, რათა ეხლა მან იტვირთოს ახლად დამდგარი წლის „უღელი“...

— ბევრი გცოდნია და... თან არაფერი გცოდნია მეგობარო, თოვლის პაპა და ის ახალგაზრდა ბიჭი, იმედის, ბედნიერების, სიხარულის და ყოველივე სანატრელის სიმბოლოა...

— არ მეგონა ამ თემაზე თუ მოგვიწევდა საუბარი...

— რატომ? უკვე გაიზარდე?

— ხო, გავიზარდე.

— და უკვე ყველაფერს რეალური თვალით უყურებ არა?

— ხო, ასეა.

— თოვლის პაპა და პატარა ბიჭი, უძველესი დროიდან, ღმერთს, ან უფრო სწორად რომ ვთქვათ კეთილ ანგელოზს განასახიერებდნენ....

— ეს უკვე საინტერესოა...

— ახალი წელი ბავშვივით წრფელია, იმედებით სავსე, ხალისიანი, მოხდენილი და გულწრფელი, როგორც ჩვეულებრივი ადამიანების ოცნებები და გულიდან ამოთქმული წრფელი აზრები...

— ალბათ ასეა „პაპა“, მაგრამ სუფრის გაშლას კი, ფული სჭირდება, ფული...

— ადამიანთა მოდგმა მხოლოდ ახალი წლის დღეს არის მეტ-ნაკლებად წრფელი და გულმხურვალე... კეთილი სურვილები, მოლოცვები, საჩუქრები, სადღეგრძელოები... და კიდევ, ბევრი გართობა... ხო, ასეა, ასე... მერე კი ყველაფერი ჩვეულებრივ რიტმს უბრუნდება, ისევ ფლიდობა, არაკაცობა, თაღლითობა, ღალატი, ამბიციები, ჩამქრალი იმედები, ზოგან კი ბედნიერება, სიყვარული, ჯვრისწერა, მერე ქორწილი, ძეობა, შიმშილი, ლუკმა პურისთვის ბრძოლა...

— ეს ყველაფერი ვიცი...

— არ იცი მეგობარო, ახალგაზრდა ახალი წელი, თქვენით ცხოვრობს და თქვენზე ზრუნვით ბერდება... საჩუქრებს თოვლის პაპა გირიგებთ „დამსახურებების“ მიხედვით, სწორად გამიგე მეგობარო, „დამსახურება“ საჩუქრის ღირებულების მიხედვით არ განისაზღვრება, ის უფრო მიძღვნა და არა თავის გამოჩენა და შესაძლებლობების წარმოჩენა, არც რომელიმე მხარის სოციალური მდგომარეობის განმსაზღვრელია საჩუქარი...

— „პაპა“, საით მიგყავს ეს საუბარი?

— ერთმა კაცმა მითხრა „ბედნიერების ყიდვაც შეიძლებაო“, უნებლიედ დამებადა კითხვა, რა იყიდა მავანმა „ბედნიერების“ სანაცვლოდ? ადამიანისთვის ჭეშმარიტი ბედნიერების მინიჭება უფლის ნებაა, ხოლო სურვილების „ყიდვა“ კი უკიდურესად ადამიანური მცნებაა და „წუთიერ“ აღტაცებას გულისხმობს მხოლოდ. ვიცი არ დამეთანხმები და არ გედავები...

— „პაპა“, საახლწლო საჩუქარს ხომ ჩვენთვის ძვირფას ადამიანებს ვჩუქნით და ამ შემთხვევაში „ცენზი“ რა შუაშია?

— არის, „ცენზი“ შენი შესაძლებლობების მიხედვით განისაზღვრება და არა მოთხოვნილებების, ან უფრო სწორედ, იმ ადამიანის მნიშვნელობით, თუ რა ადგილი უჭირავს მას შენს ცხოვრებაში.

— მოიცა, მოიცა, დავუშვათ მე ჯიბეში მაქვს ასი დოლარი და ჩემს საყვარელ ხუთ ადამიანს მსურს მიუძღვნა საჩუქარი, ამ შემთხვევაში როგორ ვიქცევით?

— ისე, როგორც გული გიკარნახებს...

— იოლი გამოსავალი შემომთავაზე... ეს ჩემო ბატონო, თქვენ რომ გისმინოთ კაცმა, ვარდისფერი სათვალე კი არა, ვარდისფერი თვალეებიც ვერ გვიშველის... ყველაფრის იდიალისტურად დახატავას ცდილობთ... ეგრე იყოს... თან ეხლა ხომ ახალი წელია, ამაღამ მობრძანდება მისი უდიდებულესობა.

— იცი, რა მახსოვს ბავშვობიდან, ერთხელ მამაჩემმა საახალწლოდ დედაჩემს ქურქი უყიდა, ქურქზე დედაჩემი წლებია ოცნებობდა, ჩვენ კი „წვრილფეხობას“, სათამაშოები და სხვადასხვა ნუგბარი მოგვიძღვნა, ოჯახის უფროს თაობასაც მიაღწევა საჩუქრები და სხვებსაც... მერე თვალეგაბრწყინებულმა დედამ უცბათ ხასიათი დაკარგა და მამას ჰკითხა „ფული სად იშოვე ამ ყველაფრისთვის?“, მამამ უპასუხა: „ერთი ულელი ხარები გაყიდე და იმით შევიძინე ყველაფერი“-ო, დედამ ქურქი „ცივად“ გაიხადა, იქვე ტახტზე დადო და მამას მიმართა: „ამ ფასად არ მინდა საჩუქარი, თუ ფული გქონდა ოჯახისთვის ქვეყნის რამე მაქვს შესაძენი და იმას ვიყიდდიო“, პირველად მაშინ დავინახე მამაჩემის სევდანარევი ღიმილი, თავი გადაიქნია მამამ და გულჩანურული ხმით მიმართა დედაჩემს: „მე შენი ბედნიერება და ოჯახში კი სიხარულის „შემოჭენება“ მსურდა, ეს ქურქი შენია და მოექეცი მას ისე, როგორც ისურვებ“, შემდეგ ჩვენთან მოვიდა ბავშვებთან და ჩიჩილაკის გვერდით, ჩვენთან ერთად გართობას მიჰყო ხელი....

— ალბათ ხარების გაყიდვა იწყინა დედამ...

— ხო, ალბათ...

— იმ ქურქს რა დაემართა?

— არაფერი, მეორე დღეს მეზობელმა გადაგვიპატიჟა და იქ ეცვა დედაჩემს ის ქურქი, თავს იწონებდა სამოსით და მეუღლის ყურადღებით დედა...

— საინტერესო ისტორიაა...

— ხო, ალბათ. იცი რა მინდა გითხრა, თოვლის პაპა, ეს ერთგვარი ფენომენია, რომელიც ადამიანში ცხოვრობს, ის ქართული ფენომენია, სიყვარულის, სიკეთის, უშურველობის და კიდევ ქართული ოჯახის სიმბოლოც გახლავს, პაპა ოჯახის უფროსია და ოჯახური წეს-კანონის დამცველი, ის პატარა ბაღლი კი, მომავალი თაობაა, რომელსაც ყოველგვარი საუკეთესო უნდა გადაეცეს, რომ ახლა მან შეითვისოს და გადასცეს თავის მომავალ თაობას ქართული ტრადიცია და კაცთმოყვარეობა, ქართველობას სწავლა უნდა მეგობარო. ოჯახში სტუმარი კარიდან შემოდის, სიკეთეც კარიდან შემოდის, ბედნიერებაც კარიდან შემოდის, სიავეც კი, კარიდან შემოდის. ოჯახში კარიდან შედიხართ და საკვამურიდან მხოლოდ ბოლი გადის, „გაბუხრული“ კაცი კი, რა ვიცი... რა ვიცი...

— ესეიგი...

— იცი რას გეტყვი? „სხვისა მაზიარებელი დარჩა უზიარებელიო“ გსმენია ამ ანდაზის შესახებ?

— კი, მაგრამ ეს სხვა რამეზეა ნათქვამი...

— „ზიარება“ მარტო მოძღვარს არ გულისხმობს, ის „გაზიარებასაც“ გულისხმობს...

— თქვენ ვინ ბრძანდებით ბტონო?

გკითხე მოულონელად „პაპას“.

— მე? თოვლის პაპა ვარ...

ფეხზე წამოვდექი, ღიმილით შევხედე მოხუცს და უბრალოდ დავემშვიდობე, კიდევ, ახალი წელი მივულოცე წესისამებრ. ვერ გეტყვით რამ გადამანყვეტინა ჩემი ახალი „თავგადასავალი“... ბანკში შევედი და ჩემი მანქანისთვის მოგროვებული ფული მთლიანად მოვხსენი ანგარიშიდან. სად ვიყავი, ან როგორ ვიარე, აღარ მოვყვები, მხოლოდ იმას გეტყვით, რომ საჩუქრებით დატვირთულმა შევაღლე სახლის კარი...

ბავშვები ყირაზე გადადიოდნენ, ისე გაუხარდათ საჩუქრები, ჩემი მშობლებიც სიხარულით ათვალეირებდნენ საახალწლო ძღვენს, ჩემს მეუღლეს კი, დიდი ფუთა მივანოდე

— ახალ წელს გილოცავ ძვირფასო, ეს შენ...

ჩემმა მეუღლემ ფუთა გახსნა და თეთრად მოლივლივე ბენვის ქურქი შერჩა ხელში, თვალები უბრწყინავდა ჩემს „დედოფალს“... უცბათ მკითხა:

- ფული სად იშოვე? ფული ვინ მოგცა?
- არავინ. მე მეგონა გაგიხარდებოდა...
- კი გამეხარდა. მაღლობთ, მაგრამ იმდენი რამის ყიდვას ვაპირებდი... ეს მანქანის ფულია?
- რა მნიშვნელობა აქვს?
- გადაირიე?
- შემდეგ ჩემს მშობლებსაც მიუბრუნინა თავისი „აღმოჩენის“ შესახებ ამბავი...
- ჯიბიდან ხურდები და რამდენიმე რკინის ლარიანი ამოვიღე...
- ნავალ ჩემს თავსაც ვუყიდი საჩუქარს... სიგარეტიც გამთავებია...

ინტერვიუ 1

(ინტერვიუ გლახთან)

- გამარჯობა პაპა.
- გაგიმარჯოს, მობრძანდი შვილო.
- პაპა მე კორესპოდენტი ვარ და ინტერვიუ უნდა ავიღო თქვენგან.
- ხოოო... შვილო, მაგრამა... მე რად ამირჩიე? ჩვენი მთავრობა ინდე გამგეობის შენობაშია, მე კიდევ არც სიმღერა ვიცი და არც ცეკვა...
- პაპა მე თქვენგან მინდა ინტერვიუს აღება...
- კარგი შვილო, ეგრე იყოს, აბა მკითხე.
- რთველი მორჩაა და ამ ცარიელ ვენახში რას აკეთებთ მარტო-კა?
- ჰოოო, რთველი თქვენთვისა, მხოლოდ ყურძნის კრეფაა, ჩემთვისა კიდევ ნლის სარჩო-საბადებელი, ამ დალოცვილ ვენახსა მე ყოველდღე ვეფერები, ეს არის ჩემი მარჩენალი, მე აქა ნებიერი ვარ, იმიტომ რომა ეს ჩემი მიწაა.
- კი, მაგრამ გარეთ ნებიერი რატომ არა ხართ? ვინ გიშლით ხელს?

— ნებიერი ნიშნავს იმასა რომა, აქ ჩემს სიტყვას ძალა აქვს, მე საქმეს ისე ვაკეთებ როგორც მე მინდა და შედეგსაც შესაბამისს ვიძი, გარეთა კიდევა იმდენი ჭკუის დამრიგებელია რომა, ტვინს აგირევენ კაცოო...

— პაპა რას ნიშნავს იყო ადამიანი?

— ადამინი ბუნებით სამნაირია, ზოგსა დიდება მოსწონს, ზოგსა კიდევა ფულის შოვნა, მავანსა კიდევ სწავლა-განათლება, მაგრამ არის კიდევ ერთი, ამას შენი ქვეყნის უანგარო სიყვარული ჰქვია. თუ ეს ოთხივე ერთ ადამიანშია მოქცეული, ისა უკვე პიროვნებაა, მამულისიშვილია შვილო, რომელსაც შეუძლია ხალხსა სათავეში ჩაუდგეს და სწორი გზით წაიყვანოს.

— საინტერესოა, კი მაგრამ ეგეთ კაცს ბევრი მტერი ეყოლება, მეთანხმებით?

— იმანაც ისეთი მეგობარი უნდა დაიყენოს გვერდში, ვისაც იგივე მტერი ჰყავს...

— ეგ როგორ გავიგო? და თუ გაიმარჯვეს საერთო მტერზე მერე რა მოხდება?

— როცა ბოროტებაზე იმარჯვებ, თავი რაღაცა გგონია და გამარჯვებისგან გულდიდობა გიპყრობს და თუ თავს ვერ დააოკებ, შენს მიერ დამარცხებულ ბორეტებაზე დიდ ბორეტებად თავად შეიძლება იქცე.

— გამოდის რომ „დრაკონი მოკვდა გაუმარჯოს დრაკონს“?

— ადამიანის ფიქრი თავისი საქციელის სარკეა, რომლის ფიქრი ხშირად ბნელია და სულცარიელი, მაგრამ უბრალოდ გამოსაცნობია მიზანი, იმიტომ რომ დიდებასა და სუნჯისკენაა მიპყრობილი...

— სხვა ადამიანებიც ხომ არიან, ვისაც იგივე მიზნები აქვთ, მაშინ როგორ უნდა მოიქცეს კაცი?

— შვილოსან, თუ იცი სხვისი მიზანი, რომელიც შენ დაგაზარალებს და წაუყრუებ სულელი ჰყოფილხარ და ეგ არიი...

— მაშინ როგორ უნდა მოიქცეს კაცი, თუ სხვასაც სურს საუნჯის დაპატრონება? უნდა იომოს?

— საუნჯეს შვილო სამი თვისება აქვს, პირველი ისაა, რომ თავიდან უფრო მეტ თავისუფლებასა და სიამეს გგვრის, ხალისსაც გმატებს. მერე როცა გემოს გაუგებ, ისე ხდება, რომ შენი საუნჯე ხდება

შენი ბატონი, რადგან მის შეძენას მოახმარე შენი ენერგია, ძალ-ღონე და ცოდნა, ამიტომ საუნჯის მონა ხდება კაცი. მერე კი გარემოება აიძულებს და აკეთებს იმას, რაც მის სურვილს არ შეესაბამება და არ მოსწონს. მაგრამ ხიბლი სძლევს და ემორჩილება.

— პაპა, ოცნება გიყვართ?

— ოცნება შვილო თავის მოტყუებაა, მხოლოდ გზიდან გადაცდენა იცის ოცნებამ, რადგან სიცრუესა და რეალობას შორის საზღვრებსა შლის.

— ესეიგი არასოდეს გინატრიათ?

— ნატვრა სხვაა და ოცნება სხვა, კაცი მხოლოდ სანუკვარსა ნატვრობს.

— რატომ იტყუება ადამიანი?

— ადამიანი ჯერა, საკუთარ თავს ატყუებს უკეთური ქცევითა და ფიქრით, ხოლო ვინც სხვას ატყუებს, ისა, საკუთარ თავს, სიცრუეში არ ამყოფებს. კაცის ერთგული მეგობარიც და მტერიც მხოლოდ საკუთარი თავია შვილო. წარმატება და დიდება ყველაზე დიდი მატყუარაა ამ ქვეყანაზე, რადგან ადამიანს ცხოვრებისეული ძიების სურვილს უჩლუნგებს და შეიძლება არარაობად გადააქციოს.

— საინტერესო საუბარი გამოგვივიდა პაპა

— არ ვიცი შვილო, მე ის გითხარი რასაცა ვფიქრობ.

— პაპა, თქვენი რაიონის უფროსობაზე რას მეტყვი?

— აბა რა გითხრა? როცა ავადა ხარ და გტკივა, ვინ გირჩევნია რომ გიმკურნალოს, გაპრანჭულმა უფიცმა ექიმმა თუ მცოდნემ, თუნდაც მახინჯმა?

— რასაკვირველია მცოდნემ.

— ჰოო და მეც მანდა ვარ, ხალხსა შვილოსან გაპრანჭული რიხით ნათქვამი სიტყვა უფრო მოსწონს, ვიდრე სიტყვა მართალი, გონებაში ჩვენს ფიქრებს რომ დაგვიმახინჯებს, ასეა, ასე.

— რისი არ უნდა ეშინოდეს კაცს?

— სიმართლისა შვილო, იმიტომა რომა, თუ სიმართლის შეგეშინდა უფრო მეტ ბოროტებას დაუდებ საფუძველს და ისიცა სიცრუის სამართალს მისცემს ასპარეზს.

— ყველაზე მეტად რა გაინტერესებთ?

— ისა, რაც ჩემი საქმე არ არის, მეც ხომ ადამიანი ვარ.

- ეგ როგორ?
- როგორა და ეგრევე... შვილო ეხლა სახლში უნდა წავიდე, თუ მესტუმრები გამახარებ.
- არა პაპა, სამსახურში უნდა მივიდე, დიდი მადლობა ინტერვიუსთვის.
- იხარე შვილო...

ინტერვიუ 2

(ინტერვიუ პოლიტიკოსთან)

- გამარჯობათ, ნება მიბოძეთ რამდენიმე შეკითხვით მოგმართოთ. ვეცდები დიდი დრო არ წაგართვათ.
- სიამოვნებით, გისმენთ.
- პირველი შეკითხვა, რას ნიშნავს იყო პოლიტიკოსი?
- იყო პოლიტიკოსი, ნიშნავს, პირველ რიგში ფლობდე უნარს განსაზღვრო მოვლენები, რომელსაც ექნება ადგილი ხვალ, ზეგ, ერთი წლის შემდეგ, თუმცა ისიც უნდა გესმოდეს, რომ თუ მოვლენები ისე არ განვითარდა როგორც ელოდი, ამის ლოგიკური ახსნა უნდა შეგეძლოს, პოლიტიკოსი სიტუაციების გადანაწილების დიდოსტატი უნდა იყოს, თუ პოლიტიკოსი სფინქსის ფენომენის თანაზიარი არ არის ამ საქმეს თავი უნდა დაანებო.
- რა არის საჭირო პოლიტიკოსისთვის მასებზე ზეგავლენის მოსაპოვეებლად?
- ჩემო კარგო მთავარია ხიდის აშენება შეპირდე ხალხს, ხოლო მდინარე არის იქ თუ არა მეორე ხარისხოვანია.
- გამოდის, რომ ხალხს ატყუებთ?
- არა, არ ვატყუებთ. რწმენა, იმედი, ეს ის ნარკოტიკია, რომლითაც ხალხს ტკივილი უნდა გაუყუჩო, დიდი იდეალების მსხვერპლნი ყოველთვის მასები არიან. აქ ერთი რამ უნდა გავიგოთ, მრავალრიცხოვანი ერის ეროვნული და პიროვნული სიამაყე ბევრად უფრო მარტივად შეიძლება მართო, ვიდრე მცირერიცხოვანის, რადგან ინფორმაცია არა სასურველ თემებზე თითქმის მყისიერად ვრცელდება.

— თქვენ ერთერთი გავლენიანი პოლიტიკოსი ბრძანდებით, როგორ მიაღწიეთ ამას?

— იცით, საზოგადოების ცნობადი სახეები გვასწავლიან როგორ შევცვალოთ სამყარო, მაშინ როდესაც თავად არ სურთ საკუთარი „მე“ შეცვალონ. ჩემს შემთხვევაში, მე ჯერ „მე“ შევცვალე, ისე როგორც დღევანდელ რეალობა მოითხოვს ამას.

— პიროვნული ადაპტაცია, ეს პოლიტიკოსის აუცილებელი თვისებაა?

— გეტყვით, არსებობს რწმენა, იდეალი, რომელიც თითოეულ ჩვენთაგანშია გამეფებული. თუ რწმენას გიკლავენ და ფეხქვეშ თელავენ, ერთადერთი თავშესაფარი რელიგია რჩება...

— თქვენ რამდენად რელიგიური ბრძანდებით?

— რელიგია ჩვენთვისაც თავშესაფარია, ოღონდ მაშინ როცა ეს გვესაჭიროება. პიროვნული ადაპტაცია, ლავირების და „ფასეულობების“ სწრაფი შეფასების უნარსაც განსაზღვრავს. თუ დინების სანი-ნალამდეგოდ მიცურავ მალე დაიღლები და სხვისი საკბილო გახდები, ხოლო თუ დინებას მიუყვები, მდინარის შუაში უნდა იცურო, თანაც ფსკერთან ახლოს, რომ „მებადურის“ მსხვერპლი არ გახდე...

— „მებადური“ ვინ არის?

— ის, ვინც ჩვენს ხარჯზე იკვებება.

— ესეიგი ოპოზიცია.

— ოპოზიცია, მხოლოდ განსხვავება ჩვენი ქვეყნის რელობიდან გამომდინარე პიროვნებისადმი მიმართულ ვექტორს გულისხმობს და ინსტიტუციონალიზმს.

— ვერ გავიგე.

— მე მგონი სატია ჯიტრეიმ ბრძანა! „მხოლოდ რეჟისორმა იცის თუ რაზეა ფილმი“.

— საოცარია, რით ახსნით იმ ფაქტს, რომ ამ ბოლო დროს მედია სივრცე ჩვენი მენტალიტეტისთვის შეუფერებელი და მიუღებელი ინფორმაციით და თოქ შოუებით აივსო?

— მერე? ვინ იღებს ხმას? ცალკეული ინდივიდები? სად არის მწერლობა? სად არიან სასიქადულო მამულიშვილები? იქნებ განგვიმარტოთ რა ხდება მასებში. თუ არ იქნა საზოგადოების პროტესტი, ჩვენ პოლიტიკოსებს ხელფეხი გვაქვს შეკრული, რადგან მიიჩნევა,

რომ ის, რასაც თქვენ პოპულარიზაციას უწევთ, საზოგადოებისთვის მისაღებია, გასაგებია?

- რას ნიშნავს თანამედროვე აზროვნება?
- არა იმას, რასაც ტელევიზიით ქადაგებენ.
- დამიკონკრეტეთ.

— თანამედროვე აზროვნება, რამდენიმე მიმართულებით ვითარდება, ეს არის, პირველი, კოსმოპოლიტიზმი და მეორე, ნაციონალური პრიორიტეტების დამკვიდრება, როდესაც ამ ორი ფენომენის შერწყმა ხდება ვლუბულობით საზოგადოებრივ ვაკუანალიას, ანუ უსქესო საზოგადოებას, რომლისთვისაც მორალურ პრინციპებს მხოლოდ სიმბოლური მნიშვნელობა აქვს და არა ეროვნული, ფუნდამენტალური მნიშვნელობა...

— და დღეს ჩვენი საზოგადოება ამ მიქსში ცხოვრობს?

— დიას ასეა, ჩვენ ბევრი არჩევანი გავაკეთეთ თუ საით უნდა წავსულიყავით, მაგრამ ყველაზე ფუნდამენტური გამოგვრჩა, ნაციონალური დოგმების დამკვიდრება, რომლის ბაზაზე შესაძლებელია ეროვნული მენტალიტეტთან შესაბამისი თანამედროვე ელემენტების შემოტანა და დანერგვა.

— და დღეს რატომ არ აკეთებთ ამას?

— ვაკეთებთ, მაგრამ „მათთვის“ მიუღებელია, რადგან ამ შემთხვევაში ფულს ვერ იშოვნიან.

— თქვენ გრანტებს და სოციალურ ინვესტიციების ზოგიერთ ფორმას მიიჩნევთ?

— ჩემს წინ მიკროფონია.

— ვინ არიან ის ადამიანები ვინც ახალ, ჩვენი საზოგადოებისთვის მიუღებელ თემებისადმი შემწყნარებლობას გვაიძულებს?

— არ შეიძლება იმის ქადაგება რასაც თავად უარყოფ, მე ის ადამიანები მყავს მხედველობაში, რომლებიც გარემოებათა გამო სჩადიან ამას.

— და ვინ არიან ის დანარჩენები?

— მრწამსისა და შინაგანი კეთილშობილების გარეშე ადამიანები და პოლიტიკური ვასლები.

— როგორც ვხედავ, არც თქვენ ხართ „დანარჩენით“ აღფრთოვანებული.

— ტუვიმმა ბრძანა, „სიძულვილით ლაპარაკი შეიძლება, ოღონდ არა საზეიმო იერით“.

— სად არის ხსნა? სად არის გამოსავალი?

— ინტელიგენციის აღზევებაში, ინტელექტუალური და შემოქმედებით და პროფესიონალური კადრების ქვეყნის მართვის სადავეებთან სიახლოვეში.

დღეს სისტემას ბევრად უფრო დიდ მნიშვნელობას ვანიჭებთ ვიდრე ადამიანებს, თქვენ მეტყვით, ეს დაუშვებელიაო, მე კი გიპასუხებთ, სისტემა მართავს კაცობრიობას და დღეს, ჩვენ ერთ „მატრიცაში“ ვცხოვრობთ, რომელიც ჩვენვე შეუქმენით ჩვენს თავს.

— და რას წარმოადგენს ეს „მატრიცა“?

— ჰარმონიული თვითმკვლელობის ფუფუნებას, რომელიც მხოლოდ მოთხოვნილებაზეა აგებული და სულიერებას სრულად გამოირიცხავს. თქვენი დრო ამოიწურა...

— გასაგებია, დიდი მადლობა თქვენი დროისთვის.

ინტერვიუ 3

(ინტერვიუ მანდილოსანთან)

— გამარჯობათ ქალბატონო ნათია. დიდი მადლობა ინტერვიუს რომ დათანხმდით.

— მადლობა თქვენ, ჩემო კარგო.

— მინდა თქვენი ოჯახის ისტორია გვიამბოთ, რამდენადაც ვიცი საკმაოდ რომანტიული და უჩვეულო იყო თქვენი სიყვარულის ამბავი.

— დიახ ასეა, მაშ კარგი, ეს ამბავი ჯერ კიდევ სკოლაში, სწავლის პერიოდში დაიწყო...

— გასკდა ლუკა შენი გაუმადლარი მუცელი.

ჯუჯღუნებდა და საჭმლით სავსე ჩანთით ხელში რესპუბლიკურ საავადმყოფოს კიბეებზე მიაბიჯებდა ლუკას პატარა ძმა, სანდრო.

— ჩემი მტრის ოჯახში შეხვედი მშვიერი, ვაი დედა! მომწყდა წელი...

საავადმყოფოში, ინტენსიური თერაპის პალატაში სანდროს ძმის, ლუკას პირველი სიყვარული, ნათია ინვა, გოგონა ავტოკატასტროფის შედეგად უგონო მდგომარეობაში მოათავსეს და აგერ უკვე მესამე თვეა ექიმთა თავდაუზოგავი მცდელობა უშედეგო აღმოჩნდა. თხუთმეტი წლის პაციენტი გოგონას გადარჩენაზე ექიმები გარანტიას ვერ იძლეოდნენ. ლუკა ყოველ დღე, ნათიას მშობლების უჩუმრად, პალატაში აკითხავდა გულისწორს, ესაუბრებოდა, სკოლის ამბებს უყვებოდა, ხანდახან გული ამოუჯდებოდა და ცრემლი მოერეოდა ყმანვილს. ექიმები უძღუნრი იყვნენ. ლუკა ყოველთვის საღამოთი მიდიოდა საავადმყოფოში როცა ავდმყოფების მნახველთა და ჭირისუფალთა მიღება წყდებოდა, ერთადერთი გარეშე პირი, ვისაც დაცვა და საავადმყოფოს ექიმები შენობაში შესვლის ნებას რთავდნენ, ლუკა იყო, სანდროსაც ატარებდა დაცვა, ჩანთა გადაკიდებული რომ მიიჩქაროდა ძმასთან პატარა ვაჟკაცი.

იმ დღეს ტაძარში მამა გიორგის შეხვდა ბიჭი. სიტყვებს თავს ვერ უყრიდა, ლულულელებდა, კლასელები წამოეშველნენ, ნათიას ამბავი დანვრილებით მოუყვნენ მოძღვარს. მოძღვარი ჩაფიქრდა, ერთ ხანს იყურა და ბავშვები დააიშედა „ჯანმრთელობის პარაკლისს გადაუხუხდი ნათიას, მხოლოდ თხოვნა მექნება თქვენთან, ხვალინდელი ღამე, ავდგომის პირველ დღეს გაათენებს, ლოცვებს, ხატს და სანთლებს გაგატანთ და პალატაში წაუკითხეთ ავადმყოფს დაუჯდომელი ლოცვა, სასურველია სამნი მაინც იყოთ, ეს ხატი თავთან დაუდეთ ნათიას“. ღვთისმშობლის ხატი, სანთლები და ლოცვები გამოატანა მოძღვარმა ბავშვებს.

„ნუ გეშინიათ, ხვალ დილით აქ მოდით, ნათიას ჯანმრთელობის პარაკლისი გადაუხუხადოთ“.

მეორე დღეს, პარაკლისის შემდეგ ლუკა ტაძრის ეზოში განმარტოვდა, იქვე ხესთან ჩამოჯდა და მიწას დააჩერდა.

— ლუკა!

მორიდებით მიმართა სანდრომ უფროს ძმას.

— მეც წამოგყვები ნათიასთან, კარგად ჯერ ვერ ვკითხულობ, მაგრამ... ხომ ვკითხულობ...

ლუკამ ალერსით გაადაუსვა ხელი სანდროს აბურძგულ თმაზე.

— შენ უკვე დაძინებული იქნები მე რომ წავალ...

ლიმილით მიუგო ძმას.

— კაი რააა, დედაჩემის ერთი ჩხუბი ველარ ამიტანია?
ინყინა სანდრომ.

ძმებს ნათიას უახლოესი მეგობარი ქეთი მიუახლოვდა.

— ბიჭებო მეც წამოგყვებით ნათიასთან, ის ჩემი მეგობარია და უარს ნუ მეტყვით.

მორიდებით მიმართა ქეთიმ.

— ქეთი, დიდი მადლობა, მაგრამ სახლიდან გამოგიშვებენ?

— კი.

— მაშინ ამაღამ თორმეტის ნახევარზე შენს სადარბაზოსთან შეგ-
ხვდებით, გთხოვ არ დაიგვიანო.

— კარგი ლუკა, შევთანხმდით.

გაულიმა ქეთიმ.

ცა მოიქუფრა, ცივი ნიავი დაძრწოდა ქუჩაში, უკვე ღამდებოდა. ლუკა და სანდრო წასასვლელად ემზადებოდნენ, მხოლოდ ქალბატონი ელენე, ლუკას და სანდროს დედა იყო წინაღამდეგი. ოოოო... როგორ განრისხდა ძმების განზრახვა რომ შეიტყო.

„ნათია ჩემი ცოლი გახდება და იცოდე თუ ახლა არ გამიშვებ სულ წავალ სახლიდან, მე ის მიყვარს...“ გაგულისდა ლუკა.

მამა, ბატონი ზურაბი, მდუმარედ უცქერდა დედისა და ძმების კამათს. ჯიბიდან საფულე ამოიღო და ლუკას ფული მიანოდა.

— აილე, ყოველი შემთხვევისთვის ჯიბეში გედოს და კიდეც, სანდროს მიხედე თორემ ვერ გადამირჩები.

ქალბატონი ელენე ახლა ქმარს მისწვდა:

— გაგიჟდი? სად უშვებ?

ბატონმა ზურაბმა მკაცრად შეხედა მეუღლეს.

— ჩემს შვილებს სხვა გადაწყვეტილება რომ მიეღოთ მე ის გამიკვირდებოდა, კაცები არიან და იბრძოლონ საკუთარი ბედნიერებისთვის. წადით შვილო, ოღონდ მობილურები არ გამოართოთ...

ქეთი სადარბაზოსთან უცდიდა.

— წავედით?

მიმართა ლუკამ.

— ხო წავედით.

სლუკუნით უპასუხა ასულმა.

— დედაჩემმა ისეთი მთხლიშა რომ...

— დარჩი, დედას ნუ აწყენინებ.

მორიდებით მიმართა მეგობარს ლუკამ

— ჩემი ბრალია...

— მე მოვდივარ.

ამაყად მიუგო გოგომ.

სამივე საავადმყოფოს კარებთან იდგნენ და კარზე აკაკუნებდნენ, გარეთ წვიმდა, საშინლად წვიმდა. დაცვამ კარები არ გააღო. ლუკა კარზე კაკუნს განაგრძობდა, როგორც იქნა დაცვის თანამშრომელმა კარი გააღო.

— ბავშვებო! ვერ შეგიშვებთ, წადით სახლში.

მტკიცედ მიმართა ოფიცერმა მეგობრებს.

— გთხოვ, აი ხატი, სანთლები და ლოცვები წამოვიღეთ, ეს ღამე აღდგომის პირველ დღეს გაათენებს, გთხოვ შეგვიშვი...

ეხვეწებოდა ლუკა.

— დაუშვებელია...

— მომისმინეთ, ამბობენ აღდგომისწინა ღამე, უდიდესი მადლის მატარებელიაო, იქნებ ნათიასთვის ეს შანსი იყოს, რომ გამოვიდეს მდგომარეობიდან. აი თუ გინდა დაგიჩოქებ.

და სანდრომ მუხლი მოიყარა.

— თუ გინდა მცემე, ოღონდ შეგვიშვი...

— ბატონო, სანთლები უნდა ავანთოთ და დაუჯდომელი ლოცვა უნდა წავუკითხოთ, რატომ არ გინდათ რომ გულთან ახლოს მიიტანოთ ჩვენი თხოვნა?!

მიმართა სიცივისგან აკანკალებულმა ქეთიმ დაცვის თანამშრომელს და ნაძალადევად გაუღიმა.

— ბავშვებო, რომ შემოგიშვათ სამსახურიდან მომხსნიან...

— რა ამბავია?!

თითქოს ცივი წყალი გადაასხესო, შეცბნენ ბავშვები დაცვის უფროსის ხმის გაგონებაზე.

— მე ნებას ვერ დაგრთავთ...

— პალატის ექიმს სთხოვეთ, ან მორიგე ექიმს, უკვე თორმეტი საათი ხდება, აღდგომის დილა იწყება... გემუდარებით...

ხმა გაეზარა ლუკას.

— კარგით დავრეკავ.

დაცვის უფროსი ოთახში შევიდა და ტელეფონის ყურმილი აი-ლო, მშვიდად აკრიფა მორიგე ექიმის შიდა ტელეფონის ნომერი, რა-ლაცას ესაუბრებოდა, ბავშვებს არ ესმოდათ, მაგრამ... დაცვის უფ-როსმა გაიღიმა...

— მორიგე ექიმი თავად წაგყვებათ, ასე რომ...

სიტყვა დამთავრებული არ ჰქონდა რომ ქეთი მიუახლოვდა და ლოყაზე აკოცა ოფიცერს, „მადლობთ“, თითქმის ჩურჩულით მიმარ-თა გაოგნებულ კაცს.

მორიგე ექიმი პალატაში შეუძღვა ბავშვებს. მონინება და სიბრალე-ლი ეპუებოდნენ ერთმანეთს თეთრხალათიანი ექიმის დაღლილ სახეზე.

— ბავშვებო გთხოვთ წესიერად მოიქცეთ, მე დაგტოვებთ და იმე-დი მაქვს არ გამანზილვებთ.

— კი ქალბატონო...

მიუგო ლუკამ.

ხატის წინ სანთელი აანთეს ბავშვებმა. დაუჯდომელი ლოცვის კითხვა ლუკამ დაიწყო: „მამაო ჩვენო, რომელი ხარ ცათა შინა...“ მე-სამე სანდრო იყო, უჭირდა კითხვა, თითს აყოლებდა ტექსტს, ძლივს გამოთქვამდა სიტყვებს, საკუთარ თავზე ბრაზობდა მაგრამ არ ჩერ-დებოდა... კითხულობდა. თითქმის საათზე მეტი მოანდომეს ბავშვებ-მა დაუჯდომელი ლოცვის კითხვას. ერთმანეთს გადახედეს. პალატა-ში სამარისებული სიჩუმე მეფობდა.

— ეხლა რა ვქნათ ლუკა?

ჩურჩულით მიმართა ქეთიმ

— მზეს დავუცადოთ.

ძმის მაგივრად უპასუხა სანდრომ და იქვე ცარიელ სანოლზე ჩა-მოჯდა.

— ფეხები მეტკინა, ცოტას დავისვენებ...

— მაგარი კაცი ხარ სანდრო.

მზრუნველი ხმით მიმართა ლუკამ ძმას.

— ვიცი...

უპასუხა სანდრომ და სანოლზე წამოწვა.

ქეთის გაეღიმა. დრო გადიოდა. სანდროს ჩაეძინა. ქეთიმ ლაბა-და გაიხადა და დაახურა ბავშვს. თავზე ხელი გადაუსვა, „უკვე კაცია,

პატარა მაგრამ კაცი“. სავარძელზე ჩამოჯდა ასული, ეძინებოდა გოგოს. მხოლოდ ლუკა დასდგომოდა თავზე ავადმყოფს. თითებით შეეხო ნათიას სახეს. კოცნა მოუნდა. ოოო... როგორ უნდოდა ერთხელ კიდე ეკოცნა, ვნების გამოხატვას ერიდებოდა მიჯნური. ახლა ნათიას თითებს შეეხო. გაყინულ და უგრძნობ თითებს ეფერებოდა, დაიხარა და... აკოცა... „მიყვარხარ“, აღმოხდა ლუკას... მღუღარე ცრემლი ჩამოუგორდა მიჯნურს ლოყაზე...

კორიდორში დაცვის წევრის რაცია ახმაურდა „... ყურადღება, პერიმეტრზე რალაც მოძრაობაა, მთელი ეზო ხალხითაა სავსე...“

ლუკა პალატის სარკმელთან მივიდა, ქეთიც გვერდში დაუდგა მეგობარს. გაჩირალდნებულ ეზოში ხალხი იდგა, უამრავი ხალხი, მონასტრის დარბაზს ჰგავდა ეზო, ანთებული სანთლები უღიცილიცებდნენ ხელში ადამიანებს.

— ქეთი ხედავ?

— ხო, იქ დედაჩემი და მამაჩემიც დგანან, მთელი ჩვენი კლასი აქ არის...

— და მშობლებიც...

— თენდება ლუკა.

— ხო თენდება.

ბავშვები მადლიერი და გაოცებული თვალებით უცქერდნენ ეზოს.

— იმედის დილა თენდება ლუკა.

მიმართა ქეთიმ

ლუკამ ხელი გადახვია მეგობარს.

— ლუკა, ლუუუ!

სანდროს ხმამ გამოარკვია ფიქრებში წასული ძმა.

— რა იყო სანდრო?

— ნათიამ თითები გაატოკა.

— კარგი ბიჭი ხარ სანდრო.

გაეღიმა ქეთის.

— დედას ვფიცავარ, მართლა შეატოკა თითები.

დაჯერებული ხმით მიმართა მეგობრებს სანდრომ

— შეხედეთ...

ცალ ხელზე ნათიას თითები კიდე შეირხა. ეხლა ორივე ხელზე აამოძრავა თითები ავადმყოფმა, „უმმმმ“ ამოიგმინა ნათიამ...

— ქეთი მელანდება?

— არა, არა, მგონი იღვიძებს, ლუკა ნათია იღვიძებს..

სანდრო წამოხტა, პალატიდან გაერთ გავიდა და დაცვის თანამშრომელთან მიიღბინა.

— ჩქარა, იღვიძებს... ექიმს დაუძახე, ჩქარა...

— რა მოხდა პატარავე?

— ნათია იღვიძებს!

სანდრო უკვე ყვიროდა იგი. სანდრო სხარტად მობრუნდა და ექიმის კაბინეტისკენ გაიქცა.

გულგახეთქილი შევიდა პალატაში ექიმი. ნათია კვნესოდა. ავადმყოფი ერთადერთ ფრაზას, „ვაიმე დედა“-ს იმეორებდა.

ექიმმა დაცვის ნევრი იხმო „...გთხოვთ პროფესორ ჩოლოყაშვილს დაუკავშირდით, მეთუ პალატაში განსაკუთრებული მდგომარეობაა, სასწრაფოდ აცნობეთ, გთხოვთ...“

პროფესორი და რამდენიმე ექიმი ჩქარი ნაბიჯით შემოვიდნენ საავადმყოფოს ეზოში და შენობის კარისკენ გაემართნენ.

„რა ხდება?“

ტალღასავით გადაუარა ეზოში მდგომ ხალხს.

„ცუდი ხომ არაფერია?“

ნათიას მამამ შეაჩერა ბატონი პროფესორი.

— რა ხდება ბატონო? მე ნათიას მამა ვარ, მეთუ პალატიდან...“

— დამშვიდდით, ჯერ მეც არაფერი ვიცი.

ნათიამ თვალები გაახილა „დედაა...“ აღმოხდა ავადმყოფს.

— ნუ გეშინიათ ყველაფერი კარგად იქნება.

პროფესორი ავადმყოფის გასინჯვას შეუდგა.

— ბავშვებო პალატიდან გადით.

— არააა... ლუკა... არააა...

ნათია ლუკასკენ იშვერდა ღონე მიხდილ ხელს.

— გადავრჩით...

ბრძანა პროფესორმა, სათვალე შეისწორა და მზერა ბავშვებს მიაპყრო.

— ახალგაზრდა თქვენ ალბათ ლუკა ბრძანდებით.

ლიმილით მიმართა ლუკას პროფესორმა.

— დიახ, მე ლუკა ვარ.

— ჭაბუკო, მე არ ვიცი თქვენ რა მოიმოქმედეთ, მაგრამ აშკარაა რომ პაციენტს ცნობიერება სრულად დაუბრუნდა, ჯერ სუსტადაა, მაგრამ მალე გამოჯანმრთელდება, ჭაბუკო! ჩემთან გაქვთ შეკითხვა?

— დიახ მაქვს, შეიძლება პალატაში დავრჩეთ?

— სამივე?

— დიახ, ეს ქეთია, ჩვენი მეგობარი, ეს კი სანდროა, ჩემი ძმა... პალატაში ნათიას მშობლები შემოვიდნენ.

— ბატონო პროფესორო ბავშვი როგორ არის?

აღელვებულმა იკითხა ნათას მამამ.

— უკვე კარგად, ცნობიერება აღუდგა, ჯერ სუსტადაა...

— ლუკაა... ლუკაა... დედაა... მამიკო...

ლულულულებდა ნათია.

დედა ასულის საწოლთან მივიდა, ხელებს უკოცნიდა პირმშოს

— მამა, ეს ლუკაა... ჩემი ლუკა.

მიმართა ღონემიხდილმა ნათიამ მამას.

— ის ჩემია...

პალატაში სიჩუმე ჩამოვარდა, მხოლოდ დედის ქვითინი არღვევდა მყუდროებას.

— მამა, მე ლუკა მიყვარს.

განაგრძო ავადმყოფმა.

მამამ ჯიქურ გადახედა ლუკას, შემდეგ მოლბა, ლუკას ხელი ჩამოართვა და მიმართა:

— მადლობთ ლუკა, შენ მე შვილი დამიბრუნე.

— მე... მე... არა... დღეს აღდგომის პირველი დღეა, მადლობა მე არ მეკუთვნის... ქრისტე აღსდგა...

— ჭეშმარიტად!

ერთხმად შესძახა პალატაში თავმოყრილმა საზოგადეობამ.

— ქრისტე აღსდგა!

— ჭეშმარიტად!

— ქრისტე აღსდგა!

— ჭეშმარიტად აღსდგა!

პალატის ექიმმა დაწვრილებით უამბო ნათიას მშობლებს ლუკას რამდენიმე თვიანი „ეპოპეის“ შესახებ, ნუხანდელ თავგადასავალს ამაღელვებლად ყვებოდა დასტაქარი.

— მადლობთ შვილო.

ცრელმნარევი ღიმილით მიმართა ნათიას დედამ ახალგაზრდა რაინდს.

— მე ჩემი... ჩემი... მე მიყვარს... სიცოცხლეს მირჩევნია.

სიტყვებს თავს ვერ უყრიდა ბიჭი. ნათიას მამას გაელიმა.

— ნათია ჩემს ძმას უყვარს, ლუკამ იბრძოლა და ბედნიერება მოიპოვა.

სიტყვა შეაშველა ძმას სანდრომ.

პროფესორმა ნათიას მშობლების გარდა, ყველას პალატისა და შენობის დატოვება მოსთხოვა.

ბავშვები ეზოში ჩავიდნენ. ხალხი შემოეხვია ახალგაზრდებს, კითხვების კორიანტელი დააყარეს... ლუკამ ქეთი მშობლებთან მიიყვანა.

— ბატონო დავით, ნება მიბოძეთ ბოდიში მოგიხადოთ, ქეთი რომ არა, არაფერი გამოგვივიდოდა, ის იყო ჩვენი მოამაგე და შემწე, გთხოვთ მომიტყევოთ.

მორიდებით მეტყველებდა ლუკა.

— ქეთი ჯიგარი ხარ.

სიტყვა დაანია სანდრომ.

— თუ ვინმე გაგაბრაზებს მითხარი და მე მოვუვლი.

ღიმილით შესცქეროდნენ გარშემომყოფნი პატარა კაცს.

— ეხლა რა ვქნათ ლუკა?

მიმართეს მეგობრებმა ლუკას.

— ტაძარში უნდა მივიღე მამა გიორგისთან, ის მეტყვის როგორ მოვიქცე.

— ჩვენც წამოვალთ.

— მეც მოვდივარ.

დაიჩემა სანდრომ.

ლოცვას აღავლენდა მამა გიორგი, ლუკას მეგობრები მადლობას უძღვნიდნენ უზენაესს. სანთელს ანთებდა სანდრო.

— აი ასე დაიწყო ჩემი ოჯახის ისტორია.

დაამთავრა თხრობა ქალბატონმა ნათიამ.

— და მერე რა მოხდა?

მივმართე რესპოდენტს.

— მერე? მე და ლუკა შევეუღლდით, ოთხი ვაჟუკაცის დედა ვარ და ბედნიერი მეუღლე. მე საკუთარი საბავშვო ბაღი მაქვს, ლუკა ბიზნეს-მენია, ბავშვები კი სკოლაში სწავლობენ...

— თქვენი მომავალი კარიერა როგორ წარმოგიდგენიათ?

— კარიერა? მე როგორც ქალმა კარიერის პიკს თითქმის მივად-ნიე, ბებიობას ველოდები, მე დედა ვარ, ჩვენს ოჯახში სიყვარული და ურთიერთპატივისცემა სუფევს...

— სანდრო?

— სანდრო დაოჯახდა, ორი შვილის მამაა პატარა ოინბაზი.

— მადლობთ ქალბატონო ნათია ამ საოცარი ისტორიისთვის...

— საოცარი იცით რა არის? ადამიანებმა ვერ ისწავლეს ბედნიე-რების დანახვა, ის ჩვენს წინ დევს, მაგრამ თვალს ვარიდებთ. გვეშინია რადგან სიყვარულის დეფიციტს განვიცდით, ბედნიერება მატერიალური საზომით არ განისაზღვრება, ბედნიერება უსიყვარულოდ არ არსებობს.

— მადლობთ ინტერვიუსთვის, ულმესი მადლობა ქალბატონო ნათია.

— იხარეთ და უფალი გფარავდეთ.

დამლოცა ოჯახის დედამ.

ბედნიერი დავბრუნდი რედაქციაში.

ინტერვიუ 4

(ინტერვიუ ტელერედაქტორთან)

— გამარჯობათ, მადლობელი ვარ ინტერვიუზე რომ დამთან-ხმდით...

— გამარჯობათ, რით შემიძლია გემსახუროთ?

— პირველი შეკითხვა მინდა დაგისვათ...

— ნუ ღელავთ, დამშვიდდით.

— რას ნიშნავს „საზოგადოებრივი აზრის ფორმირება“?

— პირდაპირ „გულიდან“ ვინყებთ? როგორც გენებოთ. საზოგა-დოებრივი აზრი ეს იდეოლოგიის „პროდუქტია“, მოცემულ პირობებ-

ში „პროდუქტის“ დროული და კარგად შეფუთული სახით საზოგადო-
ებისთვის მიწოდების უზრუნველყოფა კი, ჩვენი დანიშნულებაა.

– თუ სწორად გავიგე საზოგადოებრივი აზრის ფორმირება და-
მოკიდებულია არსებულ, ან სიტუაციის შესაძლო განვითარებასთან?

– იცით, ჩვენ ყოველთვის ვიტოვებთ საფეხურს რათა „ნაბიჯი
უკან“ გადავდგათ...

– ეს რას ნიშნავს?

– ინფორმაციას, მოსახლეობა იღებს პირველი პირებისგან. სა-
სურველ პოზიციას სწორედ ისინი აფიქსირებენ, ჩვენ მხოლოდ ამ
ადამიანებს ვუთმობთ ჩვენს ხელთ არსებულ მედია საშუალებებს...

– მაგრამ, ხომ არის განსხვავებული აზრი?

– ბუნებრივია, მაგრამ რეალობიდან გამომდინარე ჩვენ ვირჩევთ
იმ სუბიექტს ვინც მოცემულ მოენტშია საჭირო, ასე ვქმნით „კომპე-
ტენტურ აზრს“. „განსხვავებული აზრი“-ს მიწოდებაც ხდება, მხოლოდ
განსხვავება ამ ორ მხარეს შორის ექსპერტების რაოდენობასა და მათ-
თვის დათმობილ დროშია.

– გამოდის რომ ერთგვარ მანიპულირებასთან გვაქვს საქმე.

– ერთი შეხედვით ასეა, მაგრამ მედია ეს ერთგვარი „სანარმოა“,
რომელსაც გააჩნია საკუთარი „პროდუქტი“ ისევე როგორც ქარხანას
ან საერთოდ სანარმოს. არსებობს „შემკვეთი“, ასე ვთქვათ დამფინან-
სებელი, არსებობს „თემა“, რომელიც კარგად იყიდება, არსებობს მოვ-
ლენათა ჯგუფი, რომლებიც ერთმანეთთანაა კავშირში და შესაძლებე-
ლია მათი განხილვა დროში გაინელოს, რაც ასევე მომგებიანია, ასევე
თემები, რომელთა ურთიერთკავშირი ზედაპირზე არ ჩანს და შეიძ-
ლება არც არსებობდეს, მაგრამ ინტრიგა მათ შორის შესაძლო ურთი-
ერთობისა დიდია და თუ მასაც კარგად „შეფუთავ“, „სენსაციის სინ-
დრომს“ მიიღებ. ეს ყველაფერი კი ფულია.

– რამდენად მნიშვნელოვანია თქვენთვის დამკვეთის ინტერესე-
ბის დაცვა?

– უმნიშვნელოვანესია, ერთ „დამკვეთს“, მეორე „დამკვეთი“ მოჰ-
ყვება...

– გამოდის რომ თქვენ საკუთარი პოზიცია არ გაგაჩნიათ?

– რატომ? ჩვენ გვაქვს საინფორმაციო ბლოკი და თოქშოუების
მთელი კასკადი...

- ერთი კითხვაც მინდა დაგისვით პარალელურ რეჟიმში.
- გისმენთ.
- რას ნიშნავს „მთავარი მოთამაშე“?
- კარგით, ჯერ ერთი საკითხი დავასრულოთ. მაშ ასე, საინფორმაციო ბლოკი, იმის მიხედვით იგეგმება რაც მოვლენათა ეპიცენტრში ანგარიშგასაწევია და საყურადღებოა, თუ არსებობს „ნება“ შესაბამის საინფორმაციო ბლოკში, ინფორმაცია მიეწოდება ისე, როგორც ეს „დამკვეთისთვისა“ მისაღები, მაგრამ რჩება „ნაბიჯი უკან“ რაც ტენდენციურობის ბრალდებისგან გვიხსნის, ან უბრალოდ უგულვებელჰყოფს მას. რაც შეეხება „თოქშოუს“, წამყვანი გადაცემაში ინვესტემასთან დაკავშირებით დაინტერესებულ მხარეებს, რაც შესაბამისად საზოგადოებისთვის მისაღებია, მაგრამ არსებობს წამყვანის „საეთერო სიმპათია“, ეს დროა, რომელსაც რესპოდენტს, სტუმარს უთმობს წამყვანი და კითხვა, უფრო სწორედ კითხვის დასმის ვექტორი, აქ მთავარია მიმართულება და მძიმე...
 - მძიმე?
 - დიახ, ამ საოცარ სასვენ ნიშანს შეუძლია მთელი აზრი შეცვალოს.
 - ეს ფაქტი ინვესტს თუ არა „საეთერო სიმპათიის“ მიღმა დარჩენილი მხარის პროტესტს?
 - ნაკლებად, რადგან ჩვენ ვირჩევთ ისეთ ადამიანებს ვისაც საკუთარი აზრის დაფიქსირება და დაცვა უჭირთ, შესაბამისად ნაკლებად ეფექტურიცაა ეს პიროვნება დისკუსიისთვის. ასეთ შემთხვევაში „დამკვეთის“ შეკვეთა შესრულებულია...
 - და თუ ეს მხარე მართალია? მაგრამ ნაკლებად მომზადებული, საზოგადოების სიმფატია ვის მხარესა?
 - ამას რა მნიშვნელობა აქვს ჩვენთვის? თუ ის მართალია, ჩვენ საშუალებას ვაძლევთ, რომ აზრი გამოთქვას და საკუთარი სიმართლე დაასაბუთოს. თუ საზოგადოებამ იცის ამ ადამიანების სიმართლის შესახებ და ვერ ადასტურებენ, მაშინ „საზოგადოებრივი შემწყნარებლობის“, ან „საზოგადოებრივი დათმენის“ იმედი, შეიძლება იქონიონ.
 - ასე მგონია წერტილის დასმამდე გადავდივართ თემიდან თემაზე.
 - გეთანხმებით და ეს ძალიან საინტერესოა.

— დაუდანაშაულებიხართ ტენდენციურობაში?

— კი, მაგრამ ჩვენი ფორმატი „ნიეტრალურ ზენოლას“ გულისხმობს. საერთოდ „ტენდენციური“ მედია საშუალება საზოგადოებაში ავტორიტეტით ვერ სარგებლობს, მაგრამ ავანტურა საზოგადოებრივ ინტერესთა სფეროში მუდმივად იკავებს პრიორიტეტულ ადგილს და არის კიდევ შოუ, ეს განსაკუთრებული ფენომენია, რადგან მას შეუძლია მილიონობით ადამიანი მიაჯაჭვოს მედია კომპანიის „იმიჯს“.

— რა ჰქვია ამ „იმიჯს“?

— ამ მუდმივად განახლებად, მოტივირებულ, ორგანიზებულ და მკაცრ დისციპლინაზე დამყარებულ, პროფესიონალთა გუნდის მიერ მართულ მედია ერთეულს, „კლასიკური მედია საშუალება“ ჰქვია.

— ამ თემას ცოტა მოგვიანებით დავუბრუნდეთ.

— როგორც ინებებთ.

— რას ნიშნავს საზოგადოებრივი დაკვეთა?

— ის, რამდენიმე სახისაა. პირველი, მნიშვნელოვანი მოვლენების განვითარების შესახებ ინფორმაცია, მეორე, „საზოგადოებრივი ინტრიგა“, რომელიც ძირითადად მსხვილი სახალხო გაერთიანებების ან „ინტერესთა ჯგუფის“ ინტერესების გათვალისწინებით არის შედგენილი. მესამე, საზოგადოებრივი აზრის კვლევის შედეგად მიღებული, ინტერესთა განზოგადოების შედეგად მიღებული თემების ერთობლიობა. მეოთხე, საკუთარი „ბრენდული“ პროდუქტი, ამ „პროდუქტს“ ხშირ შემთხვევაში ექსკლუზიური ხასიათი აქვს და მას, არც თუ იშვიათად „ჟურნალისტურ გამოძიებას“ ვარქმევთ.

— თუ შეიძლება თვითოეული მათგანის შესახებ მცირე კომენტარი გააკეთოთ.

— მაშ ასე, „მნიშვნელოვანი მოვლენების განვითარება“. ეს ძირითადად ქვეყნის შიგნით ძალთა თანაფარდობის, მხარეთა ურთიერთ დაპირისპირების და შიდა საზოგადოებრივი აზრის განვითარების ტენდენციებს ეხება...

— ამ შემთხვევაში არსებობს ცალკე დაინტერესებული მხარე?

— კი, უმეტეს შემთხვევაში ყველა მთავარი მოთამაშის ინტერესებშია ინფორმაციის სწრაფი და ეფექტური მიწოდება-გავრცელება მედია საშუალებებით, ბუნებრივია ობიექტურობის „მსუყვე ულუფის“ ჩათვლით. რაც შეეხება ფორმატს, აქ საქმე გვაქვს საკმაოდ ლავირე-

ბად სქემასთან. ის, იმის მიხედვით ყალიბდება, თუ რამდენადაა შესაძლებელი „თემის დაყოფა“, საზოგადოებაში „მოვლენასთან“ დაკავშირებით მეტი დაინტერესების მისაღწევად.

— და სულ ეს არის?

— არის კიდევ „პერსონალური“ და „ფინანსური“ სიმფატია.

— საერთო ჯამში თქვენ თითქოს ყველაფერს მეუბნებით და ქვიშასავით ხელში არაფერი მრჩება.

— კარგით... კარგით... მარტივად გაგცემთ პასუხს თქვენს უმთავრეს კითხვაზე, „საზოგადოებრივი დაკვეთა“, განსაკუთრებული მნიშვნელობის შემცველი მცნებაა, რომელსაც ვიყენებთ საზოგადოებრივი აზრის ფორმირებისთვის. უმეტეს შემთხვევაში არავითარი „დაკვეთა“ არ არსებობს. საქმე გვაქვს ინტერესთა „ვექტორის“ მიმართულების შეცვლასთან. არსებობენ აქტიური და პასიური პერსონაჟები. ასევე ადამიანები, რომლებიც შესაძლოა ამა თუ იმ მოვლენას დაკავშიროთ მათი შესაძლო მონაწილეობის ალბათობა. შემდეგ იქმნება „თეორია მოვლენის“ შესახებ და მოქმედებაში მოდის მისი უდიდებულესობა „საზოგადოებრივი დაკვეთა“, ხშირად ჩვენ თავად ვქმნით რომელიმე ფაქტთან დაკავშირებით სკანდალს, რადგან მასების ყურადღების ცენტრში მოვაქციოთ ის ადამიანები, რომლებიც მეტ-ნაკლებად ცნობად სახებს წარმოადგენენ. ეს ინტრიგაა და ერთგვარი შანტაჟიც. თქვენ ეს გსურდა მოგესმინათ?

— და კიდევ...

— და კიდევ გახსოვდეთ, ტენდენციური მედია საშუალება არ არსებობს, არსებობს ინდივიდუალური ხედვა, ფაქტების „მინოდების“ ინდივიდუალური სქემა, „ფინანსური სიმფატია“, კონკურენცია და „მძიმე“...

— და კიდევ ერთი შეკითხვა...

— თქვენ მე უკვე დამღალეთ, თქვენი დრო ამოიწურა კარგად ბრძანდებოდეთ...

იოთამი (ზღაპარი)

იყო და არა იყო რა, ღვთის უკეთესი რა იქნებოდა, იყო ერთი ლამაზი სოფელი. სოფლის მკვიდრთ ერთი განსაკუთრებული წესი ჰქონდათ, ყველა ეზოში, გარდა ხეხილისა აუცილებლად უნდა დაერგოთ კაკალი, მუხა და ნაძვი. ვერავინ იტყვის რატომ მაინც და მაინც ეს სამი ხე, მაგრამ მამა-პაპურ ტრადიციას არავინ ლალატობდა. ყოველი ახალი მოსახლე სანამ სახლის შენებას დაიწყებდა ჯერ ნერგებს რგავდნენ, შემდეგ მეზობლები გადმოვიდოდნენ, ნერგებს გარშემო დაუვლიდნენ და საკუთარი ოჯახებიდან მოტანილი ღვინით ოჯახის დამკვიდრებას ადღეგრძელებდნენ. ამ რიტუალს ფესვკურთხევას ეძახდნენ. ჩვენს სოფელს კი ქვის უბანი ერქვა.

სტუმართმოყვარეობით განთქმული იყო ქვისუბანი. იმ მხარეში ბევრს სატრაბახოდ ჰქონდა „ქვის უბანში ნათესავი ან მოკეთე მყავსო“, ქორწილიც განსაკუთრებული ტრადიციისამებრ მიმდინარეობდა. ნიშნობისას საპატარძლო ქოთნით ყვავილს გადასცემდა საქმროს, აქაო და „ყვავილი ვარ, სურნელოვანი და ტანკენარი, მომიფრთხილდი და ნუ დამაჭკნობო“. სასიძო თავის მხრივ საპატარძლოს მანდილს, ბეჭედს და ხატს სჩუქნიდა, „ოჯახის ქალი მანდილის სიბრძნის, ერთგულების და სინმინდის მაგალითი უნდა იყოსო“. კიდევ სხვაც ბევრი ლამაზი წესი ჰქონდათ ქვის უბნელებს. სიცოცხლე ჩქეფდა სოფელში, მაგრამ ერთხელაც...

მშვენიერი საღამო იდგა, თბილი, მთვარეც არ იშურებდა სხივებს და უხვად ანათებდა სოფლის ეზოებს. დიდ მოედანზე ხალხი შეკრებილიყო, ახალგაზრდობა ერთობოდა, ზოგი მღეროდა, მავანნი ცეკვავდნენ, ზოგიც თავის გულის სწორს ჩუმად ემიჯნურებოდა, ბალებიც არ იყვნენ გულხელდაკრეფილნი და ერთი ჟრიაშილი ჰქონდათ ატეხილი, ლაპარაკს არ აცლიდნენ უფროსებს. ბრძენკაცნი მოედნის კიდეში ასწლოვანი მუხების ქვეშ იხსდნენ და სოფლის საკითხებზე მსჯელობდნენ. აქეთ კი ქალთა მარაქა შეკრებილიყო. ოოო... ტა-ტა-ტა, აბა იქა ხდებოდა რაც ხდებოდა.

იმ საღამოსაც ყველაფერი ჩვეულებრივად იყო, როგორც ყოველთვის, მაგრამ უცბათ ცა ჩამოხსნებოდა, ზაფხულის ღამეს, თოვლნა-

რევმა ქარმა დაჰბერა, ვერ გაეგოთ ქვის უბნელებს რა ხდებოდა. შეშინებული ხალხი ზეცას შეჰყურებდა, სეტყვაც დაიწყო. ატყდა ერთი ალიაქოთი, არავინ უწყოდა ვინ საით გარბოდა, იდგა ერთი გნისი, მოედანი დაიცალა, მხოლოდ მუხებთან, სოფლის მოძღვარი მამა წყალობა და იმ მხარეში გათქმული ფალავანი — იოთამი იდგნენ. მამა წყალობას ჯვარი აღემართა და ჩუმად ბუტბუტებდა ლოცვას. უცბათ მოედანზე ცხენებშებმული ეტლი შემოსრიალდა, ელვასავით ანათებდა ცხენების თვალები, ფლოქვებით ძალუმად სცემდნენ მიწას. შავი ეტლიდან უცნაური ხმა ისმოდა, თითქოს ვიღაც სტიროდა, ზოგი კვნესოდა, ზოგი იცინოდა, ვერა გაეგოთ ვერც მამა წყალობას და ვერც იოთამს, საიდან გაჩნდა ეს ეტლი მათ სოფელში, არც მსგავსი სილამაზის ეტლი ენახათ მრავლის მნახველ მოძღვარს და ფალავანს. ეტლის კარები მძიმედ გაიღო, წვეროსანი, მგლისთავიანი და ადამიანის ტანიანი არსება გადმოვიდა. ძალგულოვანი სჩანდა დაუპატიჟებელი სტუმარი. არც კადნიერება აკლდა მოსულს. პირველმა მამა წყალობამ მიმართა მოსულს.

— ვინა ბრძანდებით, შვილო ჩემო?

მგლისთავამ ნაბადი მოიშორა და ხელი ხმლის ვადაზე დაიდო. საუბრის დაწყებას არ ჩქარობდა აბჯროსანი. ახლა იოთამმა ჰკითხა სადაურობა და ტყიურის ხრიალით გასცა პასუხი უსტუმრებელმა. ისევ გამონათა მთვარემ. ქარიც ჩადგა, ისევ დათბა ქვეყანაზე. იქვე მიმომალულმა ქვისუბნელებმაც წამოყვეს თავები. მდუმარედ, შიშნეული თვალებით შეჰყურებდნენ მოსულს.

მგლისთავამ გარშემომყოფთ თვალი მოავლო და ხალისიანად ალაპარაკდა:

— პატიებას გთხოვთ თანასოფლელებო, ბოდში მინდა მოგიხადოთ უდროო დროს სტუმრობისათვის.

მამა წყალობამ შეჰკადრა მოსულს.

— სტუმარი ღვთისაა, შვილო ჩემო. ვინაობა გვიბრძანეთ თქვენი. ახლალა დააკვირდნენ მამა წყალობა და იოთამი მოსულს, მათ წინაშე მშვენიერი ვაჟკაცი იდგა პირმცინარე.

— კაჟ-ციხის ბატონი გახლავართ ბატონებო. ეტყობა სიბნელეში გზა ამერია.

— კაჟ-ციხე სოფლის თავთან არის, სასაფლაოებს გადაღმა.

მიუგო იოთამმა.

მაგრამ იქაურობა დიდი ხნის წინ გავერანდა. ამბობდნენ ბოროტი ძალა ბუდობსო შიგ.

— სცდებით იოთამ ბატონო.

ლიმილით მიუგო აბჯროსანმა

— ჩემი სადაურობა საიდან იცით?

გაუკვირდა იოთამს.

— შენი სახელი მე კი არა მთელმა ამ მხარემ იცის, შარშან გნახე დღესასწაულზე. ბოდის მოგიხდით კიდევ ერთხელ, ჩემს საუფლოში მიმეჩქარება.

ეს სთქვა უსტუმრებელმა და ეტლში ჩაჯდა. ნელი სვლით გაემართა ეტლი სასაფლაოსკენ, კაჟ-ციხის ნანგრევების მიმართულებით.

— მამა-პაპისგან გამიგონია კაჟ-ციხის პატრონი კაც-მგელი იყოო...

დუნედ ალაპარაკდა იოთამი.

— ადამიანთა სისხლით იკვებებოდა, ასე ამბობს ლეგენდა.

— მართალი ხარ, იოთამ შვილო, მძიმე დღეები შეიძლება დაუდგეს ჩვენს სოფელს. ღმერთო გვიშველე, ნასოფლარად არ გადააქციო ქვის უბანი.

ცას შეჰღალადა მამა წყალობამ.

— თანასოფლელებო! ნურაფრის გეშინიათ, გზაბნეული მგზავრი იყო მხოლოდ.

ომახიანად მიმართა იოთამმა ხალხს

ეს თქვა იოთამმა და თავისი ქოხისკენ გასწია. “პაპაჩემისგან მსმენია, სამი ძელის ძალისა ეშინიათო მგელკაცებს, იქნებ კაკალი, მუხა და ნაძვი? მაგრამ რას ნიშნავს ეს სამეული, ან როგორ შეიძლება გამოიყენოს ეს კაცმა?” ფიქრობდა იოთამი.

მამა წყალობაც გულამღვრეული დაბრუნდა ეკლესიაში. ხატის წინ სამი სანთელი აანთო, ჩუმი ლოცვა სთქვა, მსახურობა რომ მოათავა, საკურთხეველთან ჩამოჯდა და ფიქრს მიეცა. „მამაჩემ ლაზარესგან მსმენია მონასტრის კედელზეაო გამოხატული მგელ-კაცთან რკენა. იქვე იხილავო მისი მოშთობის ხერხს, ესე იგი სადღაც აქ არის ეს ფრესკა. მალე მაინც გათენდებოდეს“ — ინატრა მოძღვარმა.

დილის პირველი სხივები შემოიჭრნენ ტაძარში. ნელ-ნელა სინათლემ გაავსო ტაძრის დარბაზი. ფიქრიდან გამოერკვა წმინდა მამა. მიძიმედ წამოდგა ღამენათევი. მონასტრის კარი გააღო, ეზოში გამოვიდა და სამრეკლოსკენ გაემართა. თავაულებლად მისწვდა საბელს და ძალუმად მოქაჩა ხნემორეული ხელებით. მხოლოდ საბელებიღა შერჩა ხელთ წმინდა მამას, ზარები სამრეკლოდან გამქრალიყვნენ. ელდა ეცა მხცოვან მოძღვარს. დილის ლოცვისათვის გამზადებულიყო ხალხი. წესი ამბობდა, ზართა ხმობისას უნდა დაძრულიყვნენ მონასტრისკენ დილის ლოცვისთვის. ჟამი მონეული იყო ღვთისვედრებისა, მაგრამ ზარის ხმა არ ისმოდა ჯერაც. ეჭვდარეულები დაიძრნენ ქვის უბნელები მონასტრისაკენ. მრევლმა ტაძრის ეზოში გონნართმეული მამა წყალობა შენიშნა, გულაღმა გართხმული ხასხასა მინდორზე. ზარები აღარ ეკიდნენ სამრეკლოზე. შეშინებული იცქირებოდა ხალხი ტაძრის ეზოში და შესვლა ვერ გაეებდათ სულიერთ. იოთამი გამოეყო ხალხს, თითქმის სირბილით მიუახლოვდა მოძღვარს.

— მამაო! რა დაგმართნია, ავადობამ ხომ არ დაგრია ხელი?

რუდუნებით წამოაყენა მოხუცი და იქვე საფლავის ქვაზე დასვა ჯერაც აზრდაკარგული.

— ზარები, წმინდა ზარები მოიპარეს იოთამ შვილო.

სიტყვამარცვლურით ამეტყველდნენ მოძღვრის ბაგენი.

— განსაცდელისათვის მოვემზადოთ. ძლიერი არის უკეთური, რადგან ტაძრის ეზოში შემოჰბედა ფეხის დადგმა და ზართა პყრობა.

— ვიპოვით ზარებს წმინდა მამაო, მრავალი მტერი დაგვიმარცხებია, მათაც მოვაშთობთ.

ამხნეებდა იოთამი მოძღვარს.

— წამომაყენე იოთამ შვილო. ცისკრის ლოცვის ჟამი გადავიდა, მაგრამ გულითნავედრს შეისმენს მაინც უფალი, წამომაყენე შვილო, მომეცი მხარი.

მუხლი გამართა სოფლის მოძღვარმა, მონასტერში იხმო თავისი მრევლი. შუა ლოცვისას იოთამს გვერდში ამოუდგა თანასოფლელი გედია მენახირე და ჩუმად უჩურჩულა ძმადნაფიცს:

— გარეთ გავიდეთ, იოთამ, საქმე მაქვს გადაუდებელი.

— ჯერ წირვა ჩათავდეს, გედია ძმაო, საქმე მოიცდის.

— ძროხები ვნახე დაგლეჯილი გომურში, წვეთი სისხლი არ აქცევია გარშემო, ისე აქვთ ყელი გამოღრღნილი სამივეს.

ცუდად ენიშნა იოთამს ეს ამბავი. პირჯვარი გადაიწერა და გაჰყვა მენახირეს. გომურში პირუტყვიანი სანყლად ეყარნენ. ყელი გამოელადრათ პირუტყვისთვის, სისხლის ნაკვალევიც არ სჩანდა გარშემო.

— სოფელს უნდა ვაცნობოთ, გედიავ, მამა წყალობას მოვუყვებ ეს ამბავი. ვიჩქაროთ ძმობილო.

წირვა მოთავებულიყო, ხალხი იშლებოდა, ტაძრის ეზოს ტოვებდნენ ქვისუბნელები.

— ხალხნო! შეჩერდით!

უცებ იგრიალა გედიას ბუბუნა ხმამ. წვრილად აუნყა სოფელს მომხდარი. იარაღის აღება მოსთხოვა სოფლის ქუდოსნებს.

— მოიცათ შვილო!

ამეტყველდა უცებ მოძღვარი.

— ვის წინააღმდეგ იბრძვით ის თუ იცით?

— მგლები შემოესივნენ, ალბათ სოფელს.

იყო პასუხი.

— ქალ-ბაღლნი მონასტერს მიჰგვარეთ. მის კედლებში საკმაოა ბინა ყოფნისთვის. თქვენ კი ქართველნო, ხმალი აღიღეთ და უდარაჯეთ სოფელს.

დასძინა მამა წყალობამ.

— შენ კი იოთამ და შენ გედიავ, ჩემთან მობრძანდით შვილნო ჩემნო სასაუბროდ.

სამნათეოში განმარტოვდნენ სამეუღლნი. ეტყობა უჭირდა საუბრის დაწყება მამაოს.

— მისმინეთ, შვილნო. მამისა ჩემისა მღვდელმთავარ ლაზარესგან გამიგონია, კაჟ-ციხის პატრონი ავსულთან თანაზიარიაო, ყოვლად საცდუნებელი არისო მისი ქცევა. პირმშვენიერი ვაჟკაციაო მზის შუქზე, მთვარეულობას იქცევა მგლისთავად და მგლად იქცევაო იგი. მაქციათა დიდთავადია, უძლევიო ბრძოლაში. მხოლოდ სამთა ხეთა საიდუმლო მოსპობსო მას. ეს საიდუმლო ამ ტაძრის კედელზეა აღწერილი და ვერ მივაგენი თავად, თქვენი იმედი მაქვს, შვილებო. რაც შეეხება სოფლის ქალებს და ბაღლებს, ნურავინ იდარდებს, მათ ვერ მიეკარება მხეცი.

— კი, მაგრამ ზარნი თუ იმსხვერპლა? ამაზე რას მეტყვი, მოძღვარო?

— ჩემს სიტყვას ენდეთ. ახლა კი ამოვხსნათ ეს საიდუმლო.

მონასტრის კელიები გაივსო ბაღლებით, ქალებითა და მოხუცეებით. ქვის უბნელები იარაღდებოდნენ. ცხენკეთილობას და ხმლის სიბასრეს უმონმებდნენ ერთმანეთს სოფლის რაინდები.

— აი აქ, აქ არის რკენა, გუმბათის ყელთან.

ჩამოსძახა ზევიდან გედიამ.

— რა სწერია ან რა ხატია მანდ, გედიავ?

გაეპასუხა იოთამი.

— გასანთლული გრაგნილიც დევს აქა, ჩამოვიტანო?

— იჩქარე, გედიავ, შვილო, იჩქარე.

აღმოხდა მამა წყალობას. ტაბლაზე გაშალეს გრაგნილი. შანდალი მიუწნათა იოთამამ მოძღვარს. მძიმედ ალაპარაკდა მოძღვარი:

„რაითა ძლიერებითა უკეთურითა, სახიერებითა ტყიურითა ტანითა ადამიანისა, არს კაჟ ციხისა მეპატრონისა გვარისა ტიალ ნათესავნი, მგელ კაცისა სახიერებითა და განსწავლითა ბრძენთა სადარისა. არა ჰშინებდნენ არც მზისა და არც მთვარისა ჟამსა. არა ვნება აქვთ ადამიანისა ხელითა, ვერც ხმალითა და ჰოროლითა, ვერც ისრითა იკოდვიან და ვერც ტყვიით განიგმირნონ. ღვთისა უშიშნი ღვთისა სახლსა გარეთ. საზრდოთა მათთა არს სისხლი სულიერისათა, ადამიანისა და ცხოველ-პირუტყვისა. ას კაცსა მეტ ღონის მქონი და მარდნი თვალისა სიმარდისა მეტნი. არს ერთი ღონე, რაით შეიძლების მოშობაი მგელ კაცისა. იგი მოკვდინდება ახლად ნათლული მგელ კაცისაგან. რამეთუ ადამიანი უნდა დაკბენილ იყოს ცხოვლისაგან ამისა რაითა იქცეს თითონვე გვამად მგელ-კაც, ძალითა და ძლიერებითა მისითა“.

— ეს რა მესმის, მამაო?

აღმოხდა იოთამს. მოძღვარმა კითხვა განაგრძო.

„რაითა მოისპობის მგელ კაცი, ახლად ქცეულმა თუ ნებისა მისისა არა სურს რჩეს ცხოვლად და წყევლად მისისა გარდამქცევისა. ღამესა ახალს წლისასა ვიდრე იწყებდეს დღე პირველი, საათსა 11-სასა უნდა დაიფლოს მუხის კუბოში, ნაკვეთსა მისივე ეზოში გაზრდილის ხისა, ქვეშე იფინოს წინვნი ნაძვისანი და ნაყოფნი ნაძვისანი რაითა ვერ ის-

ვენოს, სუდარად დაფენდეს ნაჭუჭნი კაკლისანი, მისის ეზოსეულნი და გვამს დაფლავს შუად სამ ხეთა შორის. ახალსა წელსა, ლოცვასა შემდგომად მოძღვარსა ადამს ძეთა ვითარც შობა, რაითა დაიკრძალოს“.

— კი მაგრამ, მამაო, ახალ წლამდე ძალიან შორია. მანამდე რა ვქნათ?

დაეკითხა გედია.

— უნდა ვითმინოთ. მომეცი მეორე გრაგნილიც წავიკითხო. აქ რაღა სწერია?

ბრძანა მოძღვარმა.

— „მგელ-კაც, კაჟ-ციხისა პატრონი მოექცეს კაცსა და პირუტყვის მსგავსად სახიერებისა მისისა. რაიც მეტ იქნებიან იმძღვრენ სოფელსა ზედა, რაით არა გამრავლდნენ კაჟ-ციხესა. თავად ბჭეებთან, სამთა გალავანთა ახარონ ხენი კაკალი, მუხა და ნაძვი. სამი ბჭე აქვს ზღუდესა ციხისასა. სამხრეთსასა კაკალი, ჩრდილოეთსასა ნაძვი, დასავლეთისასა მუხა. ამითა არა განიბნეოდენ იგინი ციხისა გარეთ და საცხოვრის მათი არა იქმნ ქვეყანაი სხვაგან. რაითა ინდომონ ახალ ბჭისა გახსნა აღმოსავლეთსა დარგე სამთავე“.

— მანამდე ბრძოლა, სისხლისმღვრელი იქნება ეს ომი, შენ რას გვეტყვი, მოძღვარო?

ჰკადრა იოთამმა.

— აქ მესამე გრაგნილიც არის, ესეც ვნახოთ, რა სწერია.

— „არს წიგნი, ჯადოსანი, რომელიც ხელთ უპყრევს მგელ-კაცსა. თავადი წიგნია იგი და ძალა მათი ძალგულოვანი იქა არს წესნი და შელოცვანი ჯადოსანთა. ვინც მას იპყრობს, იგი გახდება უპირველესი მგელ-კაცი. ასე ვუწყი მე“.

— იოთამ, შენ რას იტყვი?

ჩაეძია ძმადნაფიცვი.

— უკვდავნი ყოფილან, მხოლოდ ეგ არის, დღე ძალა ეკარგებათ. ალბათ რადგან მხოლოდ ადამიანებად შეუძლიათ იყვნენ.

ბრძანა იოთამმა.

— მაშინ დავლაშქროთ კაჟ-ციხე.

— ჯერ გზირები გავგზავნოთ.

— მე ვითავებ ამ საქმეს.

ომახიანად ბრძანა იოთამმა.

სამნი დაადგენ კაჟ-ციხის გზას, იოთამი, გედია და მჭედელი ხარება.

მზე საშინლად აცხუნებდა, შუადღე გადასული იყო, კაჟ-ციხის მისადგომს რომ მიუახლოვდნენ მემამბენი.

— შეხედე, იოთამ!

აღმოხდა ხარებას.

მშვენიერი სასახლე გადაეშალათ თვალწინ. თეთრი კაჟით ნაგები. ულამაზესი ციხე-დარბაზი. გაოგნდნენ სამთავე. აქაურობა ხომ ჯერ კიდევ გუშინ ქვათა უდაბნოდ იყო ქცეული.

— დიდი ჯადოსანია მგელ-კაცი.

ჩუმად წარმოსთქვა გედიაში.

— მას ჯადო წიგნი უპყრია ხელთ, მისი ძალით არის მძლავრი.

უპასუხა იოთამმა.

ზურგს უკან ცხენის ფრუტუნი მოესმათ, ხმაღს მისწვდა სამთავე რაინდი.

— დილა მშვიდობისა, ბატონებო!

მშვენიერი ჭაბუკი შემოეგებათ.

— მობრძანდით ჩემს სახლში. ბატონო იოთამ, თქვენც აქ ბრძანდებით?

ციხნიდან ჩამოვიდა ჭაბუკი. მშვენიერი აღნაგობის იყო მასპინძელი კაჟ-ციხისა, „კუნთმაგარი და ტანად მშვენიერი“. მხოლოდ თვალეზი ჰქონდა არაადამიანური, რაღაც საოცრად შავი და დიდი.

— გთხოვთ, შემობრძანდით. ჯერ არსად თქმულა, რომ ჩემს სახლში ვნებულებო ვინმე სტუმართაგანი.

— მაღლობა მომიხსენებია პატიჟისათვის.

მხნედ ალაპარაკდა იოთამი.

— ეგ არის მხოლოდ, აქ ქვის უდაბნო იყო და ნანგრევებად ქცეული ეზო. ახლა კი დიდებული სასახლე წამოჭიმულა და მეფისას არ უდებს ტოლს.

— გეთანხმებით, ბატონებო. ის რისი დანახვაც არ შეუძლია ადამიანს, შეუძლია რჩეულს, ეს რჩეული კი მე გახლავართ.

მშვიდად მიუგო ჭაბუკმა.

— უკაცრავად, მასპინძელო ბატონო, მაგრამ უხერხულია, სახელიც კი არ ვიცით თქვენი.

მორიდებით წარმოთქვა მჭედელმა.

— იოთამი, თქვენი სეხნია ვარ, იოთამ ბატონო.

ლიმილით წარმოთქვა მგელ-კაცმა.

— საიდან მობრძანდით, ან საით მიემგზავრებით? იოთამ ბატონო?

ბრაზშეპარული ხმით ალაპარაკდა იოთამი.

— მე „იოთამ კაჟ-ციხელს“ მეძახიან. რაც შეეხება სად მივალ, მე უკვე მოვედი ჩემს სახლში, ახლა კი გთხოვთ მობრძანდეთ შინ.

იოთამ კაჟ-ციხელი გულთბილად შეუძღვა სტუმრებს სასახლეში. ენით უთქმელი იყო ციხე დარბაზის მშვენიერება. უმშვენიერესი ნოხებით მოეფინათ იატაკი ციხისა, კედლებზე დიდოსტატთა ნაკეთი სხვადასხვა ჯურის იარაღი და აბჯარნი იყო გამოფენილი, ყვავილთა სურნელი უხვად იფრქვეოდა ციხე დარბაზში. უმშვენიერესი ავეჯი განსაკუთრებულ სიმყუდროვეს ჰქმნიდა შინ.

— გთხოვთ, დაბრძანდეთ ბატონებო, პატივი დამდეთ და ფუძე-ჭერი დამილოცეთ. სტუმარი იშვიათად მყავს.

დასძინა მასპინძელმა.

მშვენიერ სავარძლებში მოკალათდნენ ქვის უბნელები. ორი პირბადე აფარებული მანდილოსანი ემსახურებოდა მაგიდას. ოქროს ქურჭლით გაანყეს სუფრა ქალებმა, საჭმელი, ნუგბარიც უხვად მოზიდეს სტუმართა პატივსაცემად.

— იოთამ!

მხნედ ალაპარაკდა მგელ-კაცი.

— ვიცი, რისთვისაც მობრძანდით აქ. ისიც კარგად ვუწყი, რომ ჩემი გალავნის სამივე კართან ხეებსა რგავენ თქვენი თანასოფლელები და თუ მეოთხე კარის გაჭრას დავინყებ, სამივე ხეს იქ დარგავენ. ისიც კარგად ვუწყი, რომ ჯადო ნიგნის ხელთპყრობა გაქვთ განზრახული და ჩემი მოშთობა ახლად მოქცეული მგელ-კაცის ხელით გსურთ. თქვენ ჩემდამი მტრობა გაქვთ გულში, მე კი გმასპინძლობთ.

— მართალს ბრძანებ, მასპინძლო ბატონო!

თავდაჯერებული ალაპარაკდა გედია.

— შენი მოსვლა ჩვენს მხარეში სიკეთეს არ უქადის სოფელს, ამიტომ მოვითხოვთ სოფლის სახელით, დასტოვებთ აქაურობა და გაგვეცალეთ. ნაბრძანდი იქ, საიდანაც მოხვედით.

— მომწონს პირდაპირობა.

გაელიმა მგელკაცს.

— მაგრამ სად უნდა წავიდე, მე ხომ ქვისუბნელი ვარ? თანაც კაჟ-ციხე ჩემი სახლია. სახლიდან გინდათ გამაგდოთ, გედია ბატონო? თანაც ხედავთ რომ მე არავის არაფერს ვუშავებ, რა გსურთ ჩემგან?

— ჩვენ ვიცით, როგორ მოგაშთოთ, ჩვენ ყველანი ვიბრძოლებთ შენს წინააღმდეგ და დაგამარცხებთ იცოდე!

სიბრაზე დაეტყო მჭედელს.

— რახან ასეა, იყოს ომი. მხოლოდ იოთამ ფალავანთან მსურს გასაუბრება. ჩემი სახე ხომ არ გეცნობა, იოთამ ბატონო? არ გინდა გამიხსენო? მე ის ფალავანი ვარ დევის წყაროზე ჭიდილში რომ დაგამარცხე. რატომ დაუმაღლე შენს ძმადნაფიცებს შენი მარცხი? შეგ-რცხვა, ბეჭდაუდებელო?

— დამარცხება ბრძოლაში სირცხვილი არ არის, მგელ-კაცო ბატონო!

კოპებშეკრულმა მიუგო იოთამმა.

— გეთანხმები, თუმცა მე სხვა მოსაზრება მაქვს, მაგრამ ეს მერე. მსგავსებას თუ ხედავ ჩვენს შორის, იოთამ ბატონო?

ჩაეკითხა მგელ-კაცი.

— არა მგონია, მსგავსი ვიყო შენი რითამე.

მიუგო იოთამმა.

— გთხოვთ, ბატონებო, ყური მიგდოთ და თხრობისას სიტყვა არ გამანყვეტინოთ. შევთანხმდით?

სამთავემ თანხმობის ნიშნად მძიმედ დაუკრეს თავი.

— მაშ ასე...

წვერზე ხელი ჩამოისა მგელ-კაცმა.

— მე ამ სოფლის მკვიდრი ვარ. ჩემი მამა-პაპაც ამ სოფლის ქვისუბნის მკვიდრნი იყვნენ იმ განსხვავებით, რომ ისინი ადამიანები იყვნენ, მე კი 25 წლისა კაჟ-ციხის პატრონი. ადამიანად ყოფნისას ცოლ-შვილი მყავდა. თუმცა მოდით ყოველივეს წვრილად გიმაბოთ. იოთამ, შენა გთხოვ, კარგად მომისმინო.

მგელ-კაცმა წელზე ქამარ-ხანჯალი შეისწორა, შარბათი მოსვა და განაგრძო:

— ფესვკურთხევა გვექონდა იმ დღეს, ჩემი მეუღლე თებროლე სუფრას დასტრიალებდა, სტუმრებს ველოდით. ფესვკურთხევის რიტუალი დამთავრებული იყო, როცა ლობის იქით ეტლი გაჩერდა. ვიფიქრე სტუმარი გვეწვია მეთქი სოფელში. მივეახლე. ეტლიდან ჯან-მაგარი ქარმაგი კაცი გადმოვიდა. კეთილად გალიმება სცადა, მაგრამ ნადირისეული კბილები გამოუჩნდა ბაგეთა მიღმა. კაჟ-ციხის მეპატრონედ გამაცნო თავი. იმ ღამეს ძროხები ვნახეთ ყელგამოჭრილი და გასაოცარი ის იყო, რომ წვეთი სისხლი არსად ექცია გარშემო. კაჟ-ციხის დასაზვერად წავედით. ქვის უდაბნოდ და ნანგრევად ქცეული ადგილი ბაღნარად ქცეულიყო ერთ ღამეში, მხოლოდ ეგ იყო სასახლის ეზოში მგელკაცნი დააბიჯებდნენ და ფუსფუსებდნენ რალაცას. კაჟ-ციხის ეზოში სამი ხე იდგა კაკლისა, მუხისა და ნაძვისა. ვაკვირდებოდით ამ მგლის პირისახის მქონე ხალხს და ახლოს მისვლას ვერ ვბედავდით.

— გამოდის, რომ ნათესავნი იყვნენ შენი.

მიმართა მჭედელმა. კაჟ-ციხელმა ხელით ანიშნა, ნუ მანყვეტინებო და განაგრძო.

— სამი დედოხის ძალისა ეშინოდათ მგელ-კაცებს. კოშკიდან ის ქარმაგი კაცი გამოვიდა, ჩემს ეზოში რომ ვნახე. ვეება ცული აიღო და ხეებს შემოსცხო, ნაძვის წიწვნი ისრებად ესობოდნენ მგელკაცთ, გაუსაძლისი ტკივილისაგან მიწაზე ეცემოდნენ და ავბედითად ყმუოდნენ უწმინდურნი. მხოლოდ ქარმაგი მგელკაცი უძლებდა ტკივილს, მუხის რკონი ქვად ქცეულნი თავპირს უსისხლიანებდნენ ხის მჭრელს და კაკალი ნაიარევ ადგილას უფსებდა თანამომძმეებს. ვერც ერთი ხე ვერ მოსჭრა მგელკაცმა და დაღლილი, სისხლისგან დაცლილი იქვე მიესვენა მინდორზე. გონს რომ მოვიდა, შავი ტყავგადაკრული წიგნი აიღო და შეუძახა “მითხარ უსჯულოთა ტყავით ნაკერო, როგორ მოვაშორო ხეთა წყევლა“, წიგნი გადაიშალა და უცხო საშინელი არსება გადმოვიდა მისგან. უბრძანა “ძალგულოვნი დაკბინე, რაითა შენებრ იქცეს, იგი მოსჭრისო ამ ხეებს“

— გამოდის, რომ ის ძალგულოვნი შენა ჰყოფილხარ? — შეეკითხა იოთამი.

— იმ ღამეს სახლში მომივარდა მგელ-კაცი, ჩემი ვაჟი აიყვანა ხელში და მითხრა ან შენ გამომყვები კაჟ-ციხეს, ან შენ შეილს გამოვჭამო ყელსა. უხმლოდ უნდა მეახლოო“.

მიბრძანა მოსულმა.

— ცოლ-შვილი სახლში დავტოვე და გავყევე მგელ-კაცს. იმავე ღამეს შარბათი მასვეს ჯადოსნური და უგონოდ მყოფს მომაჭრევენეს სამივე ხე. როცა გამოფხიზლდი, მგელ-კაცთა ჯარი ამხედრებულიყვნენ დიდრონ ტურებზე და სოფლის დასალაშქრად მიდიოდნენ. იმ დღეს დამკბინა მგელ-კაცთა შორის უპირველესმა. იქვე ნაძვის ტოტი იყო, გამწარებულმა იგი შემოვკარი ცხოველს. კივილი ატყდა, მუხლებზე განერთხა მგელ-კაცი, დავაკვირდი და თვალებიდანაც სისხლი სდიოდა, ძალა ეცლებოდა მოძალადეს. დანარჩენებიც ყმუოდნენ საშინლად, სისხლად და ნაცრად იცლებოდნენ. მგელ-კაცმა ძალა მოიკრიბა და მითხრა: “შენ ხარ მოქცეულ მგელ-კაცად, შენ იქნებოი ჩემი შემდგომი, წიგნი გამომართვი. ეს იქნებაო შენი გრძნეულების და სიძლიერის მტკიცე დასტური“ და ყველაფერი გაქრა. ღამე იყო და ნანგრევებთან ვიდექი გაოგნებული, იქაურობა ისევე ქვის უდაბნოდ გადაქცეულიყო. მხოლოდ ეტლი იდგა, ცხენებშებმული და უცნაური ძალა მენეოდა შიგნით.

— გამოდის, რომ შენ დაამარცხე ის მგელ-კაცი და თავად იქეცი მისი საქმის გამგრძელებლად.

მიმართა იოთამმა.

— გეთანხმები. იოთამ, შენ ჩემი შვილიშვილი ხარ, ალბათ გსმენია პაპაშენის დალუპვის შესახებ,

— კი, მაგრამ პაპაჩემი ნადირობისას ჩაიჩეხა კლდეში?

გაკვირვებით ბრძანა იოთამმა.

— არა, ნეტავ ასე ყოფილიყო, ჩემი მეუღლის თებროს საფლავი მოვინახულე გუშინ, ეხლა კი შენ იცი, ჩემო იოთამ სრული სიმართლე. გუშინდელ ძროხათა სიკვდილს მე ნუ დამაბრალებ. ჭარმაგი მგელკაცი დაბრუნდა ისევე, ჯერ ძალა არ აქვს, რომ შემებრძოლოს, ამიტომ ღამისეულ ნისლში იმალება. მშიერი და ძალასაც მატყიობით ილდგენს. ახლა კი მისმინე, ნადით ტაძარში, იქ შეეფარეთ, აილეთ ეს მორები, ეზოში რომ ყრია, ისინია იმ სამი ხის დანარჩენი. მონასტრის ეზოში დარგეთ. მორი ხედ იქცევა, ტოტები ააჭერიოთ და ჯვარსახოვანი სოლები გააკეთეთ, ხეებს არაფერი დაემართებათ, რასაც მოსჭრით, იგივე აღუდგება სხეულზე. საკვებად კი ცის მანანა მოგვევლინებათ.

— ზარები ვინ მოიპარა სამრეკლოდან, მგელკაცო?

მიმართა გედამ.

— მე ჩამოვხსენი.

ბრძანა მგელ-კაცმა.

— რატომ, თუკი ჩვენთვის კარგი გინდა?

გააუკვირდა იოთამს.

— ჭარმაგ მგელ-კაცს ზართა გუგუნი ძალას ვერ აკლებს, ხოლო ადამიანთა შიში, მას აახალგაზრდავებს და ძალას ჰმატებს, ხოლო მე კი, ძალას მართმევს.

განმარტა მგელ კაცმა.

— ვერ მოქცეულხარ კარგად, დაგვიბრუნე ზარები.

თითქმის ბრძანების ტოლფასი იყო მჭედელის სიტყვა.

— დაგიბრუნებთ, მხოლოდ გთხოვთ, ახალი წლის ღამეს, ვიდრე შუალამე არ დადგება, ზარს არ შემოჰკრათ. მპირდებით?

— აგრე იყოს, მაგრამ მანამდე?

შეეკითხა იოთამი.

— დღე გუგუნებდეს და მწუხრის დადგომისას ნუ დარეკავთ ზარებს, გთხოვთ.

— როდის გეახლება ჭარმაგი მგელ-კაცი? შენ როგორ ფიქრობ მასპინძლობას?

მიმართა იოთამმა.

— როცა გაძლიერდება. დაიმახსოვრეთ, ჩვენი შებრძოლებისას არავინ მოხვიდეთ ახლოს. ბრძოლის მერე ჩვენს შორის გამარჯვებული ღონემიხდილი იქნება. ნუ შეგაშინებთ მისი საშიში სახე, შეიპყარით, მინაზე დააკარით, მუხის ჯვაროსანი სოლი გულში ჩააჭედეთ. მუხა ფესვს გაიდგამს და მისი ნაყოფი ქვად გადაიქცევა მგელკაცის გულში. ნაძვის სოლი თავში ჩააჭედეთ. წინწნი ნაძვისსანი გონებას ჩაესობიან და გონს ველარ მოიკრებს გამარჯვებული. კაკლის სოლი კი ფეხებში ჩააჭედეთ. კაკლის სიმძიმე ფეხის განძრევის საშუალებას არ მისცემს ავ სულს. ხოლო წიგნს უნათლავი ბალლი მიეახლოს და ცეცხლში ჩააგდოს იგი. შემდეგ მონათლეთ ბალლი და უვნებელი დარჩება სიავისაგან. ახლა კი ნადით და მოემზადეთ.

გაოგნებულნი დაიძრნენ სოფლისკენ სამთავე. ყოველივე წვრილად მამა წყალობას მოახსენეს.

— ესეიგი მართალი ყოფილა, თებროლე, სიკვდილის წინ რომ ბრძანა...

მძიმედ წარმოთქვა წმინდა მამამ.

— როგორ, ესე იგი ის მგელ-კაცი პაპაა ჩემი?

გაუკვირდა იოთამს.

— ხო, შვილო ჩემო.

მძიმედ დაუკრა თავი მოძღვარმა.

დეკემბრის ერთ ღამეს მოძღვარი ეზოში გავიდა და შიშნაკრავის ელდა ეცა უცბათ, კაჟ-ციხიდან ჩამოტანილი მკვიდრი მორები სამ მშვენიერ ხედ ქცეულიყო ტაძრის ეზოში. „ჟამი მოახლოებულა“.

გაიფიქრა მოძღვარმა.

დილით ადრიანად დაიწყეს ჯვრის სახიანი სოლების გამოთლა ქვის უბნელებმა. მრავალი გამოთალეს. სამივე ხის ჯვრით შეიარაღდა თითოეული. ახლა უნათლავი მოიკითხეს მონასტერს შეხიზნულებმა. მხოლოდ ერთი გოგონა აღმოჩნდა მოუნათლავი, სოფლის ობოლი იყო იგი. ძველი წლის უკანასკნელი დილა გათენდა. შავი ღრუბლები ერთად იყრიდნენ ცაზე თავს. ელვა და ქუხილი ებრძოდნენ ერთმანეთს ცის კიდობანზე. მზის სხივნი ძლივსლა აღწევდნენ მიწას. ქარბორბალასავით დატრიალდნენ უცებ ღრუბლები, ავის მომასწავებელი ღმუილი გაჰქონდა გრიგალად ქცეულ ქარს ტაძრის გაღვანგარეთა ქვეყანაზე. ნისლი დაიძრა მთებიდან, მგელთა ყმუილი ისმოდა ირგვლივ.

— დაიწყო რკენა.

აღმოხდა მამა წყალობას.

— შენ გვიშველე ზეციერო! ხალხნო, ლოცვად ემზადეთ.

კაჟ-ციხის მხრიდან გრგვინვის ხმა უფრო ძლიერდებოდა. გრიგალი ლენავდა ხეებს. ნისლმა დაფარა მთელი სოფელი და სისხლის წვიმა დაიძრა ციდან. ელვის ენები ამოკრთოდნენ მგელ-კაცის სასახლის მხრიდან. ბინდი წვებოდა. ამბოხებული ბუნება მეტი ძალით ეხეთქებოდა სოფელს. უცბათ ყველაფერი მიწყნარდა. მთვარემ გამოანათა. ცაც გადაინმინდა სახე. ვარსკვლავები ციმციმებდნენ ცაზე.

— ალბათ მოთავდა რკენა, ვიჩაქროთ, აბა, ცხენებზე ჩქარა!

შეუძახა იოთამმა მეგობრებს.

თავმეწირული ობოლი და მამა წყალობა ერთ ცხენზე შეჯდნენ. თავდაუზოგავად მიჰქროდა სოფლის გზაზე ოთხი მხედარი, იოთამი, მჭედელი, მენახირე და მოძღვარი, მოუნათლავთან ერთად.

მტვრად ქცეულიყო მშვენიერი ციხე დარბაზი. ფეხზე ერთი მგელსახიანი იდგა მხოლოდ კიდურმოგლეჯილი. ერთი შეხედა მოსულთ გამარჯვებულმა და საშინელი ხრიალით დაიძრა მათკენ. პირველი, ჯვრის სახიანი სოლი, აძგერეს მკერდში არამინიერს. მეორეც ჩააჭედეს მყისვე, კაკლის ჯვარსახოვანით, ფეხებიც დაუოკეს, დამარცხებულსაც ასევე მოექცნენ. შავ წიგნს მიეახლა მოუნათლავი. ხელში იპყრო.

— არ გადაშალო, თეონა!

შეჰყვირა იოთამმა.

ცეცხლში ისროლე პირდაპირ.

გოგონამ მძლავრად გაიქნია წიგნი კოცონში. შიშინით ინვოდა იგი. ზარი შემოჰკრა მნათემ. ახალი წლის დადგომა აცნობა სოფელს.

— მადლობა იოთამ, აღმოხდა მინაზე მიჯაჭვულ მგელ-კაცს, ადამიანად რომ მაქციე კვლავ...

მთვარის შუქზე დააკვირდა იოთამი მოკლულს. ის მასპინძელი ჭაბუკი შეიცნო.

საახალწლო წირვა-ლოცვა აღავლინა მოძღვარმა. თათიას ნათლავდა მამა წყალობა, ნათლია იოთამს ავალეზდა ნათლულის ბედს.

დღესაც კაჟ-ციხის ნასახლარზე ძალუმად დგანან მუხანი, ნაძვნი და კაკალნი. იქაურობის ხელის ხლებას დღესაც ვერ ბედავს ვერც ერთი სულიერი. ამბობენ, ბროწეულებიც აყვავდნენო იქ.

ირანის ლომი

„გულმძვინვარეაო ირანის ლომი, ძალით ათი კაცის მჯობნიაო იგი, არც დანდობა და შებრალება უწყისო მოწინააღმდეგის, თუ ხელთ ჩაიგდოო...“

ალბათ ჩვენს გასაგონად თუ ავრცელებდნენ ასეთ ხმებს ირანელნი.

მსოფლიო ჭიდაობის ფედერაციამ ირანში დაგეგმა ჩემპიონატის ჩატარება. ქართველნიც თავანუელნი ვენვიეთ ირანს. დიდებული იყო

სპარსეთის დედაქალაქი. თითქოს აზიურ დარბაისელ გონს ჩაუქსოვია თავისი დიდებულიება და ისე გაუშლია ვაკეზე თვალწარმტაცად სპარსთა დედაქალაქი. რამდენი ქართველის მკლავი და გონება შეეწირა ირანს... ვინ მოსთვლის... მშვენიერ ასულს ავაღვევნი თვალი, თბილი, თვალეზმაცვალა, წარმტაცი გოგო ავიბლანდე თვალში... იქნებ ქართული სისხლი სჩქეფს მის ძარღვებში და თავად არ უწყის, რამდენი პირმშვენიერი ქალ-ვაჟი დააბიჯებს ისპაჰანს, გურჯთა გენი რომ ბობოქრობს მათ სხულში და.... რისთვის ვიტანჯავ თავს ასეთი ფიქრით? განა მომისმენს ვინმე?

ფინალისკენ ჯიუტად მივიწვევით ქართველნი. არც ერთ მეტოქეს არ დაუდეთ ტოლი და ჰააა... ფინალის დღეც დადგა.

მარცხენა მკლავი ტრამვირებული მქონდა, ვერც ექიმთა მეცადინეობამ გასჭრა, მკლავის ტკივილი წყევლასავით აეკრა სხეულს. ერთი ფიქრი მქონდა „ირანის ლომი“ ნუ იქნებოდა ჩემი მონინალამდეგე. შიში რას მიჰქვია? მაგრამ ფინალში შესაძლო დამარცხება გულს ეკლად ჩასობოდა და მოსვენებას მიკარგავდა. ყოველი სპორტსმენი ხომ გლადიატორს ჰგავს კოლიზეუმის არენაზე ბრძოლად რომ იყო შეწირული „სასიკვდილოდ მიმავალი მოგესალმები შენ“, ასე მიმართავდნენ ცეზარს. ჩვენი ცეზარი ჩვენი გულშემატკივარია, ჩვენი ერია მრავალგვემული და უიმედობის მთრგუნავი მარადჟამს, ხოდა მათი სიხარული ჩვენი სიცოცხლეა, მათი მწუხარება ჩვენი სიკვდილი. „ფართი, ან ფარზე“ მუდმივი დილემა სპორტსმენის თანამდევია მარადჟამს.

„ირანის ლომთან“ მიწვედა შერკინება. ბოლო ბრძოლა იყო, ჩვენს შორის გამარჯვებული ეუფლებოდა მსოფლიო თასს. ტატამზე ავედი, თვალი გავუსწორე მონინალამდეგეს. კიმონოს იცვამდა ირანელი. კლდეში ნაკვეთ ტიტანსა ჰგავდა. ზედ არ მიყურებდა „ლომი“. ბრაზი მომერია, „ტატამს ბეჭებით დაგაკრავ ირანელო“, ბოლმას ვანთხევი თვად. რკენა დაინყო. ძალუმად მომქაჩა მარცხენა მკლავზე ფალავანმა, ტკივილის ყრუ ხმა აღმომხდა და მომეჩვენა თითქოს ხელი შემიშვა, ილეთის ჩატარებასაც უგერგილოდა ცდილობდა ირანელი. დრო ვიხელთე, ქართული გარეკაურით თეძოზე შემოვიგდე „ლომი“ და ტატამზე ბეჭებით „დავაკარი“. „იბონ“, შესძახა რეფერმა, ზეზე წამოვიჭერი, ტატამს შემოვურბინე გახარებულმა და მონინალამდეგეს მივუახლოვდი, ღმილიანი, ნალვლიანი თვალებით მიმხერდა ირანე-

ლი. უზარმაზარი მკლავი მომხვია და მითხრა „მარტყოფელი ვარ ბიჭო, ფერეიდნიდან, „გამარჯვებას გილოცავ თანამინიერო“... ქართულად საუბრობდა „ირანის ლომი“. გავშრი, „ქართველი ხარ?“ ვკითხე გაოგნებულმა. „ხო ძმაო, ხო...“ ამოიგმინა დეკაცმა. უცბათ დაიხარა, ლომისა დარი მკლავი მუხლებზე მომხვია, ზე ამიტაცა, ტრიბუნისკენ შებრუნდა და მჭექარე ხმით შესძახა: „დიდება ქართველთ!“, ტრიბუნაზე ერთი ჯგუფი წამოდგა ფეხზე და „ამინ, დიდება...“-ო გრიალით მოედო დარბაზს.

დინჯად დამსვა „ირანის ლომმა“, „ონიკაშვილი ვარ გვარად“... მხოლოდ ეს სთქვა, შებრუნდა და თავისი გუნდისკენ წავიდა. მხრები უცახცახებდა გოლიათს. ჩვენებთან მივედი „ბიჭებო ის ქართველია, ონიკაშვილია გვარად, ფერეიდნელია...“, სიტყვებს ძლივს მოვუყარე თავი. ირანელებისკენ გავიხედე. გოლიათის გვერდით კიდეც ორი კაცი იდგა, ლიმილით შემოგვცქეროდნენ ქართველებს... ჩვენივე ქართველები...

წერილი მოიტანა ვილაც გოგომ, „იმ ბატონისთვისააო“, მიმართა მწვრთნელს და თითოთ ჩემზე ანიშნა. ორად იყო გაკეცილი ფურცელი, გავშალე და კითხვას შეუდექი!

„აქ, თეირანში ქართული სკოლა გვაქვს, ჩვენცა გვყავს ჩვენი „იაკობ გოგებაშვილი“, დედა ენის დავინყების უფლებას რომ არ გვაძლევს ფერეიდნელ ქართველებს. აქ, ჩვენ ერთი დიადი ნატვრა გვაერთიანებდა, რომ გურჯობა შეგვენარჩუნებინა და რწმენა იმისა, რომ ცისარტყელის ქვეშ ვინც გაძვრებოდა სამშობლოში დაბრუნება ელოდა უცილოდ. ეს ღვთის ნების ტოლფასი იყო ჩვენთვის. დამარცხებით ჯერ არ მიამაყია დღემდე და ბედნიერი ვარ თქვენი გამარჯვებით, თუ დღეს გურჯისტანი მსოფლიო თასის მფლობელია, ჩვენც ხომ გურჯები ვართ“?!

წერილის კითხვა დავასრულე, ფურცელი დავკეცი, გამარჯვება გაუფერულდა...

საქართველოს ჰიმნი გუგუნებდა ჩემპიონთა სადიდებლად, დავაკვირდი, „ირანის ლომს“, ტურები ქართულ ჰიმნს „მიჰყვებოდა“. სამახსოვრო ფოტო გადავიღეთ... მედალი მოვისხენი კისრიდან, „ონიკაშვილო გამომართვი ეს მედალი, შენს შვილებს წაუღე, ამაზე ძვირფასი არა გამაჩნია რა“ — მივმართე „ირანის ლომს“.

„ქართველი ქართველით არის და საქართველო ქართველებისთვის, მკლავი მოსტყდეს ქართველზე გამარჯვებულ ქართველს თუ მისი გამარჯვება საქართველოსთვის არ არის...“, მიპასუხა ონიკაშვილმა.

ჩვენი ნაკრების არც ერთ ნევრს არ ჩამოუტანია მედალი ირანიდან, ფერეიდანიში დაიდო ბინა გურჯთა დიდებამ.

იყო? ვინ?

ბევრნი არ ვიყავით მეგობრები. მთელი ბავშვობა ერთად გავატარეთ, არაფრით არ ვიყავით გამორჩეულები, ისეთივე ცელქები, ცულ-ლუტები, გაუგონრები, ალბათ, როგორც ყველა ბავშვი. ნელ-ნელა ასაკი გვემატებოდა, მომავალზე დავინწყეთ ფიქრი. ლაშა იყო ჩვენს სამეგობროში ყველაზე გულარხენი, მასთან ურთიერთობა ერთ რამედ ღირდა, მასზე საოცარსა და მშვენიერზე ვერავინ ვიოცნებებდით, წარმოსახვის და ფანტაზიის უსაზღვრო დიაპაზონის მფლობელი იყო ლაშა. თავისი გარეგნობითაც ამაყობდა, მაღალი, მხრებში გაშლილი, მამაკაცური მშვენიერება უხვად მოუმაღლებია მისთვის გამჩენს. ბახუსის დიდი ტრფიალი შეიქმნა, სუფრაზე მისებრი მოლხენა სამეგობროში არავის შეგვეძლო, გამორჩეული იყო ფაქიზი იუმორით, ბუნებაც ზვიადი ჰქონდა, ნიჭიერებითაც გამოირჩეოდა სამეგობროში. დრომ თავისი მოიტანა, ყველანი ჩვენს გზაზე გავედით, ყოველდღიური რუტინა საშუალებას აღარ გვაძლევდა დრო ერთმანეთთან ხშირი ურთიერთობისთვის დაგვეთმო, მხოლოდ ლაშა რჩებოდა კოლორიტად და მეოცნებეთ. მის ოჯახსაც გაუჭირდა, ხელგაშლილობა ხელმოკლეობამ შესცვალა. უმშვენიერეს გოგოზე დაქორწინდა, მალე პირმშვენიერი ასულის მამაც გახდა. არ ვიცი რატომ, მაგრამ ბედნიერება მისთვის ძნელი ასატანი გახდა, არა იმიტომ რომ ვერ მისვდა, არამედ ბედნიერების „საფასურის გადახდა“ არ ისურვა და დაკარგა. გულს ჟამიანობა შემოაწვა. შურისძიებად მეგობრებს მოგვევლინა. ღვინო და არაყი გახდა მისი ყოველდღიური „პური ჩვენი არსობისა“. გზა აბნეული ყარბივით შეიქმნა ლაშა. ვინც ხელს უმართავდა მათი მოძულეობაც მოასწრო გაბოროტებულმა და სხვისი ბედნიერებით დაბრმა-

ვებულმა, ოჯახიც დაენგრა, ბევრი ვეცადეთ დავხმარებოდით, მაგრამ უშედეგოდ. გალოთდა. ყველაზე ძნელი მისი ამ ქვეყნისკენ მობრუნება აღმოჩნდა ჩვენთვის, ღვინოში ეძებდა „იმას“ და რომ ვერ პოულობდა სამეგობროზე ბრახს ანთხევდა. ექიმთან გვეყავდა მიყვანილი, ხშირი ავადმყოფობა დასჩემდა. თითქმის „მოურჩენელი“ სჭირსო თქვენს მეგობარს „გვითხრა ექიმმა..... ყველას გაგვირბის, ალბათ საკუთარ თავსაც გაურბის...

ახლახანს შემომხვდა გზაზე, გასვრილი, დაჭმუჭნული შარვლით... ალბათ მშვიერი, მაგრამ მთვრალი... ფუჭი ოცნების ცრემლნარევ მოგონებას ჰგავდა იგი.

კვაზიმულო

იმ წელიწადს რაჭაში წავედი დასასვენებლად. ჩემი დედუღეთია რაჭა. დიდი ხნის უნახავმა მეგობრებმა სუფრა გავშალეთ, იმ ადგილს ქვაპტკარს ეტყვიან რაჭველები. ლამაზ და წარმტაც ბუნებას ფაფარაყრილი რიონიც რაჭული სიღინჯითა და მხნეობით შემოგვეგება ძველ მეგობრებს. პირველი ჭიქა თემურმა ასწია.

— ჩემო მეგობრებო, მოდით ამ პირველი სასმისით ჩვენი პირველი, თავდადებული მეგობრის, კვაზიმულოს შესანდობარი ვთქვათ...

ეს ამბავი კი ასე დაიწყო. ათი წლისანი ვიყავით მაშინ, რიონის პირას ჩავედით საბანაოდ ქვაპტკარში, რიონი აქ პატარა ტოტს იკეთებს, წყალი მდორეა და საბანაოდ უსაფრთხო. იქ ერთ ბომბორა ძალღს დაედო ბინა, გვიმრიანში იყო მისი ბუნაგი, საცოდავს უკანა ფეხები წართმეული ჰქონდა, ამბობდნენ „მანქანამ დაარტყაო და ხერხემალი დაუზიანაო“, ალბათ ზურგზეც ამიტომ ჰქონდა კუზი. „კვაზიმულო“ შევარქვით ძალღს. როცა ქვაპტკარში საბანაოდ მივდიოდით ყოველთვის მიგვქონდა ძვლები, პური, ან რაიმე სასუსნავი, რამდენჯერმე ბებიაჩემის გამოცხვარი ხაჭაპურიც კი მივართვი ხეიბარს. ერთხელაც ჩვეულებისამებრ ვენვით ქვაპტკარს მეგობრები, ყიჟინა დავეცით, „კვაზიმულოსაც“ მივართვით მოსაკითხი. ვწუნაობდით, ვცურავდით, ყვინთვაში ვეჯიბრებოდით გალაღებულები... ჩვენს შორის თემური ყველაზე კარგად ცურავდა, მკლავურში ვერ ვჯაბნიდით,

თევზივით ცურავდა... „რიონში უნდა შევცუროო“, მოგვაძახა თემურ-მა და მკლავურით გასცურა მომცრო კუნძულისკენ, ტოტსა და რიონს შორის რომ ამობურცულიყო. ბევრი ვუშაღეთ თავისნათქვამას, მაგრამ ვერას გავზდით. ტოტი გადასცურა, კუნძულზე ავიდა, ცოტა ხანს დაისვენა, ხელით გვანიშნა აქაოდა მიყურეთო და კვლავ წყალში შესცურა, ჩვენც გულმშვიდად ვუცქერდით მედიდურ მოცურავეს, რიონისკენ გასცურა და... მძლავრმა მდინარემ ტალღა შემოჰკრა თავმომწონე მოცურავეს, თემური იბრძოდა, მაგრამ ნაპირისკენ ველარ მოცურავდა, თავის წიაღში ითრევედა მდინარე... „თემურიიიი, თემოოო“... ყვირილით ნაპირ-ნაპირ მივდევედით ბავშვები, მეგობარს ვამხნევებდით შეშინებულნი...

— შეხედეთ, კვაზიმუდო!

შესძახა რომელიღაც ჩვენთაგანმა...

რიონის ტალღებს მიაპობდა ძალღი, ყეფდა, თათებს ძალუმად უსვამდა... დაენია, დავინახეთ როგორ მოხვია მკლავები ძალღს, ნაპირისკენ მობრუნდა ძალღი, თემურმაც გაშალა მკლავი, ბავშვი და ძალღი ქანცგანყვეტამდე ებრძოდნენ დუჟმორეული მდინარის აქაფებულ ტალღებს, შორს წაიყვნა მდინარემ. ნაპირს სირბილით მივუყვებოდით ატირებული და მოღრიალე, ფეხშიშველა, ტრუსების ამარა. „თემურ! ნაპირისკენ, ნაპირისკენ მოუსვით“... ხმის ჩახლეჩმდე ვამხნევებდით მეგობარს. თავთხელში შემოსცურეს ბავშვმა და ძალღმა, უკვე აღარც ჩვენ გვეშინოდა, შევცურეთ წყალში, ღონემიხდილი მეგობარი ნაპირზე გამოვიყვანეთ, „როგორ ხარ თემურ?“ კიხვები დავაყარეთ მეგობარს.

„ძალღს მიხედეთ, მას მიეხმარეთ, ამოიყვანეთ“, ამოიკვნესა ილაჯაყრილმა. მოვტრიალდით, „კვაზიმუდო“ არსად სჩანდა, შორს შევნიშნეთ, რიონს გაუტაცნია ოთხფეხა რაინდი. ყეფდა, რიონს ებრძოდა, ტალღებს ებრძოდა ძალღი, ძალა ეცლებოდა, დუჟმორეული ტალღები დაუნდობლად სცემდნენ გადამრჩენელს, უცბად მძლავრად ამოინია წყლიდან, რამდენიმე წამი გვიყურებდა ტალღების ნებას მინდობილი, თათები წყალს დაუშინა ისევ და გულის განმგმირავი ყმუილი მოგვესმა. გულქვა რიონმა ტალღა გადააფარა ალბათ უკვე სულგაყრილი ძალღის ვეება სხეულს. „კვაზიმუდოოო“... ცრემლით დანამული ხმით ვუხმობდით მეგობარს. ჩვენი ყვირილი იქვე მომუშავე მუშებს გაუგონიათ, ჩვენსკენ მორბოდა ხალხი, „რა მოხდა? ვინ

იღრჩობა? „სახეარეულმა, რუჯნაკრავმა კაცმა მოგვაყარა კითხვები. „კვაზიმუდო“. ძლივს ამოვლერღეთ გულმოკლულებმა. „კვაზიმუდო? ვინ არის კვაზიმუდო?“ დაგვეკითხა გაოგნებული, „ძალღია, ძალღი, მან თემური გადაარჩინა დაღრჩობას და თვითონ“... და ტირილი დავინწყე. „ცოდვიანი მდინარეა რიონი“... ჩაიდუღუნა კაცმა, თავზე ხელი გადამისვა და წავიდა. აგერ უკვე ორმოცდაათი წლსანი ვხდებით და იმ დღის მერე რიონში არასოდეს გვიბანავნია. თუმცა სამოთხიდან ხომ მხოლოდ ძალღი გამოჰყვა ადამიანს მწედ და მეგობრად. ფეხზე ავდექით და ისე შევსვით ჩვენი მეგობრის შესანდობარი.

ლებენდა არამ კაცზე

ერთ სოფელში მშრომელი და გამრჯე ხალხი ცხოვრობდა. სოფელში ერთ ბრძენს დაედო ბინა და როცა თანასოფლელებს რაიმე გაუჭირდებოდათ რჩევისთვის მას აკითხავდნენ ხოლმე, ისიც, სიბრძნის წყალობით ყოველთვის ნახულობდა გამოსავალს ყოველგვარი გაჭირვებიდან და ხიფათიდან.

ერთხელ ბრძენმა გადანყვიტა მდინარის იქით სკოლა აეშენებინა და სოფლის ახალგაზრდებისთვის საკუთარი ცოდნა გაეზიარებინა. ჯერ ბავშვები მიაბარეს ბრძენკაცს გლეხებმა, აქაოდა „ვნახოთ რას ასწავლისო“. ბრძენმა მდინარეზე გადებული ხიდი ჩაანგრია, რომ ახალგაზრდები დამოუკიდებლად გაეზარდა და სოფლის მოჭირნახულენი სიბრძნით გაძლოდნენ ქვეყნის საქმეს.

ერთხელ სოფელს ერთი კაცი ესტუმრა. ღიმილი უთამაშებდა სახეზე, ტკბილმოუბარიც იყო უცნობი. სოფელში დასახლდა და სოფლელებს მეზობლობაც გაუწია. ეზოში დიდი მაგიდა დადგა და ყოველ საღამოს სახლის ეზოში სუფრას შლიდა. საქმე ის იყო, რომ თავად უქონელს სუფრაზე ერთი თევზი კერძის მიტანაც კი არ შეეძლო, სამაგიეროდ სუფრას გლეხები ავსებდნენ პურ-მარილით. დრო გადიოდა. ესლა თამადობაც წამოიწყო ახალმოსახლემ. სამეზობლო ამბების ავან-ჩავანის გამოწყობაც ითავა თავად. ავტორიტეტი მოიპოვა და ჭკუის საკითხავად ხალხი ბრძენის ნაცვლად არამ კაცთან მიდიოდა. გამდიდრდა არამი კაცი, მეზობლებს ზევიდან დაუნყო ყურება. მე-

რე სოფლის უხუცესებსაც მიეკედლა, მორჩილი ბალღივით უკან დასდევდა. მათი სიტყვის გამზიარებელი და მოამაგეც შეიქმნა არამი კაცი. სოფელში დიდი ავტორიტეტი მოიპოვა და ბრძენკაცის სიტყვას ყურადღებას აღარ აქცევდა. მეზობლებიც გადაიბირა, აქაოდა „ჩვენ ახალგაზდრები ვართ და სოფლის საქმეც ახალგაზრდულად უნდა მოვანყოთო, მოხუცებს კი ასაკის გამო პატივი მივაგოთ“.

თანასოფლელებმაც დაუჯერეს და ბრძენკაცების რჩევა ყურად აღარ იღეს. აირია სოფელი, ერთხელ ნათქვამ წესს გადაუხვია ხალხმა და ეხლა ყველა თავისას მიერეკებოდა. მოსამართლედ შეიქმნა არამი კაცი. მტყუანს და მართალს თავად უჩენდა ადგილს. ფული ბლომად იშოვა და სოფლის მიწებიც იყიდა. თავად შეიქმნა სოფლის უპირველესი თავკაცი.

სოფელს ერთი სალოცავი ჰქონდა. დიდი პატივით და რიდით დადიოდა ხალხი სალოცავში. მოძღვარი უყვარდა ხალხს და მოძღვრის სიტყვა კანონად მიაჩნდათ სოფლელებს. ამ ამბავმა დააფიქრა არამი კაცი. დიდხანს იფიქრა თუ ცოტა ხანს, ერთი ვერაგობა მოიფიქრა. დღესასწაულზე მივიდა სალოცავში, საკუთარი ბედაური მიუძღვნა მოძღვარს და ხალხის დასანახად, მუხლმოყრილმა ფული უხვად შესწირა სალოცავს. ხალხში ავტორიტეტი გაეზარდა არამ კაცს. ადრე თუ ვინმეს დასჯას ერიდებოდა ეხლა სოფლის თავკაცთა გარეშე სჯიდა ურჩთ და საბადებელს ართმევდა „სოფლის კეთილდღეობის“ სახელით. მოძღვარიც გაამდიდრა და ცხენზე ამხედრებულს რომ ხედავდნენ გლეხები, უკვე უხიაგი ფიქრები მოანვა მათ გონებას. მანტიაც ახალი ჩაიცვა მოძღვარმა და თანასოფლელებს შესაბამისი პატივით აღარ ეპყრობოდა. ხალხმა გული აიცრუა მოძღვარზე და სალოცავში მხოლოდ ტრადიციის გამოლა დადიოდნენ. არამმა კაცმა დაინახა, რომ ხალხი გათითოკაცდა, მაგრამ მაინც ემინოდა მათი შესაძლო ერთიანობისა და კიდევ ერთი ხრიკი მოიფიქრა. სოფლის უსაქმურები დაიყენა გვერდში და მათ ბელადად შეიქმნა. ვინც კი არამის შესახებ აუგს იტყოდა მტრისას, ისეთ დღეს აყენებდნენ. უკვე ბავშვებიც ბაძავდნენ არამ კაცს და მის ძმაკაცებს. მშობლის სიტყვაც კი გაუფერულდა ბავშვებში.

არამი კაცის სიტყვა შეუქცევადი გახდა.

ხალხი დაფიქრდა. ადრე ყველა ერთმანეთს ედგა გვერდში და სოფელიც ყვაოდა, ეხლა კი უცხოხ ნებით იმართება ქავეყანა, მათი სარ-

ჩო-საბადებელი უქნარა ხალხის კეთილდღეობასა ხმარდება და სოფელიც ნელნელა ღარიბდება. ხალხმა მდინარეზე ჩანგრეული ხიდი აღადგინა და ბრძენ კაცს მიაკითხა.

ბრძენ-კაცმა დიდი გულსხმიერებით მიიღო თანასოფელენი, გაუმასპინძლდა და მოსვლის მიზეზი ჰკითხა. სოფლელებმა უამბეს თავინათი გასაჭირი და შეველა სთხოვეს. ბრძენკაცი დაფიქრდა და ბრძანა:

„თქვენს სიალალეს ჩურჩულით ამბობთ და არამი კაცის რიხიან სიტყვას კი დუმილით ხვდებით. ის, რაც სოფლის წესი არ იყო და აუგად მიგანდათ, მხოლოდ გულში გაუნყერით. რაც თქვენთვის სანუკვარი და ხელთუქმნელი იყო, არამმა კაცმა გონებით შევიგინათ და თქვენ გულში გაუნყერით. იმან სიტყვა თქვა და თქვენ დუმილით უპასუხეთ. მან შეგაგინათ და თქვენ მხოლოდ გაბრაზდით. აბა რა გითხრათ? საკუთარი შვილებიც კი ვერ გაზარდეთ თქვენდა საამაყოდ და არამი კაცის ნებას დაუმორჩილეთ. წადით და გაერთიანდით, არამი კაცები მძლავრობენ თქვენს სოფელში და შეებრძოლეთ, თორემ ოჯახსაც გაგიბახებენ და სიტყვასაც ვერ დასძრავთ. მოძღვარი გაგვერყვნაო ამბობთ, „რაც ერი, ის ბერიო“, ხომ გაგიგიათ?

მერე ბრძენმა თავის აშენებულ სოფელში წაიყვანა გლეხები. მიზარებული ბავშვები წამოზრდილიყვნენ, სოფელი გაეშენებინათ, გულითა შრომობდნენ და ბრძენკაცის სიტყვას განუხრელად ასრულებდნენ. ახალი სოფელი ჰყვაოდა. ერთიანობა, საკუთარი მიწის სიყვარული, შრომის ფასი, სოფლისადმი ერგულება ესწავლებინა ბრძენს ბავშვებისთვის.

„წადით და იბრძოლეთ თქვენი სანუკვარის დასაცავად“ — ბრძანა ბრძენკაცმა და სოფლელები სახლში გაისტუმრა.

ჰო, ჰო, ჰო, მეორე დღეს ისეთი ამბავი ატყდა, რომ ჯერაც არნახული. გლეხები და მათი ცოლები გაერთიანდნენ და შეუტიეს არამი კაცის ბრბოს, მაგრამ დახე საოცრებას, გლეხთა შვილები გამოესარჩლნენ არამ კაცს და მშობლებს წინ აღუდგნენ... გაეცინა არამ კაცს... რამდენიმე დღე აჩხუბა ხალხი, მამები და შვილები ერთმანეთს აუმხედრა, დედის მანდილი ათელინა შვილებს. მშობლებმა უკან დაიხიეს, ვერ გაიმეტეს შვილები. არამმა კაცმა „წყალობა მოილო“ და შეარიგა მოსისხარნი. გაიღიმა და „ჭკუაც დაარიგა“ გლეხებს, ჭკუისვე სასწავლად გადასახადები გაუზარდა თანასოფლელებს და დასძინა: „ახალ დროებას ვერკინებით და აბა თქვენს გარეშე სოფელს როგორ ავაყვა-

ვებთო“... თურმე სალოცავიც მიუტოვებიათ ღვთის ანაბარად, არმები უკეთ ცხოვრობენო უთქვამთ და არამობა მოუნდომებიათ ბალღებს, საკუთარი მამების ოფლის ხარჯზე გალელელებულს.

ბრძენკაცი კი, მდინარის მეორე ნაპირიდან უცქერდა წყალნალე-ბულებს, დალონდა ბრძენკაცი, ადგა და ახლად აღდგენილი ხიდი ისევ დაანგრია, რომ სიავე არ შემოსულიყო ახალ სოფელში.

რითმული პროზა

ლუციფერის ღაღადი

შემრისხე ურჩი და განმარიდე, მე სასუფეველს ზნედაცემული. ნე-ბისა შენის, წესისა შენის განდგომისათვის ბჭე აღმიმართე მე ჯოჯო-ხეთის სულით წარწყმედილს ჩემდა საუფლოდ. დედამინაზე ცოდვის მეუფედ მე მომავლინე, როგორც დემონი, ადამიანთა ნამოქმედარის, მათი ცოდვების თანაზიარი. მრავალი წელი, მრავალი ხალხი, ერის სიმ-რავლით თავს ინონებდა და სიდიადე მათგან ხელქმნილი უღვთობა-ში იძირებოდა. ბრძოლა და სისხლი, ტანჯვა და როკვა, სიძვა, ღრეო-ბა, შენი სახელით კოცონზე სწვავდნენ ერთურთის შვილებს შლეგთა გონების ნების ზიარად. მრავალი ცოდვა ვიხილე თვალით, მრავალის კიდე ვიყავ ზიარი, გულს მიხარებდა უგნურთა ქცევა, მათი სიბილწე ჩემთვის სვიანი. ომები, ქიშპი, ღალატი, მტრობა და ცოდვილთ სული ჩემსა საუფლოს უკვდავი ფასით განძად მივსებდა. ასე ვიყავი მრავალი წელი, შენთან რკენაში, შენზე მოშურნე, მაგრამ განვცვიფრდი, როცა შევხედე, ადამის მოდგმა შენგან სვიანი იმ ხის ნაყოფით როგორ ტკბე-ბოდა, იმ ხის ნერგებით ბალს აშენებდნენ, ხოტბით ამკობდნენ, ულილი-ნებდნენ. იმ ვაშლის ნაყოფს ფასი დაედო და უხვ სიმდიდრის გახდა სა-ბაბი. გონიერების საზღვარი ურცხვად ზნედაცემულთა ალღუმად ახდა.

ცოდვილნი — ვიტყვი, ჩემი ლუკმაა, ჩემი სამეფოს კერძი მრავალნი, მაგრამ შევიშინდი როცა შევიტყვე ადამიანთა სიბრძნის ნაყოფი ჩემს დამონებას როგორ ლამობდა. რას არა ვქმნიდი, მრავალ „მან-ქანას“ ადამიანთა საცდუნებელად, ვერცხლის სიყვარულს, უღვთო ნირვანას, ძმათა კაცისკვლას, ღალატს, ფლიდობას და მიფასებდა მე

ხალხი „ამაგს“ და მკვიდრად მედგა ტახტი დიადი ცოდვილთა სულთა დასავანებლად.

ახლა გავოცდი, ვერც ვიფიქრებდი, ისე გაირყვნა კაცის ბუნება, რომ ახალი ღმერთის აღმოჩენაში გოროზად შრომობს მათი გონება. ყოველ სინმინდეს ფეხით სთელავენ, ყოველ სანუკვარის არსი ალაგმეს. თვით მე, დემონი, გონების არსით მდაბიო ქმნილად გამომაცხადეს.

მე უარყოფილს შენს მიერ ღმერთო, უფრო სასტიკ ბრძოლას გიცხადებ და შენ ქმნილებას მე „სიყვარულით“, პირუტყვზე მდაბლად გადაგვაგვარებ. აღარ დავუშლი ეკლესიაში მისვლას და ლოცვას, სანთლის ანთებას, მხოლოდ სიცრუეს აღსარებისთვის, მე მათ სულელებს დავაავადებ, მათი „სიმართლე“, იქმნან ნათელი და იქმნან დიადად არსთა მეუფედ და ყოველივე შენისმიერი იქმნას წიგნების თანაზიარად. მე ბრძოლას ვიწყებ, ბრძოლას „თვინიერს“, ადამიანთა ვნების განვრცობად, რაც დიადია მათგან ხელთქმნილი იქმნას ბოროტის ბრმა იარაღად. სისხლის აღრევა, გაუცხოება, თითოკაცობა არსმონყვეტილი, მხოლოდ საკვების მოპოვებისთვის შევქმნი მე ერებს ცხოვლად ყოფისთვის.

ხედავ, იქ მიდის ვილაც, ეკლესიაში სვლაგეზსა მისდევს და შენ გგონია მე ხელს შევეუშლი? არა უფალო, მე ვეტყვი „ხვალე“, რომ დღე გადასდოს მეოხებისთვის და განა „ხვალეს“, „ხვალე“ არ მოსდევს? იქმნას მის მიერ საქმე საჭირო, მისთვის უცხო და სანდომიანი.

ვიცი, რომ დმსჯი, ბორკილად მყოფ და საუკუნოდ უფსკრულში დანმთქავ, მაგრამ მერწმუნე ცოდვის წყურვილი ოაზისია მათი არსობის...

გთხოვ მომიტევეო ჩემი ცოდვები, ღირსად ნუ ჩამთვლი შენს ფეხს ვემთხვიო, მაგრამ მერწმუნე, მძულს მე არსება, შენგან შექმნილი ადამიანი.

მამიკო

საკურთხეველთან დგებარ შვილო დედოფლის კაბაში, ჯვარს იწერ და ღვთის წინაშე უღალატობის, ერთგულების და სიყვარულის ფიცს სდებთ. შენი არჩევანია მამიკო. შენ თავად ჰქმნი შენს ოჯახს, შენს ბედს. დღეს მე მარტო დავბრუნდები სახლში... მარტო... ალბათ დედაშენი აქ არის სადღაც, ანგელოზად მოვლენილი, თქვენ ოჯახს

აკურთხებს და ლოცავს. შენ ხომ შენს დედიკოს მხოლოდ სურათებით იცნობ ჩემო მამისერთა. ჩემი სიცოცხლის გამართლება მხოლოდ შენ ხარ შვილო. საოცარია, რიგში ჩავდექი, რომ მოგილოცოთ უკვე შეუღლებულთ ოჯახის შექმნა. ბედნიერი ხარ, სახე გიციინის, შენი მეუღლის სიყვარულით ანთებულ თვალებს შევყურებ, თავის დედოფალს როგორ შესციცინებს ახალგაზრდა კაცი. ცრემლები მომერია, გულში ჩაგიხუტე, მომეჩვენა თითქოს ცივი იყავი ჩემდამი, მომეჩვენა, მხოლოდ მომეჩვენა. მამამთილს, „მამა“-ო, მიმართე და მე მხოლოდ „მამიკო“-ს ტიტულით დამაჯილდოვე შვილო. ასე იყოს, ბედნიერი ხარ და მე ეს მახარებს. სიძე ბატონი დამპირდა „ყველაფერს გავაკეთებო მისი ბედნიერებისთვის და ბედნიერების ცრემლის გარდა სხვას ვერ იხილავენ მის სახეზე უკუნისამდე“. იცი როგორ მინდა მჯეროდეს? გახსოვს საბავშვო ბაღში რომ მიმყავდი და რეიტუზი უკუღმა რომ ჩაგაცვი? ის თუ გახსოვს ბავთის შეკვრას როგორ მასწავლიდა შენი ბალის აღმზრდელი? ის გახსოვს... ალბათ უკვე აღარ. „მამა მიყვარს და ჩემს ბედნიერებას წინ ნუ აღუდგებიო“ — მითხარი, დავიჯერო მაგას უფრო მეტად უყვარხარ ვიდრე მე? ნეტავ რას ვსულელობ. დაგლოცოს შვილო ყოვლად წმინდა სამებამ და წმინდა მარიამი იყოს შენი შემწე. ბედნიერი მეუღლე და დედა ყოფილიყავი შვილო და გთხოვ... ძალიან გთხოვ... არაფერს არ გთხოვ, ოღონდ შენ იყავი ბედნიერი ჩემო მამისერთა...

მე ემიგრანტი

— ჩემი სამუშაო დრო დასრულდა. არაქათგამოცლილი შევედი ჩვენი კომპანიის ტაქსოპარკში. მანქანა ჩემი მუდმივი პარკირების ადგილას გავაჩერე და მანქანიდან წელმონყვეტილივით გადმოვედი. „სასიამოვნო“ საუბარი მელოდა ბოსთან, შემდეგ კი ბულალტერისთვის უნდა ჩამებარებინა ნამუშევარი ფული. თანხა ბულალტერს ჩავაბარე... „ჩაი“-ც გადავთვალე, კარგად დამრჩენია დღეისათვის.

უკვე სადაცაა ოცდასამი წელი მიიღევა რაც ემიგრანტი ვარ. მე მიკვირს, დრო როგორ გაფრენილა მოუსავლეთში. ყოველი თვის ბოლოს ბანკში მივდივარ და ჩემს ჯამაგირს ვუნაწილებ ჩემს ოჯახის წევრებს საქართველოში. თბილისიდან ინტერნეტით მიკავშირდებიან,

მიყვებიან თბილისურ ამბებს, ჩემი ვაჟებიც მესაუბრებიან... მესაუბრებიან მათთვის „უცხო“, მშობელ მამას. იმასაც ვხედავ რომ მათთან დიალოგი ხშირ შემთხვევაში იძულებით თუ ვალდებულების გამო უაზრო საუბარს ემსგავსება... ჩემი მეუღლეც მიკავშირდება სკაიპით, არაფრის მთქმელი საუბრები სერავენ მრავალ ათასიან კილომეტრებს და საბოლოოდ „ღამე ნებისა“ ამთავრებს ჩვენს დიალოგს. მხოლოდ დედაჩემთან და მამაჩემთან საუბარი მიაჩნება უხილავ ღრმა იარას. დღეს ჩემს ცოლს უნდა ვესაუბრო სკაიპით. ჩემი შვილები სტუდენტები არიან და უნივერსიტეტში სწავლის თანხა აქვთ შესატანი, კიდევ... და კიდევ ხარჯები... ჩემი მშობლებისთვის წამლების თანხა და კიდევ ვინ მოსთვლის რამდენი რამ სჭირდება ოჯახს...

ამერიკაში ჩემი წამოსვლის დღე ამოტივტივდა გონებაში, თვალ-ცრემლიანი მშობლები... ცრემლიანი თვალები ოპტიმიზმის და იმედის მნათობივით რომ მაცილებდნენ აეროპორტში... ჩემი მეუღლე შემომციცინებდა, მეხვეოდა, მკოცნიდა... რალაცას მეუბნებოდა ჩურჩულით... ჩემი შვილები გაკვირვებულები მიცქერდნენ, გაოცებულები შესცქერდნენ პაპა-ბებიას, დედას, ჩემს ძმას და მეც. სანოვარას ლოღნიდა ერთი წლის ლაშა, თორნიკე სამი წლის იყო მაშინ უკანასკნელად რომ ვაკოცე და დედამისს „მივაჩეჩე“ ხელში. ესლა უკვე კაცები არიან. რამდენი გეგმა დავანყვე თავში, სამშობლოში, ოჯახში დაბრუნების მთელი „სპექტაკლები“ გრგვინავდნენ გონებაში. საკუთარ ფანტაზიას ხელმოცარული აპლოდისმენტებით ვუხმობდი სცენაზე. „ბისს“, „ბისს“, „ბისს“, ისევ ვუხმობდი ჩემი ოჯახის წევრების ბედნიერ სახეებს „ნატვრის თეატრში“ და შემდეგ „სცენაზე“ ახალ წარმოდგენას „ვედგავდი“, ან გარდასული დროის ეთერში მოგონებების პალიტრით შთაგონებული პიესის მიხედვით.

მხოლოდ ეგ იყო, ფინალი არ ეწერა „სპექტაკლს“, მარტოსულის ფიქრებში რეჟიემი იღებდა აკორდს. ამიტომ არ მძალმიძდა დასრულება. შუანელს ვითხოვდი „ბისს“.

ხვალ დილის ექვს საათზე სამსახურში უნდა გამოვცხადდე, ისევ უნდა ვიხეტივლო ნიუ-იორკის ქუჩებში კლიენტის სამსახურად. რამდენ იდიოტს და ფეხებზე მკიდიას უნდა ვესაუბრო მორიდებით, „ჩაი“-ს სანაცვლოდ, როგორ უნდა შევციცინებდე უცნობთ. ფული აქ ასე იშოვნება. ალბათ ჩემს შვილებს ქერის ორმოში ჩავარდნილ მამიკოდ

წარმოუდგენივარ და ალბათ ჩემი ცოლსაც ჩაუგმანავს ჩემი „გაჭრილი“ გულის კარიბჭე უხიაგი ფიქრებით.

— „ეკონომიურად ხარჯე ფული ბიჭები ფეხზე გეყავს დასაყენებელი, ნუ გადაჰყვები ქალებს და დროსტარებას, ოჯახზე იფიქრე „ეს სიტყვები წინსართივით გასდევს ჩვენს საუბარს სკაიპში. დედაჩემის გარდა არავის უკითხავს „თავს როგორ გრძნობ შვილო? რაიმე ხომ არ გიჭირს? რას ჭამ და ხომ არ გცივა? ჯანმრთელად ხომ ხარ შვილო?“ ჩემს ძმას აქ უნდა წამოსვლა, ალბათ ჰგონია, რომ „ოქრის ხონჩები“ ელოდება ამერიკაში. „სამსახური მიშოვო“ მომწერა, ერთი რუსული ანდაზა გამახსენდა, „ყველგან კარგია სადაც ჩვენ არა ვართო“.

განვიმდა. ქურთუკის საყელო ამოვინიე. წვიმა მისველებს შარვალს და ფეხსაცმელს. მშია. ერთი კვარტალი მაშორებს სახლს. ჩემს სახლთან ახლოს „მარკეტში“ შევიარე. პური, რძე, ძეხვი, წყალი და კიდევ რაღაცეები შევიძინე. გარეთ გამოვედი. ქუჩაში ისევ წვიმდა. სიგარეტს მოვუკიდე.

რამდენიმე წლის წინ გავიცანი ლილი. მანჰეტენზე ერთ-ერთ რესტორანში მუშაობს ჭურჭლის მრეცხავად და დამლაგებლად. ბრაზილიაში დედ-მამა და მცირე წლოვანი შვილი ჰყავს სარჩენი. ყოველ კაპიკს უფრთხილდება. მშობლებს უგზავნის. რამდენი ხანია მის ტანზე ახალი კაბა არ მინახავს. ყოველთვის ცდილობს მხიაული და პირმცინარე შემომეგებოს სახლში დაბრუნებულს. სუფრასაც მიშლის და ნამდვილ ბრაზილიურ ყავას მომიდულებს ხოლმე მარქაფად. ყოველთვის ვცდილობ დადებითი ემოციები შევაგებო ლილის. ოთხშაბათი დღე ორივეს თავისუფალი გვაქვს. ერთად დავსეირნობთ, მაღაზიებსაც ჩამოვუვლით ჯიბესქელი მყიდველებივით და მხოლოდ თვალს ვასიამოვნებთ ხოლმე მრავალფერი „სასურველის“ თვალიერებით. შემდეგ პარკში გავდივართ. ხის ძირში გავფენთ ჩვენს განუყრელ ფარდაგს და ვსაუბრობთ... ვსაუბრობთ ყველაფერზე საკუთარი ტკივილის გარდა. ერთმანეთში ვეძებთ დასაყრდენს. იმედსაც ერთმანეთში ვებლავუჭებით, როცა საკუთარი რეალობა გვახსენებს თავს ჰამბურგერის ფაფუკ ხორცზე ვიყრით ხოლმე „ჯავრს“, რადგან საკუთარი ბოღმა ჩვენს შიგნით დარჩეს და კბილთა ღრჭენა შეიფაროს ლუკმის „სხეულმა“. იცი, როგორ ვცდილობთ ერთმანეთისთვის „უერთმანეთოდ ყოფნის სიმძიმის“ დამკვიდრებას? ლილი მირეცხავს და ზრუნავს ჩემზე.

აგერ, სახლთან ყვავილების მაღაზიაა, იქ ერთი ურუგვაელი კაცი მუშაობს თავის ოჯახთან ერთად. ყვავილებს ლილისთვის მასთან ვყიდულობ. ყოველ კვირა დღეს თაიგულით ხელდამშვენებული მივდივარ სახლში. კარს ლილი მიღებს. სახლის გასაღებს არ ვიღებ ჯიბიდან, რადგან ლილიმ მინდა რომ გამიღოს კარი. ისიც ხვდება ჩემს „ემშაკობას“ და პირმცინარე მეგობება კარის ზღურბლზე.

წვიმამ უმატა. ქარმაც წამოუბერა სუსხიანად. ქუჩა ცარიელდებოდა. ქუჩაში კი საცოები არ „ნელდებოდა“. დაფიქრებული და ნიღბიანი სახეებით მოდიოდნენ ქუჩაში ნიუ-იორკელები. არავითარი ემოცია, არავითარი სიხარული. მხოლოდ მკაცრი რეალობა შეხორცებოდა მათ სახეებს.

ექვსი თვის წინ ვუთხარი ჩემს მეუღლეს ლილის შესახებ „მოლაღატე და მექალთანე ხარ, მე აქ წელში ვწყდები, რომ ოჯახს გავაქაჩინო და შენ კი ვიღაც ბრაზილიელთან იყოფ სარეცელს. მე შენს მშობლებს ზედ ვყვები და შენ კი...“ აღარ მსურს მისი სიტყვების გახსენება. მაშინ ფულს მხოლოდ ჩემი მეუღლის ანგარიშზე ვაგზავნიდი... მამაჩემს ველაპარაკე სკაიპით, „უკვე დავბერდით შვილო, „გამოუსადეგარნი“ შევიქმენით ოჯახისთვის, შენი მეუღლე გაცეცხლდა შენი ამბავი რომ გაიგო, დედაშენს დააფრქვია მთელი ბალდამი. არ მიკვირს მისი სიბრაზე, შეეცადე ბიჭებს აუხსნა ყველაფერი. იქნებ მათ გამონახონ საჭირო სიტყვები დედისთვის...“ მითხრა მამამ. მამაჩემს ვთხოვე საკუთარი ანგარიში გაეხსნათ ბანკში და მონაცემები გამოეგზავნათ ჩემთვის, რომ ჩემი მეუღლის ხელის შემყურენი არ ყოფილიყვნენ მოხუცები.... დღეს ჩემს მშობლებსაც ვუგზავნი ფულს.

ჩემი ცოლი აღარ მელაპარაკებოდა, მხოლოდ რამდენიმე ხნის წინ ინება საუბარი და მითხრა „მესმის შენი, კაცი ხარ და მოვლა გჭირდება, ნუ გაბრაზდები ჩემს ქცევაზე... ლილის მოკითხვა გადაეცი“. ერთხელაც სახლში მისული სახტად დავრჩი როცა ჩემი მეუღლის და ლილის ტკბილ მუსაიფს შევესწარი. მართლა ასე იყო, ქალებმა გაუგეს ერთმანეთს....

ამასწინად ტელევიზორში ვუყურებდი ქართულ არხს. ხშირად ვუყურებ ქართულ არხებს, ქართული საუბარი მინდა რომ მესმოდეს, ხანდახან ვატყობ რომ სიტყვები მავინწყდება და ამ დეფიციტს ინგლისური სიტყვები მივსებს. ინტერნეტში დავინწყე ქართული საიტებზე

ძრომიალი. ვკითხულობ ქართველი პოეტების ლექსებს, მოთხრობებს-საც ვკითხულობ, მაგრამ ზოგჯერ წინადადების აზრს ვერ ვხვდები, ენა მავიწყდება ნელ-ნელა... ტელევიზიით ვუსმენ ქართველ ორატორებს და გაცეხამდე მივდივარ, კითხვას ვუსმევ ჩემს თავს, „როგორ მოაღწია ჩვენმა ერმა დღემდე? როცა ჩვენს ქვეყანაში ჭკვიან და განათლებულ ადამიანებს ერთმანეთთან საერთო ენის გამონახვა უჭირთ, ან ამდენი აუგის მეტყველს და ზნედაცემულს, როგორ იტანს ეს პატარა ერი? ალბათ სამშობლოს გარეთ უნდა იცხოვროს ადამიანმა ცოტა ხნით მაინც რომ საკუთარი მიწის მონატრებამ სისხლი აგიყვილოს და მშობლიურის მონატრება ისწავლოს კაცმა, თუმცა აქაც, ამერიკაშიც არიან ქართველები, სულ ახლახან ჩამოსულები საკუთარ ქართველობას რომ არაფრად მიიჩნევენ და „ამერიკელობენ“. ხვალ „ერისიონი“ ჩამოდის ამერიკაში. გრანდიოზულ კონცერტს მართავენ ჩვენი ქართველები და მთელი ჩვენი დიასპორა იქ იქნება, მე კი ჩემი ტაქსის საჭეს უნდა „ვეკრიმანჭულო“. არაფერია, ტელევიზორში ვუყურებ მათ ტრიუმფს. ძალუმაღ მიცემს გული ქართველის წარმატებას რომ ვიგებ, მემამაყება ჩემი ეროვნება, მემამაყება, რომ ჩვენი მცირერიცხოვანი ერის წარმომადგენელი წარმატებას აღწევს და მაშინ მანქანის მაგნიტოფონში ქართულ სიმღერებს ვრთავ, ათასჯერ მოსმენილ სიმღერებს და მეც ვმღერი, ხან ვტირი, ხან ვიცინი და მერე ისევ არაფერი, მხოლოდ კლიენტი და მისამართი. მე ამერიკის მოქალაქე ვარ და საქართველოს საკუთრებად მიმაჩნია ჩემი თავი, მხოლოდ ეგ არის, როგორ გამოვადგე ჩემს სამშობლოს არ ვიცი და არც არავინ არის მოკარნახე... წლები კი გადის... მე ველარ დავბრუნდები საქართველოში, მხოლოდ ოცნების ფურცლები შემიძლია ტომებად ვაქციო და შემდეგ გახუნებული გვერდებით მოგონებების იმედად ვინუგეშო და ავიფორიაქო სული.

აი ჩემი სახლი, ჩემი ოცდათხუთმეტ კვადრატულ მეტრიანი „ციხე დარბაზი“ მიხმობს. ურუგვაელთან ქრიზანტემები ვიყიდე, ჰმ, ტრადიციას გადავუხვие და ყვავილებით ხელდამშვენებულმა შევავიჯე სადარბაზოში. აი ჩემი კარებიც. ზარი დავრეკე... ლილის ღიმილმა ნამიშალა ყოველგვარი აუგი ფიქრი...

— მოხვედი ძვირფასო? — ჟღურტულა ხმით მკითხა ლილიმ, იცით რა სანატრელია ეს სიტყვები ჩემთვის? ყოველ დღე მესმის და მაინც

სანუკვარია, რადგან ჩვენ თავად ვართ ერთმანეთის ზრუნვის საგანი. ჩვენ ერთმანეთის გარდა სხვა არავინ გვყავს ამერიკაში. ყვავილები ჩამომართვა, ლოყაზე მაკოცა და... მოვეხვიე, მთელი მგზნებარებით მოვეხვიე ლილის...

— მიყვარხარ... თითქმის ჩურჩულით უთხარი ლილის

— მეც მიყვარხარ, მთელი გულით მიყვარხარ ძვირფასო!

ტუჩზე დამადნა ქალი.

სამზარეულოში ბრაზილიურ ყავას მიდუღებდა ჩემი ოჯახის დისასხლისი.

მოქალაქის წერილი

— გამარჯობა გიორგი, გამიხარდა შენი წარმატება, ახალი ქვეყნის მართვის სადავეებთან ახლოს ხარ და სიკეთეც ხელგეწიფება. ვიცი არა გცალია, დროის უკმარისობა ხომ თანამედროვე ცხოვრების ერთერთი სენია, ველარც ტაძარში მოდიხარ, რამდენი ხანია აღსარებაც აღარ ჩაგებარებია. ეჰ, რას ვიზამთ? მომენატრა შენთან საუბარი. ამ წერილს შენ გწერ და მინდა ყურადღებით წაიკითხო.

შენი უპირველესი მოვალეობაა იგივე ფიქრით და გულის ხმის ყოფით მიხვიდე სამსახურში, როგორც ტაძარში, რადგან სიმართლე ყველაზე კარგი პოლიტიკაა. შენ მეტყვი ყველაფრის გამომზეურება არ შეიძლებაო, იქნებ ასეცაა, მაგრამ დაიმახსოვრე მხოლოდ სიმართლე შობს ბედნიერ მომავალს.

ნუ გაორდები, რადგან გაორებული მორალი ყოველგვარი უზნეობის საწყისია. ისტორიას ბევრი მაგალითი ახსოვს როცა ფარისეველთა ფუსფუსით გაორებულ ზნეობას ქვეყნისთვის სიავის მეტი არა მოუტანია რა. ორი სახე გაქვთ პოლიტიკოსებს პირადი და საზოგადოებრივი, მაგრამ იმდენად ეფლობით ფარისევლობის ნიღბის წიაღში, რომ ხშირად საკუთარ სახეს კარგავთ. ადამიანებს სჯერათ სიკეთის, ხო, ჯერ კიდევ სჯერათ რადგან სიკეთე და სიმართლე ადამიანის არსობის ძირითადი მამოძრავებელი ძალაა და კიდევ არსებობს საზოგადოებრივი იარლიყი, რომლის მეშვეობითაც შესაძლებელია უდანაშაულო ადამიანი საზოგადოებისთვის უსარგებლოდ ან ბოროტმომქმედად შექმნათ. მე გეტყვი, ისტორიას ახსოვს ქრისტიანთა შევიწროვება და

ხოცვა, მაგრამ ისიც ახსოვს ისტორიას, რომ არასასურველ პიროვნებებს, როგორ სჯიდნენ ქრისტიანებთან ურთიერთობის ბრალდებით, შემდეგ კაპიტალისტურ ქვეყნებში, „სოციალისტის“ და საბჭოეთში, „ხალხის მტრების“ დამლით დადალულ ადამიანებს როგორ უსწორდებოდნენ. დღეს უფრო საშიში დროებაა, რადგან ჰუმანიზმის დოგმები ბრალდების სახეცვლილებად მოეკლინა საზოგადოებას და მარადიული ფასეულობები, „ჰუმანიზმი“, „ემენარებლობა“, „პატიება“ და „კაცთმოყვარეობა“, გარყვნეს, ეროვნული და საქვეყნო ფასეულობების დასათრგუნად გამოიყენეს და დღესაც წარმატებით იყენებენ. ეს გაორებული საზოგადოების შექმნისთვისაა საჭირო, რომ ადამიანებს რეალური ღირებულებები, რწმენა და მრწამსი დაუნგრეონ. შენ ალბათ მეტყვი, ერთი კაცი რას გავხდებიო, როგორც ერთ კაცი ვერაფერს გახდები, მაგრამ როგორც ერთი პოლიტიკოსი, როგორც ერთი საზოგადო მოღვაწე და როგორც ერთი პარლამენტარი, კიდევ ერთ სიტყვას იტყვი ქართული ფასეულობების დასაცავად და მერწმუნე, ეს ცოტა არ არის. იცოდე, შენი ყოველი სიტყვა აწონე, რადგან ნათქვამს თუ საქმე არ მოჰყვა, მხოლოდ ფორმად გაქცევს შინაარსის გარეშე, მოდი ტაძარში, გაძლიერდი, რომ ქვეყნის სამსახურად ძალა გეყოს. ღმერთმა დაგლოცოს.

შენი მოძღვარი

მუხის მოლოდინში

— დრო მაქვს, მაგრამ არა მაქვს იდეა. კალამს ვაწვალე, ყოვლის ამტანი თეთრი ფურცელი მორჩილად ეგებება ყოველ ბგერას, სიტყვას და უაზრო წინადადებას, მის სხეულს დაუნდობლად ვსვრი, ხო, ვსვრი, რადგან ნაწარმოები რომ შექმნა, ეს პროცესი ხანდხან იცი რას ჰგავს? როგორ აგისხნა? წარმოიდგინე, რომ ქვას „პირი“ უნდა აართვა, საჩეჩეჩით უნდა გაჩეჩო, მერე კვირისტავზე დაართო და დაფებად აქციო, აი შემდეგ ნაწარმოების ქსოვას უნდა მიჰყო ხელი. ალბათ „ქვა“ ცუდი შედარებაა არა? არ გეთანხმები, რადგან თუ რაიმე ფასეულის შექმნა გინდა, დროს რომ გაუძლოს ისეთის, მაშინ ნამუშევარიც „ქვასავით“ მაგარი და დრო-ჟამისადმი შედეგი უნდა იყოს, თორემ ჭრელა-ჭრულა ძაფით მოქსოვილს ჩრჩილი შეჭამს და ძონძად გადააქცევს. ამ ყველა-

ფერს ფურცელზე ვწერ, ამ ჩემს ნააზრევს ალბათ ჩემს მეტი არავინ წაიკითხავს, ან თუ წაიკითხავს, „გადარეულია“-ო, იფიქრებენ. მუზაკი არ სჩანს... არა და ისე ვარ შინაგანად „აგუზგუზებული“ რომ... ეტყობა ჯერ ვერ შევძელი ქვას „პირი ავართვა“. ავდექი, საწერ მაგიდას გადავხედე, ყველაფერი ჩვეულებრივად იყო, შემდეგ ოთახი მოვათვალიერე... ნეტავი რას ვეძებ? ბოლთას ვცემ ოთახში...

— რას დადხარ წინ და უკან, ამერია თვალები.

მკაფიოდ გავიგონე ეს სიტყვები, საკუთარ თავთან ხომ არ დავინყე საუბარი ანგარიშმიუცემლად?

— კაცო არ გესმის? ნუ დადხარ აქეთ-იქით, მე სარკე ვარ ჩემსკენ მოიხედე...

სხარტად მივტრიალდი და სარკეს მივაპყარი თვალები. მის ზედაპირზე ჩემი სახე არეკლილიყო, მაგრამ უფრო სხვაგვარი, უბრალოდ მომღიმარი, ჩემი სახე მიმზერდა იქიდან....

— შენ მელაპარაკები?

აღმომხდა მე.

— ხო, მე ვარ.

მიპასუხა სარკემ.

— ჩემი სახე.. ჩემი სახე „მანდ“ ცოტა სხვანაერია...

ვთქვი და თითი გავიშვირე სარკისკენ.

— შე კაცო ამდენი წელიწადია შენს ოთახში ვარ და გიყურებ, ყვოველი შენი მოძრაობა და მიმიკა ზეპირად ვიცი...

— დიდუუუუ, გადავირევი ახლა, სარკეს ველაპარაკებიი?..

— ნუ ბლავიხარ თუ კაცი ხარ, რა გჭირს?

— მუზას ველოდები.

— ხოო, მძიმე შემთხვევაა...

— რა გაქვს მხედველობაში?

— რა და, კაცი რომ სარკეში ლაპარაკს დაიწყებს და თან მუზების მოსვლას ელოდება, ვერ არის მისი საქმე კარგად.

— შენ ვინ ხარ რომ მეკამათები?

— არ გჯერა ჩემი ხომ?

— არა.

— ნუ იჯღანები თუ კაცი ხარ, შენს ბალიშს ჰკითხე ერთი, გადარეულია კაცი შენი სიზმრების შემხედვარე.

— 66, 66, 66...

— აქიციინე თავი რამდენიც გინდა.

სარკეში ჩემმა უჩვეულო ანარეკლმა თავი მიაბრუნა საწოლისკენ და ჰოი საოცრებავ, ბალიშის ბოხმა ხმამ დაარღვია წამიერი სიჩუმე:

— ხოოო, მძიმე სიტუაციაა.

ადუდღუნდა ბალიში...

— გიორგი, შე კაცო, იმისანა სიზმრებს ვხედავ შენს თავში, რომ... რომ გავგიჟდი კაცი... ერთი მაგარი ბესტსელერის სიუჟეტების კორიანტელი გაქვს თავში და კიდევ ეს ქალები და ქალები, რა უბედურებაა... გუშინ ის გოგო ვინ იყო პარიზში რომ ეჟლურტულებოდი?

— ბალიშო, ესლა შენ ბუმბულებს ნუ იწინკნი, შენი მოვალეობაა, ღამე რომ დაწვები თავი რბილად დავდო და დავიძინო, გაიგე?

ავლშფოთდი მე.

— კი, მარა შენს თავს, „თავს“ ეძახი? ყუმბარასავით არის ეგ შენი თავი, ლამის არის ხერხემალში გავტყდე კაცი და ...არ მომინდომა კომფორტი“.

საუბარში ქალბატონი საბანი ჩაერია...

— რა გაანყალეთ გული? ჩემი ბიჭი, ჩემი ფუმფულა... მისი მხურვალეებით გული მეთუთქება, ჩემი სხეულით ვცდილობ მისი გულის სითბო გავიზიარო...

— ქალო! შენ ხომ არ გადარეულხარ?

აჯიჯღინდა ბალიში.

— შენ მასწავლი მაგის „სითბოებს“ და გულის „პრანჭვებს“...

და უცბათ სარკმელზე მორიდებული კაკუნი გაისმა... მუზა მოსულა, არა, კი არ მოსულა, მოფრენილა...

— სად ხარ შე კაცო? გამანვალეს ფიქრებმა...

ვეცადე მაქსიმალურად დავმტკბარიყავი.

— მუზავ ბატონო, მობრძანდი, დაბრძანდი...

მუზას დიდი თავპატიჟი არ დაუნყია, მორიდებულად შემონარნარდა ოთახში და იქვე ჩემს საწერ მაგიდასთან სკამზე მოკალათდა...

— აბა, გისმენ მწერალო ბატონო, რა გნაბავთ?

— რავა რა მინდა შე კაცო, აგერ ორი დღეა ვწვლობ და ერთი ბნკარი ვერ დავწერე, დავინყებ, გაეჩერდები, დავინყებ, გაეჩერდები...

— ეს რა არის?

მკითხა მუზამ და ჩემს მაგიდაზე ბოთლზე მანიშნა.

— ეს ჩემო ბატონო ღვინოა, ნაღდი კახური, აი, რომ იტყვიან უღვამ-აპრეხილი თავადივით მედიდური და დალალ-დანწული ქალივით მათრობელა...

ენა დავითაფლე მე.

— აბა ჩამოასხი შენს გაზრდას.

მითხრა მუზამ და იქვე მაგიდის თავზე თაროდან ორი ჩაის ჭიქა ჩამოიღო.

— მიდი, მიდი დაასხი, ვიცი კახეთში კიდევ გაქვს ამისთანა...

ჩამოვასხი. ორივე ჭიქა „გავაპიპინე“ და...

— ჩემს მოსვლას და თქვენ დახვედრას გაუმარჯოს, სარკე, ბალიშო და ქალბატონო საბანო, იდღეგრძელეთ და გაგეძლოთ ამ გადარეულისთვის, კალამო, შენც გაგიმარჯოს, რასაც შენ უძლებ ამის ხელში რძე გეკუთვნის ჯანმრთელობის აღსადგენად...

ეს ბრძანა და სულოუთქმელად გამოსცალა ჭიქა...

— თქვენ მობრძანებას დავლოცავ მუზა ბატონო...

და მეც გადავხუხე მაღლიანი კახური.

ერთ ბოთლს მეორე მოჰყვა, მეორეს მესამე და...

— ჩემო გიორგი! ხომ იცი როგორ მიყვარხარ!

პათეთიკურად მომმართა მუზამ.

— რავა არ ვიცი შე კაცო, თვალში რომ ჩაგივარდე ხელს მიიფარებ, რომ არ გადმოვარდე.

მიხვდით რომ უზომოდ მთვრალი ვიყავი.

— აი, ამ ქისას ხომ ხედავ?

თქვა და ჯიბიდან ულამაზესი ქისა ამოაცოცა.

— ამაში მუზის „წყალობებია“, ცისნამის ვარსკვლავის მტვერია, შმოქმედების ტაძარშია ნაკურთხი და „წმინდა ფიქრთა“ შადრევნის წყლითაა დანამული... შენ გჩუქნი ამ ქისას გიორგი, სანამ აქ მოვიდოდი მე ყველას ჩამოფურიგე ცისნამის ვარსკვლავთა მტვერი, ყველას, ვინც ამას იმსახურებდა და მოდი... ჭიქები შეავსე ძმაო.

ენის ბორძიკით მთხოვა მუზამ. მეც შევავსე და მუზამ სათქმელი გაავრძელა...

— ჩემო მეგობარო, ამ ჭიქით ყველა შემოქმედს დავლოცავ, იცი რატომ? იმიტომ რომ მათ ამ ქვეყნის უსახური ფერების გაფერადება

სძალუძთ და ადამიანებისთვის ბედნიერების მოტანა შეუძლიათ... მაგრად დავთვერი გიორგი... დავიძინოთ თუ ძმა ხარ თორემ...

სიტყვა აღარ დაუმთავრებია მუზას და ღვინით სავსე ჩაის ჭიქა სულმოუთქმელად გამოსცალა....

ღილით საშინელ „პახმელიაზე“ გამეღვიძა. მიმოვიხედე მუზა ჩემს გვერდზე აღარ იყო. ეტყობა წავიდა. თავი წამოვწიე, მერე ლოგინიდან ავდექი და...

— უფფფ, თქვენ დალიეთ ცეცხლი, არ ამაცროლა მთელი ღამე.

აღმოხდა ბალიშს, მე პასუხი არ გამიცია. სანერ მაგიდასთან მივედი, ცარიელი ბოთლები ვილაცას თაროზე დაუღეგებია, ჭიქები კი გვერდზე მიუჩოჩებია.

„ვაი ჩემო თავო. მუზის გაცილებაც კი ვერ შევძელი, ვაი სირცხვილო“, ავნერვიულდი მე.

— გამარჯობა მწერალო, დაბლა დაიხედე, მე ვარ შენი კალამი.

მაგიდაზე ასანთის კოლოფზე შემომჯდარი ჩემი კალამი შევნიშნე.

— აი, იქ დევს ის ქისა მუზამ რომ გარუქა, ასე დაგიბარა რომ გაუთავდება კიდევ მოუტანო.

— დიდი მადლობა კალამო.

მივმართე მორიდებით.

მაგიდაზე ფურცლებს დავხედე და რამდენიმე გვერდი კარგი, ლამაზი ასოებით რალაც მოთხრობა ეწერა. კითხვა დავინწყე და ნუხანდელი ამბავი არ იყო დეტალურად და თან მაღალმხატვრულ დონეზე დანერილი. გავოცდი.

— კალამო ეს შენი დანერილია?

— ხო, აბა სხვა ვინ დანერდა? მოგეწონა?

— კი, მაგრამ ახლა ამას ფეისბუქზე დავდებ და ვნახოთ რას მეტყვიან მეგობრები, ან დამილაიქებენ და დამიკომენტარებენ, ან... ან...

— ვაი შენს პატრონს, კაი ახლა მე დავისვენებ და არ შემანუხო, გაიგე?

— კი.

ვუპასუხე მე.

კალამი ასანთის კოლოფიდან ადგა, ერთი გაიზმორა და სანერ მაგიდაზე გაგორდა. ალბათ ხვრინვაც ამოუშვა...

მურიკელა

სოფელ თლულში, იქვე ქვასიპასთან მოხდა ეს ამბავი, ერთი შეხედვით ალბათ მოსაყოლადაც არ ღირს, მაგრამ გულით მსურს მოგიყვებო. ეს პატარა და მარტივი ისტორია ერთ ძალღმერთს ეხება, მურიკელას... მეზობლის ეზოს ერთი მკვე ძალღმერთი შეეჩვია. ბინაც, თვალს რომ ნაკლებად მოხვდება, ბოსელის უკან, ერთ დროს თივის ზვინი რომ იდგა და ჯერაც ნათივარზე კიდევ ეყარა კარგა ხნის წინ გამხმარი ბალახი, ბინაც სწორედ იქ დაიდო. ალბათ დედის ინსტიქტმა უკარნახა, მისი ნაშიერნი დაცული იქნებოდნენ წვიმისგან და ვერც ქარი აუბურძენიდა ბალახს მის ლეკვებს. მოკლედ იმ ღამით ძალღმერთს ყმუილმა გახია ზეცა. არც ერთ მეზობელს ყურიც არ შეუბერტყავს ძალღმერთის ხმიანობის გამოგონით. დილით კი პატარა, თეთრ დრუნჩა და ნახშირით შავი ლეკვი გამოლოლდა „შინიდან“ გარეთ. იცით რა ღამაში იყო? ბავშვებაც მეტი რა გვინდოდა? აბა ხაჭაპური, მჭადი, ხანდახან ქათმის ბარკალი და ნუ იტყვით, რაჭული „ვიჩინის“ მოზრდილი ნაჭრებიც კი ავსებდა ძალღმერთის „მენიუს“. ლეკვს „მურიკელა“ დავარქვით. გაიზარდა მურიკელა, ხო მართლა, დამავინყდა მეთქვა, უბანში ყველა ბავშვს იცნობდა ძალღმერთს, შესაშური მეკარე დადგა ჩვენი მურიკელა, ფეხბურთის თამაშის დროს კარებში იდგა და ისეთ „მკვდარ“ დარტყმულ ბურთებს იგერიებდა ნებისმიერ მეკარეს შემურდებოდა. მოიზარდა ძალღმერთი, პატრონის ეზოს ერთგულად დარაჯობდა მთელი ღამის განმავლობაში, ყეფაც ომანხიანი „დაუდგა“, გათენებას ელოდა ოთხფეხი, რომ ისევ თამაშში და ჟრიათულში ჩაბმულიყო. აგვისტოს შუა რიცხვებიდან დაცარიელება დაიწყო სოფელმა, ბავშვების უმეტესობა იმ წელს პირველ კლასელები გავხდით და თბილისში წამოგვიყვანეს მშობლებმა. უბანი დაცარიელდა, ალაგ-ალაგ თუ მოჰკრავდით თვალს თლულელ სკოლის მოწაფეს. სოფლის ცენტრში, აი, ავტობუსის ბოლო გაჩერება რომ არის, კინოს გვერდით, სკოლაში სულ თხუთმეტიოდენ სკოლის მოწაფე თუ „მოიყრიდა“ თავს, სოფელი იცლებოდა... ზაფხული კი ჯერ კიდევ შორს იყო. მარტო დარჩა მურიკელა, უცნაური სიჩუმე გამეფდა სულ რამდენიმე დღის წინ მოჟრიათულე ეზო-კარში. მოიწყინა მურიკელამ. უცბათ მოსწყებოდა ადგილს, ეზოს შემოურბენდა ყფით, მერე ჭიშკრისკენ გაიქცეოდა, ალბათ იქ ეგულებოდა ხალხი, ყეფდა ძალღმერთი, მაგრამ პასუხის გამცემი არავინ

სჩანდა. ისევ მოიწყენდა მურიკელა. მერე სახლის კიბესთან მივიდოდა და იქ წვებოდა, ალბათ ფიქრობდა, „გამოჩნდებიან პატრონები, ასე უპატრონოდ ხომ არ მიატოვებდნენ აქაურობასო“. დაღამდა, მოშივდა მარტოდ და ეულად დარჩენილ „ეზოთმოძღვარს“. ერთი დაიყვია, მერე კიდევ დაიყვია, შემდეგ გაავებული ყვია ატეხა და შემოესმა...

— დედა, ბეჩა, რავა გნიასობს ე, ძაღლუკა, რაცხა ხომ არ იგუმანე მაქანა?

ეს ბებია ქარვაზია გახლდათ, ისიც „მიტოვებული“ და ზაფხულის მომლოდინე, შარა გზას გაჰყურებს მონაგარს მონატრებული, როგორც კიდევ რამდენიმე დედაბერი ქვასიპაზე, ხო, მართლა ფილიპე ბაბუა არ გამოგვრჩეს, ისაა ამ უბანში ერთადერთი მამაკაცი ზაფხულის დადგომამდე.

— რა იყო ქარვაზია, უუუუ, ჩამევიდა ვინმე?

გამოსძახა მაშიკო ბებია მებობელს.

— არა, არა, ქვე ვინ ჩამევიდოდა ახლა შე ქალო, ყველანი თბილისში გეიხვეტენ...

— აპა, რა მოხდა?

ისევ ახმიანდა მაშიკო ბებია.

— ძაღლი ნიოკობდა გლახათ და იმას გამოვხედე.

უპასუხა ქარვაზია ბებია.

— პური გადოუგდე, ეშიება და მიტომ ყეფს ალბათ.

— უკვე გადაუგდე, ხვალე შენ მიეცი პურის ყუა, მაშიკო გეყურება...

— კი, კი ხვალე მე გადოუგდებ რაცხას...

და მხოლოდ ამ ორი დედაბერის იმედად დარჩა ძაღლი. ყოველ დილით ნაძღვენებ პურს შეექცეოდა მყეფარი და ხანდახან პატარა ჩქამზეც კი ყურებს დაცქეცდა, ეგება პატრონები გამოჩნდნენ, ეგება სახლი მოიგონეს და დაბრუნდნენო, მარა გაგიგონია... დაზამთრდა. დიდი და გულიანი თოვა იცის რაჭაში. იქაურობა დიდ და სპეტაკ თეთრ საბურველში იყო გახვეული. თოვლის გამკვალავიც არავინ ჩანდა მოხუცების ამარა მიტოვებულ ამ პატარა ედემში. მურიკელას შესცივდა, მოშივდა, მოსწყურდა, ველარც ეზოში „თარემობდა“. თეთრ მღუმარებას დაედგა ტახტი რაჭის ნალკოტში. აღარც პურით „მწყალობლები“ სჩანდნენ... ჩქამის ნატრული შეიქმნა არემარე. ძაღლმა

იაზრა და საკუთარი ზორბა სხეულით „შეუტია“ თოვლს, ზედ ახტებოდა, გორავდა, ისევ შეჰკრავდა კამარას და ისევ გაგორდებოდა თოვლში... ჭიშკრამდე გაკვალა გზა და გაჩერდა. წინ გაიხედა და მიხვდა, ამდენ თოვლს მარტო რომ ვერ მოერეოდა და ისევ სააკუთარი სხეულით გაკვალული გზით უკან, სახლისკენ წავიდა. ბინდებოდა, მურიკელაც ემზადებოდა ღამის გასათევად, რომ უცბათ ბოროტი ღრენა შემოესმა. მობრუნდა, გაკვირვებული ათვალაიერებდა თავის საუფლოს და ორი ზორბა კბილებდაკრეჭილი ცხოველი დაინახა. იფიქრა, ალბათ გზა აებნათ და ჩემს „ბინაში“ შევიპატიჟებო „სტუმრებს“. დაუყეფა, თავისკენ მოიხმო... ავად მოგიზგიზე თვალები შემოანათეს მოსულბმა. ისინი მგლები იყვნენ. შეშინდა მურიკელა, ყეფდა, კბილებს უღრჭიალებდა ავისმზრახველებს, მაგრამ ნელა-ნელა წინ მოიწევდნენ ხორცს დანატრებული ტყიურები. ძალლი ყეფდა, ყმუოდა... ფორიაქობდა... სიკვდილს უყურებდა თვალებში და მშველელი კი არსად სჩანდა...

— ედესია! ქარვაზია! მარიკო! გამოიხედეთ ქალებო მგლები! მგლები!..

გაისმა მაშიკო ბებიას ქოთქოთი...

— სადანა არიან მგლები მაშიკო?!

გამოეპასუხა ედესია ბებია.

— აქანა, აქანა, ვალიკოს ეზო-კარში, ძალლს შეჭამენ ეს გასანყვეტლები, ძალლს...

ქაქანებდა მაშიკო ბებია.

— ფილეპე! ფილიპე! გამოხედე კაცო მგლები მოგვივარდნენ, მგლები... გეიგონე, შენ დაგაყრუა დედა-შვილოის გამჩენმა.

არ ცხრებოდა ქარვაზია. ადამიანების ხმის გამგონე მგლები შედგნენ, ერთმანეთს რალაც „გადაულაპარაკეს“ და ძალლისკენ „შურდულივით“ გაქანდნენ... ბახ... ბახ... შეზანზარდა იქაურობა და ერთი მგელი მოწყვეტით გაერთხო სპეტაკ თოვლზე. მეორე მგელი შეყოვნდა, დაიბნა ცხოველი... შემდეგ მობრუნდა და ღობისკენ გაიქცა, თავის დაღწევა სურდა მომხვედურს და ბახ... ბახ... ისევ იგრიალა თოფმა. იქვე ორღობის ძირას, ალაგთან ჩაიკეცა გაქცეული მგელი. მურიკელა შიშისაგან კანკალებდა, ნკმუტუნებდა, ნკაოდა ძალლი და მაშიკო ბებიას ეზოსკენ იყურებოდა დამფრთხალი თვალებით. სახლის აივანზე

მაშიკო ბებია თოფით ხელში ამაყად გადმოჰყურებდა მიდამოს და „ნახელავით“ ტკბებოდა ოთხმოც წელს მიღწეული დედბერი.

— ყოჩაღ მაშიკო, შე ქალო, რავა მათა წყნეთელივით დგებხარ, შენ მეისპე... რა კარგი სროლა გცოდნია.

იცინოდნენ ქალები.

— აპა, რავა, ფილიპეს იმედზე ჩემი მტერი იყოს.

ქირქილებდა „სნაიპერი“ ბებია.

— ქალებო! ამ მგლების აქანა დატოვება არ ივარგებს, კიდეც მოვლენ ეს გასანყვეტლები, მომეხმარეთ...

— ჰოი, ჰოი...

შორიდან გაისმა ფილეპე ბაბუას ომახიანო ხმა, მერე თოფიც დააქუხა ფილეპემ.

— რა მოხდა ქალებო? გამეცით ხმა, ხომ მშვიდობაა?

„მოჰქუხდა“ სოფლის ერთადერთ მამაკაცი.

— ფილიპე, მოდი მოგვეხარე ეს მგლები უნდა დავმარხოთ.

მიაძახეს ქალებმა.

— კი მარა, ქვე ვინ მოკლა ეს მგელუკეები?

იკითხა გაოცებულმა ფილიპემ.

— მაშიკომ, კაცო, მაშიკომ ჩააძალდა ორთვე.

უპასუხა ედესია ბებია.

— ყოჩაღ მაშიკო, რავარი კარგი სროლა გცოდნია შე ქალო.

ლიმილით შეაქო ფილიპე ბაბუამ მეზობელი. ფილიპე ძალღთან მივიდა, მუხლი მოიდრიკა და აცახცახებულ ძალღს თავზე ხელი გადაუსვა. ეფერებოდნენ შეშინებულ მურიკელას მეზობლები. ძალღი დანყნარდა, კუდიც გააქიცინა და მხიარულადაც შეჰყეფა მხსნელებს. კაცმა თვალბში ჩახედა მყეფარს, უსაზღვრო სევდას „უზუნებოდა“ მიტოვებული ძალღი ადამიანს.

— წამოდი ჩემთან მურიკელა შე კაცო, სითბო და საჭმელი არ მოგაკლდება და ხანდისხან ქვე ჩამოუაროთ ხოლმე „ვარიკებს“, წამოხვალ?

ალერსით ჰკითხა ბაბუამ ძალღს. „კიო“ — უპასუხა მურიკელამ

— „აპა აქანა მიმატოვეს მარტო და კინალამ შემახრამუნესო მგლებმა, წამოვალ და შენ მოგეფერებო, შენც მომეფერეო ბაბუა, არ მიგატოვებ და არც შენ მიმატოვოო, ისედაც პატრონისაგან მივიწყებული ძალღი, წამოვალ, წამოვალ ბაბუა“.

— რალა დროის ჩვენი „ვარიკობა“ ფილიპე, უკვე დავბერდით...
ლიმილით უთხრა ედესია ბებია ფილიპეს.

— ეჰ, ხომ იყავით ადრე? ხოდა მასეა ახლაც.

უპასუხა ბაბუამ ქალებს. ხელები აულოკა მხსნელებს ძაღლმა, შემდეგ ეზოს შემოურბინა, სახლის კარებთან შედგა, ერთ ხანს უყურა კარებს შემდეგ რამდენჯერმე დაუყეფა, მობრუნდა და ფილიპეს დაუდგა ნინ. „მოვდივარო“, ასე უთხრა ახალ პატრონს ძაღლმა.

— სახლს დაემშვიდობა, მაგი აღარ მობრუნდება აქით, აჰა, ასე იცის ძაღლმა.

ბრძანა ქარვაზია ბებია და სახლისაკენ იბრუნა პირი. ზაფხულში ისევ გაივსო სოფელი, ბავშვების ჟრიაბული იკლებდა იქაობას. მგლების ამბავი ექოსავით აწყდებოდა სოფელს, „ვაჟკაცობას“ უქებდნენ მურიკელას, „ჩუბინქალობას“ იკვებნიდა მაშეკო ბებია. ისევ გაივსო ქვასიპა, მაგრამ მურიკელა აკლდა იქაობას. ფილიპე ბაბუამაც „შეავსო“ სოფლის ბირჟა. მურიკელაც გვერდით ჰყავდა მოხუცს. ბევრი ვეძახეთ ძაღლს, სათამაშოდ ვინვევდით მყეფარს. ახლოსაც არ მოგვეკარა, მხოლოდ კუდი გაგვიქიცინა, შემდეგ ერთი გადმოგვხედა და ძუნძულით უკან გაჰყვა მიმავალ პატრონს.

— საოცარი სიყვარული და ერთგულება იცის ძაღლმა.

ბრძანა ქარვაზია ბებია.

— როგორი საოცარი ქარვაზია ბებია?

ვკითხე მე.

— ისეთი, ადამიანებმა რომ არ ვიცით და გვენატრება, ეეე მასეთი...

მწუხარე ღასი

— შეგვიბრალე სიო, ნუ უბერავ ასე მძლავრად, ვიცი პატარა ხარ, ანცი, სულ თამაშის ხასიათზე, მაგრამ ნუ მომწყვეტ დედას გემუდარები, ჩემი და-ძმებით ხომ მოჰფინე ტყის ქრელი საბანი, ნუ გემინია დედამინა არ გაცივდება ჩემი არ ყოფნით, მას ზამთრის საბნის სითბო არ მოაკლდება.

— გახსოვს, გაზაფხულზე მეც რომ პატარა ვიყავი? რამდენს ვთამაშობდით, მაშინ შენც უფრო პატარა იყავი და როგორ დიდობდი გახ-

სოვს? განა დაგავინყდა შენს ჩამოქროლვისას როგორ ავშრილდებო-
დით მე და ჩემი დაძმები? დედაჩემი ჩვენი ოინბაზობის გადამკიდე
თავის ხელტოტებს გვაშველებდა, რომ არაფერი გვეტკინა. გახსოვს,
რამდენჯერ დაგვიმალისხარ, როცა შენი დედიკო ქარი, შენს გასატყე-
პად მოსულა შენივე ანცობის გამო? რა ცუდი ხარ, მაინც გინდა მომ-
წყვიტო დედის მკერდს? არ გეცოდები? თუ ასეთი გულადი ხარ მიდი
ნაძვის წინვეებს ეთამაშე, გეშინია ხომ? გეშინია რომ არ გიჩხვლიტონ
და ტირილ-ტირილით არ წახვიდე დედაშენთან? გეხვეწები, არ მომ-
წყვიტო რააა... ხომ ხედავ ცვარცრემლი გადმომეკიდა თვალებზე და
მაინც არ გეცოდები?..

სიომ ერთი შეითამაშა, გაყვითლებული ფოთოლი დედის მკერდს
მოსწყვიტა და ნარნარით დედამინაზე დაასვენა.

ტყეში ჩვეული მედიდურობით მის მყინვართუხუცესობა ზამთარის
მოლოდინში, შემოდგომა დააბიჯებდა და ტყის წიაღში შობილთ სით-
ბოს უკანასკნელი ღიმილამით, მშობელ მინას ძილისპირულს უმღეროდა.

ანცი სიო გულდანყვეტილი დაეძებდა თავის მეგობრებს, ტყეს ხან
ერთი, ხან მეორე მხარეს აწყდებოდა უშედეგოდ. იდუმალ ტკივილს
იკლავდა გულში, ის ხომ მარტო დარჩა. ვის ეთამაშოს? ვის ედიდგუ-
ლოს? ვისთან იანცოს? სიომ მოიწყინა.

— ეჰ, წავედი სახლში ჩემს დედა ქართან, ალბათ ისიც მელოდება.
ამოიოხრა სიომ და სახლისკენ გაფრინდა

მხატვარი

მოლბეტი გავშალე, გვერდით მაგიდაზე ფუნჯები და საღებავები
მენყო. მღუმარედ შევცქეროდი ცარიელ ტილოს. გონებით ვათვალი-
ერებდი მომავალ ნახატს.

— გამარჯობა მხატვარო...

შეკრთი, გარშემო მიმოვიხედე, ოთახში არავინ იყო. „ეტყობა მო-
მეჩვენა“ გავიფიქრე...

— არა, არ მოგეჩვენა, ეს ჩვენ ვართ შენი ფუნჯები.

— ვიინ?

შიშნარევი თვალებით შევყურებდი „ფეხზე მდგარ“ ჩემს ფუნჯებს.

— ხო მხატვარო, ეს ჩვენ ვართ და კიდევ თქვენი საღებავები...

— ვინ ხართ?

ლამის ვიკივლე გაოგნებულმა.

— მხატვარო, შენი მონამორჩილნი ვართ, შენი ნებით დავსრია-
ლებთ ცარიელ ტილოზე უკვე მრავალი წელი. საღებავებიც შენს ნე-
ბას ემორჩილებიან და ისე „ღებავენ“ სამყაროს როგორც შენ აღიქ-
ვამ მას...

— ჩემს შესაშინებლად „აღსდევით“...

— არა, საუბარი გვინდა თქვენთან.

— რაზე ვისაუბროთ?

— ჩვენს დარიგებას თუ მოუსმენ მხატვარო?

— კიი...

— გუშინდელი დახატული თქვენი ნახატი მოგწონთ?

— რასაკვირველია, კარგად გაიყიდება.

— ლამაზი ნახატია, მაგრამ ის შენ მხოლოდ დახატე და არრა შე-
გიქმნია...

— ამით რისი თქმა გსურთ?

— იმის, რომ ფუნჯს ნუ აღიქვამ მხოლოდ „საშუალებად“, ის
მხატვრის „სულის გასაღებია“, რა საცოდავი ხარ მხატვარო თუ ფე-
რები შენთვის მხოლოდ საღებვეებია...

— ხატვას მასწავლით? იქნებ ნახატის „ნაკითხვაც“ მასწავლოთ?

— ნახატი რომ „ნაკითხო“ ჯერ „ბუნების ანბანი“ უნდა ისწავლო
მხატვარო...

— მე „სიმართლეს“ ვხატავ...

ფუნჯებმა „გაიღიმეს“.

— „სიმართლის“ დახატვა თუ გსურს ჯერ საღებავების „თვალ-
თმაქცობა“ უნდა ისწავლო მხატვარო.

— რა ბრძანეთ?

— იცოდე „სიმართლის“ ყველაზე დიდი მხატვარი ბავშვია, ის სიყ-
ვარულით ოცნებას ხატავს.

— მე თქვენთვის ჭკუის დარიგება არ მითხოვია, მე ჩემს ნახატებ-
ში სოლიდურ გასამრჯელოს მიხდიან...

— რა საცოდავები არიან მდიდრები, რადგანაც ფულს ნახატის
„იმიჯში“ იხდიან და არა მხატვრის უკვდავი სულის ნაწილში, ფერე-
ბად რომ უკვდავყოფს ხელოვანის სიდიადეს.

- სასაცილოა ეს ყველაფერი და როდის კნინდება მხატვარი?
- მაშინ როცა იძულებულია დახატოს ის, რასაც ყველა ხედავს.
- საინტერესოა, თქვენ ფუნჯებს საიდან გაქვთ ამდენი „ფილოსოფია“?! კიდეც რას მეტყვიან, რით დამარიგებთ ჭკუას?! რას მეტყვიან ჩემს პორტრეტებზე?
- როცა ადამიანს ხატავ ჯერ მისი პიროვნება „დახატე“ და მერე გამოსახე ფერებში.
- ქალის პორტრეტი მოგწონთ?
- არა, რადგან როცა ქალს ხატავ, ჯერ მისი „ვნება“ გაითავისე და ისე დახატე პორტრეტი, თორემ მის სახეს ფოტოაპარატიც გადაიღებ...
- პოეზიაზე რას მეტყვიან?
- კითხვა „ამოვადე“ თემიდან
- მხატვრობა ერთგვარი პოეზიაა, მწერალ-რომანისტის „ნერვული სისტემით“. პოეტის რითმები, მხატვრის ფერებია, პოეტის ლირიკა, მხატვრის ფანტაზია, პოეტის „სულის წვდომა“, მისი კალამია, „სიცოცხლის უკვდავება“ კი ფუნჯია შენი...
- გასაოცარია, ეს ამბავი ვინმეს რომ მოუყვებ ვინ დამიჯერებს?
- შენ ხომ გჯერა მხატვარო? მთავარი აი ეს არის....
- თითქოს ცივი წყალი გადამასხესო, ისე წამოვხტი ლოგინიდან, გარშემო მიმოვიხედე, ყველაფერი „ბუნებრივად“ იყო. ჩემს სალონში გავედი, ფუნჯებს დავხედე... ყველაფერი ჩვეულებრივად დამხვდა... გარდა... მოლბეტზე დადებულ სუფთა ტილოზე ფანქრით ეწერა:
„სამყაროს კეთილშობილება „ცოცხალთა სიცოცხლის“ ფერთა პალიტრაა, ფუნჯი სამყაროს ღერძია, ხოლო ნახატი სიცოცხლის ხელოვნებაა, ფერთა სიმფონიით შთაგონებას რომ აღვიძებს ადამიანში. პატივისცემით შენი ფუნჯები“

... პირველი გადაწყვეტილება...

— წვიმიანი დღე იყო. დინჯად, აუჩქარებლად დავაბიჯებდი ბათუმის ქუჩებში. არაფერზე არ ვფიქრობდი, არც ვჩქარობდი არსად, უბრალოდ ხეტიალი მივდიოდი. მოსალამოვდა. ქუჩა თითქმის ცარიელი იყო და მხოლოდ ქუჩაში გამკვლევი მანქანები მირღვევდნენ მყუდროებას.

ერთმა უცნაურმა ვიტრინამ მიიპყრო ჩემი ყურადღება. ვიტრინის თავზე გასიგრძეგანებულ აბრაზე ლამაზი სოებით ეწერა. „დუმბაძე ფოტო“. ვიტრინაში კი ძველებური ფოტოები იყო გამოფენილი. ბათუმის ხედები, კიდეც ჩოხა-ახალუხში გამოწყობილი უღვაშაპრეხილი კაცები და პირმშვენიერი ბანოვანები.

მე სალონში შევედი. ჭარმაგი, მაგრამ მხნე მამაკაცი შემომეგება. გარდასულ დღეთა წარმოსადეგი იერი დროს ვერ დაეჩრდილა და თეთრი წამწამებიდან ცოტათი ანცი შავი თვალები ანდამატივით გიზიდავდა და კეთილისმყოფლად განაწყობდა მოსულ სტუმარს.

— გამარჯობათ ჩემო ბატონო...

მომმართა მასპინძელმა.

— გაგიმარჯოთ.

არც მე დაუგვიანე პაუზი.

— გისმენთ, რით შემიძლია გემსახუროთ?

— არაფრით, უბრალოდ ქუჩაში ვსეირნობდი და თქვენმა ვიტრინამ მიიქცია ჩემი ყურადღება, ხოდა მეც გესტუმრეთ...

— სასიამოვნოა, მობრძანდით, ამ დროს იშვიათად თუ მოდის კლიენტი, სწორედ ეხლა ვაპირებდი სალონის დაკეტვას. თუ დრო გაქვთ ცოტა ხანს ვისაუბროთ... თანახმა ხართ?

— კი, სიამოვნებით.

ფოტოგრაფმა სალონი შიგნიდან დაკეტა. ვიტრინაში შუქი გამორთო და აბრა, „დაკეტილია“ ჩამოჰკიდა.

— მაშ ასე, ჩემო ბატონო, ვინ ბრძანდებით?

მკითხა მასპინძელმა.

— მე ბათუმში სამსახურეობრივი მივლინებით ჩამოვედი.

— ჩინებულია, ჩინებული, და რას „შვრება“ თქვენი საქმე?

— მიდის... კარგად კეთდება...

— სასიამოვნოა, მაშ ასე, ვიცნობდეთ... მე თევდორე დუმბაძე გახლავართ, მემკვიდრეობითი ფოტოგაფი...

— სასიამოვნოა თქვენი გაცნობა თევდორე ბატონო...

— კარგად თქვით, „თევდორე ბატონო“...

— რა არის ამაში განსაკუთრებული?

— ის, რომ სახელია ბატონობის ღირსი და არა ბატონობა სახელის ღირსი...

— საინტერესო არგუმენტია.

გამელიმა მე.

— მოგწონთ ბათუმი?

— რასაკვირველია?

— ეხ, თქვენ არ იცით რას ნიშნავს ბათუმი და რამხელა მოვალეობაა ბათუმელობა, აქ ამინდიც სხვანაერია და მზეც...

— მაშ, თქვენ მითხარით..

— თავნება ქარი და ცის გრგვინვა იცისო ბათუმში, აჭარის მთებს რომ აწყდება გაგულისებული... არ დაიჯერო, რადგან ეს გენერალ მაზნიაშვილის „ჭექაა ლომებრი“, ძილს რომ უფრთხობს „მიძინებულ“ ქართველობას. ნურც ნვიმას დაემალეებით ქოლგის ქვეშ ჩემო ბატონო, რადგან აჭარელ წმინდანთა ცრემლია ეს ნვიმა, უხიაგი და მავნე ფიქრისგან რომ ცდილობს განბანოს ჩვენი გონება. ნურც გადარეული ზღვა შეგაშინებთ, რადგან ჭოროხს ჩამოაქვს აჭარელი კაცის ტკივილისა და აუხდენელი ოცნების ამბავი და ეს აგიჟებს ზღვას. ზღვას მოეფერეთ, რადგან ანდრეა პირველწოდებულმა ჯერ ზღვა აკურთხა და მერე მონათლა ზღვაში ქართველნი ქრისტიანებად. ცის ნამს სახე შეუშვირეთ, რადგან წმინდა ნინოს ცრემლი აწვიმს აჭარას აიაზმად. ბათუმს მოეფერეთ, მემედ აბაშიძის, ფრიდონ ხალვაშის და სელიმ ხიმშიაშვილის გულმართალი, ცხელი გული, აქ გრგვინავს და ქვეყნის სიყვარულად გადმოსული მირონი ისევ სდის მათ საფლავებს. აქ, ამ ზღვაში განიბანა ბედის ჭიდილთან ქანცგანყვეტილი ტატოს მერანი, აქ, ბუბუნებდა მუხრანის ლექსიც. ნონეშვილის, დიდი გოგლას, მეფე გალას, ტანჯულ ტიცვიანს, აქ განუცდიათ შიშველ მუზასთან მგზნებარე ტრფობა. რამდენი გითხრა? კიდევ რა გითხრა? ყური მიუგდე ზღვის ამბავ-საღბუნს გულმოკლული ქართველის გულს ლალად რომ ააბაგაბუგებს და მჭმუნვარე ფიქრისგან დაოსებულ გონებას რომ ნათელს მოჰფენს. „მწველი-აო ბათუმის მზე“, ასე ამბობთ. „მწველი“, აქაური სიყვარულია, უზომო სიყვარული მზემდე რომ აღწვს აღტკინებული და სხივებად რომ გინაწილებთ ყველას, მტერსაც და მოყვარესაც. აჭარის მზეს მოეფერეთ, ის ჩვენი სულია ნათლით ფენილი და თქვენთვის მოძღვნილი... ბევრი ვილაპარაკე, ბოდიში ჩემო ბატონო. გთხოვოთ მინდა... იქ, „გარეთ“, იმ ხალხს უთხარით ნუ დაანგრევენ ამ ძველ შენობას, ნურც ძველი ბათუმის შენობებს მოუსპობენ „სიცოცხლეს“. ისინი ბათუმის ისტორიაა, ოქ-

როს ასოებია, ისტორიას რომ წერენ. თვითოეული შენობა წიგნია დიდი სიყვარულის მატარებელი. ბათუმის ქუჩებს გულში ჩაუკრავთ ილიას „ნაფეხური“ და დიად ქართველთა „ფეხის ხმა“ საუნჯედ შემოუნახავთ მოყვასისათვის... ვუთხარი „მათ“, ნუ დაანგრევენ, ნუ გაყიდონ ბათუმის უკანასკნელ ბასტიონებს, უთხარი „მათ“, ხელთუქმნელ „ქონგურებს“, ნუ ჩამოშლიან შვილებს უცხო ტომელთა ნებიერად. ეს ბათუმია, ეს აბჯარია საქართველოსი, აქაც, საქართველოს ისტორია გულის სისხლით ინერებოდა და ავტოკალმით ნუ გადაანერინებენ „მავანთ“... უთხარი... უთხარი...

სიჩუმე ჩამოვარდა. „ძველი ბათუმის“ მემატინანე ღუმდა. ყრუ ტკივილის მაჯისცემა ექოდ ეკვროდა ძველ სურათებს. მოხუცმა თავი აიღო და ოდნავ ჩახლეჩილი ხმით მითხრა:

— მისმინეთ, საჩუქარი მაქვს თქვენთვის. აი იქ, კუთხეში ფოტოპარას ხედავთ? ის პირველია, პირველი ფოტო მან გადაიღო ბათუმში. ბოლო კადრის მასალა შემომრჩა და შენც გადაგიღებ თბილისელო...

ჩოხა-ახალუხი ჩამაცვა, ყაბალახიც მომარგო თავზე. ფოტო აპარატი გამართა. უცბათ რალაცამ იფეთქა და „გადაღებულია“ -ო მითხრა.

— ხვალ პირველ საათზე მორძანდით ჩემო ბატონო და ნაიღეთ თქვენი ფოტო...

მეორე დღეს, დილით ადრე, მანქანამ მომაკითხა, „გადაუდებელ საქმეზე გიბარებენო თბილისში“, ასე მითხრეს და თბილისში დავბრუნდი. ჩემი ფოტო კი სალონში დარჩა.

თითქმის ერთი წელი გავიდა მას შემდეგ რაც მოხუც ფოტოგრაფს შევხვდი. წელს ისევ ვესტუმრე ბათუმს და იმ სალონს მივაკითხე. ახალგაზრდა კაცი შემომეგება და განთქმული აჭარული თავაზით მიმიღო.

— ბატონო, აქ ერთი მოხუცი ფოტოგრაფი მუშაობდა, მისი ნახვა მსურს თუ შეიძლება.

მივმართე ახალგაზრდა მასპინძელს.

— პაპა შარშან ზამთარში გარდაიცვალა ბატონო.

დანანებით მიპასუხა ახალგაზრდამ.

— მე აქ ფოტო გადავიღე ძველი აპარატით... ის ბოლო კადრი იყო იმ აპარაზე გადაღებული.. იქნებ... თუ გაქვთ მომეცით... მითხარით რამდენი მოგართვათ...

— დიას ბატონო, ეხლავე მოგართმევთ...

ახლგაზრდა სალონიდან გავიდა და ერთ წუთში ჩარჩოში ჩასმული ჩემი „ძველებური“ ფოტო მომანოდა. წერლიც გადმომცა, „თქვენთვის არის ეს წერილი, პაპამ დაგიტოვათ, ნაიკითხოსო, ასე დამიბარა...“

წერილი გავხსენი, „აჭარელი დილით რომ იღვიძებს სამხრეთისკენ იბრუნებს პირს და პირჯვარს გადასწერს სარფს, იქითა საქართველოს. იქ დიდი ტკივილია. ჯვარცმულ მინას უფალს ავედრებს აჭარელი. გულის სიღრმეში ჩაკირულ იმედს შთომომავლობას გადასცემს სიხარულად და ლოდინად, რომ დადგება ჟამი „გარდმოსნისა“ და ერთობისა, დედა სამშობლოსთან ერთ სხეულად განმთლიანებისა. გთხოვ თბილისელო! ყოველ დილით შენც პირი იბრუნე სამხრეთისკენ და პირჯვარი გადასწერე სამხრეთს“.

წერილი გულის ჯიბეში ჩავიდე.

პირჯვარი გადასწერეთ საქართველოს ყველა იარას, იქნებ და იქმნას სასწაული და შეხორცდეს ყოველი ქართული წყლული.

პირჯვარი გადასწერეთ....

ჟამთგასაყარი

(მოთხრობა მხოლოდ ჩემი ფანტაზიის ნაყოფია და რელობას არ შეესაბამება)

მწუხრი მშვიდობისა მისურვა ოჯახის უფროსმა და ჩემი ოთახიდან გავიდა ჭარმაგი. მოუსვენრობა ამეკვიცა. ეს ამბავი მსურდა ვინმესთვის მომეყოლა, ვინძლო აღსარებასავით გულზე დანერილი იმ ლამინდელი სიტყვანათლული ფიცი და აღთქმა გამეზიარებინა ვინმესთვის. ისევ ფურცლებს ვანდე, ისევ ერთგული კალამი ავანრიპინე და თქვენამდე მოვიტანე...

სათევზაოდ დამპატიჟეს ძმაკაცებმა, „აჭარისწყალზე“ წავედით „დიდი მეთევზეები“. მართლა, ჯერ იქვე მაღაზიაში შევიარეთ, კაი ძეხვი, შემწვარი წინილები, კიდევ რალაც-რალაცები და ღვინო შევიძინეთ. კინალამ ანკესები არ დაგვაფინყდა? ნუ გაგიკვირდებათ, რატომ მაინცა და მაინც ანკესებო? იმიტომ! ბადით რომ ითევზაო უნ-

და იარო, „მომთაბარე“ პურმ-მარილი გინახავთ სადმე? არა, ხოდა ნუ მეკამათებთ. მოკლედ ჩაუფუჯეთ, ანკესები ჩაყარეთ წყალში და სუფრის გაშლას შეუდექით. ბათუმის ბაზარში ნაყიდი დალოცვილი „ცოცხალით“ დავამშვენეთ სუფრა. ღვინო კი მდინარეში ცივდებოდა.

ვილაც ორმა მოხუცმა კაცმა გაგვიარა გვერდით, შემოგვხედეს, გაელიმათ. მერე მათ უკან კიდევ სხვები მოდიოდნენ, სულ მოხუცები და კიდევ რამდენიმე ახალგაზრდა ახლდათ თან. ესე, ათი კაცი მაინც იქნებოდა. სუფრა გაშლილი გვექონდა და როგორც წესი მოითხოვს, სუფრასთან მივიპატიჟეთ ისინიც. არავინ არ „გამოგვხმაურებია“, მხოლოდ მადლობა გადაგვიხადეს და გზა განაგრძეს. დავაკვირდი, მათ შორის ორი სასულიერო პირი გახლდათ, ერთი ქრისტიანი მოძღვარი და მეორე აშკარად მუსულმანი. ჩემმა მეგობარმა დიმა მითხრა: „ეს კაცი, აგერ რომ მიდის, ჩვენ სოფლის მოლაა, ნეტავ სად მიდის ეს ხალხი? მღვდელი, მოლა და კიდევ ეს ადამიანები?...“

თვალი გავაყოლეთ მიმავალთ და რატომღაც ისეთი გრძნობა დამეუფლა, რომლის ახსნაც უბრალოდ არ შემიძლია, ალბათ ჭარბმა ცნობისმოყვარეობამ დამრია ხელი. იმ კაცებიდან ერთი ახალგაზრდა მობრუნდა, ჩვენსკენ მოიხედა, შემდეგ მსცოვან მამაკაცს თავი დაუკრა, ეტყობა რალაცაზე დაეთანხმა და ჩვენსკენ გამოსწია. მე, დიმა და ჯონდო ფეხზე წამოვდექით და მოსულს შევეგებეთ. ჩვენზე ბევრად უმცროსი იყო ჭაბუკი. მორიდებით მოგვესალმა და გვითხრა:

— ბატონებო მომიტევეთ, ჩვენი სოფლის უხუცესებმა გამომგზავნეს, დღეს ჯერ არდათქმული დღე სახსოვარს ეყრება საფუძველი და თუ პატივს დაგვდებთ გვესტუმრეთ, კიდევ ერთხელ მომიტევეთ რომ შეგანუხეთ.

— კი, მაგრამ იქ ჩვენ არავის ვიცნობთ და უხერხული იქნება, მადლობას მოგახსენებთ დაპატიუებისთვის...

— თქვენ ვერ გამიგეთ... თქვენს პურმარილს და ღვინოს ხელს არავინ ახლებს... გვიკადრეთ ბატონო, გვიკადრეთ... აი იქ, დიდი ჭადარი რომ დგას, აი იქ უნდა მივიდეთ...

სიმართლე გითხრათ უხერხულ მდგომარეობაში აღმოვჩნდით. ჩვენი პურმარილი აკვეცეთ და იქ, ჭადართან მივიტანეთ. სალამოს შვიდი საათი იქნებოდა მოტანებული. ჩვენი სამგზავრო ნავთის სანაოთიც თან წავიღეთ. აშკარა იყო, რომ დალევა აღარ მოგვინევდა, მაგ-

რამ იმის ინტერესი „მკლავდა“, რატომ იყვნენ ქრისტიანი მოძღვარი და მუსულმანი მოლა ერთად, რა ჰქონდათ საერთო მათ? მივუახლოვდით შეკრებილთ. მდაბალი სალამი მოგვიძღვნეს უცხოებს მსცოვანმა ადამიანებმა. ოთხი ახალგაზრდა რიყის ქვებს ეზიდებოდა და მოხუცების მიერ შეკრული წრის შუაგულში, თითქოს პატარა ყორეს აშენებდნენ, ან უფრო რალაც რიტუალურს, რომლის მსგავსი ჯერ არ მენახა. ახალგაზრდები საქმეს მორჩნენ... საათს დავხედე უკვე სალამოს ცხრა საათი დაწყებულიყო... ჯონდომ ნავთის საგზაო სანაათში ცეცხლი „შეგზავნა“ და იქაურობა გაანათა აღმა, ჩვენნაირი სანათები იმ ადამიანებსაც ჰქონდათ და აჭარისწყლის სანაპირო გაანათეს... მღუმარედ იდგნენ მოხუცები... შემდეგ დიდრონ ქვებზე ჩამოსხდნენ და ქრისტიანმა მოძღვარმა ჩვენც მიგვითითა დავმხსდარიყავით. რალაც განსაკუთრებული ინყებოდა...

— შეიღებო!

მოგვმართა მოლამ.

— მე, აი მდინარის გადაღმა რომ სოფელია, იმ სოფლის მოლავარ, მუსულმანი. მადლობით რომ მობრძანდით და პატივი დავგვდეთ თქვენი ყოფნით.

— ჩემო სულიერო შეიღებო!

რალაცნაერი ლულუნა ხმით ამეტყველდა ქრისტიანი მოძღვარი.

თქვენი მოწვევა დღევანდელ ჩვენს შეკრებაზე შემთხვევით არ მომხდარა, რამეთუ თქვენ, ჩვენთვის უცნობი ადამიანები, მიუხედავად თქვენი რელიგიური შეხედულებებისა, მაცნედ ხართ წვეულნი, მოგვიტევეთ რომ ქეიფი შეგანყვეტინეთ...

— რის მაცნედ ვართ მამაო წვეულნი? ჩვენ რა შეგვიძლია?

დაბნეულმა ვუპასუხე მამაოს.

— ქრისტიანი ხარ?

მკითხა მოლამ.

— დიახ, აი ნათლობის ჯვარიც კისერზე მაქვს...

პერანგის საკინძე გავიხსენი, ოქროს ჯვარცმა აღვიღე მკერდიდან და დამსწრე საზოგადოებას ვუჩვენე.

— მომიტევე უცნობო მეგობარო...

მომმართა მოლამ.

— უხერხულობა შეგიქმენი.

— ეგ არაფერი.

მორიდებით მივმართე მოლას.

— ვთქვათ სათქმელი.

ბრძანა მამაომ.

— ჯერი შენი იყოს.

თავდაკვრით მიმართა მოლამ მამაოს.

მამაომ წვერზე ხელი ჩამოისვა და ბრძანა:

— გუშინ ჩვენი სოფლის ახალგაზრდობა აქ მოვიდა, აქ მდინარე აჭარისწყლის ამ რიყეზე და სანთლები აანთეს, ხატები მოალაგეს ამ ლოდებთან და თავადაც ხედავთ ქრისტიანულ წმინდა ხატების სიმრავლეს... ისინი თქვენს წინაშეა... და აღავლინეს ლოცვა აქ ოსმალთა მიერ ოდესღაც აღმართულ თავკვეთურაზე ქრისტიანობისთვის მსხვერპლად შეწირულ აჭარელი ქრისტიანთა სულის სალხენად, ეს ამბავი მე დღეს შევიტყვე, წადილი ითქვა მრევლისა მიერ, რომ 22 ივნისის ღამეს, ზუსტად ღამის თორმეტ საათზე, აღვლენილიყო ლოცვა და პარაკლისი გადაგვეხადა ჩვენი ქართველი მამულიშვილთა ქრისტესთვის თავგანწირვისთვის და მათი სულის მოსახსენიებლად ეს დღე, უცვლელ დღესასწაულად დამკვიდრებულიყო ჩვენს სოფელში...

— რატომ მაინც და მაინც 22 ივნისს მამაო?

მოურიდებლად ჩავეძიე წმინდა მამას...

— მე გეტყვი, რადგან ეს დღე ყველაზე გრძელია წლის განმავლობაში და ღამე კი ყველაზე მოკლე. ნათელი სჭარმოვს სიბნელეს.

მომიგო მოლამ.

— ბოდიშით, მაგრამ ხანდახან ოცდაორ ივნისსაა უფრო გრძელი დღე და ხან ოცდასამ ივნისს, ამ შემთხვევაში როგორ უნდა მოვიქცეთ?

— ჭაბუკო! სწორად დასვი შეკითხვა და მე გიპასუხებ, ოცდაორ რიცხვშია ბუნიაობა, დიდი დღე, მაშინ მთელი დღე გასტანს ღვთისმსახურება და შუა ღამის ჟამს ლიტონიობა გაიმართება და მთელი ღამეს გასტანს.

მიპასუხა მამაომ.

— კი მაგრამ, ბოდიშით, რომ საუბარში შემოგეჭერთ, მაინტერესებს და იქნებ მიპასუხოთ. თავკვეთურაზე ქრისტიანები, ქრისტიანობისთვის ენამნენ და...

— მაშინ მე რა შუაში ვარ?

სიტყვა გამანყვეტინა მოლამ.

— დიახ...

— გეტყვი ჭაბუკო, ყურადღებით მომისმინე და შეეცადე სწორად გაიგო, თუ შეკითხვა დაგებადება პასუხსაც გაგცემ. მისმინე, ჩვენ ქართველი მუსულმანები ნებით თუ უნებლიედ ქართველთა სიცოცხლის მსხვერპლშენიშვნის ფასად ვიქმენიდ იმად რაც ვართ. ჩვენი წინაპრები ქრისტიანები იყვნენ და ჩვენ პატივს ვცემთ მათ ხსოვნას, ნუ იფიქრებ თითქოს ჩვენ მამა-პაპის საფლავს „ვხნავდეთ“ და იქ სხვა „ყვავილს“ ვახარებდეთ. რთულია ყველაფერი აგისხნა... ხმაღს როცა იქნევდა ქართველი, მეორე ხელში ფარი ეპყრა, რომ სხვა მტრის მიერ მოქმედი მახვილი მოეგერიებინა, მე არ განვეკუთნები იმ მოძღვართა რიცხვს, ვისაც აქ ქრისტიანებზე აღმატებულნი სურთ რომ იყვნენ, ან თუნდაც სალოცავის სიჭარბით მოვიწონოთ თავი, რადგან მორწმუნე, სახლშიც და კარშიც მორწმუნეა და ამას ვერავინ წაართმევს. ჩვენ ქართველი მუსულმანები ერთგვარი „ფარი“ ვართ ქრისტიანული საქართველოსთვის, ვიცი, არ დამიჯერებ, მაგრამ გეტყვი, ჩვენ მართლა ძალგვიძს „სხვა“ მოქმეულ „ხმაღს“ ფარად ავეფაროთ, ფარად ავეფაროთ ამ ჯვარცმულ მინას. ნურც ქართველობაში შემეფიქრებები მეგობარო...

სიტყვა აღარ გააგრძელმა მოლამ...

— ჩემო სულიერო შვილებო! ეხლა კი ნამდვილად არ ვნანობ, რომ მოგინვიეთ ჩვენს სერობაზე. ვერ დავიმშლებით ჯერ... სანთლები ავანთოთ... აქ მტრის მიერ მოკვდინებულ ქართველთა სულებს ლოცვა წაუკითხოთ. რაც შეეხება ჩვენი სოფლის ახალგაზრდათა თხოვნას, მე დამოუკიდებლად ასეთ გადანყვეტილებას ვერ მივიღებ, უნდა დავეკითხო...

ბრძანა მამაომ.

— მეც უნდა დავეკითხო, მაქვს თუ არა უფლება, რომ თქვენთან ერთად პატივი მივაგო „მათ“ სულებს...

ბრძანამ მოლამ.

მერე მამაომ ლოცვა დაიწყო, იქ მყოფთაგან რამდენიმე მამაოს ამოუდგა გვერდში და „დაუჯდომელი“ ლოცვის აღვლენა დაიწყეს, ხოლო მოლა და კიდევ რამდენიმე კაცი ოდნავ განზე გადგნენ და ჩუმად ბუტბუტებდნენ... ალბათ მუსულმანურ ლოცვას...

ერთი ახალგაზრდა მოგვიახლოვდა და მორიდებით გვითხრა:

— ბიჭებო, მეტს აღარ დაგაყოვნებთ, ბოდიშით, რომ ქეიფი ჩვენს გამო შეწყვიტეთ...

მივხვდი რომ უნდა დაგვეტოვებინა იქაურობა. ფანრების და ჩირალდნების სინათლის „აისი“ დაეცა აჭარისწყლის „შევერცხლილ“ ტალღებს. სოფლის ახალგაზრდობა მოდიოდა და... ჩვენ უნდა ნავსულიყავით, მაგრამ რატომ? ან რატომ მიგვიწვიეს ან რატომ გამოგვისტუმრეს? პასუხი არ მქონდა და... ეს ამბავი უნდა მეამბნა მხოლოდ? ვინ იცის...

მეორე დღეს ისევ შევიკრიბეთ ძმაკაცები და ისევ იმ ადგილისკენ გავსწიეთ, სადაც ის „იდუმალი“ სერობა გაიმართა. იქ უკვე არავინ აღარ დაგვხვდებოდა, მხოლოდ წრეში ჩალაგებული ლოდები და შუაში, ქვებში მყარად ჩასმული ხის მოზრდილი ჯვარი დაგვხვდა. სანთლების ნამწვავები ეტყობოდა ქვებს...

— ეტყობა ნიში აღიმართება აქ.

მითხრა ჯონდომ.

— კი მაგრამ, ქრისტიანულ სალოცავზე მუსლიმი როგორ ილოცებს?

გამიკვირდა მე.

— გიორგი, არ გამოვრიცხავ რომ პატარა სამლოცველოც აშენდეს და ალბათ „თავკვეთურობას“, ან როგორც მათ თქვეს „ჟამთგასასყარის“ დღეობას დაანესებენ სოფლელები.

— რა საინტერესოა, ნეტავ „ისინი“ როგორ იგლოვებენ?

დუნედ ვთქვი მე.

— არ ვიცი, მხოლოდ იმას გეტყვი, რომ შეიძლება ქართველთა ერთობის და ურყევი ერთიანობის, მიუხედავად რელიგიური შეხედულებებისა, საძირკველი აქ ჩიყაროს...

თქვა დიმამ.

— ვინ იცის, ვინ იცის, ვინ იცის...

ვთქვი და წასასვლელად მოვემზადე.

— გიორგი, ამ ამბავზე დაწერ რაიმეს?

მკითხა დიმამ.

— კარგი ისტორიაა, კარგ მოთხრობას „ავანყობ“, ცოტა ფანტაზია, ცოტაც რეალობა და მოთხრობაც მზად იქნება.

ვთქვი და გაუფლიმე მეგობარს.

— ძმურად არაფერი არ მიამატო, ისე დაწერე როგორც იყო, დღეს ოცდაორი ივნისია... ვინ იცის, იქნებ დღესაც მოვიდნენ აქ სალოცავად, წამოვიდეთ? — შეგვეკითხა ჯონდო.

— რატომაც არა.

სიხარულით დავეთანხმე მე.

დავთქვით, ღამის თერთმეტ საათზე შევეკრებილიყავით და ჩემი მანქანით უნდა წამოვსულიყავით.

„იქ“, მთელი სოფელი გამოსულიყო, ოღონდ აშკარად ეტყობოდა რელიგიური „დაშორიშორება“. ქრისტიანები აღმოსავლეთით იდგნენ და დასავლეთს გაჰყურებდნენ, მუსულმანები კი დასავლეთ მხარეს იდგნენ და აღმოსავლეთისკენ მიექციათ სახე. უნებურად ქრისტიანთა სიმრავლეს მივაცქიე ყურადღება, ბევრი ვიყავით, ბევრად მეტი ვიდრე „ისინი“, მაგრამ იცით რამ გამოაცა? ხალხი ერთმანეთს ლოცვაში ხელს არ უშლიდა. ღამის თორმეტმა საათმაც დაჰკრა, სასმისები ასწიეს ქრისტიანებმა, სასმისები ასწიეს მუსულმანებმაც. ჩვენებური წესისამებრ ღვინო აპკურეს მინაზე ჯვარსახოვნად და ქრისტიანობისთვის შეწირულების სადღეგრძელო შესვეს, „რამეთუ მოკვდინება მათი იქმნა არა ნებისათ უზენაესისა, არამედ მტრისგან, სურვილისა და ნდომისა წინაღამდეგ მათისა აღხოცვად რჯულისა ჩვენისა ქრისტიანობისა მათზედ...“ კიდევ ბევრი ითქვა სათქმელი, მხოლოდ ეგ იყო, რომ უმეტესი სიტყვათაგანი ვერ აღწევდა ჩემამდე. დავამატებ, რომ ეს სადღეგრძელო ყველამ შესავა, ქრისტიანმაც და მუსულმანმაც. რაღაც მიკვირდა, არა, კი არ მიკვირდა მაოცებდა... ეს ყველაფერი მაოცებდა...

აფორიაქებული დავბრუნდი სახლში, ვანალიზებდი მომხდარს, კიდევ იმას, რაც გავიგონე და რასაც ყური მოვკარი. დღეს ოცდასამი ივნისია, შუა ღამე... მე მხოლოდ მაცნე უნდა ვიყო? იყოს ნება მათი... ერთგული კალამი მორჩილად ელოდება როდის „მიუზღვავდი“ ყველაფრის ამტან ფურცლებს თავსგადახდენილი ამბის თხრობის „განაჩენს“...

მოთხრობას კი ასე დავარქვი, „შამთგასაყარი, ანუ „თავკვეთურობა“.

რატომ

— როგორც იქნა ავიარეთ ნაქერალაღას „პერევალი“ და მადლიანი რაჭის სანახები შემოგვევებნენ სტუმრებს. შაორის ტბა ლურჯად ლივლიბებდა. ტბის სანაპირო სავსე იყო ხალხით. ზოგნი ქეიფობდნენ, მავანნი თევაობდნენ, მოცურავენიც არ აკლდა ტბას... ჩვენ ბოყვაში (სოფელი რაჭაში) მიგვიჩქაროდა. ჩვენი ძველი ძმაკაცი, გოჩა გველოდა „ასფალტზე გაზრდილ“ მეგობრებს.

ესეც ბოყვაა... კაკლებსა და ასწლოვან მუხებს შორის გაუშლია მხრები სოფელს. ხის ძველებური, რიკულებიანი აივნები გვეგებებოდნენ უკვე მრავალწელს მიტოვებული სახლებიდან, ეზო-კარმიდამოც მოუვლელიობით გაჯაგნარებულიყო. ვაშლის ხეები ხავსის ქათობით შემოსილიყვენ და ალაგ-ალაგ შერჩენილ „შაფრანის“ ვაშლებს მზის სხივს უშვერდნენ, ეგება მზემ სითბოთი დააშაქროს და დაატკბოსო. ეზოებში ბევრი ვაშლი ეყარა უპატრონოდ, დიდრონი კაკლები მდუმარედ შემოგვლადადებდნენ თითქოს, „ეზოში შემოდით, ფეხი დაადგით ალაგას და აქანა გაშალეთო სუფრა, ფოთოლთ შრიალით, მოძახილსაც გეტყვითო დაუზარებლად“. მჟავე წყლის სადინარს „ტუჩი“ მორღვეოდა და ვილაცას პლასტმასის ბოთლი გაურჭვია სამადლოდ, რკინისა და გოგირდის ნალოკი ჩაყვითლებული ღარი რაჭული გულუხვობით გვთავაზობდა უკვდავების წყალს. „ქუჩები“, ეზო-ყორე, საურმეები, სახლები, ხეები, მინა, მდუმარედ გვევედრებოდნენ და ცრემლით პოხავდნენ რაჭის მადლიან მინას „ჩვენთან შემოდით, ჩვენს ეზოშიც დადგითო ფეხი, ხილი მიირთვით, წყალი შესვითო ჩვენი ჭებიდან, აგერ სოფლის ცენტრი, ცოტა ხანს იქანაც ჩამოჯექითო, ერთი სიგარეტის „ბიჩოკი“ მაინც ჩაჭყლიტეთ, რომ „ადამიანებს ისევე ვახსოვართო“ სათქმელადა გვექონდეს, ბიჭებო, ამ მიტოვებული სახლის სარკმლის მინა მაინც ჩამტვრიეთ, ეგებ მტვრევის ხმამ შეგვაფუცხუნოსო ღვთის ამარად მიტოვებულნი“.

მდუმარეთ ვიჯექით მანქანაში, ვიფიქრე, „განა იმაზე მეტს რას იძენენ ადამიანები, რასაც აქაურობის მიტოვებითა ჰკარგავენ ამ ედემის მეპატრონენი“.

როგორც იქნა მივალწიეთ გოჩას სახლს. ბედნიერი შემოგვევებნა სტუმარს მონატრებული მასპინძელი. ეზოში შეგვიპატიჟა, ჩავვიხუტა მეგობრები...

— აქანა მარტო ორი ოჯახი ვართ შემორჩენილი, ჩვენ და ქვეით კიდო მესხები. ესაა მთლად ჩვენი სოფელი... — გულის ნალველს გულუხვი სუფრა ააფარა გოჩამ.

ლორების დიდი ფერმა ჰყავდა გოჩას ოჯახს, „ნაზამთრალს რომ გავდენით ტყეში, გვიან შემოდგომასა ბრუნდებიანო ნამატიო, გოჭუნებს ნამოვჩიტავთ და ლორებს ქე ვკლავთ და „სავიჩინოდ“ ვკიდებთო საბოლემი. მერე ხან ქუთაისში, ხანაც თბილისში ვყიდით ამ დალოცვილს, მარა, ამ ბოლო დროს ცუდად იყიდება ჩვენი „ვიჩინა“, მიტორომე, თქვენ იქანა ზიზილ-პიპილო პარკებში შეფუთული უფრო მოგნონთ ვინემ ჩვენებური ნატურალური“-ო.

გულწყევტით გვითხრა მასპინძელმა.

მაგრად მოვილხინეთ იმ ღამეს. დავთქვით ხვალ დილით ტახზე სანადიროდ მივდიოდით ძმაკაცები.

დილაც გათენდა. ჩემი „რემინგტონი“ ამოვასრიალე ხავერდის შალითადან. ბიჭებმაც მოიმარჯვეს „ვინჩესტერები“....

გვიყურებდა გოჩა „მონადირეებს“ და გვკითხა...

— თუ ძმა ხარ, მითხარით, მაგ თოფებიდან გისვრიათ როისმე?

— კი, აბა რააა.

მივუგე ამაყად.

— ახალ წელიწადს თუ...

თვალეები მომიჭუტა გოჩამ.

— ნავედით და დავერიოთ ტახებს.

შემოგვიძახა ერთმა მეგობარმა.

— კი, ნავიდეთ.

თქვა გოჩამ და თავისი ჩახმახიანი, ორლულიანი თოფი მხარზე მოიგდო.

— აქიდან „ხიდაშლებსკენ“ ნავიდოთ და თუ იქანა ვერაფერი მოვკალით, ფარახეთისკენ გოუყვეთ ტყე-ტყე.

ფეხით გაუყვეთ ტყისკენ მიმავალ ბილიკებს „ნადირთა რისხვა“ მონადირეები. გზა სულ აღმართ-აღმართ მიდიოდა. გავსკდი გულზე, ჩემი „ბუმბულივით“ თოფი „ტონა“ გახდა. ნახევარ საათში ისე ვქოშინებდით, რომ ენაგადმოვარდნილები და დაოთხილები ძლივს ავდიოდით ტყის თავალმა მიმავალ ბილიკებზე. გვიყურებდა გოჩა, „შევისვენოთ და მერე გავაგრძელოთო გზა“ — იმედად შემოგვთავაზა

მთავარმა მონადირემ. რომელი გზის გამგრძელებლები ვიყავით? ჩემი საამაყო სამონადირეო კოსტუმი გავიხადე, „ბოლი ამდიოდა“ თავმომწონე მონადირეს, ისე არც დანარჩენები იყვნენ კარგ დღეში. გვიყურა გოჩამ გვიყურა და „ბიჭებო აქანა ახლოს ერთი ღორი მეგულება, ნიფლიანში, ხოოდა ვესტუმროთ... რას იტყვით?

— აბა რაააა...

ამოვიგმინეთ „ქალაქელებმა“, ოღონდ არავის გვიფიქრია რას ნიშნავდა „ღორი მეგულებო“.

კაცო კი გავყევით გოჩას, მარა ცოტა ხანში იმისთანა ადგილას აღმოვჩნდით ჰოლივუდის პროდიუსერებს რომ არ დაესიზმრებათ, გახეთქილი კლდიდან ნაკადული მორაკრაკებდა, ყინულივით ცივი, მზის სხივებზე მოსხარტულეს, ცისარტყელას ნაგლეჯიც შემეჯნურებოდა ნაკადულს. წყალი მოვსვით, გული დაჰბანა ბუნებაში შობილმა აიაზმამ. იქვე ათიოდ მეტრში მდულარე გოგირდის წყალი ბუყბუყებდა, „ქვის აბაზანებიაო, მანდ კლდეში ბუნებისაგან ნაკვეთი“, გვითხრა გოჩამ. გოგირდის წყალშიც ჩავნექით „ქალაქელები“, მდულარე იყო წყალი. მეგონა ჩავიხარშებოდი მარა სხეული „გაიხსნა“, საოცარი სიმსუბუქე ვიგრძენი. თვალები დავხუჭე და ნეტარებას მივანდე თავი. ერთი გადმოგვხედა კიდევ გოჩამ და გვითხრა:

— ბიჭებო ამოდელა ღიპები რომ დაგისვამთ, დარჩით აქანა ერთი თვე და სულ ტალიკ-ტალიკა ბიჭებს დაგაყენებთ სამივეს...

— გოჩა, ძმაო, ეს ღიპი კი არა „ბიო ენერგო გენერატორია“...

— კი ვხედავ ჩემო გიორგი, მარა რაცხა „პერეზოითი“ მუშაობს ეგ შენი „გენერატორი“, ახლა ნავიდეთ, სალამოს პირია და ჯერ ვერაფერი მოვინადირეთ.

წავედით, უკვე მხნედ მივაბიჯებდით და ქე მივადექით ნიფლიანს. იცი საკვირველი რა იყო? შეშის ჩეხვის ხმა ისმოდა საიდანლაც. გოჩამ თოფი გამართა და გვანიშნა „ეეე ტახიო“, დავინახეთ დიდი ღრუტუნა როგორ ისმუნებოდა ნიფლის ნაყოფით.

დავცხეთ მარა რა დავცხეთ... რაც რაჭის ტყეებს არ გოუგონიათ იმისანა ბათქაბუთქი ავტეხეთ ნიფლიანში... და კვილიმა შესძრა ბოყვა, „გოჩანიკა კიდევ მომიკაალი ღორიიი? „გოჩას დედის, ქალბატონი მანანას ქოქოლა აწყდებოდა ხეობას.

იმ ლამესაც მაგრად ვიქეიფეთ ჩვენი „ნანადირევით“. ნალამზე ვა-
შიშხინებდით მწვადებს...

(„ხოდაშლები“ და „ფარახეთ“
რაჭის სოფლების დასახელებებია)

როცა შუქი ჩაქრა

დენი ისევ გამოირთო, შუქი ჩაქრა. ნავთქურალა ანათებდა ჩაბ-
ნელებულ ოთახს. მამამ სანთლები აანთო. ოთახის ერთ კუთხეში ორ
სანოლს შორის პატარა ანდრეას მომცრო სანოლი დაედგათ დედიკოს
და მამიკოს. მოპირდაპირე კუთხეში კი ნუციკოსთვის გაეშალათ ლო-
გინი. ნავთის სუნი ტრიალებდა ოთახში. უცნაური მდუმარება სუფევ-
და ოჯახში. დედა, საუთოვებელზე იდაყვებით დაყრდნობილი სადღაც
შორეთს სჭვრეტდა სანთლის ალში მოკიაფეს. მამა, იქვე დივანზე ჩა-
მომჯდარიყო და დუმდა, ჰო, მხოლოდ დუმდა. ნუციკო, პატარა ძმის
სანოლთან ჩამოჯდა, მშობლებს ღიმილით გადახედა, ძამიკოს საბანი
შეუსწორა და... სიმღერა დაიწყო:

ის თვალემა ოცნებით გნატრობ,
ჩემო ვაჟკაცო ამბორით გათბობ,
მე ჩემს სიყვარულს მხოლოდ შენ განდობ,
უსმინე ჩემს გულს, „მიყვარხარ“ ამბობს.
მე ცისარტყელის ფერებს გამსგავსებ,
გულს სიყვარულით თუ კი ამივსებ,
ედემის ბაღის სურნელის დარად,
ბედნიერებით მე გულს გაგივსებ...

- შვილო! ნუცა, ეგ სიმღერა ვინ გასწავლა?
შეეკითხა მამა ასულს.
- მე დავწერე მამიკო...
- შენ ჯერ პატარა ხარ ასეთი სიტყვებისთვის...
- ჰო, მაგრამ მე გოგო ვარ, ოცნების წყარო და ნატვრის საუნჯე.
ნუციკოს სიტყვებზე დედას გაელიმა.

— ვინ გასწავლის ასეთ ლაპარაკს?

ლიმილით ჰკითხა დედამ შვილს.

— არავინ დედიკო, არავინ...

მამამ გიტარა გადმოიღო კარადის თავიდან და ასულს მიმართა:

— აბა ოცნების პრიმადონა, მუსიკის თანხლებითაც ვცადოთ შენი სიმღერა.

მამიკომ და გოგონამ სიმღერა დაიწყეს. მამის ბოხ ხმას ბავშვის მკაფიო და თბილი ხმა ეჟღერტულებოდა. დედა ლიმილით შეჰყურებდა მამა-შვილის დუეტს და თავადაც აჰყვამათ სიმღერას. სანოლიდან პატარა ანდრეამ წამოყო თავი, „ლატო გელიქალთ? გიქალიათ?“ იკითხა ახლად გაღვიძებულმა ბავშვმა.

— ხო დედა გენაცვალოს ჩემო ვაჟკაცო.

უპასუხა დედამ და ადვიალაში შეახვია ბავშვი. ერთ სიმღერას მეორე მოჰყვამ, მღეროდნენ... მღეროდნენ...

თითქოს ნავთის სუნიც გაჰქრა, სანთელის სინათლეც ალაღებდა ოთახს, ალბათ სიცივეც გაათბო სიმღერამ.

უეცრად მაცივარს გააჟრჟოლა და სამზარეულოდან სინათლის სხივები შემოიჭრნენ ოთახში.

— შუქი მოვიდაააა...

— ხო, მოვიდა, უდროო დროს მოვიდა.

ჩაიდუღუნა მამამ.

სამთა წიგნთა წმინდა სამეხა

შესანიშნავი დილა გამითენდა. სასაზღვრო ნაწილის ხელმძღვანელობამ წარმატებულად ჩატარებული ოპერაციის გამო ერთ კვირიანი შევებულებით დაგვაჯილდოვა ოფიცრები. ათასი იდეა მიტრიალებდა თავში, ქეიფი, დროსტარება, ძმაკაცები, ნათესავები და კიდევ ვინ იცის რა ფიქრები და ოცნებები არ სერავდნენ ჩემს გონებას. სამხედრო ნაწილთან ახლოს, ახალი ეკლესია აეშენებინათ. ვიფიქრე, „შევალ, ერთ სანთელს მაინც დავანთებ, რომ იმ „ჯოჯოხეთს“ ცოცხალი და უვნებელი გადავურჩი მეთქი“. ტაძრის კარიბჭეს მივუახლოვდი. ტაძრის ეზოს კარი დაკეტილი დამხვდა, თუმცა ტაძრიდან მგალობელთა

ნმა ისმოდა. გამიკვირდა, წირვისას კარს რად დაკეტავდნენ? კარის მცველად საშუალო სიმაღლის ახალგაზრდა სტიქაროსანი დაეყენებინათ. სამხედრო ფორმაში გამოწობილს რომ შემხედა, თითქოს დაიბნა, მომიახლოვდა და მითხრა: „მოძღვარმა ინება კარის დაკეტვა და მის ნებას ვერ გადავალ ბატონო“. არაფერი მითქვამს, მოვბრუნდი, ის იყო წასვლას ვაპირებდი, რომ ეკლესიის ეზოში სასულიერო პირი გამოჩნდა, რალაც გადაულაპარაკა სტიქაროსანმა მას, წმინდა მამას გაელიმა და მომმართა: „მობრძანდით ოფიცერო, ჩვენი მრევლი ბრძანდებით?“ „არა, უბრალოდ სანთლის დანთება მინდოდა, მეტი არაფერი“ — მივუგე მე. სტიქაროსანმა კარი გამოიღო. ეკლესიის ეზოში შევედი.

— მომისმნეთ ოფიცერო!

მომმართა მღვდელმა.

— ეს ტაძარი წმინდა დედოფლის დინარას სახელობისაა და დღეს განსაკუთრებული დღეა, წმინდა დედოფლის დინარას ხსენების დღეა...

კიდევ რალაცის თქმას აპირებდა მოძღვარი, მაგრამ დუმილი არჩია. „იყავ ნება ღვთისა“ მხოლოდ ეს სთქვა და ტაძარში შემიძღვა. საკურთხეველთან ათი ახალგაზრდა იდგა, ოთხი გოგო და ექვსი ვაჟი. დანარჩენები ახალგაზრდების გარშემო დამდგარიყვნენ. წირვაზე ვყოფილვარ და მინახავს ტაძარში მრევლი, მაგრამ აქ ჩემთვის გამოუცნობი რამ ხდებოდა, რატომღაც ჩავთვალე, რომ ტაძარში ერთადერთი „დაუპატიჟბელი სტუმარი“ მხოლოდ მე ვიყავი. მესანთლემ რამდენიმე სანთელი მომანოდა და მითხრა: „ანთეთ ოფიცერო, ეგრემც უფალი შეგეწევათ, ფული საჭირო არ არის“. ამბიონზე მოძღვარი ქადაგებდა და ლოცავდა ახალგაზრდებს. სმენად ვიქეცი.

„წიგნთა შორის წმინდა სამებას მოგიძღვნით თქვენ. უფლისმიერი ბიბლია, ყოველთა ქრისტიანთა მთავარი წიგნი, ყოველთა ქართველთა თაყვანაპირი სულმნათი რუსთველის „ვეფხისტყაოსანი“, უფლისა მიერ, ყოველთა ქართველთა ერთობის, ღვთით კურთხეული „დედა ენა“, იაკობ გოგებაშვილისა უფლისა მიერ. ეს სამი წიგნია წიგნთა შორის წმინდა სამება. გაკურთხებთ თქვენ პედაგოგნო, ჰერთა მინაზე სამოღვაწეოდ, თავადაც ჰერეთელნო, რამეთუ განავრცოთ ქართველთა შორის სიტყვა ქართული, ენა ქართველთა, რწმენა და სურვილი ქართველთა ერთიანობისა და სრულიად საქართველოს გაერთიანებისა.

თქვენ გევალებათ ძენო და ასულნო საქართველოსა, ასწავლოთ ქართველთა ჰერეთს, ისტორია ერისა ჩვენისა, თქვენ უნდა დაუბრუნოთ სიამაყე და ასწავლოთ დიდება მათ ქართველობისა და ერისა ჩვენისა სიდიადე. ღმერთმა დაგლოცოთ და არ მოგშლოდეთ ნყალობა ქურმუხისა, ლექართისა, მეშაბაშისა, კახის ალავერდისა და ყოველი ქართული სალოცავისა, გფარავდეთ ჰერთა დიდი დედოფალთ-დედოფალის წმინდა დინარა დედოფლის მადლი და ძალი თქვენს ქართულ საქმეში, ამინ“.

მოძღვარმა ჯვარი გარდასახა პედაგოგებს, მგალობელნი უფლის სადიდებელსა ჰგალობდნენ. დავინახე, ჩემი „ნაცნობი“ მღვდელი როგორ მიუახლოვდა მოძღვარს და რალაც უჩუროჩულლა, მოძღვარს გაელიმა და განაგრძო მსახურება“...

სანთლები ლამის ხელში ჩამომადნა, წმინდა გიორგის ხატს მივაშურე და...

— „ღვთის განგებით, მუნდირი, შენი აბჯარია ერისა და ქვეყნისა და თუ განგებამ ინება, მანტია შესამოსელი უფლის მიერი, ნათელში დამკვიდრებულისა. სვიანად გეტარებინოს ღირსება ქართველი ოფიცირისა. იმედისა და ღირსებისა ქვეყნისა ჩვენისა შვილო ჩემო... „

მოვბრუნდი, ალბათ სახეზე დამეტყო დაბნეულობა. მოძღვარი და მრევლი მე შემომცქეროდა.

— ოფიცერო!

მომმართა მოძღვარმა.

— ალბათ მიხვდი ჩვენი „საიდუმლო სერობის“ მიზეზს, ეს ახალგაზრდები ჰერეთელნი არიან და ჰერეთის მკვიდრნი, პედაგოგები. მათ უნდა აღზარდონ ქართველთა ახალი თაობა, მათ უნდა უწინამძღვრონ ბავშვებს მამა-პაპათა სისხლით მორწყულ, ტანჯულ და ჯერაც უცხო ფრთის ქვეშ მყოფ მინაზე. შენ ვინ ხარ ოფიცერო?

— მე, ჩემო ბატონო მესაზღვრე ვარ. ბოდიშით რომ უდროო დროს გენვიეთ...

მოძღვარი ჩაფიქრდა და მითხრა

— ჩემო სულიერო შვილო, საქმე შენი, მადლმოსილია, რამეთუ ქართულ მინა-წყალს იცავ, იცავ ყოველთა ქართველთა ჯვარცმულ მინას. არვის აქვს უფლება გაასხვისოს მინა კურთხეული უფლისა მიერ და ვაი მათ, ვინც რომ პირად ვნებათა გამო უარყოფს ერისა ჩვე-

ნისა უდიდეს სიმდიდრეს და სინმინდეს, მიწას ქართულს. უფალმა გაკურთხოს ქართველო ოფიცერო!..

მოძღვარმა დაახანა და ისევ მრევლს მიმართა, ლოცვის კითხვას შეუდგა წმინდა მამა. მოვბრუნდი, წმინდა გიორგის ხატს მივუახლოვდი, სანთელი ავანთე და უნებურად სამხედრო სალამი მივეცი ხატს და აღმომხდა: „ვემსახურები საქართველოს“. თითქოს დაემთხვა, დარბაზში მრევლმა ერთხმად იგრიალა „ვემსახურებით საქართველოს“ და მოძღვარმა დალოცა, „უფალმა დაგლოცოთ, ჩვენთან არს ღმერთი“! ერმაც დაიგუგუნა:

— ოფიცერო, მომიახლოვდით.

მომმართა მოძღვარმა.

მინდა საჩუქარი მოგიძღვნა შვილო ჩემო, ბიბლია, ყოველთა ქრისტიანთა წიგნი პირველი, „ვეფხისტყაოსანი“, ყოველთა ქართველთა საუნჯე ხელთუქმნელი „დედა ენა“, იაკობ გოგებაშვილისა, სიმბოლო ქართველთა სიდიადისა და ერთიანობისა და კიდევ ხატი, წმინდა დედოფლისა დინარასი. უფალმა დაგლოცოს ოფიცერო შენს წმინდა საქმეში... მიმართავ პედაგოგებს?

— მადლობთ მამაო... ბატონო პედაგოგებო! მინდა მოგმართოთ, მე ქართველი ოფიცერი გეუბნებით თქვენ, სიხარულით გავაცეებ ჩემს მკერდში თქვენთვის ნასროლ ტყვიას. მხოლოდ ამის თქმა მოვახერხე.

მივხვდი რომ ტაძარი უნდა დამეტოვებინა. წიგნები, ხატი და ხელში ჩამდნარი სანთლები მეჭირა ხელში. გარეთ გამოვედი, ჰაერი ღრმად ჩავისუნთქე. მიმავალ ქუჩას გავხედე, ერთხანს ვიდექი, მერე კი მოვბრუნდი და ყაზარმისკენ გავაგრძელე გზა.

საწნახელი

... ეზოში მზეს ეფიცებოდა მარნიდან „დევნილი“ საწნახელი. ბზარებსაც დაეტყოთ ხელი და მის მეუფებას ხანის მომატება ამცნეს, ნაოჭებად რომ გასდევნებოდნენ საწნახელის ვეება სხეულს.

ერთ დროს ჩვენს მარანში იდგა ეს საწნახელი. ბაღლობაში მახსოვს პაპა ფეხებს დაგვბანდა ბავშვებს, ფეხშიშველები ვიდექით მასში და ვჭყლტდით ყურძენს, მადლიანი რაკრაკით იღვრებოდა წვენი

ქვევრში და თან ჩვენთვის უცნობ ენაზე კურთხეული ქართული მინის ბარაქის საგალობელს ღიღინებდა. მახსოვს, სანამ ყურძენს ჩაგყრიდით დასაწყელებად, პაპა ორ სანთელს ანთებდა და სანახელის თავში და ბოლოში დამაგრებდა თვითოეულს, მესამეს კი თავად დაიჭერდა ხელში და ლოცულობდა. სირცხვილეული ვარ, რამეთუ არ მახსოვს ეს ლოცვა, მხოლოდ რამოდენიმე ფრაზა შემორჩა მესხიერებას „... დედით ქართული მინით შობილო, ზეცით ღვთის მიერ ჯვარდანიერილო, მარჯვენით ჩემით მოვლილ-ნაამაგარო, მადლობას გიძღვნი ოჯახის ჩემის მდღეგრძელებლად მოსულს, შენით დამალოცინე ერი და ქვეყანა ჩვენი, შვილნი და შვილიშვილნი ჩემი, ღვთისთვის მადლობა მათქმევინე და ნასულთათვის შესანდობარი, წლის მოსავლის მადლი დაგვიმკვიდრე ოჯახში, ამინ!..“

შემდეგ ბავშვებს ჩაგვაყენებდა სანახელში, ყურძენს ჩაგვიყრიდნენ და ჩვენც ვკაცობდით. იცი როგორ მიხაროდა?

პაპა ღიმილით შემოგვცქეროდა, „ჩემი კაცებო“, გვეტყოდა. ქვევრს რომ ავაგებდით, გვეგონა ქვეყანა ჩვენი ყოფილიყოს, ისე მედიდურად დავაბიჯებდით...

სალამოს წალამზე შემწვარი მწვადით გვიმასპინძლებოდა პაპა, ცოტაოდენ ღვინოს ჩაგვისხამდნენ ჭიქაში და წყლით შეგვივსებდნენ ხოლმე. ასე გვასმევდნენ ღვინოს. თამადაობას და ქართველობას გვასწავლიდა პაპა.... ვახ, დრონი, დრონი... ახლა ეზოში მარტო დავაბიჯებ, ჩემი პაპა-ბებია ალბათ სხვა სამყაროდან დამცქერიან და მლოცავენ. აგერ ხარისა და სპილენძის დიდი ქვაბი, თათარაობას რომ მართავდა ბებო, ჩურჩხელებს ამოგვივლებდა და ჩვენ, ბავშვები, რუდუნებით ჩამოვკიდებდით ხარისაზე. რამდენი სითბო და სიყვარული გაუღიათ მოხუცებს ჩვენთვის და ვერ დავაფასეთ... იცი კიდევ რა მახსოვს, სანამ ვენახში შევიდოდა ლოცვას ამბობდა პაპა, მისი სიტყვები ეხლაც ზარივით ჩამესმის ყურში, „ნასულთა მაკურთხეველო და დარჩენილთა მდღეგრძელებელო, უფლისა ჩვენისა სისხლო კურთხეულო და უფლისა ჩვენისა სხეულის გამბანველო, კახელი გლეხის დიდებავ და ქვეყნის ჭირნახულის ჭირისუფალო, აკურთხე მოდგმა ჩემი, შვილები, შვილიშვილები, შვილთაშვილები, შთამომავლნი ჩემი, უკუნითი უკუნისამდე ამინ“. ლოცვას იტყოდა პაპა და შემდეგ შედიოდა ვენახში. ღიღინით მიუყვებოდა და სხლავდა ვაზს. ერთხელ ვუთხა-

რი: „პაპა, ალბათ, ლილინი გართობს და გიიოლებს შრომას...“ნაჯაფარი მკლავი მომხვია და მითხრა: „არა შვილო, მევენახის სიმღერა ვენახსა გალობად ესმის“.

სასაფლაოზე ავედი, სარეველა ბალახისგან გავწმინდე პაპა-ბებიის საფლავები, მინა მოვასწორე, სანთელი ავანთე და ცრემლები მომერია...

ერთხელ პაპას ვკითხე: „პაპა ეს ამხელა სანნახელი რომ გვიდგას მარანში მარტო სანუშრავით რომ დავნუროთ ყურძენი არ შეიძლება?“ პაპა დაფიქრდა და მიპასუხა: „საკურთხეველ მორღვეულ ეკლესიას დაემსგავსება სანნახელისგან გაძარცვული მარანი შვილო“.

უზოში მორზე ჩამოვჯექი. ივნისის მზე აფრქვევდა ნათელს და მე მარტო ვიყავი ჩემს მოგონებებთან.

ჩემი ცოლი და შვილები ჩამოვიდნენ თბილისიდან, ჩემი ჟღერტულა გოგო და ბრუხუნა ვაჟი ჩავიკარი გულში. „მამიკო გავიჭყლიტო“, შემომჩვილა ასულმა. მეუღლე „ეკონომიურად“ მომესალმა და ერთი კოცნა ვალად დამადო.

„მერაბ შვილო, მომეხმარები ხვალ სანნახელი რომ გავარემონტოთ და დავასუფთაოთ? და მერე მარანშიც შევიტანოთ“ „კიიი... აჟღერტულდნენ ბავშვები. ჩემს მეუღლესაც გაელიმა, „მეც მოგეხმარები“, მხარი აგვიბა ოჯახის დედამ.

მეორე დღით დავიწყეთ შრომა და საღამოსთვის მოვრჩით. სანნახელის ყველა ნახეთქი ამოვავსეთ და სანთლით გავლამპრეთ მისი სხეული, შემდეგ კი მზეს მივანდეთ გასალბუნებლად. მეორე დღეს ნათესავებმა მარანში შემატანინეს მამა-პაპეული სანნახელი და თითო ჭიქა ღვინო შეასხეს კედლებზე, „ბარაქის მაღლი შეგენითო“, დაგვლოცეს.

ახლა სექტემბერია, რთველი ჩავატარეთ და ყურძენი ჩავყარეთ სანნახელში. ჩემს ვაჟს ფეხები დავბანე და დამწურავად ჩავაყენე. პაპაჩემის ლოცვაცა ვთქვი, ის რაც მახსოვდა, სანთლებიც ავანთე და სასწაული დაიწყო...

მერაბმა მკითხა: „მამა რას ნიშნავს კარგი ქართველობა?“

შეცვბი, არ ველოდი ასეთ შეკითხვას „ქართველობა პირველ რიგში, შენი ერის უანგარო სიყვარულია შვილო“.

„კი, მაგრამ რაში გამოიხატება ეს სიყვარული?“

„ბევრი შვილების ყოლაში და მათი ერისკაცებად აღზრდაში... „ნა-
მოვინწყე მე

„კი, მაგრამ შენ ხომ ქართველი კაცი ხარ მამა?“

„რა გაქვს მხედველობაში“, დავიბენი ალბათ...

„ის, რომ შენ და დედას მხოლოდ ორნი გყევართ, მე და ელენიკო.
ორი შვილი ბევრია მამა?

„არა, ბევრი არ არის, გეთანხმები, მაგრამ...“

სიტყვა ელენიკომ წამართვა

„მამიკოოოოოო, ფული ალა გაქ? მე მაქ, ცემი დაბადების დღეზე
მარჩუქეს... მოგიტან“

ცოტა ხანში, ჩემი სამი წლის ასული, მარანში, გოჭის ფორმის ყუ-
ლაბით ხელდამშვენებული დაბრუნდა.

„აი... მე დაიკო მიკიდეთ“.

და ყულაბა იატაკზე დაანარცხა, ხურდები მიმოიფანტა, პანანინა
ხელებით კრეფდა ბავშვი ფულს და კაბის კალთაში აგროვებდა, რამ-
დენიმე ქალღმერთს კუბიურაც ერია მათში. მერე მე და ჩემს მეუღლეს
მოგვმართა: „სულ ეს მაქ, ერთი დაიკო მიკიდეთ რააა... სულ პატარა
დაიკო, დედიკოს გეფიცებით მე მოვუვლი“

გავოგნდი. ჩემი ცოლი გაოცებული შეყურებდა ბავშვს. პატარა
კვლავ ატიტინდა

„დედიკო, შენ ხომ კარგი ბავშვების არჩევა იცი? და მიყიდეთ დაი-
კო, მამიკო მოგაცვანინებს სახლში, დედიკოს გეფიცები მე მოუვლი...“

ხურდები იქვე მაგიდაზე, დედის წინ დაყარა და მეც მუდარის
თვალეებით შემომხედა...

„ხო, გიყიდით შვილო დაიკოს“.

ძლივს ამოღერლა დედამ

„მეექ?“

სიტყვა მოცელა მერაბმა.

— „ძმა ძმისთვისაო და...“

„ბავშვებო რა გჭირთ?“

ავუნჩე ხმას.

— არაფერი მამა.

დინჯად მიპასუხა ექვსი წლის ვაჟმა.

— პაპამ მითხრა „ქართველობა ოჯახიდან იწყება“ და თუ ბევრი შვილების ყოლა ერისკაცობის და ქართველობის დასტურია ჯერ შენი ოჯახიდან დაიწყე“.

— ბავშვებო, აბა საქმეს მიხედეთ.

წამოენთო დედა

— ასეა, რასაც გვასწავლით თავად არ გსურთ მისი გაზიარება, იცით და არ აკეთებთ, მე ვის დავუჯერო?

მომმართა ვაჟმა.

— ჯერ ყურძენი დავწუროთ მამიკო, კარგი?

ძლივს ამოვილულლულე.

დინჯად ჭყლეტდა ყურძენს მერაბიკო, წვენი საამური რაკრაკით იღვრებოდა ქვევრში, მხოლოდ ეგ იყო, თავჩახრილი იდგა ბავშვი და ისე შრომობდა. ელენიკოს ხურდები მაგიდაზე დაეტოვებინა და იქვე ოთახში თოჯინით თამაშობდა. იცი რა მომესმა? „ნეტა წამდვილი იყო“, ეუბნებოდა თოჯინას პატარა ქალი.

წალამზე მწვადი შევწვი და ოჯახი სუფრასთან შევიკრიბეთ. ფუძის ანგელოზის სადღეგრძელო შევსვი და ჩემს ვაჟს მივუჭახუნე ჭიქა...

უცნაურია და უცილო ვალდებულება ვიგრძენი ჩემი შვილების წინაშე, მერაბის სიტყვები მიჟიოდა ყურში, „იცით და არ აკეთებთ, მე ვის დაგიჯეროთ“... შემრცხვა.

ბავშვებმა დაიძინეს. აფორიაქებული ვიდექი სარკმელთან და განვლილ დღეზე ვფიქრობდი. ჩემმა მეუღლემ კისერზე ხელი მომხვია, ვაკოცე, „ესეც ბიჭი“, ჩავჩურჩულე ყურში. გადაიკისკისა, „ესეც გოგო და ვიყოთ ვალმოხდილი მშობლები“, მითხრა და ლოყაზე მაკოცა....

მოთხრობის წერას მოვრჩი. კიდევ ერთხელ გადავიკითხე და...

მარანში სანწახელი არა მაქვს, ორი შვილი მყავს და ვცდილობ ქართველებად აღვზარდო. ოღონდ ეგ არის, ერისკაცობა მხოლოდ ცოდნით და თავგანწირვით არ შემოიფარგლება, შვილთა სიმრავლეა უცილო პირობა... ასეა, ასე.

სულიერი ასული

(მოთხრობა)

სანახევროდ ნამდვილი ამბავი

ახალი დაწყებული მქონდა ჩემი ბიზნესი. საკუთარი სახლის სარდაფში სახინკლე გავხსენი. ქუჩის პირას მდებარეობდა ჩემი ობიექტი. სტუმარი უხვადა მყავდა. ხინკლის ხარისხი მოსწონდა მომხმარებელს... მოკლედ ბედს არ ვუჩიოდი. ეს ისტორია, რომელიც მსურს რომ მოგიხროთ, ჩემს სახინკლეში დაიწყო. მაშ ასე...

დამლაგებლის ვაკანსია გამოვაცხადე. ბუნებრივია ახალგაზრდა ქალი მესაჭიროვებოდა. იმ საღამოს ერთი ქალბატონი მოვიდა ჩემთან. სუფთად და მოხდენილად ეცვა სტუმარს. ზრდილობიანად გამეცნო მოსული:

— ჩემო ბატონო, მე მიუსაფარ ბავშვთა სახლის დირექტორი ვარ. თქვენ დამლაგებლის ვაკანსია გამოაცხადეთ და ჯერ თუ კიდევ ვაკანტიურია ეს თანამდებობა იქნებ ჩემი ბავშვი აიყვანოთ სამსახურში.

— თქვენი შვილი?

უნებლიედ მიუგე მე.

— არა ბატონო, ჩვენი „სახლის“ აღზრდილია, უკვე თექვსმეტი წელი შეუსრულდა და „ქუჩაში“ გადის, არავითარი პერსპექტივა, არავითარი იმედი... იქნებ შესძლოთ, რომ თქვენთან დაასაქმოთ, მშრომელი გოგონა თათია...

ქალბატონმა ლამაზი, კაფანდარა გოგონა წარმომიდგინა. რალაცნაირი თვალებით მიმზერდა ასული. ეს არ იყო რიდი, არც მორცხვობა. ეს იყო შიში, დიას შიში.

— ბატონო გიორგი, ჩვენ ასე კარდაკარ დავდივართ და ასე ვეძებთ სამსახურს ჩვენი ბავშვებისთვის, გვინდა რომ არ დაიკარგონ ამ უსულგულო წუთისოფელში, გვინდა, რომ თუნდაც ელემენტარული პირობები შევუქმნათ რომ იარსებონ. მე თქვენი იმედი მაქვს...

— დიას, რასაკვირველია... ყველაფერი კარგად იქნება...

დავიბენი. ალბათ სახეზეც ნამოვნითლდი. გოგონას ყურადღებით დავაკვირდი. ღრმა ნაოჭები ეტყობოდა ბავშვურ სახეზე ასულს. ჩამქრალი თვალებით მიმზერდა, ის პირველი ემოციაც გამქრალიყო მის

სახეზე... მე მისთვის სულერთი ვიყავი. ნეტავ რა ხდებოდა მის გონებაში იმ წუთში? ალბათ არც არაფერზე ფიქრობდა გოგო...

თათია სამსახურში ავიყვანე, შრომობდა, თავს არ ზოგავდა, მრეცხავსაც ეხმარებოდა...

ასე გავიდა სამი თვე... სულ ვაკვირდებოდი თათიას და მის სახეზე ჯერ სიხარული არ დამინახავს... როცა კლიენტები შვილებთან ერთად შემოდოდნენ სახინკლეში თათიას თვალელებში ჩუმი ბოლმა გაიელვებდა... ბავშვების შურდა ალბათ? ან იქნებ საკუთარ „უცნობ“ მშობლებს ხედავდა მათში? ვერ გეტყვით...

თათიას ყოველდღიურ ჯამაგირს ვაძლევდი, მხოლოდ „მადლობთ“, დუნედ მეტყოდა, ფულს ხელში ჩაჭმუჭნიდა თავდახრილი. თათიას საბუთებს გადავხედე. გვარი მიუსაფარ ბავშვთა სახლის მიერ იყო მინიჭებული... მშობლების გრაფაში კი ჩაენერათ „უბატრონო“.

ზეგ მისი დაბადების დღეა. მინდოდა თუნდაც ელემენტარული გამეხარებინა მისი გული, ტრადიციაც გვქონდა თანამშრომლებს, დაბადების დღეზე ფულს ვაგროვებდით და საერთო საჩუქარს ვყიდულობდით „იუბილარისთვის“. საიუბილეო საღამოსთვის კი ჩვენს „რესტორანს“ ჩვეულებრივზე ადრე ვკეტავდით და ვქეიფობდით. ზეგინდელი დღეც დადგა. თათიასთვის ფული ავკრიბეთ თანამშრომლებმა, ტორტიც გამოაცხვეს ჩვენმა გოგოებმა. თათიას დავაკვირდი, უცნაურად დაძაბული მეჩვენა, რალაცნაურად გაფაციცებული აკვირდებოდა ჩვენს ფაცი-ფუცს.

ბოლო სტუმარმა დანახარჯი გადაიხადა და სახინკლის კარებიც დავხურეთ. სუფრის გაშლას შეუდგნენ ჩვენი ქალბატონები, თათია ეხმარებოდა. ჩვეული გულმოდგინებით ასრულებდა სამუშაოს. ჩაციებული ღვინით სავსე ბოცა შემოუდგი სუფრას...

— აბა გთხოვთ სუფრასთან.

შემოუძახე ომანხიანად.

მეტის თქმა არც კი დამჭირვებია ისე შეივსო სუფრა. ღვინით შევავსეთ სასმისები. ჭიქა ავნიე...

— თათია, დაბადების დღეს გილოცავ ჩემო კარგო, დღეგრძელობა არ მოგაკლოს გამჩენმა და მზეგრძელი ყოფილიყოს შენი გზა უკუნისამდე...

თათია გაოცებული მიცქერდა, მერე წამოდგა, ნიკაპი აუკანკალდა და ცრემლი გადმოუგორდა ლანვეებზე...

— მაღლობთ, დიდი მაღლობა ყველას...

მხოლოდ ეს თქვა, ცოტა ხანს იყუჩა, მერე თავი ასწია და დღემდე არ მავინყდება მისი მაღლიერებით სავსე თვალები. ჩვენმა ბუღალტერმა კონვერტი გადასცა იუბილარს და თან დაამატა, „ჩვენს სახელზე იყიდე რაიმე, ისეთი, რაც ჩვენს თავს გაგახსენებს მომავალში“-ო.

კარგად ვიქეიფეთ, მერე ტაქსი გამოვიძახეთ და თანამშრომლები სახლში წაბრძანდნენ. თათიამ მეორე დღეს დილით შემოალო კარი...

— დილა მშვიდობის ბატონო გიორგი, დიდი მაღლობა საჩუქრისთვის, იქ, „ბავშთა სახლში“, ყველაზე დიდი საჩუქარი „სახლიდან“ წასული უფროსი ბავშვების ნაქონი ნივთი იყო... რალაც მინდა გთხოვოთ... გთხოვთ ნუ გამიბრაზდებით... სწავლა მინდა... მე არავის არ ვიცნობ რომ მომეხმაროს და გზაზე დამაყენოს... მომეხმარებით?

— სად გინდა ისწავლო თათია?

— ჯერ მე თვითონ არ ვიცი...

— მოიფიქრე, თუ შევძლებ დახმარებას, სიამოვნებით დაგიდგები გვერდში.

— მაღლობთ...

მხოლოდ ეს თქვა გოგომ და გასახდელისკენ წავიდა. იმ დღემაც, როგორც ყოველთვის მეტნაკლები წარმატებით ჩაიარა. რამდენიმე კვირის შემდეგ რესტორანში თათიას სახელზე წერილი მოვიდა. კონვერტის გახსნა ვერ გავბედე, მხოლოდ გამომგზავნის ვინაობამ დამაინტერესა, „ჯანმრთელობის დაცვის სამინისტროსთან არსებული კადრების მომზადების და გადამზადების ცენტრი“ სწერდა.

წერილი თათიას გადავეცი. დამლაგებელმა კონვერტი ხელის კანკალით გამომართვა. მერე გახსნა, შეგთავსი ამოიღო და კითხვას შეუდგა. უეცრად ადგილიდან მოწყდა და მომეხვია...

— მიმიღეს, ექთნების მომზადების კურსებზე მიმიღეს...

ჩემდა უნებურად მეც მოვხვით ხელი, იქვე სკამზე დავსვი ქალიშვილი. მისი ბედნიერებით ვტკბებოდი, სიხარულით და ემოციურად მიყვებოდა თავის წარმატების მომტან თავგადასავალს, თუ როგორ შეიტანა საბუთები, როგორ გადაიღო საანკეტო სურათები, როგორ გაიარა გასაუბრება... ყველაფერს მიყვებოდა...

— თათია მონათლული ხარ?

დავუსვი თითქმის უადგილო შეკითხვა.

— არა ბატონო გიორგი, ვის ვჭირდებოდი უპატრონო და უთვის-ტომო გოგო?... მომნათლავთ?

ამ შეკითხვას კი ნამდვილად არ ველოდი, მაგრამ მის თვალეებში უდიდესი მუდარა დავინახე.

თათიამ პასუხის გაცემა არ მაცალა და მითხრა:

— ბატონო გიორგი, მე არ მყავს მშობლები, უფრო სწორად ისინი სადღაც არიან, მაგრამ მე მათთვის მხოლოდ გარდასულ დღეთა კომ-მარი ვარ და მეტი არაფერი, იყავით ჩემი სულიერი მამა, აგერ უკვე ერთი წელია თქვენთან ვმუშაობ და როგორც შვილს ისე მექცევით... იყავით ჩემი ნათლია და მე თქვენი სულიერი ასული ვიქნები...თუ არ გამოვდექი და ვერ ვივარგე, ბოლოს და ბოლოს ჩემმა ნამდვილმა დედ-მამამ უარმყვეს და უარმყავით თქვენც, ალბათ ძალიან „მეტკი-ნება“, მაგრამ არ მენწყინება გპირდებით...

თათიას ნათლობას მიუსაფარ ბავშვთა სახლის დირექცია დაეს-წრო, მთელი შემადგენლობით, იმ „სახლში“ აღზრდილი თათიას მე-გობრებიც გვერდში ედგნენ ახალ ქრისტიანს...

რალა ბევრი გავაგრძელო, ექვსთვიანი კურსები წარმატებით გაი-რა გოგომ და სერთიფიკატების გადაცემის ცერემონიაზე, მე თათი-ას გვერდით ვიდექი, როგორც მამა, პირველმა მე მოვულოცე ასულს წარმატება და მისი ახალი ასპარეზიც ჩვენ დავლოცეთ, მისმა პირველ-მა თანამშრომლებმა. ახლა ცენტრალურ კლინიკურ საავადმყოფოში მუშაობს. უკვე კვალიფიცირებული ექთანი, — ანესტეზიოლოგის თა-ნამდებობაზე. მის პირად საქმეში „მშობლები“-ს გრაფაში კი ამოიკით-ხავთ: „მამა“... და მე ვარ მოხსენიებული და „დედა“ კი „სახლის“ აღ-მზრდელი — პედაგოგი... გაგიკვირდათ? მერე და ვის აინტერესებს ეს?

როცა თიაქარის ოპერაცია გავიკეთე და რეანიმაციაში მომათავ-სეს, ჯერ კიდევ ნარკოზის ქვეშ მყოფმა აშკარად ვიგრძენი ვილაცის თბილი და მზრუნველი თითები როგორ ეხებოდნენ ჩემს სხეულს, სა-ხეს და აშკარად მესმოდა ჩემი სულიერი ასულის თბილი ხმა, ჩემი თა-თიას ჟღერტულა ხმა ჩამესმოდა და სულს მითბობდა: „მამა მე მოგივ-ლი, ყველაფერი კარგად არის, მიყვარხართ მამა“

ჩემი გადაჭრილი ფურცელი...

„გთხოვ ნუ მიყურებ როგორც პატარა ბავშვს, ვიცი ჩემზე დიდი ხარ და ისე მექცევი როგორც უფროსი, მაგრამ მე ხომ კაცი ვარ? მამიკო მეუბნება, „კაცი ბავშვობიდანაც კაციაო, უბრალოდ ვაჟკაცობას სწავლობსო და ისე იზრდებო“. შენ კი როგორც სათამაშოს ისე მექცევი. გუშინ შენს სახლში დამტოვეს დედიკომ და მამიკომ, დაქალებიც გესტუმრნენ და ისე მიყურებდნენ გეგონება მოლაპარაკე თოჯინა ვყოფილიყავი, ან როგორ იქცეოდნენ? მე კაცადაც არ მაგდებდნენ, გოგოები ასეთ ცუდ რამეებზე რატომ ლაპარაკობთ? ამხელა კაცი ვარ და ჯერ მამიკოსგან გინება არ გამიგია, არც დედაჩემის დაქალებისგან მსმენია მსგავსი. გუშინ ყვავილები მოგართვი. შენი სახლის კარებთან დავდე და იმ თმაშეკრეჭილმა ბიჭმა დაიბრალა. ვითომ იმან მოგართვა. მე ეს ყვავილები სადილის ფულს რომ მაძლევს დედიკო, ის შევავაროვებ და გიყიდე. ხო ლამაზი ყვავილები იყო? მე მიყვარხარ და ცოტა მაცალე, მალე გავიზრდები და ყველაფერს ჩემი ხელიდან მიიღებ...“ — ამ წერილს უკითხავდა მანჩო თავის დაქალებს და გოგოები სიცილით იგუდებოდნენ...

— მანჩო, ეს რა „პაკლონიკი“ გყოლია, ბედიც გაგხსნია ქალო.

ხარხარებდა წითელთმიანი გოგო...

— ვაიმე, რამდენი ვიხალისეე...

„აკაკანდა“ მოკლევადიანი.

არც სხვები აკლებდნენ ქილიკს პატარა მიჯნურს და მის წერილს. ბიჭი კი კუთხეში იდგა და მისთვის სათაყვანებელი გოგოს სიცილს აკვირდებოდა. ბიჭი განითლდა, არ ეგონა, რომ მის გულის ნადებს ესე სააშკარააზე გამოიტანდა მანჩო. ცრემლები მოერია პატარა კაცს. არც ის იცოდა როგორ მოქცეულიყო. უცბათ ადგილიდან მოსწყდა ბავშვი და სადარბაზოს კარებისკენ გაიქცა, კარი გააღო და კისრისტეხით ჩაირბინა კიბე. მანჩოს და გოგოებს ელდა ეცათ. უკან გამოეკიდნენ ბავშვს. ქუჩაში გამოეფინნენ გოგოები, მაგრამ პატარა ვაჟკაცის ალი-კვალი ვერსად იპოვეს. მანჩო გადარეული აწყდებოდა ქუჩას და ეზოს, ხმამალა ეძახდა ბავშვს. ბავშვი კი არსად ჩანდა.

ეზოში გადარეული მშობლები გამოჩნდნენ. მანჩომ დეტალურად მოუყვა რაც მოხდა, ტიროდა ახალგაზრდა ასული, ნერვიულობდა, მთელი უბანი შეიყარა...

— მამააა, დეეე, აქა ვარ.

გაისმა ბავშვის ნაწყვეტ-ნაწყვეტი ხმა, იქვე სადარბაზოს წინ ჯართად ქცეული ძველი მანქანის ქვეშიდან. თურმე, რომ ვერ დაეჭირათ მანქანის ქვეშ შემძვრალიყო პატარა კაცი...

ბევრი ვაი-ვიში და აზრების „პარპაში“ ედებოდა ეზო-კარს... ამასობაში მოსალამოვდა. პატარა კაცის სახლის კარებზე ვილაცამ დააკაკუნა. დედამ კარები გააღო და კარის ზღურბლთან მანჩო შერჩა ხელში. თვალები დანითლებოდა გოგოს, სახეც გაცრეცოდა. დედამ მეზობელი შინ შემოიპატიჟა.

რალაცას უყვებოდა დედას მანჩო, ეტყობოდა ზომაზე მეტად ნერვიულობდა და იმასაც ხედავდა ბიჭი, თუ როგორ ამშვიდებდა დედა ატირებულ გოგოს, მერე ფურცელი მიაწოდა... მშვიდად გააცილა დედიკომ მეზობელი. ცნობისმოყვარეობა ტანჯავდა ბიჭს, ნეტა რას მოუყვა მანჩო? ეს ფურცელი მისი დანერილი წერილი იყო? იქნებ დედიკომ გატყეპოს ბიჭი?...

მამა გულდასმით კითხულობდა ვაჟის პირველი სიყვარულის „აღსარებას“, შემდეგ თავი აიღო და...

— სანდრო, მოდი ჩემთან მამა, მოდი ნუ იმალები.

სანდრო თავჩალუნული მიუახლოვდა მამას, დედაც იქვე იჯდა და სერიოზული სახით... დიდ რუდუნებას და თავშეკავებას ასხივებდა მისი თვალები...

— მისმინე სანდრო, მე წავიკითხე შენი წერილი.

მშვიდი ხმით ლაპარაკობდა მამა.

— ვერ წარმოვიდგენდი, რომ ამხელა გული გქონდა მამიკო. იცი, ეხლა რომ გითხრა რა არის სიყვარული, გაიზრდები და დაგავინწყდება, როცა დიდი ბიჭი გახდები შენ თავად უნდა მიხვდე თუ რას ნიშნავს შენთვის „გიყვარდე“.

— კი მამა, გავიგე.

— ხვალიდან გახანგრძლივებულ ჯგუფში დარჩები, მე ან დედიკო მოგაკითხავთ და წამოგიყვანთ სახლში, ეს წერილი კი შეინახე. არავის აჩვენო, შენხელა, მე ამას ვერ დანერდი, უკვე კაცდები და ეცადე ნებისმიერი ნაბიჯი დაკვირვებით გადადგა, იმიტომ, რომ არასწორად გადადგმული ნაბიჯი სწორ გზას აგამორებს და მერე უკან დაბრუნება თითქმის ყოველთვის შეუძლებელი ხდება. სანამ გაიზრდები მე შე-

მეკითხე, როცა დაკაცდები შენი გზით ივლი და შეეცადე ჩემი დარიგებები გამოიყენო...

— მამა, ის გოგოები კიდევ დამცინებენ?

— არა სანდრო, ვერ დაგცინებენ, იმიტომ, რომ მათ ყველაზე წრფელ სიტყვებს დასცინეს. დაივინყე ეს ყველაფერი და თუ გინდა დედიკოს სიყვარულში გავეჯიბროთ ერთმანეთს.

— კარგი.

თავი დაუქნია ვაჟმა და საძინებლისკენ წავიდა.

დედიკომ და მამიკომ თვალი გააყოლეს პირველ მარცხგანცდილ „მიჯნურს“...

— შენ გგავს, შენსავით გიჟმაჟი იზრდება.

ლიმილით მიმართა ქმარს დედიკომ.

— არა, უფრო მეტია. მე ამდენს ვერ გავბედავდი. ეტყობა უფრო მეტი ყურადღების მიქცევა დაგვჭირდება ორივეს, თანაც ირაკლიც მალე წამოიზრდება და მერე ნახე...

დედიკო მამიკოს მიუახლოვდა, მკლავები კისერზე მოხვია და ჩურჩულით უთხრა:

— მე შენი დაწერილი წერილი დღესაც შენახული მაქვს, ის მერვე კლასში რომ ვიყავით მაშინ მომწერე...

— მახსოვს... მახსოვს... მახსოვს

რამხელა დრო გასულა მას შემდეგ ჩემო დედიკო და მამიკო, აგერ ჭალარამ შემოსა და ჯერაც არ დამვიწყნია ეს ისტორია. ის წერილიც ხელში მიჭირავს და იცი, ეს გაცრეცილი და ფერგადასული ფურცელი დღეს რომ ვინმეს წავუკითხო „სისულელეაო“ იტყვიან, ეს ჩემი ისტორიაა, ჩემი ისტორიის ლამაზი ფურცელი.

შნებლიე რესპოდენტი

— ბატონო პროფესორო, რას წარმოადგენთ დღეს თქვენ?

— მეეე?

— დიახ, თქვენ ხომ ერთ-ერთი უდიდესი სამეცნიერო-კვლევითი ინსტიტუტის წამყვანი მეცნიერ თანამშრომელი იყავით...

მეცნიერი რალაცნაირად დაიძაბა, თვალეში უცნაური ელვარება შევნიშნე. ეს არც მრისხანება იყო და არც პასუხის ძიება. თავი ასწია შუბლშეჭმუნხულმა და მითხრა:

— ჩემო კარგო, თქვენ ვინ ბრძანდებით?

— მე მწერალი ვარ...

— სანაქებო საქმეა, მაშ კარგით, მოდით მარტივად მიუდგეთ საქმეს, დამისვით შეკითხვა და მე გიპასუხებთ. გისმენთ მწერალო...

— რას ნიშნავს იყო „მეცნიერი“.

— ეს ნიშნავს წარმოადგენდე შენი ქვეყნის ინტელექტუალური საგანძურის ნაწილს. მეცნიერებზე და მეცნიერებაზეა დამყარებული საზოგადოების ცოდნის დონე...

— გამოდის, რომ თუ ქვეყანაში საზოგადოება ნაკლებად ინფორმირებულია ეს „მეცნიერების“ გამო ხდება?

— შვილო, „ინფორმირებულობა“, ეს ცალკე თემაა. საერთოდ მიმაჩნია, რომ მედია საშუალებებს სწორად ქვეყნის ინტერესებიდან გამომდინარე თუ გამოვიყენებთ, საზოგადოების ინტელექტუალურ განვითარებას შეუწყობთ ხელს. ერთხელ ჰებელსმა ბრძანა, „მომეცით მასმედიაზე კონტროლის უფლება და მე ნებისმიერ ერს ღორების კოლტად ვაქცევო“. მე მგონი ციტირება სწორად გავაკეთე და დასკვნები დღევანდელიდან გამომდინარე თქვენთვის მომიხდევია. დაუბრუნდეთ მეცნიერებას?

— განსაზღვრავს თუ არა მეცნიერება საზოგადოების ცოდნის დონეს?

— კითხვას იმეორებთ მწერალო. ცოდნის დონეს პროფესიონალები განსაზღვრავენ. დარგის ყველაზე დიდი პროფესიონალები მეცნიერები არიან. სახელმწიფოში რაც მეტი გვეყოლება დარგობრივი სპეციალისტი და მეცნიერი, ეს ქვეყნის ინტელექტუალური სიმდიდრეა.

— დღევანდელიობაზე რას გვეტყვით?

— აბა რა გითხრა? ქვეყანაში სადაც მეცნიერი და მეცნიერება დაკნინებულია ავანტიურისტთა თარეში გარანტირებული გაქვს, თუკი ქვეყანაში პოლიტიკოსები „მეფობენ“, ესეიგი ინტელიგენცია დაჩოქილია. იქნებ და ამიტომაც მოისპო ჩვენი სამეცნიერო-კვლევითი ინსტიტუტები, თქვენ რას მეტყვით ბატონო მწერალო?

— ესეიგი მეცნიერთა რაოდენობის შემცირება თქვენ დაუშვებლად მიგაჩნიათ?

— ვინ გასწავლათ კითხვის დასმა? დაიმახსოვრეთ, ეროვნული სამეცნიერო პროტენციალი ქვეყნის ფასდაუდებელი განძია...

— გასაგებია, მინდა გკითხოთ, სამეცნიერო თვალსაზრისით როგორ ისახავთ მიზანს და როგორ წყვეტთ საკითხს?

— „ძიება“, მეცნიერების აპოგეაა. მეცნიერის „იარაღი“ ლოგიკაა და კვლევების ანალიზი, რომელიც ფაქტებს ემყარება. მეცნიერების „სამოთხე“ ლაბარატორიაა და მისი მოშლით ეროვნული ინტელექტი „ჯოჯოხეთში“ გაიღვიძებს...

— თქვენი აზრით რა არის საჭირო, რომ ისევ აღორძინდეს მეცნიერება და რას მოუტანს ქვეყანას სამეცნიერო კადრები?

— როგორ გითხრა? ნაწილობრივ თქვენს შეკითხვას უკვე გავეცი პასუხი, გეტყვით, თუ ქვეყანაში ინტელიგენცია პრიორიტეტულად გიღს არ დაიკავებს სახელმწიფოს მშენებლობაში და მის შემდგომ განვითარებაში, ნაციონალური ინტერესები კრახისთვისაა განწირული. თუ თქვენ არ უამბობთ ახალგაზრდობას ჩვენი დიდი მეცნიერების, საზოგადო მოღვაწეების, ლიტერატორების, ისტორიული პიროვნებების ღვანლის შესახებ და მათი მსოფლიო მნიშვნელობის შესახებ, თუ თქვენ არ უამბობთ მათი ფასდაუდებელი მოღვაწეობის, მსოფლიო ინტელექტუალური განვითარების და სამეცნიერო მიღწევების შესახებ, თქვენ ქვეყნის მომავალ თაობას სიამაყის უფლებას წაართმევთ...

— და ბოლოს, მინდა გკითხოთ, როგორ გესახებათ თქვენი მომავალი?

— რა გითხრათ? მე თაროზე მიტოვებული წიგნი ვარ, რომლის ხელში აღებასაც სიძველის გამო არავინ იკადრებს, უკვე ოთხმოც წელიწადს გადავაბიჯე და ის ცოდნა რაც დავაგროვე, სამარეში მიმაქვს, ჩემგან დამოუკიდებელ მიზეზთა გამო. დატირების ღირსიც არა ვარ, მაგრამ გახსოვდეს, ქვეყნის ინტელექტუალური კადრების განადგურებით ინტელიგენცია ნადგურდება, ან უკეთეს შემთხვევაში ფუნქცია ეკვეცება და „იჩოქებს“, თქვენ ხელოვანი ხალხი დარჩით ჯერ კიდევ „ამხედრებულნი“, თქვენ უნდა ითავოთ უკვე უხეში ხელყოფისგან ნაწილობრივ განადგურებული „ცოდნის საუნჯის“ შემორჩენილი ნაწი-

ლის შენარჩუნება და შემდგომ მისი აღზევება. იხარე მეგობარო... მე
წავედი...

— კარგად ბრძანდებოდეთ ბატონო პროფესორო...

უსათაურო

სოფლის ცენტრში, სამამულო ომის ვეტერანთა, ფრონტზე და-
ლუპულ თანასოფელელთა სურათებით შემკული მემორიალი იდგა.
ერთ დროს დიდი მონინებით და ზარზეიმით ეახლებოდნენ ხოლმე
სოფლის თავკაცები და გვირგვინებით ამკობდნენ აქაურობას. მე-
მორიალის უკან ომის ვეტერანთა სასაფლაო იყო, მშვიდობინობის
დროს გარდაცვლილ ვეტერანებსაც აქ მიუჩენდნენ ხოლმე საუფ-
ლოს. წინათ, შაბათობაზე მოჰყავდათ აქ ბავშვები და გულდაგულ
წმენდნენ მიდამოს. მტერთან ბრძოლაში დაღუპულთა ხსოვნისადმი
პატივის მიგება ხომ წმინდათა წმინდა მოვალეობაა ღირსეული ადა-
მიანებისა.

დრო შეიცვალა...

რისიცა სწამდა ხალხს სიავე ყოფილა... მტერი ზოგიერთმა ჭკუ-
ათამყოფელმა „განმანთავისუფლებლადაც“ მონათლა... მხოლოდ მე-
მორიალი შემორჩა, დროსთან და უგნურებასთან მებრძოლი ქვადმო-
ბილი ხსოვნა ხალხისა...

დრო გადიოდა...

იმ მემორიალთან ერთი პატარა ბიჭი მიდიოდა ყოველ კვირას.
ჯერ სტელას წმენდდა, შემდეგ „დაფაზე“ მიკრულ მეომართა სურა-
თებს გადაუსმევდა ტილოს, გაასუფთავებდა და შემდეგ სასაფლაოს-
კენ იბრუნებდა პირს. მხოლოდ ერთ საფლავთან ჩერდებოდა. ჯერ
ლოცვას ნაიკითხავდა და მერე საგულდაგულოდ ასუფთავებდა იქაუ-
რობას ბალახისაგან და ნაგვისგან, რომელიც უკვე უხვად მოიპოვებო-
და სოფლის „პანთეონში“. საქმეს რომ მორჩებოდა სახლისაკენ გას-
ნევდა ხოლმე ღიღინით.

ამ ბიჭის მეზობლად ერთ ცუგრუმელა გოგოს ოჯახს დაედო ბი-
ნა. ბავშვები კლასელები იყვნენ და მეგობრობდნენ კიდეც. ერთხელ
ეს გოგო „პანთეონს“ ბიჭთან ერთდ ეწვია. ბიჭი ჩვეულ საქმეს შეუდ-

გა. მუყაითად და გულით აკეთებდა საქმეს. გოგო აკვირდებოდა მიდამოს და ერთხელაც ჰკითხა ბიჭს :

— მარტო შენ მოდიხარ აქ და მხოლოდ შენ უფელი აქაურობას, ამ საქმის კეთება ვინმემ დაგავალა?..

ბიჭმა თავი აიღო, გოგონას შეხედა და უთხრა:

— აქ ჩემი დიდი პაპაა დაკრძალული. მფრინავი ყოფილა. მამამ მითხრა ჩვენი გვარის და ოჯახის სიამაყეაო...

— ხო, მაგრამ თუ „სიამაყეა“ თქვენი გვარისა და ოჯახის, აქ ხომ სხვების საფლავებიცაა, მათ რატომ არ მიაგებენ პატივს? მათი გმირობით არ ამაყობენ?

იკითხა გოგომ.

— არ ვიცი...

მხრები აიწურა ბიჭმა.

გოგონამ ბელადის ქანდაკებისკენ მიაპყრო მზერა, ათვალიერა და ბიჭს შეეკითხა:

— მისი სჯეროდა შენს დიდ პაპას?

ბიჭმა სურათების წმენდას თავი დაანება, ჯერ ბელადს ახედა, მერე გოგოს გაუსწორა თვალი და უთხრა :

— კაცი მტერს რომ დაამარცხებს ცუდი რატომ არის?

— იმიტომ რომ ბევრი ხალხი დალუპა ომამდე, ასე თქვეს...

— არ ვიცი... ჩემს დიდ პაპას სჯეროდა მისი... არ ვიცი... ვერაფერს გეტყვი...

ერთ დღეს სოფელში დროშების მოფრიალე ხალხი მოვიდა. ბიჭმა ვერ გაიგო რა უნდოდათ, ან რატომ ყვიროდნენ, ვერც ის გაიგო რატომ ესროდნენ საღებავებით სავსე ქილებს გმირების მემორიალს, ვერ მიმხვდარიყო ბიჭი რატომ აცამტვერებდნენ სოფლის „პანთეონს“ ლამაზად ჩაცმული კაცები და ქალები. რატომ ურტყავდნენ ფეხს მეომართა დიდების სტელას მედროშეთა წინამძღოლნი, რატომ ჩამოაგდეს ბელადის ძეგლი კვარცხლბეკიდან, შემდეგ როგორ ურტყამდნენ ფეხს საღებავში და ტალახში ამოსვრილ „ბელადს“. გული რომ იჯერეს „მაკივარებმა“, ახლა სოფლის ცენტრში გადაინაცვლეს... აკვირდებოდა ბიჭი და ვერ გაეგო, „თუკი კარგი რამის გაკეთება შეუძლიათ „ამათ“, გმირების მემორიალი ხელს რაში უშლიდათ? ვერც ის გაეგო ბიჭს სამამულო ომის გმირების ხსოვნის შეურანმყოფელნი სანთლებს

რატომღა ანთებდნენ, ან „ნათელი მომავლისკენ“ მიმავალ გზაზე მეომართა ხსოვნა წინ რითი ელობებოდათ, „ბელადის“ ლანძღვა ვაჟკაცობად რატომ ითვლებოდა...

ბიჭი ფიქრობდა და ბიჭს უკვირდა...

შემდეგ ადგა, მიატოვა სოფლის მოედანი და მემორიალისკენ წავიდა. იავარქმნილი დახვდა იქაურობა. დინჯად ათვალიერებდა ბიჭი ნაველურალს და ფიქრობდა რითი დაეწყო საქმე. ტილოები მოარბენინა, ერთი პატარა სათლით წყალიც მოიტანა... და საღებავებით გათხუპნულ სურათებს დაუწყო წმენდა, მარტო მუშაობდა... უცბათ ვეება ჩრდილი „დაეცა“ თავზე. უკან მოიხედა და პაპა ანდრო შეიცნო ვაჟმა, კიდევ ჯემალი პაპა, გურო პაპა, ხარება პაპა, სხვა პაპები და ბიძიები, მოდიოდნენ... თავისი კლასელები, უფროსები, გოგოები, ბიჭები ტილოებით, წყლით და ნიჩბებით მოდიოდნენ მემორიალისკენ....

„ყველანი აქ არიან, ნეტავ მოედანზე ვინლა დარჩა?“ გაუელვა ფიქრმა ბიჭს.

მემორიალი აღადგინეს, იქაურება გაასუფთავეს კაცებმა, ბებიები და ბავშვები წმენდნენ საფლავის ქვებს...

მეორე დღეს ტელევიზორში ვილაც „გაპრანჭულმა“ კაცმა თქვა „რუსეთუმეებმა განმინდესო მემორიალი, არ შევარჩინთ და სულ დავანგრევთო იქაურობას“.

ბიჭი გაკვირვებული უყურებდა „გაპრანჭულ“ კაცს და კითხვა დაეებადა:

„წარსულის ხსოვნა და გმირთა პატივისცემა თუ „რუსეთუმეობა“, ომის ვეტერანთა მემორიალის შეურაწყოფას და ნგრევას ნეტავ რა ჰქვია?“

პასუხი ვერ იპოვა ბიჭმა...

ცხელ გულზე ნაწიქრი 1

რას ემსახურება თვითოეული ლიტერატორი, პოეტი, მწერალი და კრიტიკოსი? იყო ქართული სიტყვის მეხოტბე და მესაიდუმლე ეს დიდი ვალდებულებაა შენი ერის და მოყვასის წინაშე. დღეს ქართული ლიტერატურა მიუსაფარ ბავშვს უფრო ნააგავს ვიდრე მხრებში

გაშლილ ერის მედროშეს. მედროშენი კიდევ არიან, დროშებიც ალბათ სარდაფებშია გამოკეტილი, მაგრამ სადროშო დააირღვა, თუ დაარღვიეს? ხო ასეა, სპონსორების და მწყალობელთა ხელში ალბათ, „დეიდებოოო... ბიძიებოოო...“-ს ძახილით ეძებს ქართული სიტყვა თავის გზას. გული მწყდება, რომ ქართული ენის სიდიადე მხოლოდ მავანთა „აბსურდის თეატრის“ ყმად გამხდარა და არც „ძლიერთა ამა სოფლისათა“ ინტერესთა სფეროს არ განეკუთვნება ქართული ლიტერატურის აღზევება და განვითარება. ვინ არის მწერალი, პოეტი, კრიტიკოსი? ისიც ხომ მოძღვარია, უბრალოდ „სიტყვას“ საერო ენით გადმოგვცემს. იქნებ გგონიათ, რომ ხატება არ ჰყავს ქართულ ლიტერატურას? მე ვამბობ მათთვის, ვისთვისაც წიგნი მხოლოდ სტამბიდან იწყება და ყდაში მოქცეულ ფურცელთა კრებულს წარმოადგენს. სულს ლაფავენ და ზოგიც დავინწყებას მიეცა, ცისკარი, მნათობი, ლიტერატურული გზეთი, პოეზიის ხუთი წუთი, მოგზაურობა სასიტყვეთში და ბოლოს ქართული ენის პალატაც მტვრიან თაროზე შემოდეს. ვის ვთხოვთ წყალობას? მათ, ვისთვისაც ქართული ტრადიცია და ლიტერატურა მხოლოდ წარმონაქმნს და ობიექტურ რეალობას წარმოადგენს? ან იქნებ იმათ, რომლებმაც აღარ მოინდომეს, თუ აღარ მოანდომებინეს ტელე-სივრცეში ლიტერატურული გადაცემებისთვის დრო დაეთმოთ? წიგნი ხომ ადამიანის მოღვაწეობის ყველაზე დღეგრძელი ნაყოფია. დიახ, ასეა და ვინ ჰქმნის ისტორიას? წარმოიდგინეთ ერთი ანთებული სანთელი, რომელსაც მრავალი სანთლის ანთება შეუძლია, ასეა ბედნიერებაც, ბედნიერება ხომ გაზიარებით არ მცირდება. ხელოვანი ხომ არასოდეს არ იხედება უკან, რადგან უკან მომზირალმა შეიძლება ფეხი წამოჰკრა და დაეცე. ლიტერატურას და ხელოვნებას თუ სიტბოს მოაკლებ, ის კნინდება, რადგან ადამიანები სულიერების გარეშე ვერ ცხოვრობენ.

საოცარია, როცა ჩვენი ქვეყნის თავსდატეხილ სიავეზე ვსაუბრობთ და უმეტეს წილად უსახსრობას ვაბრალებთ ჩვენს უსუსურობას, მე კი გეტყვით, სადავეებთან ნიჭიერი ადამიანების ნაკლებობა აფერხებს ჩვენი ქვეყნის განვითარებას, რადგან „პატარა“ კაცების „დიდი სიამაყე“, ისტორიის ხეზე ლურსმანს აჭედებს რაზედაც ყველაფრის ჩამოკიდება შეიძლება.

ლიტერატორებო, მწერლებო, პოეტებო, მკითხველებო, ახლა ომია. ომი ყოველივე ქართულის შენარჩუნებასა და თავსმოხვეული უცხო ცივილიზაციის მიერ შექმნილ ფასეულობებს შორის. შეიძლება ეროვნულმა ხელოვნებამ ბრძოლა წააგო, მაგრამ ომი გრძელდება. წიგნები, ლიტერატურული ფორუმები ან უბრალოდ ხელოვანთა გილდიის შექმნა, ეს ის წვეთებია, შემდგომ უფლისა მადლით აიაზმად რომ აკურთხებს მოძღვარი და ერს კურთხევად მოუვლენს. „ხელოვნება საზოგადოების სარკეაო“ გამიგონია, უბრალოდ დასანანია, რომ ჭეშმარიტი ქართული, ნაციონალური ხელოვნება ბევრად დაბლა დგას დღეს, საზოგადოებისთვის შეთავაზებულ ბილნსიტყვაობის და მრუშობის ფენომენით გაჯერებულ „იდეოლოგიურ კლოუნადაზე“, რომელიც ეროვნული ღირსების შელახვისადმი საზოგადოებაში ლიბერალიზმს წერგავს.

მე მინდა გავიხსენო ერთი დიდი ქართველის სიტყვები, რომლითაც მან ერთ „ტახტის ლაქიას“ მიმართა „Когда Ваши предки по лесам бродили, наши – Евангелие переводили!“

წურვინ დაიჯერებთ, რომ ვალი აქვს საქართველოს ვინმესი, ან გვმართებს რაიმე უცხოთა.

უფალი როგორც საქართველო ოთხი სამსჭვალით აცვეს ჯვარს. პირველი — ლაზეთი, მეორე — ლორე-ჭერეთი, მესამე — აფხაზეთი, მეოთხე — სამაჩაბლო. ეკლის გვირგვინიც დაადგეს თავზე. ღმერთების ენას უწოდებს იოანე-ზოსიმე ქართულ ენას, უფალმა თავისი სამოსი ქართველებს მოგვაბარა და დედა-ღვთისმშობლის კვართსაც ქართველნი იცავენ. არსებობს ალთქმული მინა ისრაელისა და არის ჯვარცმული მინა საქართველოსი, სადაც იესო დაბრუნდება შესამოსელად. წერეთ ქართულად, იფიქრეთ ქართველურად, ისაუბრეთ საქართველოსთვის და იღვანეთ საქართველოს სადიდებლად.

ცხელ გულზე ნაფიქრი 2

რაოდენ ძნელია უმეცართა აღლუმში განათლებული ადამიანების, მათ ავანგარდში ყოფნა. გამკვირვებია, რომ გულმეცნიერნი სიბრიყვის საბურველში ეხვევიან რათა უხვსიტყვაობითა და მოქმედებით საკუთარი ერის ხელთუქმნელი გაანადგურონ.

რატომ ხდება რომ დაცივნით და მცდარმეტყველებით აუგად აჩვენენ საკუთარი ქვეყნის მრწამსს, ისტორიასა და ზნეობას? დაცივნვა ხომ ბოროტთა საჭურველია ხალხის ერთსულოვნების იმედად მყოფი უაბჯრო ზნეობის დასამარცხებლად. მტერს ვეძებთ, ჰო ვეძებთ, რადგან მათზე ჩამოვკიდოთ ჩვენი უბედურება თუ დღევანდელი ძნელბედობა და სიდუხჭირე, მაგრამ „იქ“ ვეძებთ ჩვენზე მოძალადეს? მტერი მხოლოდ ხმლით და თოფით როდი გვიტევს. ყველაზე მძლავრი და გამოცდილი იარაღია ეროვნულ ფასეულობათა დაცივნვა, დაცივნვა ყოველი ღირებულისა, რაც ჩვენს მოდგმას და ერისკაცთ შუეუქმნიათ საუკუნეთა მანძილზე.

აღბათ მეტყვით, „კაცმა კაცს დასცინა და ამით ტრაგედიას ნუ ჰქმნიო“, მეც მინდა გკითხოთ, „რით უფრო იტანჯება ერისკაცი?“ მარტივად გეტყვით, იმ სანუკვარის გაცამტვერებით, რომელსაც ეროვნული ღრსება ჰქვია, მას უნმინდურის სიბრძნით მოქსოვილი, მქადაგებლის ნიღბით შემოსილი, უცხოთა ხელდასმით საკუთარ ერზე აღზავებული მონათა და ვასალთა ბრბოები თანასწორობის ბაირიალით რომ გაეცხადნენ საზოგადოებას, დაცივნით ახერხებენ ამას.

მოქილიკე და ყბედი კაცები უცხო არ არის ჩვენთვის, არც „ჯავსნოსანი“ საპნის ბუშტების „რახარუხია“ ჩვენთვის უჩვეულო, მაგრამ რწმენის ქილიკი მხოლოდ მატერიალისტ სექტანტთა პრიროგატივთაა უცილოდ. მკითხავთ აღბათ, „რით დაასაბუთებო ნათქვამს?“, რაო? განა უფალს ჩვენსას იესოს, ჩვენთვის, კაცთათვის განკაცებულს ასწავლო და შეუსწორო უფალის სიტყვა, განა ეს მხოლოდ კადნიერებაა? ჯიშნართმეულ მამებელთა და მგმობელთა დუჟმორეული ბილწვა ეროვნულისა, ეს მხოლოდ უმეცროებისგან ხომ არ გგონია?

საოცარია, დამცინავთა და მოქილიკეთა სიბრძნე. „ყველანი თანასწორნი ვართო“ ამბობენ, „ტოტანი ვართო, მრწამს და წესს ნუ გვიგინებთო, ნუ გვჩაგრავეთო“. მერედა ვინ რყვნის წესს? ან მჩაგვრელი ვინ არის ნეტავ?. „მჩაგვრელის“ ტოტემით დადალო უფლისმიერი, უარყო კაცთა ცხოვრება ღვთით კურთხეული, ესაა „ჩაგრულთა“ არსი. ნუ იფიქრებ, რომ მხოლოდ ისინი სჩადიან ყოველგვარ სიბილწეს, არა, ასე არ არის. „ჩაგრულნი“, უმეტესად საზარბაზნე ხორცია იდუმალი ბატონის ხელში, რათა კაცთა მოდგმა გაათითოკაცოს, სულიერება დაუკნინოს და ყველაზე ფასეული, ოჯახის ფენომენი, ეთერში გაითქვიფოს, რადგან ადა-

მიანის უწინარესი სინმინდე მიწაზე, ოჯახია და პირველ სავედრებელიც ოჯახის ბედნიერებაა უცილოდ. საშიშნი არიან „ჩაგრულნი“, რამეთუ სინმინდეთა დაცინვა და იავარყოფა „ჩაგრულთა“ მეცადინეობით და მათ ბატონთა ძლევამოსილი, შემშუსვრელი „თანასწორობის“ მახვილით, ფულით და მქადაგებელთა მჭერმეტყველობით შეერკინება ეროვნულ ცნობიერებას. მაშ, ვინ არიან „ჩაგრულნი“? მონათა და ვასალთა ბრბო.

არჩევნი დგას, ეროვნულის და უფლისმიერის მქილიკებელნი თუ ეროვნულის და უფლისმიერის დამცველნი?!

ყოველთა მთმენი თუ იქნები, სიცოცხლის ბოლო ჟამამდის მოგინევს ბრძოლა საკუთარი სამკვიდროს შესანარჩუნებლად. ერთობა არის ხსნა ერისა, რამეთუ მხოლოდ გათითოკაცებულ ძაღვულოვნებას, მარტოკაცობა შეინირავს და დაფერფლავს.

ნურც იფიქრებ, რომ შენი მოთმინებით სწორ გზაზე დააყენებ ან დააფიქრებ. ადამიანთა წესის უარმყოფელს თანაბრად თუ მიიჩნევ, ამით საფუძველს მისცემ რომ შენზე ამაღლდეს.

ბოროტთა მახვილი, ადამიანთა ფასეულობის დაცინვაა და ფარი, „ჩაგრულის ცრემლი“, რამეთუ პირველი, შეხედულებაა და მის საკუთრებას წარმოადგენს და ვერ წაართმევ, ხოლო „ცრემლი“, ჩაგრულის დამლა და მას ვერ აღხოცავ.

ვისწავლოთ მტრებისგან, რომ მოყვასი დავიცვათ.

ცხელ გულზე ნაფიქრი 3

— „თავისუფლება“, ამ ფენომენმა რიგ შემთხვევაში არსი დაკარგა, რადგან „ვაჭრობის“ თემად გადაიქცა მისი რაობა, მეტადრე მაშინ, როცა თავისუფლება „თავის უფლების“ მოქმედებას, რომელიც „მას მიაჩნიას“ პოზიციით ჩადენილ ავკაცობას, „თავის უფალის“ მრწამსითა ხსნიან. ასეთი „თავისუფლებების“ მეხოტბენი უმეტეს წილად სულიერ მარტოობაში დაღევენ ხოლმე სულს.

ჩვენი „მოძღვარნი“ გვიკიჟინებენ უცხოთა „ფასეულობებზე“ და ნუ დაგვაგინწყდება, რომ ჩვენში უცხოთა იდეოლოგია „ვაჭართა“ ფულით საზრდოობს, რომელთა პოლიტიკა მეტწილად ინტერესების და ფულის მიმოქცევით გამოწვეული ხმაურია მხოლოდ.

და რა ხდება ჩვენში? დემაგოგთა ბრბოები დათარეშობენ. დემაგოგია ხომ სულით წაწყვედილ ადამიანთა იარაღია. „ვაჭართა“ ფულით შუძენიანთ ყველაზე ავსულები კარიერისტები მავანთ და რად გვიკვირს თუ ასეთ კაცთა არსი საფულის სისქით განისაზღვრება და „პიროვნული ღირსება“, სალანძღავ სიტყვას წარმოადგენს. მლიქვნელნი არიან კარიერისტები და რევანშისტები. მათ ძალუდთ აიძულონ ხალხი საკუთარი, ეროვნულისადმი სიძულვილის „თანამედროვე და ფსევდოპროგრესულის“ მანტიით შემოსონ.

ავსულია კარიერისტი და დემაგოგიაა მათი იარაღი, ავანტიურისტებიც არიან ისინი, რადგან მხოლოდ ავანტიურისტს შეუძლია წამოიწიოს ომი საკუთარი ქვეყნის საზიანოდ. უღმერთობის მადიდებლებიც არიან „თავის უფალნი“, მათი ზნედაცემულობა მაშინ დაიწყო, როცა დამორჩილდნენ „უცხოთ“ მოძღვრებას, რომელიც თავად არ სწამდათ და ფულის და მდგომარეობის გამო უცხოთა „ღმერთებს“ მორჩილება გამოუცხადეს საკუთარის გადაგვარების ხარჯზე. მართლმადიდებლობასაც ებრძვიან ისინი. მართლმადიდებლობა მოყვასის სიყვარულით შესისხლხორცებული ჭეშმარიტებაა, კაცთმოძულენი რომ გაურბიან და ქილიკის ღვარძლს რომ ანთხევენ გზადაგზა.

დაფიქრდით ბატონებო, რადგან ქვეყნის წინაღმდეგ მომართულ ორატორს ჩურჩულით გაასვენებენ მლიქვნელნი, რადგან მლიქვნელის არსი საკუთარ ბატონზე გაბატონებაა.

ეროვნულის მაცაგებლის მიმართ ჰუმანური დამოკიდებულება იდეოლოგიურ ანარქიას უწყობს ხელს და მომავალი კნინდება. იქნებ ყურად იღოთ მარტივი ჭეშმარიტება, რომ თუ ეროვნულ მწერლობას ასპარეზს წაართმევთ, ეროვნული თვითშეგნების ამოძირკვას შეეწყობთ ხელს და თუ რაიმე ფასეული შეუქმნიათ ქართველთ, უცხონი დაინაწილებენ და მიისაკუთრებენ როგორც კუთვნილს. განა ეხლა არ არის ამის მცდელობა? დაეყრდენით ეროვნულს და მრავალი საუკუნის მანძილზე ცეცხლში და ღველფში გამობრძმედილ ქართულ მწერლობას, რადგან მხოლოდ მას შესწევს ძალა მხარი შეუდგას წამორძიკებულ ინტელიგენციას და აბჯრით შემოსოს დედა ეკლესია, უხვსიტყვა დემაგოგთა ქილიკს ამოფარებული კარიერისტთა, რევანშისტთა და „არს წართმეულთა“ ნასროლი ისრებისგან თავდასაცავად.

უფლისმიერი ქართული კულტურა ათეულობით საუკუნის მანძილზე გამოცდილი და შემოთავაზებული. „რევიზიონიზმი“ მხოლოდ ეროვნული საუნჯის დამხობაა — გაქილიკავენბას და უცხო-მდაბალის გაბატონებბას შეუნყობს ხელს.

ნუ იმედჰყოფთ საკუთარ თავს, რომ დემაგოგები და კარიერისტები საკუთარ თვალში დირე გაყრილნი სხვის თვალში ნამნამის ძებნაზე აიღებენ ხელს.

ცხელ გულზე ნაფიქრი 4

„თავისუფლება“ — შესანიშნავი სიტყვაა არა? და რაოდენ სამწუნხაროა, რომ ეს დიდი ფენომენი დღეს ყოველივე სანუკვარის, ხელთუქმნელის, ეროვნულის და სახელმწიფოებრივის ნგრევის იარაღად იქცა, თუ აქციეს. მეკამათებით? ნება თქვენია. ხშირად გაიგონებთ „ჩემი უფლებები ირღვევა“... მაშინ როცა უფლების დარღვევასთან კი არა, მოქალაქეობრივი და პიროვნული მოვალეობების შესრულების ვალდებულებასთან გვაქვს საქმე... „მე მინდა ვიყო თავისუფალი“, მერედა ვინ გიშლის? თავისუფალი სწავლა — ნიშნავს უცოდინრობას, თავისუფალი ქცევა — ნიშნავს უზრდელობას, თავისუფალი სექსი — ნიშნავს მეძაობას, თავისუფალი აზროვნება — ნიშნავს რეალობის მცდარ აღქმას, თავისუფალი სინდისი — ნიშნავს უსინდისობას.... კიდევ ჩამოვთვალო?

იცი თ ვინ იყო დღევანდელი გაგებით პირველი თავისუფალი ადამიანი კაცობრიობის ისტორიაში? ის იუდა ისკორიოტელი გახლდათ. ნუ გაიკვირვებთ ჩემს სიტყვებს, დიახ ის იყო პირველი..., რადგან განუდგა ღვთიურს და უფლისმიერი განაგდო, ეყმო ცრუ მოძღვართ და სინდისისგან განთავისუფლდა, აილო გასამრჯელო ღალატისთვის და ღირსებისგან განთავისუფლდა, დარჩა მარტო და ადამიანობისგან განთავისუფლდა, თავი მოიკლა და სხეულისაგან განთავისუფლდა, ხოლო სული ეშმაკს მიართვა, რადგან სასუფეველში წარსატანად არაფერი დარჩა.

ჩემო ძვირფასებო, მშობლებო თავად ხედავთ, რომ შვილები ბენვის ხიდზე შედგნენ და ყოველგვარი ჭეშმარიტის, უფლისმიერისგან

განთავისუფლების მცდელობა აამსუბუქებს და უფსკრულში გადაჩეხავს მათ. ეხლა „შვილო შემოგველეს“ დრო არ არის. თაობა ილუპება ვირუსად თავს მოხვეული იდეოლოგიების და ჩამოფასებული გარყვნილი „ფასეულობების“ გამო, რომელსაც ისტორიულ სანაგვეზეც კი არ „ჩაიბარებენ“ უკიდურესი მავნებლობის გამო.

მშობლებო! ეხლა „მამების და შვილების დაპირისპირება“ არ არის, არც თაობათა შეხედულებების „ბრძოლა“ წინა პლანზე, ეხლა ეროვნული თვითშეგნების, ოჯახის ღირსების, სარწმუნოების სინმინდის, სახელმწიფოებრივი სიამაყის შენარჩუნებისთვის მიმდინარეობს ბრძოლა. ნუ დავუშვებთ, რომ თქვენი შვილები სხვათა პოლიტიკური ამბიციებისთვის და „საზოგადოებრივი ექსპერიმენტებისთვის“ საზარბაზნე ხორცად გამოიყენონ ზნედაცემულთა ურდოებმა.

შეეხიდეთ და დაიცავით თქვენი შვილების ღირსეული ეროვნული მომავალი.

უღვთო მოძღვარი

ღღე პირველი

— თქვენ „უღვთო მოძღვარს“ გეძახიან. იქნებ მითხრათ, რატომ შეგარქვეს ასეთი სახელი? ღმერთი არ გწამთ?

— კი, მწამს, მაგრამ ჩემი საქმიანობიდან გამომდინარე და „ჩემი“ ღირებულებების დამცველი „ქურუმის“ კვალობაზე ღმერთის და საერთოდ რელიგიის ადგილი „ჩემში“ აღარ დარჩა....

— რისი გწამთ?

— ღმერთის...

— კი, მაგრამ თუ კი მისი ადგილი თქვენში აღარ დარჩა?

— ყველაზე თავგადაკულულ ათეისტსაც სწამს ღმერთის, უბრალოდ რელიგია ინტერესთა კომფლიქტს წარმოადგენს ყოფიერებასთან მიმართებაში.

— გამოდის, რომ მორწმუნე ბრძანდებით და მაღავთ?

— ხო, ასეა, ეს ჩემი სამუშაოა...

— ვერ მივხვდი...

— ვებრძოლო იმას რაც მწამს და განვაავითარო ის, რისთვისაც მიხდინან...

— რისთვის გიხდინან? რა სამუშაოს ასრულებთ ასეთი რუდუნებით?

— ჩვენ საზოგადოების პროგრესს ვემსახურებით, რომელსაც საბოლოო ჯამში ნებაყოფლობით მივყევართ ჩვენივე გაჭედილ ბორკილამდე.

— გთხოვთ, მომიყევით თქვენი საქმიანობის შესახებ...

მოდლვარი ჩაფიქრდა და მცირე დუმილის შემდეგ დასძინა:

— მე ყოველ დღე შემიძლია ათი წუთი დაგიტომოთ და გესაუბროთ...

— და მე შემიძლია შეკითხვებიც დაგისვათ?

— ბუნებრივია...

— მაღლობთ, პირველ შეკითხვას დაგისვამთ, რა წარმოადგენს თქვენი მოღვაწეობის ძირითად თემას?

— მოუმზადებელი ხარ მეგობარო, ჯერ პატარა ექსკურსია მინდა შემოგთავაზო. ჩვენი ყოფა რამდენიმე ნაწილად დავყოთ და ისე გავაანალიზოთ დღევანდელით. ჩვენს სამყაროს ოთხი ფენომენი განაგებს. ესენია ნაციონალიზმი, ინტერნაციონალიზმი, შოვინიზმი და კოსმოპოლიტიზმი. ნაციონალიზმი, ეროვნული, ნაციონალური ნიშნით ყალიბდება და მას ერის ისტორია, მენტალიტეტი და ტრადიცია განსაზღვრავს. არ იფიქრო, რომ ნაციონალიზმი ერთგვარია, ნაციონალიზმის ძირითად ელემენტს ნაციონალური (ეროვნული) იდეოლოგია წარმოადგენს, რომელიც თავის მხრივ რელიგიაზეა დაყრდნობილი და მიუხედავად ეროვნული ცნობიერების განვითარებისა უხვად შეიცავს რელიგიურ დოგმებს. ეს ფაქტორი უმეტეს შემთხვევაში ერის სიძლიერის და შიდა ეროვნული კონსოლიდაციის მძლავრი მუხტის მატარებელია, მაგრამ არის გარეშე ფაქტორებიც, რომლებიც ქვეყნის საზიანოდაა მიმართული. კერძოდ, ქვეყანაში სადაც ნაციონალიზმი, ანუ ეროვნული ფაქტორი მტკიცეა გარეშე ძალისთვის ქვეყანაში გავლენის (მიუხედავად იმისა რა სახის გავლენაზეა საუბარი) მოსაპოვებლად სერიოზულ სირთულეს წარმოადგენს, ამიტომ „პირველ დამრტყმელ“ ძალად ინტერნაციონალიზმი მოგვევლინება, რომელიც სოციალიზმის მახინჯი ფორმით „მიენოდება“ საზოგადოებას. ინტერ-

ნაციონალიზმი სხვა და სხვა ეროვნების ადამიანების თანაცხოვრების და ურთიერთშემწყნარებლობის ფილოსოფიაა, მას საფუძვლად უდევს მოქალაქეთა თანასწორუფლებიანობა. შესაბამისად სხვა ერები ქვეყნის დომინანტ ერთან მიმართებაში თანასწორუფლებიანი ხდება და დომინანტი ერის ეროვნული ჰეგემონია მეორე პლანზე გადადის. ინტერნაციონალიზმს ერთი „განსაკუთრებული ფასეულობა“ გააჩნია, ეს სხვა ეროვნებების მიმართ „გულმონყალება“ და ერთგვარი პრივილეგია, რაც საშუალებას აძლევს გარეშე ძალას მისთვის სასურველი ქვეყანას იდეოლოგიურ ბერკეტებზე ზეგავლენა მოიპოვოს, თუმცა სხვა მეთოდებიც არსებობს. შესაბამისად ინტერნაციონალიზმით ირღვევა ქვეყნის ეროვნული და იდეოლოგიური ნაციონალური ჰეგემონია. შედეგად ქვეყანა „რბილდება“.

იმისთვის, რომ ჰეგემონი ერის ეროვნული თვითშეგნება შეირყეს ან დაინგრეს, იყენებენ საკმაოდ აგრესიულ მექანიზმს, მას „შოვინიზმი“ ჰქვია. შოვინიზმი ძირითადად ორი სახის არსებობს, ეროვნული (ნაციონალური) და სახელმწიფოებრივი (გეოპოლიტიკური). შოვინიზმის ორივე სახეს ერთი „მისია“ აკისრია, ეს არი შიდა სახელმწიფოებრივი რღვევა, იდეოლოგიური ბარიერების მოშლა და რადიკალიზმის დამკვიდრებაა. რაც შეეხება გეოპოლიტიკას, ეს სახელმწიფოების მიერ ქვეყნების „საკუთარ“ წიაღში ადგილის მიჩენას გულისხმობს. ერის და ეროვნული „შოვინიზმის“ პერიოდში, სასურველი ქვეყნის ტერიტორიების მიტაცებას, ან მითვისებას, ან გავლენის აბსულტურ მონოპოლიზებას აქვს ადგილი და რაიმე „ფასეულობები“ მეორე ხარისხოვანია.

შემდეგ მოდის მისი უდიდუფესობა „კოსმოპოლიტიზმი“. კოსმოპოლიტიზმი „სამყაროს მოქალაქეობას“ ნიშნავს და შესაბამისად რაიმე ეროვნულს, ნაციონალურს და თვითდემოფადს გამორიცხავს. ყველასთვის არსებობს მხოლოდ ერთი კანონი, ყველასთვის იარსებებს მხოლოდ ერთი სახელმწიფო და უფლება, იყო ამ სამყაროს მოქალაქე. კოსმოპოლიტიზმი საკმაოდ მოქნილი იდეოლოგიური მანქანაა და ის თავსებადია ნაციონალურ, ინტერნაციონალურ და შოვინისტურ იდეოლოგიებთან. კერძოდ „ნაციონალიზმს“ ერგება როგორც ერთიანობის იდეოლოგიის მაკინებელი, ასე ვთქვათ ერთიანი ეროვნული იდეოლოგიის ერთგვარ დანამატს წარმოადგენს, რომელიც სხვა ერებისადმი „ქედმაღალ შემწყნარებლობად“ გვევლინება.

ინტერნაციონალიზმის პერიოდში ერთა შორის ზღვარს შლის და ეროვნული ფასეულობების ნივილირებას გულისხმობს ზოგადსაკაცობრიო ღირებულებებთან. ამ პერიოდში პატრიოტიზმი ერთეულთა ხვედრია და საერო ერთსულოვნებისკენ მათი მეცადინეობა ინტერნაციონალიზმის იდეოლოგიაში ითქვიფება და საბოლოოდ „ულტრა ლიბერალიზმის“ ლუკმა ხდება.

შოვინიზმი ეს გრანდიოზულია, შიდა სახელმწიფოებრივი შოვინიზმი ერთა შორის კომფლიქტს წარმოქმნის, რასაც სახელმწიფო რღვევისკენ მიჰყავს, ხოლო გეოპოლიტიკურ ანუ სახელმწიფო შოვინიზმს, მეგა სახელწიფოების გავლენის სფეროების ზრდისკენ მივყევართ. ამ დროს მსხვერპლს მხოლოდ სტატისტიკური ღირებულება გააჩნია.

და ბოლოს კოსმოპოლიტიზმი ერთ პოლუსიანი მართვის სისტემაა. გარდა საერთო კანონებისა და მსოფლიო მოქალაქეობისა, აქვს კიდევ ერთი მახასიათებელი, „რელიგიათა შერწყმა“, ერთიანი რელიგიის შესაქმნელად, რადგან „რწმენა“ ადამიანის არსში დევს და მის გარეშე კაცობრიობის კონტროლი შეუძლებელია.

- იცით, თითქოს ყველაფერი გავიგე, მაგრამ საერთო ჯამში...
- ...ვერაფერი ვერ გაიგეთ...
- დიახ...
- ხვალ მოზრძანდით და ყველაფერს ეტაპობრივად აგიხსნით...
- შევთანხმდით... მაღლობთ...
- ნახვამდის... ხვალამდე.

დღე მეორე

... ნაციონალურის, ანუ ეროვნულის კლასიკური გაგებისგან მოდი თავი შევიკავოთ და მისი თეორიები მხოლოდ მაშინ გამოვიყენოთ როცა საჭიროდ ჩავთვლით. აი, შენ, ქართველი ხარ და იცი რას ნიშნავს ქართველობა? მოდი რელიგიას, ისტორიულ პიროვნებებს და ზოგად საკაცობრიო მისიებს თავი დავანებოთ, სხვა რაკურსით შევხედოთ თემას. ადამიანის ეროვნებას მარტო წარმომავლობა არ განსაზღვრავს. დაუკვირდი უცხოეთში მცხოვრებ ქართველებს. ეროვნებას მხოლოდ ერთი, მაქსიმუმ ორი თაობა ინარჩუნებს და შემდეგ სხვა ერის და სხვა კულტურის კუთვნილება ხდება, მხოლოდ გვარი

რჩება მისი რეალური წარმომავლობის დამადასტურებლ ელემენტად. იცი რატომ ხდება ასე? იმიტომ რომ ენას კარგავთ. კარგავთ თქვენ „ფესვებთან“ საკომუნიკაციო საშუალებას და უცხოვდებით. ქვეყნის გარეთ და ქვეყნის შიგნით ერთი ერის ნაციონალურ ერთიანობას ენა განსაზღვრავს, მიუხედავად რელიგიური მრწამსისა და აღმსარებლობისა, ეროვნული იდეოლოგია და საერთო ისტორიული ფასეულობები „ენის“ მეშვეობით მტკიცდება. იცოდეთ, ერის ნაბილწვა, ენის ნაბილწვით იწყება. დააკვირდი როგორ მეტყველებენ ორატორები და ცნობადი სახეების უმრავლესობა. მათი სასაუბრო ენა „ქართული“ არ არის. კი, გაიგებ რისი თქმა სურთ, ან უარეს შემთხვევაში შინაარს მაინც გაიგებ. საკუთარი აზრის გამოხატვაც კი არ შეუძლიათ სრულყოფილად. ჩემო მეგობარო, „ენის“ ღირსების მსაზღვრელი ერის დამოკიდებულებაა საკუთარი კულტურისადმი, თქვენი კულტურა, ისტორია და ეროვნული რაობა „ენით“ იწყება და თუ მას ნაბილწავთ, ყველაფერი დანარჩენი მხოლოდ ისტორიულ კუთვნილებად იქცევა, ან „კეთილ მოგონებების“ რიგს განეკუთვნება. არც თქვენი ლიტერატურაა წელში გამართული, არა იმიტომ, რომ თქვენი მწერლები და პოეტები ცუდად წერენ, არამედ მავანნი, პოპულარული „მოღვაწეთაგანნი“, იმას არ წერენ რაც ნაციონალურს განავითარებს და ეროვნულის აღზევებას შეუწყობს ხელს...

ჩვენ ვეძებთ და ვპოულობთ განათლებულ, ამავე დროს „იაფ“ მოღვაწეებს, მათ პოპულარობას ჩვენ ვუნწყობთ ხელს (აღბათ პოპულარობა ხმამაღლა ნათქვამია), ეს ხალხი წერს, ჰქმნის ისეთ ნაწარმოებებს, რომელიც თქვენს სანუკვარს აკნინებს. წარმოიდგინე მწერალი, პოეტი, მსახიობი, რეჟისორი, მუსიკოსი, პოლიტიკოსი ან საზოგადო მოღვაწე, რომელიც ეროვნულს არ იზიარებს, ან ნაკლებად იზიარებს... კი არ აგინებს, არც ლანძღავს, არამედ არ „გთავაზობს“ და იცი ეს ფაქტორი რას იწვევს? „უცხო სადმი“ შეგუებას და „ეროვნულისადმი“ გადაჩვევას. დააკვირდით თქვენს ხასიათს, თქვენ უკვე შემგუებლები გახდით და ჩვენ ეს ხელს გვაძლევს, რათა ვიბატონოთ, ხოლო თქვენ, ნაციონალურს მხოლოდ სუფრაზე, ლამაზ-ლამაზ სადღეგრძელოებში თუ გაიხსენებთ და ფუთიანი ყანწებით შესვამთ ყოველივე ქართულის სადღეგრძელოს. მეცოდებით, რადგან ეროვნული სიამაყე ჩვენს მიერ შემოთავაზებულ „გართობაზე“ და „მოუზე“ გაც-

ვალეთ. „პრიმიტიზმი“ ეს არის ჩვენი შემოთავაზება, მას არც ფსიქოლოგიური „ჩხრეკა“ სჭირდება და არც გულდინჯი აზროვნება. ჩვენ „არაფერს“ გთავაზობთ და ამ „არაფერს“, თქვენ თავად სთავაზობთ ალტკინებულნი საკუთარ ღირსებას და ყოველივე ეროვნულს. მეტყვი ალბათ, ჩვენი ნაციონალური, ხალხური სიმღერებიო, ჩვენი პოლიფონიაო, ჩვენი დიადი მეცნიერები, მსახიობები, მწერლები, პოლიტიკოსები, გამომგონებლები, სამხედრო ისტორიასაც მოიშველიებ ალბათ და მეც დაგეთანხმები, მაგრამ შენი შვილიშვილი სასაუბროდ ჩვენს მიერ შეთავაზებული „ფასეულობებით“ ისაუბრებს, რადგან ნაციონალური, „სამუზეუმო ექსპონატად“ გარდაიქმნება მხოლოდ. მე მოვრჩი. ხვალ ნაციონალიზმის დოგმებზე ვისაუბროთ, არა, ფილოსოფიურად, არამედ სტანდარტულად, რათა გაიგო...

— მოძღვარო, დღევანდელი საუბარი უფრო სხვაგვარად წარმომედგინა...

— სხვაგვარად? ალბათ როგორც აღმზრდელსა და აღსაზრდელს შორის ხდება ხოლმე, ხომ? მე... მე ჩემი გითხარი... თუმცა ესეც, „შეაყარე კედელს ცერცვი“, უფრო ხმამაღლა ნათქვამი იქნება... ვიდრე... ახლა წადი და ხვალ ისევ ამ დროს შევხვდეთ...

— ნახვამდის მოძღვარო.

— ნახვამდის...

სახლში მივედი. ტელევიზორი ჩავრთე. ვუყურებდი საინფორმაციო ბლოკს და იცი რამ გამაოცა, თურმე ვილაც სტუმარი ჩამოსულა, პრემიერ მინისტრს შეხვედრია, რაზე ისაუბრეს კაციშვილმა არ იცის და კორესპოდენტმა ამის სათქმელად ათჯერ გამოიყენა სიტყვა „ანუ“ და წინადადება წინადადებას ვერ გადააბა, „და მოკლედ“, ცხრაჯერ გაიმეორა სიტყვათა მარაგის არმქონემ. მართალი იყო მოძღვარი, პრიმიტიზმი გვიტევს და ჩვენც ვნებდებით(?). ტელევიზორი გამოვრთე. ქართული ზღაპრების წიგნი ავიღე და გულდასმით დავინწყე კითხვა.

დღე მისამი

... ხო, ჩემო მეგობარო, ბევრი შეგვიძლია ვისაუბროთ დიად თემებზე მაგრამ, ქართველების „ინტერნაციონალისტურ ტრფიალს“,

სხვა ერების შოვინიზმში გაძლიერება და შემდგომ მათი აღიარება მოჰყვა. მეკამათები? ნაციონალიზმი ეროვნულის დაცვაა, ხოლო ინტენაციონალიზმი, საერთაშორისო ასპარეზზე ეროვნულის უფლებების დაცვა. ჩვენთვის ორივე ფენომენი მიუღებელია და თუ საქმე დავას ეხება, ეს კომფლიქტები, შეხედულებათა ჭიდილი, მხარეები... ეს ჩვენთვის მხოლოდ დაკვირვების და შემდგომი მოქმედების საგანია. თუ კი შოვინიზმს მისცემ გასაქანს, ერთა შორის ბრძოლა, ნაციონალურ ინტერესებს შეინიარავს და ინტერნაციონალურ ასპარეზზე ეროვნულ თვითშეგნებას ლოიალურს გახდის. შესაბამისად საერთაშორისო, ესეიგი ჩვენი კანონები განსაზღვრავენ „დღის წესრიგს“. ხშირად დიდი რეფორმატორები, „პატრიოტების“ სტატუსით სარგებლობენ და თანამედროვე ცხოვრებაში რეფორმატორი კოსმოპოლიტიზმის იდეებით სულდგმულობს. საინტერესო იცი კიდე რა არის? ის, რომ შოვინისტები, რომლებიც სხვა ერების უფლებებს უარყოფენ კოსმოპოლიტიზმის „იარაღს“ წარმოადგენენ. რადგან მხოლოდ ერთა და სახელმწიფოთა კომფლიქტი ინვევს დამატებით მხარეთა ჩართულობას და შესაძლებელია ომსაც. ეს კი მისაღებია, რადგან რაც მეტია კომფლიქტში მონაწილე მხარე, მით მეტია საერთაშორისო კანონების გამოყენების აუცილებლობა, მაშასადამე აქაც ჩვენ გამოვდივართ ასპარეზზე. თუმცა არსებობს სახელმწიფოთაშორისო ინტერესთა კოფლიქტი, მნიშვნელობა არა აქვს როგორი სახით ხდება მხარეების ჩართვა „პოლიტიკურ ბატალიებში“, მთავარია, რომ რომელიმე მხარე სუსტდება... გამოსავალი ისევ საერთაშორისო სამართალია. საერთაშორისო სამართალი კი ჩვენი კანონებია და მსოფლიო მიეჩვენა მას, შესაბამისად „ადგილობრივი“ კანონები საჭირო აღარ იქნება. ეს უფრო დიდი თემაა და ეხლა ამისთვის მზად არა ვარ.

რაც შეგეხებათ თქვენ, ქართველებს, საკუთარი უფლებებს, საკუთარ ქვეყანაში ვერ იცავთ და ეროვნულის შელახვას მოთმინებით იტანთ და იცით ეს რას ნიშნავს?

ნაციონალურისთვის, ეროვნულისთვის სასიკვდილო განაჩენის გამოტანას. ინტერნაციონალისტებიც მხოლოდ ჩვენ ვართ, ჩვენ ვართ მებაირაღენი მსოფლიოში და ერებისთვის მათი საკუთარი, ეროვნული სინმინდეების გათელვის ხარჯზე რომ დავამყაროთ მშვიდობა და შევქმნათ ერთიანი მსოფლიოს მოქალაქეთა უფლებათა კანონები...

— თქვენ უღვთო მოძღვარი კი არა ნამდვილი ნაძირალა ბრძანდებით.

აღმომხდა გაბრაზებულს.

— ჭაბუკო! თქვენი „დედა ენა“ ნაგიკითხავთ?

— არა...

— ხოდა წაიკითხე... ისტორიის სახელმძღვანელოს წაკითხვაც არ დაგავიწყდეს... დასკვნები მერე გამოიტანე. ჩვენი ძლიერება თქვენი ზნედაცემულობის ხარჯზე იკრებს ძალას. მშვიდობით მეგობარო.

უცნობი — ნაცნობი

ტელევიზორი გამოვრთე. გადაცემამ განსაკუთრებული გრძნობა გაამეფა ჩემში. არ დავმალავ, უიმედობამ შემომიტია. ჩემს მეგობარს გადავხედე, დივანზე ჩამომჯდარიყო და ვეება ტორებში ჩაემალა სახე. მდუმარედ შემომხედა. მის თვალებში გაოცება ან..., არა, კითხვებზე პასუხის მომლოდინე კაცი დავინახე. მან წყალი მოსვა. ერთ ხანს მდუმარენი ვისხედით. ნანახს ვაანალიზებდით... დუმილი ჩემმა მეგობარმა დაარღვია...

— რა გვჭირს გიორგი?

— რა გვჭირს? ყოველგვარი ეროვნულისთვის ტალახის სროლა, თავანუელი მონების და ვასლების ერთ-ერთი საშუალებაა ერთგულეობა დაუმტკიცონ საკუთარ „უცხო ბატონს“...

— გიორგი, როცა საერო ცხოვრებაზე უარი ვთქვი და სასულიერო ცხოვრება ავირჩიე, დღეს მორჩილებაში მყოფმა, ეკლესიურ მოვალეობად ქვეყნისა და ერის სამსახური დავისახე მიზნად, დღესაც „აქა ვდგევარ“. იცი რა მაოცებს, რომ დღეს გარეშე ბატონის ნებით „გაიცემა ნებართვა“ ერისკაცობაზე და პატრიოტიზმზე...

— მთლად მასე არაა მეგობარო...

მეგობარს გაელიმა.

— გიორგი, ჩვენში ცხვრებზე მეტი მწყემსია, მწყემსს კი ქოფაკთა ჯოგი ახლავს თან და ამიტომაც არ წყდება გნიასი, მგელი კი უდრტვიწველად იტაცებს ცხვარს...

— მწყემსიო ახსენე, ისინი ვინც „მწყემსობისთვის“ იბრძვის ხშირ შემთხვევაში მედროვენი არიან და მათთვის სულერთია ვის ემსახურება, მხოლოდ ფულს და მდგომარეობას აქვს მათთვის მნიშვნელობა.

— გეთანხმები. აგერ, უყურებთ ჩვენ განმანათლებელთ, თუ როგორ ცდილობენ თაობების აღზრდას „უცხო“ მეთოდებით, ნამუსის ქუდი სურთ რომ მოხადონ ვაჟებს და მანდელი გაათელინონ ასულთ, ადამიანის სულიერი სამყარო ბავშვობაში თუ დამახინჯდა მისგან „პიროვნებას“ ნულარ ელი. ალბათ ესეცაა მიზანი... ჩვენში „დაბოლების“ პოლიტიკა მეფობს რადგან „ეროვნული ცეცხლი“ ბჟუტავს გიორგი.

— ასეა, სამწუხაროდ ასეა...

— მერე, შენ რას შვრები? „მწერალი ვარო“ იძახი, თავიც მოგწონს ალბათ, ხიბლში ხომ არ ჩავარდი მეგობარო?

— არა, ჩვენც ვიბრძვით, მხოლოდ ასპარეზი დაგვიმოკლეს ფრიად... მე და ჩემნაირები „მასოვკაში“ მოგვაქციეს და ალბათ შესაფერის დროს ელიან, ჩვენზე, „ეშმაკებზე“ ნადირობის სეზონი რომ გამოაცხადონ.

— ხოოოო...

— დღევანდელია ლომების წინაღამდეგ ამხედრებულ ცხოველთა ბრძოლას ნააგავს შემდგომ ტურები რომ გამეფდნენ, რამეთუ ტურები ბევრნი არიან...

— კარგი ნათქვამია „ლომო“... იმ კაცზე რას მეტყვი...

— რა გითხრა? საქართველოში ვინც ფულის დაგროვება ისწავლა ხელმოცარულნი ასწავლიან ანგარიშს...

მეგობარმა გადაიხარხარა.

— კარგი ნათქვამია გიორგი. გამიგია ძალი ძვალთ რომ სცემო არ ეწყინებო, მაგრამ ძაღლების მეგობრობა მათთვის ერთი გადაგდებული ძვალთ მთავრდება იცოდე. ჩვენ კიდევ ერთი ჭირი გვჭირს გიორგი, ინტელიგენციის მნიშვნელოვანი ნაწილი ვერ გარკვეულა რომელ ნაპირზე დადგეს და „უარმყოფელი“ მდინარე იტაცებს მათ... გიორგი, ამდენი ხანია სამწერლო ასპარეზზე ხარ გამოსული და რომელიმე პრემიის ლაურიატი თუ გამხდარხარ როდისმე?

— კი (გამელიმა მე) „უსახელო პრემიის“ ლაურიატი ვარ, ისე როგორც ბევრი სხვა...

— სადღაც წავიკითხე, „უარყოფა მათი წესია ვისაც შექმნა არ შეუძლიაო“.

— ალბათ, ასეა... ასეა...

— კომფერენცია რომელ საათზეა დაგეგმილი?

— შვიდ საათზე დაიწყება...

— რომ დავესწრო ხომ არ გეწყინება?

— არა...

— მინდა დავესწრო და... შენ არ მიცნობ, მე არ გიცნობ...

— როგორც ინებებ...

კონფერენცია მწვავე დებატებში გადაიზარდა. ქვეყანაში მცხოვრებ უმცირესობათა უფლებებს იცავდნენ მავანნი, მავანნი ქვეყნის ტრადიციების რევიზიას სთავაზობდნენ საზოგადოებას, თავისუფლების „მეხოტბენი“, „სიტყვათა ბაირაღს“ დააგელვებდნენ აზრთა ჭიდილის ქარიშხალში. „... თავისუფლება...“, თემა დათარეშობდა კიდით კიდემდე. დავაკვირდი, „ვიღაც უცნობი“ ბერის ჩოხაში გამონწყობილი დაიძრა ტრიბუნისკენ, სხვები თითქოს ვერც ამჩნევდნენ მის არსებობას. დაუბრკოლებლად მიუახლოვდა ტრიბუნას და მიკროფონზე თითით დააკაკუნა, დინამიკებმაც უცნაური ბოხი ხმით უპასუხეს „უცნობს“. დარბაზი დადუმდა, მრავალი წყვილი თვალი ინტერესით შესცქეროდა... — გისმენთ თქვენ და მიკვირს უმეცრება სწავლულთა, რამეთუ გონება თქვენი არს არა მსახურად ერისა, არამედ მსახური „უცხოთა“, რომელთაც ინვევთ ბატონად რაითა ეყმით. მე მინდა გკითხოთ თქვენ, გინახავთ კი სასონართმეული, მინა წართმეული, გასხვისებულ სამშობლოში თავისუფალი ყმა? რატომ თლით უღელს ქედზე დასადებად, როცა არავინ გთხოვთ ამას? რისთვის გსურთ სხვისი „უბადრუკი“, საკუთარი საუნჯის სანაცვლოდ? რატომ უარყოფთ წესს უფლისმიერს დედაკაცისას და მამაკაცისას ასე უზნეოდ? სხვის მიერ ნაბოძები „მონური თავისუფლების“ სანაცვლოდ, რად გსურთ განისყიდოთ უფლება იყოთ პატრონი საკუთარი მიწისა, ცისა და ქვეყნისა? რაოდენ დაცვით თქვენ. პასუხს რას აძლევთ შვილთა თქვენთა, შთამომავალთა თქვენთა, რამეთუ ხიბლის სიბილწით საუკუნო მონობის უღელს უმზადებთ მოყვასს ერისას. ემიგრანტები უცხოეთში სათვისტომოებს ჰქმნიან რათა არ დაკარგონ ქართველობა, თქვენ? ზნედაცემული ფიქრით და უცხოთა მსტოვრობით და მათ მიერი საქმით,

საკუთარ მინაზე გადაიქცევიტ ემიგრანტებად და ალბათ დიასპორებსაც შეჰქმნით, „ვაჰ დრონი დრონი“-თ, ცრემლით იგლოვებთ სამშოლოში სამშობლოსთან გაუცხოვებას... დაფიქრდით, დაფიქრდით, დაფიქრდით...

„უცნობმა“ ლაპარაკი შესწყვიტა, ერთი გადმოგვხედა მკაცრი თვალებით, ალბათ უფრო სევდით ან... მობრუნდა და დარბაზის გასასვლელისკენ გაემართა. დარბაზის კართან ისევ შეჩერდა, ხალხს გადახედა და წარმოსთქვა „მონობის მოტრფიალე მეცნიერი“. გარეთ გავიდა და კარი მიიხურა.

რამდენიმე წუთში მობილურ ტელეფონში შეტყობინება მივიღე:

„ნათქვამია. „ადამიანებს საკუთარი ღირსების შესაბამისი მსხვერპლის გაღება უნევთ“. დაფიქრდით...“

ჩემი ცხოვრების პატარა ისტორიები

ისტორია პირველი

მაშინ მხოლოდ მეხუთე კლასში ვიყავი. გუგულივით ჩემს გულში რომ დაიდო ბინა პირველმა საოცარმა მონატრებამ, ერთი გოგო მენატრებოდა, დიდი ბრდღვიალა თვალები ჰქონდა, მრგვალი პირისახე, ცოტათი გაბუტული ტუჩები და ხანდახან მოწყენილი ანგელოზური მზერა. ყოველთვის ცდილობდა სერიოზული ყოფილიყო. იყო კიდევაც... ის ფრიადოსანი და კლასში გამორჩეული მონაფე იყო. ვბორგავდი, რა მინდადა მე თვითონ არ ვიცოდი. ან ეს დაუძღველი წყურვილი, კიდევ ერთხელ მეხილა, რას ნიშნავდა? შავი „ლაკის“ ფეხსაცმელს იცვამდა უმეტესად, აი „პრიაჟკიანს“ რომ უწოდებდნენ თუ გახსოვთ? მუქი ლურჯი კაბა ემოსა ასულს, ორი ზოლი მიჰყვებოდა კაბის კიდეში, ერთი, ნათელი მოყვითალო ფერის იყო და მეორე, წითელი. პერანგი თეთრი, ქათქათა, როგორც თავად იყო ასული. წინ, მკერდზე და საყელოზე დაქარგული მაქმანები განუმეორებელ მშვენიერებას ჰმატებდნენ ჩემთვის ისედაც იგავ-მიუწვდომელ ასულს. მუსიკაზე დადიოდა ჩვენს სკოლაში არსებულ მუსიკაურ შვიდწლედში. ჩემთვის მისი კიდევ ერთხელ ხილვა თავიდან დაბადების ტოლფასი იყო და მეც ასე ამოვყავი თავი იმ საფორტეპიანო კლასში, თავს

აღარ შეგანწყენთ ჩემი მუსიკალური „წარმატებების“ შესახებ მოყოლით, მხოლოდ იმას დავსძენ, რომ სასკოლო „კონცერტზე“ მე და მას ერთად უნდა დაგვეკრა კომპოზიტორ კაბალევსკის რალაც მელოდია, მერე იცით რა მოხდა... როცა ვუკრავდით, ის მთელი არსებით მუსიკაზე და კლავიშებზე იყო კონცენტრირებული, მე კი მას ვუყურებდი და ღმერთმა იცის რას ვუკრავდი. „ეს ბიჭი შეყვარებულია“, უტყუარი დიაგნოზი დამისვა დამსწრე საზოგადოებამ. „ის“ გამიბრაზდა, „ცუდი ბიჭი ხარ, აღარ გელაპარაკებო“ მითხრა და „პაკაპუკით“ გაიქცა დედამისისკენ. თვალზე ცრემლები მარგალიტებივით ეკიდა და წამწამები „მარგალიტის“ მძივებით იყო მოოჭვილი სრულიად. თავის მოკვლა მინდოდა, ვერც ბოდიში მოვუხადე... დედამ სახლში სულ საყვედურებით წამომიყვანა, „შენი გულისთვის ბავშვი რა დღეში ჩავარდაო“... ეს ამბავი 38 წლის წინ მოხდა.

ისტორია მეორე

მერვე კლასში ვიყავი, გადამრია ამ გოგომ. ძმურად გეტყვით, ისე შემოგხედავდა და მერე ღიმილსაც ისეთი ეშხით მომაფრქვევდა ტანში ჟრუანტელი ტორნადოსავით დამირბენდა ხოლმე. უარს ვერ ეტყოდი თხოვნაზე, გაგებუტებოდა და კუპრით შავი თვალებით ისეთი სევდით მოგაცქერდებოდა რომ... რომ ეთქვა კლდიდან გადავარდიო ყველაზე მაღალ კლდეს ავირჩევდი უცილოდ. მაშინ რაგბზე დავდიოდი. აწყვეტილი ბულასავით ვიყავი. ჩემს მეგობრებს ვუთხარი: „მე ის მიყვარს... სიგიჟემდე მიყვარს... იცით რა მითხრეს ამ ტუტუცებმა? ბიჭო შენ სულ გადაირიე? ეს ანგელოზივით გოგო გინდა გადარიო?! შენისთანა ტირანის ხელში გინდა დააჭნო ეს მშვენიერებაო“, გადავირიე კაცი. ისეთი სიტყვებით „დამახასიათეს“, კინალამ „მასთან“ მივედი და სიყვარულისთვის ბოდიში მოვუხადე. მეთქვა „მისთვის“?... ეგება და ჰაააა...

დიდხანს ვებრძოდი თავს... საოცარი ის იყო რომ მან ყველაფერი იცოდა და... ეჰ...

ისტორია მსაგამ

მართლა მიყვარდა... მთელი გულით და აქაც ფიასკო. ბიჭებმა მითხრეს ჩვენს ძმაკაცზე, „ჭკუაზე არ არისო, ისე უყვარსო“. მერე... თურმე მასაც მოსწონდა... ამ გოგოს გულისთვის რამდენჯერმე გულჯიგრიანადაც ვიჩხუბე ჩემი ძმაკაცის მაგივრად. მერე... და მერე... სკოლა რომ დავამთავრეთ გათხოვდა. სხვა, ცოტათი ჩვენზე უფროს ჩვენივე სკოლელს გაჰყვა ცოლად.

ისტორია მეომხა

მიყვარდა... ჩემი სირცხვილეულობით ჯიგარი მენვოდა, თქმას ვერ ვბედავდი და ერთხელაც კლასში გაკვეთილების მერე მივედი და ვუთხარი:

— რაღაც მინდა გთხოვო და უარი არ მითხრა.

— რა გინდა?

უფუხუნ თვალები ისე შემომაცეცა კინალამ დავიბენი.

— შენ ყველაზე მაგარი ხარ ქართულში და გთხოვ, ერთ გოგოს სიყვარული მინდა ავუხსნა და... მოდი ვითომ შენ „ისა“ ხარ და... მოკლედ მითხარი როგორ სჯობია..

— კარგი, დაიწყე...

მთელი სერიოზულობით მითხრა მან.

საქმე იმაში მდგომარეობდა ჩემო ძვირფასებო, რომ მთელი კლასი ჩვენ შემოგვეყურებდა გასუსული და მეც დავიწყე... ვერ გეტყვით საიდან მოდიოდა ეს სიტყვები, ან ამდენი ემოცია როდის დაგროვდა ჩემში, რომ ფინალურ მომენტში მოვეხვიე და ვაკოცე...

— კარგი იყო, დამაჯერებელი და ემოციური, მაგრამ კოცნა ნამდვილ დათვურ დატორვას უფრო ჰგავდა, ვიდრე ალერსს, მე გეტყვი, მუხლი მოიყარე და ხელზე ემთხვიე იმ გოგოს.

დამარიგა ჭკუა...

მეც მუხლი მოვიყარე და ხელზე ვემთხვიე.

— ბიჭო! მე კი არა, იმ გოგოს, ვინც შენ გიყვარს.

მონყალე ღიმილთ განმიგმირა გული.

— ვერაფერს მიხვდი?

ვკითხე თითქმის მუდარით.

ის შეცბა. გაკვირვებული თვალებით მიმზერდა და მითხრა:

— გოგიტა, ეს სპექტაკლი საჭირო არ იყო, ვიცი რომ გიყვარვარ...
კარგი ბიჭი ხარ... მაღლობთ....

მერე თითის წვერებზე აინია და ჩემს აცახცახებულ ლოყას ტუჩებით შეეხო. ჩვენი ურთიერთობა დიდხანს არ გაგრძელებულა. მისი ოჯახი სხვა ქალაქში გადავიდა საცხოვრებლად.

კიდევ გავაგრძელებ ალბათ....

ჩიტო ჩიტო ნაცარა

— დილით ადრიანად ავდექი. ჯერ ბავშვი უნდა წამეყვანა საბავშვო ბაღში, მერე კი სამსახურში კისრისტეხით უნდა გავქცეულიყავი. ჯერ ძინავს პატარა „დედოფალს“, არც დედამისი აპირებს დილის ძილზე უარის თქმას. ჩაიდანნი გაზქურაზე შემოვდგი და მოთმინებით დაველოდე მასში ჩაჩქაფუნებული წყლის ადულებას. მერე იცი რა „დუსტვინა“ ამ ჩაიდანმა? მთელი ოჯახი „სმენაზე“ დააყენა. ჩემი „კნინას“ ნამძინარევი სახე შემომეფეთა და „დილა მშვიდობისას“ მაგივრად „რას დაგვანიოკეო“ მისაყვედურა. მერე მოწყალებაც მოილო, „ბავშვს ბაღში მე წავიყვან და შენ შენს საქმეზე წადი არ დაგაგვიანდეს“-ო ასე მითხრა. ხოდა რაღა ბევრი გავაგრძელო ანანო და დედამისი ბალისკენ „პარიზული“ მარშით წავიდნენ. ორივე მოკაზმულები, დახატულ-მიხატულები და ამათგან უფროსი, სუნამოთი იყო აქოთებული. მათთან ერთად მეც ეზოში ჩავედი. ჩემი მანქანის ძრავას „ვახურებდი“ და თან ჩემი „დედოფლების“ თავმომწონე და ამაყი მსვლელობით ვტკებობდი. იცი რა ლამაზები იყვნენ? მხოლოდ პეკინის ქუჩა უნდა გადაეჭრათ დედა-შვილს და ბალიც იქვე იყო, ყურის ძირში... გულმა რაღაც „რეჩხი მიყო“. მანქანა „ჩავაქრე“ და მეც უკან გავყევი ჩემს ქალბატონებს. ეზოდან გასული არც კი ვიყავი, საშინელი მუხრუჭის ხმამ და ბავშვის განწირულმა კივილმა გახია ზეცა. გიჟივით გავქანდი პროსპექტისკენ... ხალხი შეკრებილიყო, პატრულის თანამშრომლები ხალხს ამოშმინებდნენ და... იქვე მოვლენის ეპიტცენტრში ტაქსი შევნიშნე... ჩემი ანანო მანქანის საბურავთან ჩაცუცქულიყო და ღიმილიანი თვალებით შეჰყურებდა ხალხს... „პეკინზე“ არნახული საცობი შეიქმნა...

- ბავშვი გაიტანა...
- არა გაჩერებაზე ავარდა და ხალხს დაეჯახა...
- ნეტა რამდენი მანქანა დაიმტვრა?...
- გიჟებივით დადიან, ეგ მანქანა თავზე უნდა დააღუნო მაგათ...
- თვალეები მიხატული აქვთ ამ შობელძაღვლებს...
- ვაიმე მოკვდა ვინმე?...
- არა არ მომკვდარა...
- ვაიმე რატოო?..
- ქალო ტვინი გააქვს თავში?
- უზრდელი, ფუი...

მეტი აღარ მისმენია ხალხისთვის, ბავშვთან მივარდი...

— ანანო მამიკო... რაიმე ხომ რ იტყინე? მითხარი მამა, გადავი-
რიე კაცი...

ბავშვმა ღიმილით შემომხედა და თავისი „ჭიკჭიკა“ ხმით მითხრა:

- მამიკო შეხედე ჩიტი, პატარა ჩიტუნია, კინალამ იმ ძიამ მოკლა..
- ვინ ძიამ მამიკო?

და ბავშვმა ტაქსის მძღოლისკენ გაიშვირა თითი. მძღოლს შეეხედ-
დე ადამიანის ფერი არ ედო. პოლიციელები გვერდში ედგნენ ცოც-
ხალ-მკვდარ კაცს...

- ბატონო, ცუდად ხომ არ ხართ?

მიმართა პოლიციელმა მძღოლს.

- გული...

ძლივს ამოღერლა მამაკაცმა.

— დაბრძანდით მანქანაში, ყველაფერი კარგადაა, არ ინერვიუ-
ლოთ... ბატონო... ეხლავე სასწრაფო მოვა...

ანერვიულდა პოლიციელი.

- ვინ არის ამ ბავშვის მამა ან დედა?

იკითხა მეორე პოლიციელმა.

- მე ვარ ბატონო.

ხმის კანკალით მიუგე მე.

— ბავშვმა პირდაპირ, ამ გაგანია მოძრაობაში მოინდომა სავალ
ნაწილზე გადმოსვლა... კინალამ მანქანამ გაიტანა, შენ თვალეები არ
გქონდა? დალუპეთ კინალამ კაცი.

ვხედავდი პოლიციელი წონასწორობას კარგავდა.

— ბოდიშით ბატონო, ბავშვი ბალში დედას მიჰყავდა და...და...ხელი გააშვებინა.

ძლივს ამოვლერღე მე.

„სასწრაფოს“ მანქანა წივილ-კივილით მოარღვევდა ქუჩას...

— სად არის დაზარალებული?

იკითხა ოფლში გახვითქულმა ექიმმა.

— აი, ის, ტაქსის მძღოლი, გული აქვს ცუდად.

უპასუხა პოლიციელმა.

ექიმები მძღოლს მიცვივდნენ...

ვხედავდი როგორ უყვებოდა ჩემი „ნაცნობი“ პოლიციელი ექიმს მომხდარის შესახებ... ანანოს შევხედე. ხელში ის პატარა ბელურა ეჭირა და ეფერებოდა... გავბრაზდი...

— ანანო, ეხლავე მიდი იმ ძიასთან და ბოდიში მოუხადე.

ვუთხარი ბავშვს და ტაქსის მძღოლზე მიუთითე.

ანანო მამაკაცს მიუახლოვდა...

— ბაბუააა, მე ცუდი გოგო არა ვარ, არ გამიბრაზდე ხოოო, აი ჩიტი, მე ის გადავარჩინე..

— კი ბიძია, მაგი კი გადაარჩინე, მარა კინალამ მე მომკალი.

უპასუხა მძღოლმა და ნაძალადევი ღიმილით გაუღიმა ბავშვს.

— შეხედე, რა ლამაზია... ნუ გამიბრაზდები ბაბუა გთხოვ, თორემ მამაჩემი გამტყუპავს.

ერთი ამოიკვნესა ანანომ და თვალებიდან ცრემლები ღაპაღუპით წამოუვიდა, მერე მძღოლთან მივიდა და გულში ჩაეკრა...

— კაი ბაბუა, დანყნარდი, ნუ გეშინია არ გაგიბრაზდება მამაშენი, ნუ ტირიხარ, ჩემი კარგი გოგო.

მოეფერა ტაქსის მძღოლი ბავშვს.

გაუთავებელი და გაბმული საყვირების ხმა ასკვებოდა „პეკინის“ ქუჩას. მსგავსი საცობი ჯერ არ „დასიზმრებია“ თბილისს.

ანანო ჩემთან მოვიდა, თავი ჩამოეკიდა და ზღუქუნით ტიროდა პატარა.

— მამიკოოო, დედიკოს უთხარი რააა, არ მომწინწნოს თმებიიიი, არც ჩიტი წამართვას...

ამის შემხედვარე მე ვის გავუბრაზდებოდი? დედამისს! რა საკვირველია.

ის დღე როგორც იქნა ნორმალურად „ჩავატარეთ“. საღამოს 9 საათი იქნებოდა კარზე ზარის ხმა გაისმა, კარები გავაღე და ჩემი „ნაცნობი“ პატრული შემრჩა ხელში.

— მობრძანდით.

შემოვიპატიჟე სახლში

— არა ბატონო, მადლობთ... აი ეს გალია... მიეცით თქვენ ასულს, ახლა ის ჩიტი რომ გაუფრინდეს საავიაციო კატასტროფის მიზეზი არ შეიქმნას...

მითხრა პოლიციელმა და უხერხულად გამიღიმა. გამეღიმა მეც. გალია გამოვართვი, ანანომ კი დიდი მადლობა მოუხადა ძიას. ერთი ბოთლი კონიაკი ვაჩუქე ამ საოცარ კაცს და ანანომ კი ვერ წარმოიდგენთ, ოთახში გაცუნცულდა და თოჯინა მიურბენინა დარცხვენელ სამართალდამცავს. „შენს შვილს წაუღე ბიძია, უთხარი ანანომ გამოგიგზავნა-თქო“, თანაც ლოყაზე აკოცა პოლიციელს...

იმ დღით კი... საპატრულო პოლიციის ოპერატიულ სამმართველოში ქუჩაში დამონტაჟებული კამერებით აკვირდებოდნენ სიტუაციას. ცვლის უფროსი ბატონი დიმიტრი საოპერატორო დარბაზში გამოვიდა პეკინის ქუჩაზე მომხდარი შემთხვევის შესახებ ინფორმაციის მისაღებად დააა.... ოპერატორთან მივიდა. ოპერატორი ახალგაზრდა გოგო იყო...

— ჩიტო, ჩიტო, ნაცარა, ვის უგალობ, ვისა, შენ გიგალობ პატარა, დილა მშვიდობისა...

ღიღინებდა ოპერატორი გოგო და თან მონიტორის ეკრანზე თითოეული ეფერებოდა ჩიტუნისა და მის გადამრჩენელ პატარა ასულს...

ბატონმა დიმიტრიმ ქუდი მოიხადა, ზეცას ახედა, პირჯვარი გადაიწერა და მთელი თავისი პათეთიზმით ამოიგმინა:

— ღმერთო ნუ გადამრევ ამ ქალების და ჩიტების გადამკიდეს, გემუდარები...

ქმა

ღამის სამ საათზე ტელეფონის ზარი იკლებდა მამალაძეების ოჯახს. გოჩა და მისი ექვსი წლის გურამიკო ელდანაკრავებივით წამოხტნენ ლოგინიდან. გოჩამ ყურმილი აიღო.

— გისმენთ.

ბრაზნარევი ხმით ჩასძახა ყურმილში ოჯახის მამამ.

— ბატონო გოჩა სამშობიაროდან განუხებთ, სასწრაფოდ მობრძანდით გთხოვთ.

უპასუხა ქალის ხმამ.

— თქვენ ვინ ბრძანდებით ქალბატონო?

— პალატის ექიმი ქეთევან შანიძე განუხებთ, თქვენი აქ ყოფნა აუცილებელია.

— მოვდივარ...

გოჩამ ყურმილი დაახეთქა. ერთ ხანს იყუჩა და პატარა გურამიკოს მიმართა:

— შვილო სასწრაფოდ ჩაიცივი, დედიკოსთან მივდივართ.

— ჩემს დაიკოს დაემართა რაიმე? რა მოხდა?

— არ ვიცი, დროზე ჩაიცივი.

პირველ ფიფქებს დაეპენტათ თბილისი, ჯერაც შეუბღალავი თეთრი „ქათიბი“ დაეფინა ზამთარს ქალაქის ქუჩებში. დიდრონი ხეები ჭარმაგი მოხუცებოვით, თმათოვლით მოსილინი, კეთილი გოლიათებივით ჩამწკრივებულიყვნენ ქუჩების გასწვრივ და მდუმარედ ესალმებოდნენ პირველ თოვლის. ქუჩაში გავიდნენ მამა და შვილი. სიცივეს შეენუხებინა პატარა. მამის ხელს ძალუმად ჩაბლაუჭებოდა პატარა კაცი, ფეხი რომ არ დასცდენოდა გზაზე. სამშობიაროს კარს მიადგნენ. დარაჯს სთხოვეს, ქალბატონ ქეთევანისთვის მათი მოსვლის შესახებ ეცნობებინა. დარაჯმა საავადმყოფოს კარები გააღო და სტუმრები დარბაზში შემოუშვა. მოხდენილი ნაბიჯით მოემართებოდა ექიმი სტუმრებთან შესახვედრად. აღელვებული სჩანდა დასტაქარი. გოჩას ხელი ჩამოართვა და მამა-შვილი კაბინეტში მიიწვია.

— ბატონო გოჩა...

მძიმე ხმით ამეტყველდა ექიმი.

— ბავშვს სასწრაფო გადასხმა უნდა გავუკეთოთ, მე მესმის რომ რასაც ეხლა გეტყვით თქვენთვის მძიმე მოსასმენია, მაგრამ სიმართლე უნდა იცოდეთ. ბავშვს რეზუს უარყოფითი, პირველი ჯგუფის სისხლი აქვს. დედის და თქვენი სისხლი ბავშვისთვის არ არის თავსებადი. სისხლის ბანკს დავეუკავშირდით და არც მათ აქვთ ეს ჯგუფი... თუ გადასხმა დროზე ვერ გავაკეთებთ ბავშვს დავკარგავთ...

გოჩა გაფითრდა, გრძნობდა როგორ უკანკალებდა სხეული.

— რას მთავაზობთ ექიმო?

ზარდაცემული ხმით ამეტყველდა მამა.

— იქნებ თქვენს ნათესავებს, ან ნაცნობ მეგობრებს აქვთ ეს ჯგუფი. ექიმსაც დაეტყო შფოთვა.

— დედაჩემის სისხლია... დედა გარდამეცვალა შარშან...

სიტყვებს ვერ უყრიდა თავს გოჩა.

— ეხლავე სახლში დავბრუნდები და ტელეფონით დავუკავშირდები ყველას... ვაიმე, მამიკო გენაცვალოს ჩემო გოგო...

გურამიკო მიხვდა რომ რაღაც ძალიან ცუდი ხდებოდა, ოღონდ მისი და, რატომ უნდა დაკარგულიყო ვერ გაეგო პატარას. მამას დააკვირდა ბავშვი, მამიკო ტიროდა. ექიმი დეიდაც ნერვიულობდა და მოაგონდა...

— მამაააა, ბებია მეუბნებოდა „ჩემი სისხლი და ხორცი ხარო“ და „ერთი სისხლი გვაქვსო ორივეს“...

— მე უფლება არ მაქვს ექვსი წლის ბავშვს სისხლი ავუღო...

შეშფოთდა ექიმი.

— დეიდა მე ჩემს დაიკოს უნდა მივცე... მერე ის ხომ კარგად იქნება?

იკითხა გურამიკომ

— კი, მაგრამ უფლება არ მაქვს ბატონო გოჩა...

— ამომიღეთ.

ბრძანა ბავშვმა.

— ის ჩემი დაა და არ მენენება...

ექთანმა გურამიკოს სისხლის თავსებადობა დაადასტურა. ლაბარატორიაში შეიყვანეს ბავშვი, მამიკოც თან ახლდა. იქვე მოშორებით მიუჩინეს ადგილი გოჩას... ექთანი პროცედურისთვის მოემზადა...

— დეიდა სიკვდილი მტკივნეულია?

მიმართა ექთანს გურამიკომ.

— რააა?

გაოგნდა ექთანი.

— ეს რატომ მკითხე პატარა?

— სისხლს რომ ამომიღებთ მე ხომ მოკვდები?!
ოდნავ მოწყენილი მაგრამ მტკიცე ხმით უპასუხა ბავშვმა.

— ჩქარა დეიდა, ამომიღეთ... და.. და ჩემი დაიკო გადაარჩინეთ...
ექთანს ნემსი ხელში შაცვიდა. ბავშვმა ჯერ ნემსს დახედა, შემდეგ
მამას მიაპყრო მზერა, გაუცინა და თავი გვერდზე მიაბრუნა.

— მე ამას ვერ ვიზამ.

ანერვიულებული ხმით წარმოთქვა ექთანმა.

— თქვენ თვითონ... ქალბატონო ქეთევან... ეს ბავშვი გამაგი-
ყებს... ის... მას ჰგონია რომ მოკვდება და მზად არის ამისთვის...

— დაწყნარდით, დაწყნარდით.

მიმართა ექიმმა ატირებულ ექთანს.

— წაბრძანდით და დაისვენეთ, ეტყობა გადაიღალეთ...

პროცედურა მორჩა. ორმოცდაათი გრამი სიცოცხლის ელექსირი
გადასასხმელად მზად იყო. სპირტიანი ბამბა დაადეს გურამიკოს ნა-
ნემსარზე...

დილა გათენდა, მშვიდი ძილით ეძინა პატარა დონორს მამის მკერ-
დზე. გოჩა ფრთხილად ეფერებოდა მიძინარე ბავშვს „მადლობთ შვი-
ლო, უკვე კაცი გამზრდილხარ და მე კი ეხლა მივხვდი ჩემო ვაჟუკაცო.

შუადღე მონეული იყო გურამიკომ რომ თვალეები გააჭყიტა. მიმო-
იხედა და იქვე სარკმელთან მდგარ მამას მიმართა:

— მააა, ბავშვი როგორ არის?

— გაიღვიძე მამიკო? ექიმმა მითხრა რომ ყველაფერი კარგად იქ-
ნებაო...

ოთახში ქალბატონი ქეთევანი შემობრძანდა, ხელში თეთრი ხა-
ლათი ეჭირა.

— ბატონო გოჩა, მე ყველა წესი დავარღვიე როგორც ექიმმა და
ამ პატარა ცოდვასაც მომიტევებენ მგონი... თქვენი მეუღლე გიხ-
მობთ, თქვენ და გურამიკოს...

პალატის კარები შეაღეს მამა-შვილმა. გურამიკო მორცხვად მიე-
ტუზა კედელს. იქ უცხო „დეიდებს“ შეავლო თვალი...

— გურამიკო, მოდი შვილო.

მიმართა დედამ ვაჟს.

— გაიცანი შენი დაიკო...

გურამიკო ახალშობილს დააცქერდა...

— დედა, ის ძალიან პატარაა... ნეტა ცოტა დიდი იყოს... ვეთამა-
შებოდი.

- გაიზრდება და მერე ეთამაშე დედიკო...
- რა ჰქვია მაგას დედა?
- სახელი შენ დაარქვი...
- ქეთი... ქეთი დაავარქვათ
- რატომ ქეთი? მოგწონს ეს სახელი?
- ხო, ჩემს კლასელ ქეთის ჰქვია...

პალატაში მორიდებული სიცილი გაისმა, უცხო „დედეები“ უღიმოდნენ ვაჟს.

- გიყვარს შვილო? — ღიმილით მიმართა მამამ შვილს.
- ხოოო...

დაიმორცხვა ბიჭმა და მამის ხალათში ჩარგო სახე მისი სინითლე რომ არ დაენახათ სხვებს...

პატარა ქეთი ხარბად ნოვდა დედის მკერდიდან რძეს.

ნრილი დედას

ვიცი ნაწყენები დარჩით, „ორი კვირით ჩამოხვედი და ისევ გაიქეცი 20 წლის უნახავი შვილი“ — მითხარით. ალბათ ცუდად მოვიქეცი, მაგრამ ნუ შეეცდები ჩემი საქციელის ახსნას. არც თანადგომას გთხოვ და არც სიბრალულს. ამ წერილით მინდა აგიხსნა ჩემი საქციელი.

მე მანდ უცხო ვარ.

როცა წავედი ოცი წლის ყმანვილკაცი ვიყავი, ყველაფერს იმედით და ოპტიმიზმით ვუყურებდი. მეგონა სანადელს მივალწევი ჩემი ნიჭისა და ენერჯის წყალობით. მე სამ ენაზე თავისუფლად ვსაუბრობდი, ვთარგმნიდი, ვწერდი და... ამ ცოდნით საზოგადოებრივი ტუალეტის დამლაგებლად „დამაწინაურეს“. თქვენი სახელოვანი შვილი ხუთი წელი ამ „თანამდებობაზე“ წარმატებით შრომობდა. ჰო, ესეც არის რომ სხვა სამსახურიც ვიშოვე და ფულს ვშოულობდი, ვაგროვებდი და ოჯახში ვგზავნიდი. მერე აქაური სკოლაც დავამთავრე, სახვადასხვა კურსები გავიარე და ჩემი ემიგრანტობის მეშვიდე წელს სარკეში რომ ჩავიხედე პირველად აღვიქვი საკუთარი თავი ადამიანად. ის წლები კი გაფრინდა. იცი რა მახსოვს? ის, რომ მხოლოდ მოგონებებით ვცხოვრობდი, რადგან რეალობა ჩემთვის ჯოჯოხეთი იყო.

როცა ჩემს ძმებთან ერთად სუფრასთან დავსხედით, შენ ზეპირად იცოდი ვის რა კერძი მოსწონდა, იცოდი მათი მანერები და მხოლოდ მე ვიყავი ამოუცნობი ქარაგმა. მორიდებით მილიმოდი დეე... არ იცოდი როგორ მომქცეოდი. ჩემი ძმების სიხარულიც ალბათ ნახევარ საათში ჩაეტია.

მე უცხო ვიყავი თქვენთვის. ჩემს ისტორიას ვერავის მოგიყვებოდით. რითი მეამაყა?

საქართველოში ორმოც წელს გადაცილებული კაცი დავბრუნდი, ოცი წლის ჭაბუკის ისტორიით. ჩემმა მეგობრებმა თითქოს გული გამიხსნეს, მაგრამ მათთვის მე მხოლოდ ახალგაზრდობის მოგონება ვიყავი და ისიც რამდენიმე წუთში ჩაეტია.

იმ სალამოს მივხვდი, რომ უკვე სხვა ვიყავი. ორი კვირის თავზე საქმეები მოვიმიზეზე და დავბრუნდი. აქ, მე ბიზნესმენი მქვია. საინტერესოა რომ სამშობლოშიც და აქაც ემიგრანტად დავრჩი. ჩემი ადგილი მანდ უკვე აღარ არის. აქ თავიდან დავიბადე ადამიანად ისტორიის გარეშე. თავად შევქმენი ჩემი პიროვნება და ვერასოდეს ვიტყვი, რომ წარსულიდან მოვდივარ მეთქი. აქაც მახსენებენ ჩემს „გმირულ ეპოპეას“, იუმორით შეფუთულ გესლს მესვრიან და მეც ასევე ვპასუხობ.

დღეს მე თავად ვარ დამსაქმებელი, მაგრამ ქართული იერის და წარმომავლობის გარდა ყველაფერი დავკარგე. ასეა და გთხოვ მკაცრად ნუ განმსჯი. დეე... გთხოვ, ეს წერილი მამას და ჩემს ძმებს არ აჩვენო... და კიდევ სიყვარული დამრჩა ქართული. ფული გადმოვრიცხე და მამაჩემისთვის მანქანა გამოვგზავნე, მინდა რომ ბედნიერი იყოს... იცი? „შე...“ რომ შემომძახებდა ისიც მომენატრა... ჩემი შვილები ამაცობენ ქართველობით, მაგრამ ქართული არც ერთმა არ იცის. საკვიროაო სკოლაში მინდა მივიყვანო, აქ კარგად ორგანიზებული ქართული დიასპორა გყავს და სკოლაც არის.

მანდ ყველას გადაეცი, რომ ჩვენ, ემიგრანტები, აქ საზღვარგარეთ, ჩვენი ქვეყნის ღირსებას წარმოვადგენთ, ჩვენ დროებამ შეგვექმნა და ნუ უარგვყოფენ, რადგან ჩვენ, ჩვენს სულს, ორივე ხელით ვებლაუჭებით, რომ გაუცხოებამ ესეც არ ამოგვგლიჯოს სხეულდან და არ დავცარიელდეთ. ემიგრანტების ადგილი აღარ არის საქართველოში! ხანდახან მგონია, რომ სამშობლომ ამოგვგლიჯა თავის წიაღიდან.

აქ ეკლესია გვაქვს, სადაც ვიკრიბებით ემიგრანტები. ვერ წარმო-
იდგენ როგორ გვიხარია ერთმანეთის ნახვა, რომელიმე ჩვენთაგანის
უმნიშვნელო წარმატებაც კი ზეიმის საბაბი ხდება, ხანდახან ჩვენვე ვი-
გონებთ ისტორიებს მეგობრებზე, ოჯახზე, რომ თუნდაც ამ უვნო ტყუ-
ლით საკუთარი მიწაზე ჩვენი ფესვების ილუზია მაინც შევინარჩუნოთ.

დედა, არ იტირო, გთხოვ. მე ხომ შენი ცელქი ბიჭი ვარ დეე...
ნახვამდის...

შენი შვილი

წერილი ყოფილ შეყვარებულს

გამარჯობა, ალბათ გაგიკვირდება, წერილსა რათა მწერსო, მაგრამ
რომ არ დამენერა არ შემეძლო. მერვე კლასში რომ ვიყავით შენი გუ-
ლისთვის მუსიკაზეც კი დავდიოდი, რომ შენი კიდევ ერთხელ ხილვის
საშუალება მქონოდა. ვფიქრობდი „იქნება მუსიკით მაინც გავაგებო-
ნო მეთქი ჩემი გულისტქმა“. სოლფეჯიოზეც შენი გულისთვის დავდი-
ოდი. ის 45 წუთი იმდენად ძვირფასი იყო ჩემთვის და არად ვაგდებდი
ძმა-ბიჭების ქილიკს. სკოლაშიც ვერავინ გიბედავდა ზედმეტ სიტყვას,
ყველამ იცოდა რომ მიყვარდი... მერე?... სკოლა რომ დავამთავრეთ
მხოლოდ „მეზობელი“ და მხოლოდ „კლასელი“ დავრჩი შენთვის. თბი-
ლისში ნახვედი და სტუდენტობა მოირგე მზითვივით. მე კიდევ, მა-
მაჩემის დალოცვილ ვენახში ვმუშაობდი და ჭაპანწყვეტით ვქმნიდი
ოჯახის სარჩოს. მეც გავხდი სტუდენტი, თელავში უნივერსიტეტი და-
ვამთავრე და... სულ მენატრებოდი. ჩემი ძროხების გაყიდვაც ვიფიქ-
რე, „ფული მექნება და ქალაქში მოვინახულებ მეთქი“... იმ ზაფხულს
კიდევ, რომ ჩამოხველ, იგეთი მოკლე კაბა გეცვა რომ სულ თვალებში
შემოგციცინებდი, ვიფიქრე, „დაბლა რომ დავიხედო უტიფრობაში არ
ჩამომართვას მეთქი“. მაშინაც უარმყავი. სუფრაზე მარჯვენა დამილო-
ცე გლეხკაცს. გლეხობას მე არა ვთაკილობ... მერე... და მერე... გავი-
გე რომ უცხოეთში წასულხარ სამუშაოდ. „ქმარ-შვილს იქიდან ინახასო
“ მითხრეს, კი მაგრამ რის ფასად?... ხვალე დედაშენის ორმოცია, მამა-
შენმა მთხოვა, „ფული მასესხე და ჩემი გოგო რომ გამომიგზავნის გა-
გისტუმრებო“, მე ვუთხარ „მაიტა მეზობლობის ხათრით ლიზა ძალოს

ორმოცს მე ვიკისრებ მეთქი“, ჯერ იუარა და მერმე დამთანხმდა ოჯახის მარტოკაცი. გოგო, ისე ჩავიდა დედაშენი სამარეში, რომ შენი ხილვის ნატვრა წაიღო მოუსავლეთში. თუმცა იქნება ზედმეტადა ვსჯი? ვინ იცის... დღეს ვენახიც მაქვს, ხეხილის ბალიცა და ბალ-ბოსტანიც, „პარნიკიც“ ავაშენე ჩემს მიწაზე. მერე რა რომ არც პარიზი მიწახავს და არც მადრიდი? გრემის მთავარანგელოზთან რომ ამოვივლი პირ-ჯვარს გადავინერ და მადლობას ვეუბნები ღმერთსა, ვენახში სანამ შევალ ნეკრესს შევხედავ, წყალობასა და უფლის შენევენასა ვთხოვ... ჩემს ცოლს ნატოს შენ იცნობ. სულ რომ დასცინოდით სხვისი გამონაცვალის სამოსის გამო, გახსოვს? დღეს კი ხუთი შვილის დედაა, ჩემი ოჯახის დედაბოძი. ოთხი ვაჟი მყავს და ერთიც ასული. ვაჟებს ქართველობის მძიმე ჯვრის ტარებას ვასწავლი და ასულსა მანდილის სიბრძნეს ნატო უზიარებს. ათი კაცი მოულოდნელად რომ მესტუმროს, დასახმარებლად გვერდზე არ გავიხედავ... კიდევ ბევრი რამის მოყოლა მინდოდა, მაგრამ არ არის საჭირო... იცი რა მენწყინა? გახსოვს ვენახიდან ნაჯაფარი რომ ვბრუნდებოდი გვერდით გამიარეთ შენ და შენმა ქმარმა, სალამი დამამადლეთ და „ფუ რა სუნი ასდისო“, შენს სანაქებო ქმარს გადაულაპარაკე. მენწყინა, ძალიან მენწყინა. მე ქართულ მიწაზე ვარ და ვცხოვრობ ისე, რომ ოჯახის ერთიანობას გულით ვიცავ. შენ? შენს გოგოს რომ მოსწერე, „მეტი აღარ შემიძლია, ჩამოდი და მომეშველეო“, განა ცოტას ვუმშვენიერეთ ჯიში და მოდგმა? რომ დედა, ეძახი საკუთარ შვილს „სხვებისთვის“? ცოდვა-მადლი არა გაქვს?... გული ამიჩქარდა... ვხვდები რომ იმაზე მეტს ვამბობ ვიდრე მეკუთვნის... ამ წერილს შენ არ გამოგიგზავნი, ჩემთვისა ვწერ, მერე ფურცელს გავკეცავ და უჯრაში ჩავდებ. ეს ბოლო წერილია... ნატო მიხმობს, მშვიდობით.

წერილი შვილს

ბედნიერი ვარ შენით, შენ უკვე ჟურნალისტი ხარ, მე კი უძლველ ბომონთან, მიწასთან მებრძოლი გლეხი. შენი ვალია ემსახურო ქრეშმარიტებას, ნუ დაღონდები თუ სიმართლის გზაზე მდგომს უმეცარი არ გალიარებს, უებრო წარსულის არ მქონე, ვერც ღირსეულ მომავალს მოიმკი. ფულის გარდა არის კიდევ სინდისი, მას ვერ შეიძენ.

ნუ აეტორღილალები „ძლიერთა ამა სოფლისათა“ კაცებს, რამეთუ მათი ძლიერება სხვათა სისუსტის ან დაჩაგვრის ხარჯზეა გამზიურებული. ნურც მიეყიდები, რადგან „ნაყიდს“ ყავლი გასდის და სანაგვეზეა შემდეგ მისი ასპარეზი. დაიმახსოვრე ზნეობა უნდა იყოს შენი არსის დედაბოძი და ქეშმარიტება შეუმუსრავი გალავანი, რადგან არ არსებობს იმაზე დიდი საუნჯე კაცთათვის, იყოს სიმართლის მსახური. წარმატება შრომით მოდის და იღბალი კი შემთხვევითობაა...

დამილოცნიხარ შვილო.

შენი მამა

ჯვარი — მამალი

(მოთხრობა)

„ჯვარი-მამალი“, კახეთში ეს ერთგვარი ტრადიციის სახელია, კერძოდ ეს ტრადიცია ხორბლის თესვას და ყანის მომკას უკავშირდებოდა. როცა ხორბლის თესვა ან ყანის აღება მოთავდებოდა კოლმეურნეობა ტრაქტორისტებს და კომბაინერებს (მაშინ უმეტეს წილად კალოობა იყო) სუფრას უშლიდა და აქეიფებდა. აი ამ მოვლენას ერქვა „ჯვარი-მამალი“, რომელიც წელიწადში ორჯერ იმართებოდა.

(ავტორისაგან)

იმ წელსა ხორბლის თესვა უნდა დაწყებულიყო. თავჯდომარემ ფერმის გამგე დაიბარა და უთხრა:

— აბა წელსა „საჯვარი-მამლოდ“ ერთი ხბო უნდა შეარჩიო, ინდე ქვეით ყანაში დავაბათ და თანაც „ბოცმანა“ ყარაული მიხედავს, გაიგე?

— ჰოო, მამ „ბოცმანასთან“ გავგზავნო ხომა?

— ეგრეა...

— კარგი წავედი, დღესვე ჩაუყვან ბოჩოლასა...

— კაცო საკისრიტეხოთ კი არ მითქვამს, როცა მაიცლი ჩაუყვანე...

— ჰოოო, კარგი, წავედი აბა კარგად იყავით...

იმ ჩემი ცოდვით სავსე ფერმის გამგემ, ლამაზი, ბამბის ქულასავით თეთრი ხბო გაუგზავნა „ბოცმანას“. თესვამდე ერთი თვე კიდევ იყო დრო. „ბოცმანა“, ერთი უპატრონოდ მიტოვებული კაცი იყო, ცოლი რამდენიმე წლის წინ გარდაცვლოდა, შვილები კი ქალაქში ცხოვრობდნენ და მამისთვის თითქმის ვერ იცლიდნენ.

ხოდა მოეწონა „ბოცმანას“ ჩვენი ხბო, ფინია ძალღვივით უკან დასდევდა ყარაულს პირუტყვი. დილით ადრე „მუუუუ“-ო, შესძახებდა მეგობარს და ძილს გაუფრთხობდა, მერე თამაში მოუწებოდა და დახტოდა მინდორში. ტრაქტორისტებსაც ეთამაშებოდა ხბო, ისინიცაც კაცო, სახლიდან შაქრის ნატეხებით სავსე ჯიბეებით მოდიოდნენ ბოჩოლასთან. საერთო გადანყვეტილებით ხბოსთვის სახელი უნდა შეერჩიათ, ხოდა „საპატარძლო“ დაარქვეს. ხბომ აბა რა იცოდა რას ნიშნავდა მისი სახელი, მაგრამ ყველა რომ ეფერებოდა და შაქარს აჭმევდა ნამდვილად სიამოვნებდა. ერთ დღესაც ტრაქტორისტები დილით ადრე ჩამოვიდნენ მინდორში და საყარაულოს მიაკითხეს, გაცოდნენ, „ბოცმანა“ საპნითა ბანდა „საპატარძლოს“. ისიც მორჩილად იდგა და პატრონს ხელს განა უშლიდა. შემდეგ ყარაულმა კარადიდან ერთი ბოთლი რძე გამოაძვრინა, სანოვარა გაუკეთა და ხბოს ჩაუდო პირში. ისიც პატარა ბაღლივითა თქვლეფდა რძეს და მიამიტი თვალეზით შესცქეროდა პატრონს. ჭამას მორჩა. ეხლა ტრაქტორისტებს გადახედა, „მუუუუუ“... მიესალმა ალბათ. მექანიზატორებმა ეხლალა შეამჩნიეს რომ ხბოს ძალღვივით საყელური ეკეთა...

— ეგ რა გიქნია „ბოცმანა“? ხბოსა საყელური რათ გაუკეთე? — კითხეს ტრაქტორისტებმა.

— გუშინა ჩემი ქოფაკი და „საპატარძლო“ ინდე მინდორში თამაშობდნენ, მემრე გზაზე გავიდნენ ამ თამაშ-თამაშითა და კინალამ „კლუჩამ“ ზილით არ გაიტანა გზაზე, ხოოდა მეცა გაუკეთე „აშენინიკი“, ეხლა ინდე დავაბამ ხოლმე და აღარ შემეშინდება...

დაამთავრა მონოლოგი ყარაულმა. „საპატარძლომ“ თავი მიატრი-ალ მოატრილა და ერთ მექანიზატორს მიაცქერდა, „მუუუ“... და ისევ „მუუუ“... მიაძახა კაცს...

— იე, ვაი ჩემს თავსა მგონი შაქარი უნდა.

გაიღიმა კაცმა.

— მაიტა ეხლა მე ვაჭმევ.

ლიმილით უპასუხა მეორე ტრაქტორისტმა. შაქრით ჩააიტკბარუნა პირი ხბომ, მერე ტრაქტორთან მივიდა და თავით „დაეჭიდა“, მერე დრო იხელთა და მინდორში გაიჭრა სათამაშოდ, ქოფაკიც გამოედევნა და დაიწყეს ლლაბუცი და თამაში.

— ეეე... რა ამბავში არიან კაცოოო...

იცინოდნენ მექანიზატორები...

— ხვალა თესვა უნდა დაიწყოთ არა?

აღუდუნდა „ბოცმანა“

— ხო, მაშ კაცო, საქმე ეგრე მაითხოვს....

— ესე იგი მემრე „საპატარძლო“ უნდა დამიკლათ?

ნაღვლიანი ხმით იკითხა ყარაულმა.

ყველა დადუმდა. შესცქეროდნენ მინდორში ლაღად მოთამაშე ხბოს და ძაღლს.

— კაცოო, მე ამ ხბოს ხორცსა პირს ვერ დავაკარებ.

თქვა მექანიზატორებიდან რომელიღაცამ...

— ვერც მე.

ბრძანა მეორემ.

— ვერც ჩვენა.

კვერი დაუკრეს სხვებმაც.

— „ბოცმანა“, ეგ ხბო ხომ ჩვენთვის მოგცა თავჯდომარემ? ხოდა ჩვენა კიდევა შენ გჩუქნით, „ჯვარი. — მამალს“ კონსერვებით და ინდე „კანტროს ბიჭის“ ნერტში სამწვადეს ვიყიდით და იმით გადავიხდით, შენ არ ინერვიულო.

მიმართეს კაცებმა.

„ბოცმანა“ იღიმებოდა, უხაროდა რომ მისი ხბო ცოცხალი დარჩებოდა და არავინ შეუჭამდა.

ეს ამბავი შილდაში ერთმა ტრაქტორისტმა მომიყვა. მერე თხრობა რომ დაამთავრა მითხრა „საპატარძლოს“ შვილიშვილიაო ჩემი ძროხა“. გამელიმა, მერე მოურიდებლად ვკითხე:

— „საპატარძლოს“ მერე რა მოუვიდა?

საოცარი პასუხი გამცა...

— „ბოცმანას“ სიკვდილის მერე ჭამაზე ხელი აიღო და რამდენიმე დღეში ისიც მოკვდა..

გამიკვირდა. მერე ვთხოვე:

— აბა მისი შვილიშვილი მანახე...

— წამო და გაჩვენებ...

ვნახე, ბებიასავით თეთრი იყო და ბამბის ქულასავით ფითქინა, მაგრამ მამის გენსაც ემძლავრა და ცალი გვერდი შავი ჰქონდა თვალ-ყუყუნა ძროხას.

ფეხბურთის პილეთი

მაშინ მეშვიდე კლასში ვიყავი თბილისის „დინამო“ „ლივერპულს“ რომ უნდა შეხვედროდა თასის მფლობელთა თასის გათამაშებაზე. მაგრი თბილისში ტარდებოდა და „დინამოს“ სტადიონი ფეხბურთის ქომაგებს ალყაში ჰყავდათ მოქცეული. ფეხბურთის ქომაგები ბილეთების გაყიდვის დაწყებას ელოდებოდნენ. დაბადების დღეზე და კიდევ „კეთილი“ ძიების ნაჩუქარი ფული ამოვაცოცე ყულაბიდან. გადავთვალე, სულ თხუთმეტი მანეთილა დამრჩენოდა. ამბობდნენ „სტადიონზე ბილეთების გაყიდავა ხვალ დილიდან დაიწყებაო“. „ხვალე“ კი ქართულში მქონდა საკონტროლო წერა. კი, მაგრამ სკოლა ვის აინტერესებდა? დილით ადრე წამოვხტი და სტადიონისკენ გავიქეცი. იქ ისეთი ამბავი იყო, რომ... ასე მეგონა რომელიღაც ეპიკურ მოვლენების ეპიცენტრში ამოვყავი თავი და სადაც არის დიდი ბატალიების შემსწრეც შევიქმნებოდი. ისე „ბატალიებზე“ უარესი ხდებოდა იქ, ვინ ვისზე გადადიოდა ვერ გაარკვევდით, ერთი ზედახორა იდგა და უკეთეს შემთხვევაში პერანგის საყელო თუ შეგრჩებოდა მთელი, ესეიგი „ცივილური“ წესით აგილია ბილეთი. ორჯერ ვცადე შეძრომა სალაროსთან და მეცამეტე გოჭივით ვილაცის ორმოცდახუთმა ზომა ფეხსაცმელამა დაუნდობლად მისროლა უკან, „ლანირაკო სად ეტენებო?! ასე მომაცხეს. ცრემლები მომადგა, უბილეთოდ დაბრუნება სახლში იგივე იყო რაც სპარტანელისთვის ფარის დაკარგვა ბრძოლაში. ვიომე... მაგრამ რა ვიომე... სადღაც ხუთი საათისთვის გამოვძვერი რიგიდან და ხელში მეჭირა ოთხი ბილეთი „დასავლეთი ტრიბუნა, მეორე იარუსი“. ბილეთები შარვლის ჯიბეში ჩავიდე და „ტურტუკასი“ ამლებივით ამაყად გავემართე სახლისაკენ.

ამ დროს იცით ჩემს სახლში რა ხდებოდა? ჩემმა კლასის დამრიგებელმა დარეკა ჩვენს ოჯახში და დედაჩემს მოახსენა ჩემი ინდივიდუალუ-

რი „შატალოს“ შესახებ, თანაც აბსოლუტური უპასუხისმგებლო და თავს-გასული ბავშვი მიწოდა. ეექვ, რას გაუგებ ამ ხალხს. სახლში დედაჩემი საცემრად მოემზადა, მაგრამ ვერ დამიჭირა, ან რას დამიჭერდა, „დაჟე“ „ППС“ ბრიგადამ ვერ დამიჭირა, რომ ბილეთები წაერთმიათ ჩემთვის.

გაბრაზებული დედა დამემუქრა „მამაშენს მოვუყვები ყველაფერს და მერე ნახე შენი სეირიო“. სრულიად არა სასიამოვნო პერსპექტივა დამეხატა თვალნი.

მამაც მოვიდა. ბუნებრივია დედაჩემმა მაქსიმალურად „მუქ ფერებში“ მოუყვა ჩემი „შატალოს შესახებ...“

— მოდი აქ შე მამაძაღლო, სად ეგდე მთელი დღე?

— მრისხანე სახით შემომიტია მამამ.

დედაჩემი კი სეირის მოლოდინში არც თუ მონყალე თვალებით მიმზერდა...

— მამა...

— ამოვლერლე მე.

— ნახე „ლივერპულის“ და „დინამოს“ თამაშზე ოთხი ბილეთი ვიყიდე..

მამამ ბილეთები გამომართვა, მის ნამდვილობაში დარწმუნდა, მერე თავზე ხელი გადამისვა და მზრუნველი ხმით მითხრა:

— ფული ვინ მოგცა მამიკო?

— ჩემი დაბადების დღეზე ნაჩუქარ ფულს მოვაკელი.

— მოვისანყლე თავი.

დედაჩემი მიხვდა რომ ჩემი დასჯა უკვე უტოპია იყო და მამაჩემს უთხრა:

— მთელი შარვალი მტვერში ჰქონდა ამოგანგლული და თეთრი ქათქათა პერანგი კი თითქმის სულ დახეული.

— ეტყობა ბოლო კოზირი გაათამაშა დედამ და აქაც ფიასკოოო... — ახალს ვუყიდი, ეგ არაფერი, მამიკო მათემატიკაში რა ნიშნები გყავს?

— ფრიადი.

— ამყად მიუგე მამაჩემს. მან კი დედას მიმართა.

— კაი ქალო რა შეუწუხე ბავშვს გული? ხომ ხედავ ფრიადებზე სწავლობს და ერთი საკონტროლო თუ არ დაწერა არ დაიქცევა ამით ქვეყანა...

- დასაჯე მაინც.
 - შეევედრა დედა.
 - კარგი, მასე იყოს, შემდეგ მატჩზე ბილეთები რომ არ მოიტანო ყურებს აგახევ შე „მატალისტო“.
 - დამემუქრა მამა.
 - რა მეშველება ამ ორი გადარეულის გადამკიდე.
- ოფელიასავით აღმოხდა დედას.

იმ დღეს დინამომ 3-0 მოიგო და სრულიად საქართველოსთვის ეს დღე ერთ-ერთი უბედნიერესი იყო. სახლში დაბრუნებულებს სამზარეულოს მაგიდაზე ორი ჭიქა დათაფლული რძე დაგვხვდა და კიდევ წერილი; „თქვენი დანახვაც არ მინდა, არც თქვენი „ნაბალეღშიკარი“ ჩახრინწული ხმის მოსმენა მსიამოვნებს. დალიეთ, თქვენთვის გავამზადე. ისე, ეგ თქვენი ტომპსონი და ჰანსენი, ამ ფეხებს რავა ცელივით იქნევდნენ, დაამტვრიეს ბიჭები, არც თქვენი დანგლიშია დიდი ხვითო. მე ნონასთან ვარ და არ დამირეკოთ, გილოცავთ თქვე გადარეულებო.“

„დედა“

რავა დავურეკავდით?

„შეგონება შვილს“

შვილო მომისმინე, იქნებ გამოგადგეს. შენი აზრი არ ემთხვევა რეალობას? აზრი შეიცვალე.

არა ხარ ბრდნიერი? 1000 გზა სინჯე და არ გამოგადგა? ნუთუ ბედნიერების მაძიებელი ბედნიერი არა ხარ რომ 1001-ე წარმატების გზა რომ შენს ნაკვალევს ელის? შენც ხომ ეს გნამს?

დაეცი? გგონია რომ წარმატებამ ზურგი გაქცია? ფეხზე ადგომის საშუალება რომ გაქვს განა ეს წარმატება არ არის?

სიდიადე გხიბლავს? გახსოვდეს რომ მთვარიდან დედამინა კვერცხისოდენა მოსჩანს.

სინათლეს ნატრულობ? მიდი იქ, სადაც ნათელია.

კარგია რომ ოცნებობ, ოცნება ხომ რეალობის ანეგდოტია.

ცოდნა ცხოვრების საჩუქარია და ამიტომ პატივი ეცი მასწავლებელს. ერთადერთი ვინც ვერ გილაღატებს საკუთარი თავია.

ნუ დაიჯერებ სხვის რჩევას, „არ შეგიძლია“, მერწმუნე ეს მათ „არ შეუძლიათ“, სცადე, იყო წარმატებული, ნიშნავს დაიწყო სვლა წარმატებისაკენ.

მარტოობა კედლებს აგიშნებს გარშემო.

სიხარული თუ მწუხარება? — არაფერია მუდმივი.

შენს ბედნიერებაზე თავადვე ხარ პასუხისმგებელი.

აღმა სვლა, პირველი, სწორად გადადგმული ნაბიჯით იწყება.

სანამ სიტყვას იტყვი არავინ გერჩის, სიტყვას რომ იტყვი მონა ხარ მისი.

ეცადე მინასთან ახლოს იარო.

ხანდახან ლაჩრობისთვისაც გეყოს გამბედაობა.

სათქმელს პირდაპირ ნუ იტყვი, ირიბად წადი უფრო ზუსტია.

შენი წარმატება მოშურნეების რაოდენობით განისაზღვრება.

გამარჯვებული იმდენად აქე, რომ დამარცხებულის სიდიადე გამოჩნდეს.

თუ გადიდკაცდე პირველ რიგში დაკოჟრილ ხელებს მოუალერსე.

სიკეთის ჰქმნაშიც ზომა იცოდე, იმიტომ, რომ მოვალედ ჩატვლიან და შენი სიკეთის ნათელი კვალი ხმლის ნაჭდევს დაემსგავსება წყალზე დარჩენილს.

უმეცართ ფორმა მოსწონთ და არ შინაარსი.

საქმე ფრთხილად აკეთე, კიბე მოსინჯე და უკან ფეხის დასადგმელი დაიტოვე.

„ჰალსტუხს“ ხშირად ნუ გაიკეთებ, რომ წაიქცე სახრჩობელად არ გადაგეგცეს.

თანამდებობა და სახელი მუჟავასავითაა, რკინას ჟანგავს და ჭამს, კეთილშობილურ ლითონს კი ბრწინვალებას ჰმატებს.

საომრად თუ მიდიხარ ბრძოლის ველი და მტრის ხმლის სიგრძე შეინსავლე.

დაპირებისგან ყოველთვის შეიკავე თავი.

აკეთე ის საქმე სადაც ხელოვანი იქნები.

ისეთ საქმეს ნუ მოჰკიდებ ხელს სადაც მინიმალური კაპიტალ-დაბან-
დების შემთხვევაში მაქსიმალური წაგების განსაზღვრას ვერ შესძლებ.

ერისკაცს ცხელი გული და ცივი გონება მართებს.

ხმალს თუ მოიქნევ ფარის ხმარებაც უნდა შეგეძლოს.

ხშირად არც გადაჭრით უარის თქმა ვარგა და არც თანხმობა.

ყველაზე დიდი პატივი დროს ეცი, ის არ დაბრუნდება.

თუ კაცის არსი საფულის სისქის მიხედვით განისაზღვრება, მის-
თვის პოროვნული ღირსება სალანძღავი სიტყვაა.

ბატონის მიერ დამოძღვრილი ვასლის „ბრძნული მეტყველება“ მო-
ნათა წინაშე, ბატონის ბატონობას უთხრის ძირს.

ხშირად „თავისუფლების“ მეხოტბენი მარტოობაში დალევენ ხოლ-
მე სულს.

ვინც უღმერთოს აღმერთებს მისი არსი ვირთხაზე დაბლა დგას.

მართლმადიდებლობა ის ჭეშმარიტებაა კაცთმოდულენი რომ გაურ-
ბიან და ქილიკით ღვარძლს რომ აფრქვევენ გზაზე.

ხშირად იდეოლოგი „ფულით“ აზროვნებს.

პოლიტიკა ფულის მიმოქცევის მიხედვით განისაზღვრება.

ჰუმანური ძალაუფლება ანარქიას შობს.

ავსული, ყველაზე დიდი კარიერისტია.

აიძულო, ხალხი საკუთარი ეროვნულისადმი სიძულვილით განაწყობ
მხოლოდ ჩაგრულის მანტიით შემოსილ ნაძირლებს შეუძლიათ.

საკუთარი ქვეყნის წინაღამდეგ მომართულ ორატორს ჩურჩულით
გაასვენებენ მლიქვნელნი.

დემაგოგია სულწაწყმედილი ადამიანების იარაღია.

სიყვარული აწყმობა და მომავლის იმედი.

ნუ მისტირიხარ წარსულს, რადგან აწყმობი დგეხარ და მომავალი
თენდება.

მლიქვნელის მიზანი საკუთარ ბატონზე გაბატონებაა.

ადამიანის ზნედაცემულობა მაშინ იწყება როცა ემსახურება იდე-
ალს, რომელიც თავად არა სწამს და მაინც მისი მეხოტბე ხდება.

ლეგენდა „გულის მყინვარზე“

სვანეთში არსებობს მყინვარი, რომელსაც ჰქვია „გულის მყინვარი“. არსებობს რამდენიმე ლეგენდა ამ მყინვართან დაკავშირებით და მინდა ერთერთი შემოგთავაზოთ.

ყაბარდო-ბალყარეთის ლეგენდების მიხედვით.

(ეს ლეგენდა ერთგვარი ნაკრებია „გულის მყინვართან“ დაკავშირებული ლეგენდებისა. სხვა თქმულებებსაც შემოგთავაზებთ „გულის მყინვართან“ დაკავშირებით.)

ერთხელ ღმერთან სიკვდილის ანგელოზი მივიდა და მორიდე-ბით უთხრა: „ღმერთო! დედამინაზე ადამიანებს სიკვდილის დრო რომ უწევთ ვერა კვდებიან. სიკვდილ-სიცოცხლის ზღვარზე არიან. არც მკვდრებში წერიან და აღარც ცოცხლებში“.

გაოცდა ღმერთი და მიზეზი ჰკითხა სიკვდილს. სიკვდილმა კი მიუთხრა: „ადამიანებს შენ შთაბერე უკვდავი სული, ისიც ადამიანის გულში იდებს ბინას და სანამ სული არ განეყრება გული ფეთქავს, ამიტომ ადამიანი ვერა კვდება“.

ღმერთი დაფიქრდა. სიცოცხლს ანგელოზი იხმო და უბრძანა: „ნადი დედამინაზე და ააგე სულთა ტაძარი, ვისაც ჟამი მოუწევს გარდაცვალების მის სულს შენ ჩაიბარებ და შემდგომ შენს ტაძარში მიუჩინებ ბინას. ხოლო ვინც უნდა დაიბადოს მის გულში შენ დააბუდე ჩემგან კურთხეულ სულს, რომ გულმა იფეთქოს და ადამიანმა იცოცხლოს“. სიცოცხლის ანგელოზი დაბრუნდა დედამინაზე. ღმერთის მამულში ააშენა სულთა ტაძარი და შეუდგა ღმერთის ნების ასრულებას, მხოლოდ სიკვდილის ანგელოზს არ ჰქონდა უფლება ტაძარში შესვლის, რადგან უკვდავ სულს არასოდეს უწერია სიკვდილი. ღმერთმა ტაძარის გუმბათი თოვლით და ყინულით დაფარა და კარი ლოდებით დაგმანა რომ უცხოთა ხელყოფისაგან დაეცვა იგი. ამბობენ, როცა ღმერთი მინაზე ჩამოდის გულის ტაძარს ესტუმრებაო პირველად და სულს ეკითხება დედამინაზე ადამიანთა ყოფის შესახებ. მხოლოდ ღმერთს თავიდან ამკვიდრებს სიცოცხლე-ბოძებულთა გულში, რომ ქვეყანას კიდევ ერთხელ ემსახუროს ღმერთს და საკუთარ სამშობლოს კი თავდადებით.

ლეკენდა შხარას შხსანეა

(დალესტნური და ინგუშთა მითების მიხედვით)

შხარა ნართთა მეფის შუათანა ასული იყო. ლამაზი გოგო იყო შხარა და მამის ნებიერას ყველა შეჰხაროდა. სულ მთების კალთებზე დასეირნობდა, ყვავილებს უვლიდა, მთის კალთები აბიბინებული იყო ნაირფერი ყვავილებით. ეფერებოდა მეფის ასული მცენარეებს და ცის ნამს შესთხოვდა ზეცას, თან წყლის ლოცვას უკითხავდა მცენარეებს.

(წყლის ლოცვა გავრცელებულია სვანეთში. მითოლოგიურ წყლის დედაში არ აგვერიოს (მეგრ. წყარიშდიდა), რადგან წყლის დედის ღვთაება გავრცელებული იყო სამეგრელოში)

როცა ნართები დაავადდნენ და სიკვდილმა დარია ხელი უძღვეველ ნართებს, მაშინ შხარამ შესთხოვა ღმერთს, რომ სიკვდილის მეორეც მიეცა უფლება მოევლო ყვავილებისთვის და თავადვე მოერწყა მცენარეები. ღმერთმა შეიწყნარა მშვენიერი ასულის თხოვნა და უკვე მთად ქცეულ შხარას, მთის ყვავილების მოვლის უფლება მისცა.

შხელდას ცრემლები

(დალესტნური და ინგუშთა მითების მიხედვით)

დიდი ხნის წინ, ნართების მეფე იალბუზი მართავდა ქვეყანას. ძღვევამოსილი და გიგანტი ნართების ყველას ეშინოდა და ვერავინ ბედავდა იალბუზის სამფლობელოზე თავდასხმას. მაგრამ ერთ დღეს ნართების სამეფოში ავადმყოფობა გავრცელდა. ფეხები ეკვეთებოდათ გოლიათებს, ძირს ეცემოდნენ და ქვავდებოდნენ. იალბუზმა ადგილის დედას სთხოვა დახმარება რომ ღმერთს შეეწყალებინა ნართები და მრისხანება დაეცხრო, წმინდა ღვთაება მიეახლა ღმერთს და ნართების დანაბარები გადასცა. მან კი უპასუხა: „ნართები მთებად იქცევიან და წალკოტს დაფარავენ საკუთარი მკერდით, ვიდრე მე არ ვინდომებ მათ გაცოცხლებას, ხოლო სიავე, რაც მათ თავს დავატყეხე უმარილობაა, ნართების შვილნი გამრავლდებიან

ადამიანებად და წინაპართა საძვლეს დაიცავენ, მარილი იქნება მათი სასჯელ-საზრუნავი წინაპართა დიდგულობის გამო, რომ სხეული არ აუმჩატდეთ და არ დაეცნენ, ესაა ჩემი ნება“. ადგილის დედამ ყველაფერი დაწვრილებით გადასცა იალბუზს. შხელდამ გულისტკივილით მოისმინა ადგილის დედის სიტყვები და თქვა: „მე ავტირდები და ჩემი მლაშე ცრემლი დაე იქცეს მარილის ქვად, რამეთუ ჩვენი შთამომავლები ვიხსნათ წყევლისგან და სიავისგან სამარადჟამოდ“. შხელდამ ტირილი დაიწყო, დადიოდა მთელ არემარეზე და ცრემლს აფრქვევდა ქალი. ცრემლები ქვამარილად გადაიქცნენ, ზოგი ცრემლი ნაკადულში ჩავარდა და ნაკადული მუჟავე წყლად იქცა. როცა ნართები ღმერთის ნებით დიად მთებად გადაიქცნენ უკანასკნელმა ნართმა, მეფე იალბუზმა ნართების შთამომავალ ადამიანებს დაუბარა: „ეს მარილის ქვები შხელდას, ჩემი ასულის ცრემლებია. მარილის ქვა დედა ბოძზე დაჰკიდეთ, რომ სიავე გაშორდეს თქვენს ოჯახს. სანამ სახლს ააშენებთ მარილის ქვა სახლის ქვეშ დადეთ, რომ უბედურება აშორდეს თქვენს სახლს. როცა საჭმელს მოამზადებთ ქვა წყალში დაბანეთ და ნაბანი წყლით მოამზადეთ საჭმელი, რომ ავადობამ ვერ დაგიმარცხოთ შთამომავლობა.“ ეს თქვა იალბუზმა და დიად მთად გადაიქცა.

ქვა მარილი, ეს შხელდას ცრემლებია, რომლითაც მეფის ასულმა საკუთარი ხალხი დაიტირა და შთამომავლებს სიავისგან თავდაცვის საშვალეა მისცა.

ეს ლეგენდა დალესტნურ-ინგუშთა მითოლოგიაში გარკვეულ ბატალიებსაც მოიცავს, მაგრამ მოვლენები სხვადასხვა გვარადაა აღწერილი და შეგნებულად გვერდი ავუარე. „შხელდას ცრემლების“ ქართულ ვერსიას კი ვერსად მივაკვლიე.

ტბა ტამგუჰანი – ხატიფარის საჩუქარი

(ლეგენდა)

რუსეთში, ქალაქ პიატიგორსკის მახლობლად, სტავროპოლის მხარესა და ყაბარდო-ბალყარეთის საზღვარზე მდებარეობს ხატიფარის

ტბა. ეს ადგილი განთქმულია სამკურნალო ტალახით და მინერალურ ნყლით.

ამ ტბასთან დაკავშირებით არსებობს ლეგენდა.

ამ ადგილას ცხოვრობდნენ გოლიათი ადამიანები — ნართები. მათ წინამძღოლს ერქვა იალბუზი. იალბუზი თმაჭალარა პირმშვენიერი და უშიშარი ვაჟკაცი ყოფილა.

მას სამი ასული ჰყავდა შხერა, შხელდა და ხატიფარა.

ერთხელ იალბუზის დაბადების დღეზე ასულებმა ძლევამოსილ მამას საჩუქრები მოუმზადეს. საჩუქარი მამისადმი პატივისცემის და სიყვარულის გამომხატველი უნდა ყოფილიყო, ამიტომ ასულები საგანგებო საჩუქრებით უნდა წარგენილიყვნენ მამის წინაშე.

პირველმა, საჩუქარი უფროსმა ასულმა შხარამ მიართვა. ოქრო და ვერცხლი მიართვა მამას შვილმა, რომელიც მთებში თავად მოიპოვა. მამა კმაყოფილი დარჩა საჩუქრით და შეაქო ასული. შემდეგ შუათანა ასულის შხელდას ჯერი დადგა. მან მამას ძვირფასი ქვები მიუძღვნა და ასე მიაგო პატივი იალბუზს. ბოლოს მამას უმცროსი ასული, ხატიფარი მიეახლა და მიმართა: „მე ყველაზე ძვირფასი საჩუქარი მაქვს“, ბრძანა ასულმა და მამას მარლით სავსე ტომარა მიართვა. განრისხდა იალბუზი, შეურაწყოვად და დაცინვად მიიღო ხატიფარას საჩუქარი და უბრძანა ასულს, დაუყოვნებლივ, სამუდამოდ დაეტოვებინა მამისეული სახლი. ატირებული ხატიფარა სახლიდან გაიქცა. გზად მიმავალს ტომარა ხელიდან გაუვარდა და პატარა ტბაში ჩაუვარდა.

მას შემდეგ რაც ხატიფარამ დატოვა სამშობლო, ნართებში საშინელმა ავადმყოფობამ იმძლავრა. გოლიათები იხოცებოდნენ. ვერც ოქროთი და ვერც ძვირფასი ქვებით ვერ იყიდა იალბუზმა მარლი, რომ ავადმყოფობა დაემერცხებინა. მაშინ მიხვდა მეფე რომ უმცროსმა ასულმა მართლაც ძვირფასი საჩუქარი მიართვა მამას დაბადების დღეზე.

მას მერე ათასწლეულებმა განვლეს და გოლიათი ნართები მთებად გადაიქცნენ. მეფე იალბუზი კი საკუთარი ხალხის ცენტრში ჩადგა და დიად მთად გადაიქცა. მამის გვერდით აღიმართნენ შხელდა და შხარა, ხატიფარამ კი მათგან მოშორებით დაიღო „ბინა“. იმ ტბაში სადაც მარლის ტომარა ჩავარდა, წარმოიშვა მარლიანი ტბა და სამ-

კურნალო ტალახი, რომელიც კურნავდა ხალხს სხვადასხვა დაავადებებისგან.

არის თქმულება, რომ თვით თემურ ლენგი ეწვია ამ ტბას სამკურნალოდ.

პ ო ე ზ ი ა

* * *

საკუთარ თავთან ამაღამაც მარტო დავრჩი,
 ფიქრებს და ვნებებს ამაღამაც თუ გადავურჩი,
 დილის ნთელი ენატრება ჩემში გონებას,
 იქნებ დაგჭირდეთ? ჩემში ვებრძვი განგების ნებას.
 იქნებ დაგჭირდეთ, ნუ ჩავვრეცხავთ, ნუ გვაყრით მიწას,
 ჩვენი თაობა მკვდრად შობილად რატომ შეერაცხეთ?
 „სიბერის დამლით“ დაგვშანთეთ და მასად შეგვრაცხეთ,
 ემიგრანტებად მოგვაფლინეთ მშობლიურ მიწას,
 იზმ-ებს მსხვერპლად ხომ შესწირეთ მთელი თაობა,
 სერ-ებს და ვიჩ-ებს დაუკოცნეთ უკანალები,
 ჭართად გაყიდეთ საკუთარი ერის ღირსება,
 ურცხვად მოჰპარეთ ტატოს მერანს ოქროს ნალები.
 ღრონი მეფობენ, ალბათ დღესაც სატანა მეფობს,
 ღრონი მეფობენ, სატანასაც ელის ბორკილი.

* * *

უპირველესად ვაღმერთებ ქართველს,
 და მერე იმას, ვისი რა გვმათებს,
 ბრძანა მურმანმა, მიმართა ქართველს,
 ჰერეთი, შავშეთი, ლორე საარაკო,
 ლაზეთი, აფხაზეთი, მიწა სათაყვანო,
 სისხლით მორწყული ჭიქეთი, სამაჩაბლო,
 ერუშეთს არ ისმის ქართული სატრფიალო,
 აჭარას გვეცილება გონი საზიანო,
 ქართულ მონასტრებსაც მუმილი შესევია,
 უფლის გზიდან, ვილაცას სურს ჩვენი აცილება,

ქართველი, ქართულის გულის გაცემა,
უცხო თესლი ჩვენს მიწას ქარტიით გვეცილება,
ღმერთო შეაყვარე ქართველსა ქართველი,
ქართულად მღეროდეს მგოსანი ქართველი,
ქართულ ისტორიას სწავლობდეს ქართველი,
ქართველ ქალს შეენოდეს ღებობის მანდილი,
შვილთა ქართველობა მამების წადილი.
უპირველესად ვაღმერთებ ქართველს,
რუქა გაშალე, ვინმესი რაიმე გემართებს?

* * *

სანახევროდ სიყვარულის ზღაპარი,
სანახევრო რაშოვდა და რერო,
სანახევროდ ანთებული ლამპარი,
სანახევროდ როგორ დაგიმღერო?
სანახევროდ ვინ სთქვა თავდადება,
სანახევროდ სამშობლოს დიდება,
სანახევრო კურთხევა და ლოცვა,
სანახევროდ უფლის განდიდება,
სანახევრო ყველაფერი ფარსია,
სანახევრო სიყვარული არ მწამს,
სანახევრო ლუკმაც თურმე თარსია,
სანახევრო ღმერთკაციც კი არ მწამს,
სანახევროდ ნათქვამია სიმართლე,
სანახევრო ტყუილიც ვერ გრთგუნავს,
სანახევროდ შეთითხნილი ოჯახი,
შვილის აღზრდა ისიც სანახევროდ,

გული გქონდეთ, გული გქონდეთ მთლიანი,
 ფუძე ჭერი, დედა ბოძი სვიანი,
 ერის კაცთა ერთობა მადლიანი,
 მიწა წყალი, ჩვენი, ბარაქიანი,
 შვილთა ჩვენთა ქართველობა ღიადი,
 რწმენა ჩვენი მთლიანი და ზვიადი,
 „სანახევროს“ ადგილი რომ არ დარჩეს,
 მთელი ერის მუშტად შეკვრა,
 ერთად ყოფნა,
 ერის დაცვა,
 ქვეყნის დაცვა,
 გამარჯვების ლხინიც ბარაქიანი.

* * *

ნისლით დათარე ...

რაჭის მთებს ალბათ დინჯად მფენი ნისლები ფარავს,
 ნაქელალაზე, შაორიდან ატყორცნილა სამოთხის ბჭენი,
 ხარისთვალაზე, სანალიკეს მზის სხივი ანცობს,
 ქალი აყვანის, ცხრაჯვრის მადლით ჭვარს რომ დაიწერს,
 თლუღის კალთებზე ხავსი ფარავს დღეს ნაკატლევას,
 და ანცი სიო ციფწყალასკენ გაინაგარდებს,
 ღმერთო ჩემო დაითარე რაჭა ნისლებით,
 რომ უცხო ტომელს არ მოეწონოს, აქ არ დასახლდეს,
 იქით უყეში, ბარაკონი, ციხე ხოტევის,
 გლოლა და სევა ხალხისაგან თურმე დაცლილა,
 ბოყვას არ ისმის, არც რაშოვდა, ქვედრულა,
 და შექმერიც თურმე ძე კაცისგან შემოძარცვულა,

ნიკორწმინდაში სანთლის დამნთებს ელის ხატება,
ბარაკონს თურმე ზარის რეკვა ნატვრედ ქცევია,
ღმერთო ჩემო! ეს ედემი ნისლით დაფარე,
და მადლიანი შენი კალთა გადააფარე,
სხვის თვალს აშორე, უცხოს ვინმეს არ მოეწონოს,
პირი იბრუნოს და ამ ედემში არ დაესახლოს.

* * *

სარკმლის მიღმა შევეყურებ სამყაროს,
ხანდახან უხეშს და ხანდახან საამურს,
აბსურდის ბადეში გახვეულ სალაყბოს,
ბრძენკაცთა სიბრძნისგან მოკლებულ სამყაროს.
საოცარია გლოვის ზარებიც, რომ
ეფვნებივით წკრიალებს ახლა,
გმირთა სავანე, უსპეტაკესი, რომ
ბალ-მასკარადის სცენა გამხდარა.
ფარისეველთა სიტყვა ლიტონი,
ქვეყნად სიმართლის მედროშე გახდა,
საოცარია, ქვეყნად სიყვარულს,
მეძავის სიტყვით ვადიდებთ ახლა,
პირჭვარს ვინერთ და გულში კი ვმრუშობთ,
და თვინიერად, დრტვინვის გარეშე,
გულზე დავიჭდეთ ცოდვილის დამლა,
საოცარია ვეძებოთ ღმერთი,
ჩვენ ხომ უარყვეთ სინწმინდე ხატთა?
საოცარია, საოცარია, ღვთის წმინდა სიტყვას პირუკუ ვსახავთ,
გაგიკვირდება? გამიკვირდება? სიცილით კვდება დემონი ალბათ.

* * *

ვდგევარ მუხლმოდრეკით ლოცვად ანთებული,
 უფალო! დამილოცე სამშობლო წამებული,
 აბჯარი მიკურთხე და
 ხმალი დამილოცე
 მეომარი ვარ ბრძოლად ანთებული,
 დიდგორის ველიდან ყიჟინა მოისმის
 ხმლის სიკაშკაშე ქართული ყაიდის,
 გრგვინავს გრემის ზარი,
 ბანს აძლევეს ლაშარი,
 ნეკრესმა აკურთხა ქართული ლაშქარი,
 სიონში მონათლეს საბრძოლო ბაირადი,
 გელათმა გაჭედა ბრძოლისთვის აბჯარი,
 სვეტიცხოველმა მირონით გვაზიარა.
 მტერმა დაგვამჩნია ურიცხვი იარა,
 მხნედ ქართველებო! კვნესით კი არა,
 მტერთა სიმრავლე უკვირდეს ქართველს?
 საიდან სადაო, არ თქმულა ოდეს,
 ერთად ქართველებო! მტერი რომ ძრწოდეს,
 ვილაცას უთქვამს მიწა დაგუარგეთო,
 შაფშეთ-ერუშეთი,
 სამაჩაბლო და ლორე,
 კობნია ჰერეთი,
 ლაზიკა, აფხაზეთი,
 გამკვირვებია, გამკვირვებია,
 რაც ჩვენი ნებით არ დაგვითმია,
 ის დაკარგულად რად ჩაგვითვლია?

ჩვენი მიწა-წყალი უნდა დავიბრუნოთ,
ღმერთო! მოგვეცი ამისი ძალა.

* * *

პოეტი არა ვარ,
როგორ დავიბრალო?
მე არა ვბაძავ სხვას,
გთხოვთ ნუ შემრისხავთ,
გაკვადნიერდი და
ხელი შევახე ქნარს,
მე შენ გეუბნები
უცხოდ მომღერალო,
ბულბული შეჰნატრის შენს ხმას,
ქართულად სიმღერა
მოლაში არაა?
რატომ ვეტმასნებით სხვას?
ქართველი პოეტი ზეცას სიტყვით ქარგავს,
მუსიკა ოცნებით რთავს,
ქართულად სიმღერა მაინც გვეზარება?
ხოო, ფული აღმართსა ხნავს,
ტურებს ვატარებთ და კონცერტს ვაგუგუნებთ,
უცხოურ ჰანგებზე,
უცხოურს ვაღმერთებთ თან,
ქართველ პოეტთა ქნარი კურთხეული,
სიყრუის სიმფონიას ჰგავს,
ქართულად იმღერეთ,

ქართულად იმღერეთ,
 ნუ ეთაცვანებით სხვას,
 ამბობენ, ედემში
 ქართულად გალობენო,
 იცოდე,
 იცოდე,
 და ნუ დაუჩოქებ სხვას.

* * *

გახსოვს ნერგებს რომ მიშლიდი?
 ჩემს სიყვარულს ახლოს არ იკარებდი,
 მუზეუმში და ლაჟვარდებში თუარტყებდი,
 მე საცოდავს ღრუბლიდანაც მაგდებდი,
 ბროლის ქოში, პრინციები და თეთრი რაში,
 თვალწინ გქონდა, მე ყურსაც არ მიგდებდი,
 ხოდა მაშინ გამაბრაზეთ ქალბატონო,
 მომენწყინა თქვენთვის რევერანსები,
 მოგიტაცე !!!

გახსოვს გზაში სიყვარულს მაფიცებდი,
 ახლა უკვე შვილიშვილებს უკან დავდევეთ,
 მათ სიცოცხლეს უფალს შევევედრებით,
 წელს ვერცხლის ქორწილს გადავიხდით,
 მაღლობთ ღმერთო, სიყვარულით ვებრძვებით.

* * *

ნუ ამადლი შენს სამშობლოს შენს თავს
 ნუ იქნები შემომქმედი ავის,

ნუ ოცნებობ „უცხოს“ გულში ჩაკვრას,
ის, რომ შენთვის დაიფინყებს თავისს.
ნუ ამადლი საქართველოს შენს თავს,
თუ კი მადლი დარჩენილა შენში,
თუ კი ცოდნა გიკრეფია ძმაო,
მოახმარე შენი, ერის წადილს.
ნუ ამადლი საკუთარ ხალხს შენს თავს,
ნუ იქნები უმადური კაცი,
საქმე შენი ქვეყანას თუ ძარცვავეს,
საკუთარ ხალხს გულზე ფეხს თუ დაჰკრავს,
ცბიერებით იცოდე რომ ვერვინ,
ვერასოდეს ვერ მიაღწევს წადილს,
ნუ ამადლი შენს სამშობლოს შენს თავს,
ნუ იქნები ხელის ბიჭი ავის,
ვაჟკაცობა თუ კი სისხლში ბორგავეს,
თავს ნუ დახრი შესარცხვენად ერის,
ნუ ამადლი მშობელ მიწას შენს თავს
თუ კი რამით ისახელე თავი,
თუკი ტაში, ანდა „ბისს“ და „ბრაფო“;
მოითხოვენ შემოქმედო თავისს.
ნუ ამადლით მშობელ მიწას თქვენს თავს,
რადგან მოვა წუთი ჟამიერი,
არ დადგება უცხო ჭირისუფლად,
არ იტირებს ცრემლოგამშრალი ერი.
ნუ ამადლით საკუთარ ხალხს თქვენ თავს...

* * *

სიყვარულით თუკი ხელით ენძელებს ჰკრეფ,
 ცივი თოვლი ხელზე თუკი გადნება,
 სხვის სიხარულს გულში თუკი აფერადებ
 სიყვარულით დღე მისთვის რომ თენდება,
 ლექსად ათოვს,
 ლექსად ათოვს,
 ლექსად ათოვს,
 შენს ფურცლებზე რითმა რომ ამღერდება,
 თუკი გიყვარს,
 თუკი ნატრობ,
 თუკი ხარობ,
 ბნელ ღამეშიც ოცნებებით თენდება,
 ლექსით ცხოვრობ,
 ლექსით მღერი,
 ლექსად ამბობ,
 ღვინოც ქვევრში სიყვარულით ღვინდება,
 პირმცინარე ფიალაში ილაღებს და...
 შესვავ ტრფობით?
 ისიც ტუჩზე გადნება,
 პოეზიის მადლმოსილი ქნარი თურმე,
 მგოსნებისთვის სიხარულით ამღერდება,
 კურთხეულონო, ლექსად გითხარ რაც მებადა,
 თქვენი სიტყვით,
 თქვენი ლექსით,
 თქვენი ბობოქარი სულით,

გლოცავთ გულით,
მიხარია თქვენი ლექსის დაბადება.

* * *

მე „ემიგრანტს“,
ნუ მიწოდებ მეგობარო.
ნუ იმეტებ
მწარე სიტყვას ჩემთვის,
„უცხოეთში საცხოვრებლად წასულაო“
თუ კი გითხრეს,
მე ნუ ჩამთვლი ნებიერსა ბედის.
გულით გეტყვი,
სიტყვას ცრემლში ნაზავებს,
სიტყვას გეტყვი,
გულით სამართლიანს,
ნუ გგონია თუ დავტოვე სამშობლო,
დამავინწყდა ჩვენი მიწის მაღლი,
მენატრება მობიბინე მთა-ველი,
მენატრება მიწა, ერთი ადლი,
ნუ შეჰნატრი
მეგობარო ჩემს ყოფას,
შემომხედე,
უფესვებო მუხა ვარ
და სურნელით
გადამჰკნარი თაიგულის ეშხი.
ნუ დამარქმევ
მე „ემიგრანტს“ ძმობილო,

თუ ვერ მნახე წელსაც ჩვენს უბანში,
 იქნებ მოსულს „გაგასწარი“ სახლიდან,
 იქნებ სადმე ამიქციე გვერდი.
 მოვა დრო და ჩვენ ერთმანეთს შევხვდებით,
 „სად ხარ ძმაო? დამეკარგე თვალში“.
 მერე იქვე ბუნებაში „ჩავსხდებით“,
 მონატრებას ჭიქა ღვინით დავცლით...
 ნუ მიწოდებ მე „ემიგრანტს“ ძმობილო,
 თუ ვერ მნახე,
 თუ არ დაგხვდი სახლში,
 „უცხოეთში წავიდაო“, თუ კი თქვეს,
 „უცხო მიწას შეაფედრა თავი“...
 ჭვარცმულ მიწას,
 იცი, ვერ მივატოვებთ,
 ყველა ერთად დავბრუნდებით სახლში ...

* * *

არ დამარცხდები ქართველო
 მტერთან ბრძოლაში წასული,
 სხვისკენ გული ნუ გაგიწევს,
 ნუ დახარბდები საუნჯეს.
 ნუ დამამარცხებ ქართველო,
 ხანჯალს ნუ ჩამცემ ვადამდის,
 ყველანი ბრძოლის ველზე ვართ,
 ყიფინით ვიკლებ ქვეყანას
 ბჭე-ჭოჭოხეთი ზანზარებს.
 ნუ გამიმეტებ ქართველო,

არ ენდო „უცხოთ“ ქარაგმებს,
მის ფიქრს ნუ გაიზიარებ,
ცაში ნუ შეეჭრავეთ კამარებს.
„უცხოს“ ნაბოძებ ბიჭობას,
„უცხოს“ ნაბოძებ საფარძლებს,
„უცხოს“ ნაბოძებ საუნჯეს,
„უცხოს ნაბოძებ მანტიას,
ნუ შეითვისებ,
ნუ ხმადჰყოფ,
ნურც დახარბდები,
ამბორს ჰყოფ,
ჩვეს ერს მივხედოთ,
ჩვენ ენას,
ჩვენს მიწას
ღვთისგან ნაბოძებს,
ჩვენს მამა-პაპის საძვლეს და...
ტაძრებს,
უფლისგან ნაკურთხებს.
არ დაიტყურო რომ „უცხო“,
ლუკმა პურს გამოიმეტებს,
ერთი „ჩიჩია“ ხორცისთვის,
მთელ თვარას გადაიყოლებს.
გვერდი-გვერდ დავდგეთ ქართველო,
ქართული სისხლის ერთობით,
ეს რა ჭირი გვჭირს, უცქირე,
ერთურთის ჭიჭენით ვერთობით,
ერთმანეთს მივცეთ მხარი, მხარს,

„უცხო“ რად გვინდა ბატონი?!
 ვისაც ქართველი არ უყვარს
 იმას პატრონი!!!!

მონად გაყიდული ქართველი ქალის ლოცვა

ღმერთო დამტოვე ქართველად,
 ქალი ვარ, დედის ნაშობი,
 თვისტომისაგან უსჯულოდ
 „საქონლად“ განაყიდები,
 ღმერთო დამტოვე ქართველად,
 რჯულს ნუ შემიცვლის უგვანო,
 „ჯვარცმას“ მეკრძარიდან ნუ ამგლეჯს,
 უსჯულო, ტომით ბოგანო,
 ღმერთო დამტოვე ქართველად,
 თუნდ ყოფა მექცეს წამებად,
 გთხოვ, ნუ გამწირავ, ნუ დამცემ,
 თხოვნა ლოცვებად ვაქციე,
 ამყარე დედობის მადლი,
 სხვა სჯულის თესლს ვერ ვახარებ,
 არ მსურს ვახარო მტრის ჭიში,
 არ მსურს მტრის შვილთა დედობა,
 უფალო! შეგთხოვ, ნუ მაქცევ
 მტრის ჭიშის მაზიარებლად.
 ღმერთო დამტოვე ქართველად,
 თუნდ ყოფა მექცეს წამებად,
 სათლავი თუნდ არ მეღირსოს,
 „წავიდე“ დაუტოვებლად...

* * *

როცა წავალ არ მიტირო კარგო,
ნუ ჩაიცივამ გლოვის კაბას ჩემთვის,
გაიშლება გლოვის სუფრა ვიცი,
აზრი არ აქვს, სული ზეცას ერთვის,
როცა წავალ, ჩემს სიყვარულს ვტოვებ,
მოგონებებს დრო ისედაც წაშლის,
შენ შეილებზე იზრუნე და დარდი,
ვიცი ჩემზე მოგონებებს გაშლის.
იქ რომ წავალ, იქაც ვნახავ საქმეს:
და მოვანწყობ ჩემს ზეციურ სახლ-კარს
ეზოს მოვრთავ ეკბატანის ვარდით,
შევერწყმები ჩემთვის რაღაც ახალს.
აივანზე ჩამოვჯდები მარტო,
ვიარსებებ ისევ თქვენზე დარდით,
შვილიშვილებს მოეფერე ბევრი,
არ მოაკლო შეილებს თბილი მზერა,
დრო რომ მოვა, დრო რომ მოვა მჭევრი
გავიგებ და აქ დაგხვდები ჩემო,
სამოთხეში, იქვე კართან ახლოს,
ანთებული კელაპტარით ხელში.

* * *

იქ, სახლთან დავტოვე
ნაჭრებში გახვეული,
ჩემი პატარა,
შიმშილით გალყული,

ტუჩებს აცმაცუნებს
 ღედის მკერდს დაეძებს,
 მკერდი კი მშრალია,
 მკერდი კი მშრალია,
 კეთილო ბატონო,
 მონყალე ქალბატონო,
 იქნებ თქვენ იშვილოთ?
 მერი ხარ, ნინო ხარ,
 ქეთი თუ ყამარი,
 შვილად შეითვისე,
 პატარა თამარი,
 აჭამე, გაზარდე...
 გოგონას გჩუქნიან,
 შენს ქალად აღზრდე,
 მიეცი საფარი.
 იმ ღამეს ჭურვები
 სახლზე რომ ცვიოდა,
 სიკვდილის ურვები,
 სისხლით რომ ძღებოდა,
 ოჯახი პირსავესე,
 მზესავეთ ბრდღვიალა,
 იმ ღღეს გათერმკრთალდა,
 იმ ღღეს გაღიავდა,
 სიცოცხლე დაემხო,
 სიკვდილი კი, არა.
 მე დავრჩი ეული.
 ჩემს ცაზე მწუხრია.

შენთვის მიჩუქნია,
შენთვის მომიძღვნია,
ბოძებულს უფლისგან
დედობის მანტია,
პირველი ღიმილი,
თვალები ცქრიალა,
პირველი აღუუ,
და კისკისი წკრიალა,
მე ნუ განმიკითხავ,
ნურც სახელს იკითხავ,
სიკვდილის ანგელოზს
მე გზად მოვიკითხავ,
მეც ომში მივდივარ,
ბრძოლისთვის მივდივარ,
გაიგონ სუავებმა,
გაიგონ რად ვღირვარ,
ქმარ-შვილი დაუკარგე,
ოჯახწართმეული,
მე ძუ ავაზა ვარ
საომრად მოვდივარ.

სარჩევი

ლიტერატურის გაკვეთილი	13
ლადოს დღიურიდან	28
ადვოკატის ჩანაწერები	46
24 წელი	58
ბაბუა	84
ბედნიერების ლომბარდი	88
გოგონა	127
და იქნებ დროა	126
დედას გეფიცვები	135
დროის პატარა რაინდი	153
ცხვარიჭამიაში...	154
ერთი ქალის ისტორია	157
ერთი ყლუპი სიხარული	174
ერთხელ სოლოლაკში	175
ზღაპარი ძილის წინ	188
თეთრი ინდაური	191
თითბერის გეჭადი	192
თოვლის პაპა	194
ინტერვიუ 1.	199
ინტერვიუ 2.	202
ინტერვიუ 3.	205
ინტერვიუ 4.	214
იოთამი	219
ირანის ლომი	233
იყო? ვინ?	236
კვაზიმუდო	237

ლეგენდა არამ კაცზე	239
რითმული პროზა.	242
მამიკო	243
მე ემიგრანტი	244
მოქლავრის წერილი	249
მუზის მოლოდინში	250
მურიკელა	255
მწუხარე ღასი	259
მხატვარი	260
პირველარი გადაწერე სამხრეთს...	262
ქამთბასაყარი	266
რაჭაში	273
როცა შუქი ჩაქრა	276
სამთა წიგნთა წმინდა სამება	277
სანახელი	280
სულიერი ასული	285
ჩემი გადაშლილი ფურცელი...	289
უნებლიე რესპოდენტი	291
უსათაურო.	294
ცხელ გულზე ნაფიქრი 1	296
ცხელ გულზე ნაფიქრი 2	298
ცხელ გულზე ნაფიქრი 3	300
ცხელ გულზე ნაფიქრი 4	302
უღვთო მოქლვარი	303
უცნობი — ნაცნობი.	310
ჩემი ცხოვრების პატარა ისტორიები	313
ჩიტო ჩიტო ნაცარა	316
ქმა	319

წრილი დედას	323
წერილი ყოფილ შეყვარებულს	325
წერილი შვილს	326
ჯვარი — მამალი	327
ფეხბურთის ბილეთი	330
„შეგონება შვილს“	332
ლეგენდა „ბულის მყინვარზე“	335
ლეგენდა შესრას შესახებ	336
შხელდას ცრემლები	336
ტბა ტამბუკანი — ხატიფარის საჩუქარი	337

პოეზია

*** საკუთარ თავთან	341
*** უპირველესად ვაღმერთებ ქართველს	341
*** სანახევროდ სიყვარულის ზღაპარი	342
*** ნისლით დანიშნა	343
*** საკვლის მიღმა შევყურებ სამყაროს	344
*** ვდგავარ მუხლოდრეკით ლოცვად ანთებული	345
*** პოეტი არა ვარ	346
*** გახსოვს ნერვებს რომ მიშლიდი?	347
*** ნუ აგადლი შენს სამოგლოს შენს თავს	347
*** სიყვარულით თუ კი ხელით ენძელებს ჰკრეფ	349
*** მე „ემიგრანტს“	350
*** არ დამარცხდები ქართველო	351
*** მონად გაყიდული ქართველი ქალის ლოცვა	353
*** როცა ნავალ არ მიტირო კარგო	354
*** იქ, სახლთან დავტოვე	354

